

唐 李延壽

撰

张



中 華 書

局

北史卷九十一

列傳第八十

恩幸

楊範 抱嶷 仇洛齊 王叡 成軌 王遇 王仲興 段覇 王琚 苻承祖 王溫 寇猛 趙默 趙脩 孟欒 王質 茹皓 平季 孫小 李堅 張宗之 封津 趙邕 秦松 白整 侯剛 劉思逸 劇 鵬 劉騰 徐紇 張 郭 祐 秀 賈粲 宗愛

和 士開 安吐根 穆提婆 高阿那肱 韓鳳 齊諸宦者

恩生趨走,便僻俯仰,當寵擅權。 夫令色巧言,矯情飾貌,邀眄睞之利,射咳唾之私,乃苟進之常道也。 斯乃夏桀、殷紂所以喪兩代,石顯、張讓所以翦 況乃親由褻狎, 二京焉。

魏世 王叡幸於太和之初,鄭儼寵於孝昌之季,宗愛之弑帝害王,劉騰之廢后戮相,此蓋

後,姦佞浸繁,盛業鴻基,以之顚覆,生靈厄夫左袵,非不幸也 梁伯和、陸翾兒之徒,唯左右驅馳,內外褻狎,其朝廷之事,一不與聞,故不入此傳。 任寄,多貞幹之臣,唯郭秀小人,有累明德。天保五年之後,雖罔念作狂,所幸有通州 之費,帑藏以虛,杼柚之資,剝掠將盡。齊運短促,固其宜哉。 叉有 其甚者爾 重。亦有西域醜胡,龜茲雜伎,封王開府,接武比肩。非直獨守幸臣,且復多干朝政。 甚焉。 其間 乃自書契以降,未之有也。 . 盜官賣爵,汙辱宮闈者多矣,亦何可枚舉哉。 斯乃王者所宜深誡。 若乃心利錐刀,居台鼎之任,智昏菽麥,當機衡之 神武、文襄,情存庶政,文武 而齊末 大寧之 刺史 賜予

其事闕而不書, 乃略存姓名, 附之此傳之末。 其帝家 諸奴及胡人樂工 中,今從例附其家傳,其餘並編於此。其宦者之徒,尤是亡齊之一物,醜聲穢跡,千端萬緒, 魏書有恩幸傳及閹官傳,齊書有佞幸傳。 今用比次,以爲恩幸篇云。 一叨竊貴幸者,亦附 舊書鄭嚴在恩幸

卒,贈平遠將軍、凉州刺史、顯美侯,〔1〕諡曰敬。 父橋,字法生,解天文卜筮。 王叡字洛誠,自云太原晉陽人也。六世祖横,張軌參軍。 涼州平,入京。家貧,以術自給,歷位終於侍御中散。天安初 晉亂,子孫因居於武 威姑臧。

除。 驚靡, 叡獨執戟禦之, 猛獸乃退。 故親任轉重。 孝文及文明太后率百僚與諸方客臨獸圈,有猛獸逸,〔三登門閣道,幾至御坐。 中、吏部尚書,賜爵太原公。 中令以下,圖皆當時名士。 領太史。 叡 四年,遷尙書令,進爵中山王,加鎭東大將軍,置王官二十二人,中書侍郞鄭羲爲傳,郞 少傳父業,而姿貌偉麗,景穆之在東宮,見而奇之。 承明元年, (三) 文明太后臨朝, 叡因緣見幸, 超遷給事中。 俄為散騎常侍、侍 於是內參機密,外豫政事,愛寵日隆,朝士懾憚焉。 叉拜叡妻丁氏爲妃。 三年春,詔叡與東陽王丕同入八議,永受復 及沙門法秀謀逆事發,多所牽引。 興安初,擢爲太卜中散,稍遷爲 左右侍衛皆 太和二年,

作哀 并州牧,諡曰宣王 五 專薨,

孝文、

文明太后親臨哀慟。 叉 勝 以萬 數。 詩及誄者百餘 叡 加以 出 又詔褒揚叡,圖其捍猛獸狀於諸殿,令高允爲之讚。 .入帷幄,太后密賜珍玩繒綵,人莫能 及疾病,孝文、太后每親視疾,侍官省問,相望於道。 田 園 、奴婢、牛馬雜畜,並盡良美。 人。 內侍長董醜奴營墳墓。 乃立叡祀於都南二十里大道右,起廟,以時祭薦,幷立 賜溫明秘器,岩昌公王遇監護 將葬於城東,孝文登城樓以望之。 知。 大臣及左右因是以受賚賜,外示不私,所費 率常以夜帷載閹官防致,前後鉅萬,不可 京邑士女,諂稱叡美,造新聲而 及疾篤,上疏陳刑政之宜。 喪事。 贈衞大將軍、太宰、 碑銘,置守祀 京都 文士為

與殺不辜,寧赦有罪,宜梟斬首惡,餘從原赦,不亦善乎」,孝文從之,得殆者千餘人。

列

傳

利,時謂之義孝。 竊謂天子、太后嫁女。 與張祐侍坐。 絃歌之,名曰中山王。 女之將行,先入宮中,其禮略如公主、王女之儀。太后親御太華殿,寢其女於帳 叡所親及兩字家丈夫、婦人列於東西廊。及女子登車,太后送過中路。 叡之葬也,假親姻義舊衰經編冠送喪者千餘人,皆舉聲慟泣,以要榮 詔班樂府,合樂奏之。 初,叡女妻李沖兄子蕤,次女又適趙國李恢子 中, 時人

墓左。父子並葬城東,相去里餘。遷洛後,更徙葬太原晉陽故地 父橋侍中、征西將軍、左光祿大夫、儀同三司、武威王,諡曰定。 追策

叡母賈氏爲妃,立碑於 叡旣貴,乃言家本太原晉陽,遂移屬焉。 故其兄弟封爵,多以幷州郡縣。 薨後,重贈叡

史,諡曰質。 立銘,置於大路,虛相稱美。或云襲所敎也,尚書奏觅其官,詔唯降號二等。卒,贈豫州刺 太后崩後,襲禮遇稍薄,不復關與時事。後出爲幷州刺史。輿駕詣洛,路幸其州,人庶多爲 子襲,字元孫。叡薨,孝文詔襲代領都曹,爲尚書令,領吏部曹。 後襲王爵,例降爲公。

明堂、辟雍、欲徵爲將作大匠,椿聞而固辭。孝昌中,永朱榮以汾州胡逆,表椿慰勞汾胡。汾 於時。或有勸椿仕者,椿笑而不答。雅有巧思,凡所營製,可爲後法。由是正光中元叉將營 襲弟椿,字元壽。正始中,拜太原太守,坐事免。椿僮僕千餘,園宅華廣,聲伎自適,無乏

朱榮居椿之宅,榮封太原王焉。至於齊神武之居晉陽,霸朝所在,人士輻湊。椿禮敬親知, 壯。時人忽云:「此乃太原王宅,豈是王太原宅。」椿往爲本郡,世皆呼爲王太原。 胡與椿比州,服其聲望,所至降下。事寧,授太原太守。以預立莊帝功,封遼陽縣子,尋轉封 性嚴察,下不容奸,所在吏人畏之重足。天平末,更滿還鄉。初,椿於宅構起廳事,極爲高 真定縣。永熙中,除瀛州刺史。 多所拯接。後以老病辭疾,客居趙郡之西鯉魚祠山。卒,贈尚書左僕射、太尉公、冀州刺 時有風雹之變,詔書廣訪讜言,椿乃上疏言政事之宜。 未幾,介

魏 內足於財,不以華飾爲意。撫兄子收, [吾]情同己子。存拯親類, 所在周給。椿名位終始, 赴,膚容虧損,親類歎尚之。。今朱榮妻鄉郡長公主深所禮敬。永安中,詔以爲南和縣君。 有力焉。 椿妻鉅鹿魏悅次女,明達有遠操,多識往行前言。隨夫在華州,兄子建在洛遇息,聞而 卒,贈鉅鹿郡君。椿無子,以兄孫叔明爲後。

史,諡曰文恭。及葬,齊神武親自吊送。

王仲興,趙郡南欒人也。父天德,起自細微,至殿中尚書。

崩 ,仲興頗預侍護。 仲興幼而端謹,以父任,早給事左右,累遷越騎校尉。孝文在馬圈,自不豫、大漸迄於 宣武卽位,轉左中郎將。 及帝親政,與趙脩並見寵任,遷光祿大夫,領

封上黨郡開國公。自拜武衞及受封日,車駕每臨饗其宅。宣武游幸,仲興常侍,不離左右, 震駭,帝遣仲興先馳入金墉安慰。後與領軍于勁參機要,因自廻馬圈侍疾及入金墉功,遂 武 外事得徑以聞,百僚亦聳體而承望焉。兄可久,以仲興故,自散爵爲征虜府長史,帶彭城太 衞將軍 仲興世居趙郡,自以寒微,云舊出京兆霸城,故爲雍州大中正。 雖與脩並,而畏愼自退,不若脩倨傲無禮。 咸陽王禧之出奔也,當時上下微爲

豈不爲國醜辱」仲興是後漸疏。宣武乃下詔奪其封邑。後卒於幷州刺史。 百僚朝集,厲色大言曰:「徐州名藩,先帝所重,朝廷云何簡用上佐,遂至此紛紜,以徹荒外, 興寵勢,輕侮司馬梁郡太守李長壽,乃令僮僕邀毆長壽,遂折其脅。州以表聞,北海王詳因 尚書後以仲興賞報過優,北海王詳嘗以面啓,奏請降減,事久不決。可久在徐州,恃仲

以上谷寇氏,得補燕州大中正,而不能甄別士庶也。卒,贈燕州刺史。 宣武時,又有上谷寇猛,少以姿幹充武賁,稍遷至武衞將軍。出入禁中,無所拘忌。自

宣武 帝幸其宅,諸王公百僚悉從,帝親見其母。脩能劇飲,至於逼勸觴爵,雖北海王詳、廣陽王 踐阼,愛遇日隆。然天性闇塞,不閑書疏。 趙脩字景業,趙郡房子人也。父證,陽武令。脩本給事東宮,爲白衣左右,頗有膂力。 宣武親政,旬月間頻有轉授。每受除設宴,

其家 宅舍,多所幷兼,洞門高堂,房廡周博,崇麗擬於諸王。其四面鄰居,賂入其地者侯天盛兄 容,或與賓客奸掠婦女裸觀,從者噂喈喧譁,詬詈無節,莫不畏而惡之。是年,又爲脩廣增 |嘉等皆亦不免,必致困亂。每適郊廟,|脩常驂陪,出入華林,恒乘馬至禁內。 觸東門折。 乘將百兩,道路供給,皆出於官。時將馬射,宣武留脩過之,帝如射宮,又驂乘。 於京師爲制碑銘石獸石柱,「私」皆發人車牛,傳致本縣。 財貨多賜高肇及脩。 脩恐不逮葬日,驛赴窆期。左右求從及特遣者 數十人。脩道路嬉戲,殆無感 **脩之葬父,百官自王公已下,無不弔祭,酒犢祭奠之具,塡塞門** 財用之費,悉自公家。 咸陽王禧誅, 輅車旒竿 凶吉車

弟,越次出補長史大郡。

卽 還也,舊寵小薄。初,王顯附脩,後因忿鬩,密伺其過,列脩葬父時,路中淫亂不軌。又云與 所不至,懼相連及,乃爭共糾擿。遂有詔按其罪惡,鞭之一百,徙敦煌爲兵。其家宅作徒, 長安人趙僧樹謀匿玉印事。高肇、甄琛等搆成其罪,乃密以聞。始琛及李憑等曲事脩,無 仰停罷,所親在內者,悉令出禁。是日,脩詣領軍于勁第,與之樗蒱。籌未及畢,羽林數 有力者五 脩起自賤伍,暴致富貴,奢傲無禮,物情所疾,因其在外,左右或諷糾其罪。自其葬父 而 至,稱韶呼之。脩驚起,隨出。 人,更迭鞭之,占令必死。 旨決百鞭,其實三百。脩素肥壯,腰腹博碩,堪忍 路中執引脩馬詣領軍府。琛與顯監決其罪,先具

楚毒,了不轉動。 鞭訖,卽召驛馬,促之令發。 出城西門,不自勝舉,縛置鞍中, 急驅馳之,

其母妻追隨,不得與語,行八十里乃死。

承者,悉棄絕之,以示已之疏遠焉。 初,于后之入,脩之力也。 脩死後,領軍于勁猶追感舊意,經恤其家。 自餘朝士昔相宗

茹 皓字禽奇,舊吳人也。父謙之,本名要,隨宋巴陵王休若爲將,至彭城, 遂寓居淮陽

上黨

官,遂超授濮陽太守。其父因皓,訟理舊勳,先除兗州陽平太守,賜以子爵。父子剖符名 邦,郡境相接。 諫乃止。及帝親政,皓眷賚日隆。 宣武踐阼,皓侍直禁中,稍被寵接。宣武嘗拜山陵,路中欲引與同車,黃門侍郎元匡切 皓年十五六, [4] 為縣金曹吏。南徐州刺史沈陵見而善之,自隨入洛,舉充孝文白衣左 皓忻於去內,不以疏外爲戚。及趙脩等敗,竟獲全。雖起微細,爲守乃淸簡 時趙脩亦被幸,妬之,求出皓。皓亦慮見危禍,不樂內

皓 於司徒,請爲肆州大中正,詔特依許。 後 授左中郎將,領直閣,寵待如前。 皓旣宦達,自云本出雁門,雁門人諂附者,乃因 遷驍騎將軍,領華林諸作。皓性微工巧,多所興

立,爲山於天泉池西,採掘北芒及南山佳石,徙竹汝、潁,羅蒔其間。 經構樓觀, 列於上下,

樹草栽木,頗有野致。帝心悅之,以時臨幸。

從母, 營,陰有納受,貨產盈積,起宅宮西,朝貴弗及。 詳勸之云:「欲覓官職,如何不與茹皓婚姻也。」延明乃從焉。 皓頗敏慧,折節下人,潛自經 可門下奏事。 皓 迎納之日,詳親詣之,禮以馬物。 貴 麗日昇,關豫政事,太傅、北海王詳以下,咸祗憚之。。皓娶僕射高肇從妹,於帝爲 未幾,轉光祿 心少卿。 意殊不已,方欲陳馬圈從先帝勞,更希榮舉。 皓又爲弟聘安豐王延明妹, 延明恥非舊流, 不許。 時帝雖親萬務,皓率常居內,留宿不還,傳

冑、常季賢、 **皓妻被髮出堂,哭而** 規陷害,旣知詳與皓等交關 初 ,脩、皓之寵,北海王詳皆附之。 陳掃靜四人擅勢納賄及私亂諸 迎皓。 相 皓徑入哭別 昵, 乃構之, 云皓等將有異謀。 又直閣劉胄本為詳薦,常感恩。 食椒 事。 而 卽 日執皓等, 皆詣南臺,翌日,奏處殺之。 宣武乃召中尉崔亮,令奏皓、 高肇素嫉諸王,常

胄字元孫,後位直閣將軍。[公]

起於 主馬、宣武 初好 騎乘,因 是獲寵。 位司藥丞,仍主廐閑。

居中,愛幸相侔,官叙不異。 掃 靜 徐義恭,並彭城舊營人。 二人皆承皓,皓亦接眷。 掃靜能 爲宣 武 典櫛 梳 而掃靜偏爲 ,義恭善執 親密,與皓常在左右,略 **| 衣服,並以巧便,旦夕**

不歸休。 扶抱,崩于懷中。 皓敗,掃靜亦死於家。 義恭諂附元叉,叉有淫宴,多在其宅。位終左光祿大夫。 義恭小心謹慎,皓等死後,彌見幸信。 宣武不豫,義恭晝夜

邕父怡,以邕寵,召拜太常少卿,尋爲荆州大中正,出爲荆州刺史。怡乃致其母喪,葬於宛 給事左右,至殿中監。」宣武即位及親政,猶居本任。微與趙脩結爲宗援,然亦不甚相附也。 轉給事中,南陽中正。 侍中陪乘,而邕兼奉車都尉,執轡同載。時人竊論,號爲二趙。以趙出南陽,徙屬荆州。 城之南,趙氏舊墟。後拜金紫光祿大夫,卒,贈相州刺史。宣武每出入郊廟,脩恒以常侍兼 其家,頗給按磨奔走之役。[5] 冲令與諸子游處,人有束帶謁冲者,時託之以自通。 太和中, 趙邕字令和,自云南陽人也。潔白美髭眉。 以父爲荆州大中正,罷。宣武崩,邕兼給事黃門。 司空李冲之貴寵也,邕以少年端謹,出入 邕

後 爲幽州刺史,貪與范陽盧氏爲婚,女父早亡,其叔許之,而母不從。 藏 避,規免。 邕乃考掠陽叔,遂至於死。陽氏訴寃,邕坐處死。 會赦,免。孝昌 母北平陽氏,攜

侯剛字乾之,河南洛陽人也。其先代人,本出寒微。少以善於鼎爼,得進膳出入,積官

武崩 不屈,而出牧一藩,未盡其美。宜還引入,以輔聖主。」太后善之。 大中正,進爵爲公。 至嘗食典御。宣武以其質直,賜名剛焉。 剛 與侍中崔光迎明帝於東宮,尋除衞尉卿,封武陽縣侯。 熙平中,侍中游肇出爲相州,剛言於靈太后曰:「昔高氏擅權,游肇抗衡 稍遷左中郎將,領刀劍左右,後領太子中庶子。 俄爲侍中、撫軍將軍、恒州 宣

政,剛長子,叉之妹夫,乃引剛爲侍中、左衞將軍,還領嘗食典御,以爲枝援。[10]復領御史中 史中尉元匡之廢也,剛爲太傅、淸河王懌所舉,除車騎將軍,領御史中尉。及領軍元叉執 於是頗爲失意。 頗竊侮之云:「此近爲我舉食。」然公坐對集,敬遇不虧。 元匡所彈,處剛大辟。 |剛啓軍旅稍興,國用不足,求以已邑俸栗, 賑給征人,比至軍下。 | 剛寵任旣隆,江陽王繼、尚書長孫承業皆以女妻其子。 剛自太和進食,遂爲典御,歷兩都、三帝、二太后,將三十年,至此始解。 尚書令、任城王澄爲之言於靈太后,令削封三百戶,解嘗食典 後剛坐掠殺試射羽林,爲御史中尉 司空、任城王澄以其起由膳宰, 明帝許之。 御 岡山

悉削黜。終於家。 之,示安其意。 孝昌元年,除領軍。初,元叉之解領軍,靈太后以叉腹心尚多,恐難卒制, 尋出爲冀州刺史。 永安中,贈司徒公。剛以上谷先有侯氏,於是始家焉。 剛在道,詔暴其朋黨元叉,逼脅內外,降爲征虜將軍,餘 故權以剛代

除 中 聽免,紇以此得還。 書舍 徐紇 字 人。自己諂附趙脩,脩誅,坐徙枹罕。 武伯,樂安博昌人也。 **外之,復除中書舍人。** 家世寒微。 雖在徒役,志氣不 舵少好學, 頗以文詞 太傅、清河王懌以文翰待之。 撓。 見稱。 故事 ,捉逃役流 宣武 及元叉害懌, 初, 自主 兵五人

出

爲

雁門太守,稱

母

老解郡。

尋飾貌事叉,大得叉意

道俗 令數 任。 意 決,二三終 禮 数服 之。 王遵業、琅邪王誦, 吏執 軌 俄遷給事黃門侍郎, 靈 太后 竉 任 之。 筆,或行或臥,人別占之,造次俱成,不失事理,雖無雅才,咸得 其詭態若此,有識鄙焉。 日不以為 相 反政,以紇曾爲懌所顧待, 亞,時稱徐、鄭焉 然性浮動 勞。 ,慕權利,外似謇正,內實諂諛。 長直禁中,略無休息。 並稱文學,亦不觅爲乾執筆, 仍領舍人, 總攝中書、門下事。 復自母憂中起爲中書舍人。 時復與沙門講論,或分宵 承其指授。 時豪勝己,必相陵駕 軍國詔命,莫不由之。 曲事鄭儼,是以特被信 達曙 濟 用。 而 智 書 時黃門侍 數, 生 درا، 時有急速, 與鄭儼 貧 力 當 無怠, 士,矯 公斷 郎

|榮將 太守,紇往投之,說侃令舉兵。 入洛,旣剋河梁,紇矯詔 無經 國 「大體,好行小數,說 夜 侃從之,遂聚兵反,共彪圍兗州。 開 靈太后以鐵券間尒朱榮左右。榮知,深以爲憾,啓求 殿 中,二言取 驊騮 御馬十餘疋,東走兗州 孝莊初,遣侍中于暉爲行 羊侃 時爲 太山

臺,與齊神武討之。 | 統慮不免, 說佩請乞師於梁, 侃信之, 遂奔梁。 文筆駁論十卷,多有遺

落,時或存於世焉。

懼道盛等案其事,遂構告其罪,詔斬道盛等於都街。時太武震怒,景穆遂以憂薨 給事中侯道盛公司時郎任平城等任事東宮,微爲權勢,太武頗聞之。二人與愛並不睦,愛 班賞羣臣,以愛爲秦郡公。景穆之監國也,每事精察,愛天性險暴,行多非法,景穆每銜之。 宗愛不知其所由來,以罪爲閹人,歷碎職至中常侍。正平元年元正,太武大會於江上,

斬於殿堂。執秦王翰,殺之於永巷,而立宗。宗以愛爲大司馬、大將軍、太師、都督中外諸 徵秦王翰,置之秘室。提以文成有世嫡之重,不可廢所宜立而更求君。延等猶豫未決。愛 軍事,領中祕書,封馮翊王。 **延等以愛素賤,弗之疑,皆隨之入。|愛先使閹竪三十人持仗於宮內,及延等入,以次收縛,** 延、侍中吳興公和疋、侍中太原公薛提等秘不發喪。延、疋二人議,以文成冲幼,欲立長君, 知其謀。始愛負罪於東宮,而與吳王余素協,乃密迎余,自中宮便門入,矯皇后令徵延等。 是後,太武追悼不已,愛懼誅,遂謀逆。二年春,太武暴崩,愛所爲也。尚書左僕射朦

誅愛、周等,皆具五

一刑,夷三族。

愛 必 愛旣 有趙高 立余 、閻樂之禍 位 居元輔,錄三省,兼總戎禁,坐召公卿,權恣日甚,內外憚之。 ,余疑之, 遂謀奪其權。 愛憤怒,使小黃門賈周等夜殺余。 羣情咸以爲 文成立,

用所宜 武,而 初,嵩 頭。 知將至,結從者百餘騎,迎于桑乾河,見 位 見 入平城。 一級用 一殿 中 仇洛齊,中山人也,本姓侯氏。 仕慕容暐爲鳥 知 長 魯元 ,賜爵文安子 侍御史。 外祖嵩已死,唯有三舅,每言於帝。 女有姿色,充冉閔 洛齊獨請行曰 日:「臣舅不幸,生爲閹 嵩有二子,長 丸護軍、長水校尉。 ,稍遷給 :「我養子,無人道不 婦。 事黃門侍 日廣,小日盆。 閔破,入慕容儁,又轉賜<u>盧</u>豚,口吾生子魯元。 人,唯 外祖父仇欵,始出馮翊重泉。 郞 生二子, 而 合與陛下守宫闌耳。」而不言其養子。 下 拜,從者亦同 全,當爲兄弟試 帝爲訪其舅。 |嵩妹子洛齊,生而非男,嵩養爲子,因 長日嵩,小日 已致敬。 時東方罕有仕者, 禍 騰。嵩仕慕容垂,遷居中山, 福 入言于太武。 也。」乃乘驢赴京。 魯元有寵於 廣、盆皆不 太武 帝矜焉,引 「爲 魯元 問其才 仇姓。 候 太

綸縣,自後逃戶占爲紬綾羅穀者非一。 魏 初,禁 網 疏闊,人戶 、隱匿、漏脫者多。 於是雜營戶帥遍於天下,不屬守宰,發賦輕易,人多 東州旣平,綾羅戶人樂葵,因是請採漏 戶,供

又加中書令,進爵零陵公,拜侍中、冀州刺史、內都大官。卒,諡曰康。養子儼,襲爵。 私附,戶口錯亂,不可撿括。洛齊奏議罷之,一屬郡縣。從征平涼,自己以功超遷散騎常侍。 太武時,又有段覇,以謹敏見知。歷中常侍、殿中尚書、定州刺史。

京,以其年老,拜散騎常侍,養老於家。前後賜以車馬、衣物,不可稱計。又降爵爲公。扶 常侍。後歷位冀州刺史,假廣平王,進爵高平王。孝文、文明太后東巡冀州,親幸其家。還 老自平城從遷洛邑。常飲牛乳,色如處子。卒年九十,贈冀州刺史,諡靖公。 心守節,久乃見叙用,稍遷禮部尚書,賜爵廣平公。孝文以踞歷奉前朝,志存公正,授散騎 王琚, 高平人也。自云本太原人, 高祖始, 晉豫州刺史。 琚以泰常中被刑, 入宮禁。小

變色,復以問默。默對曰:「臣以死奉戴皇太子。」獻文默然良久,遂傳位孝文。孝文立,得 傳位京兆王子推,訪諸羣臣,百官唯唯,莫敢先言,唯源賀等辭義正直,不肯奉詔。獻文怒, **爵睢陽侯,累遷選部尚書。能自謹勵,當官任舉,頗得其人。加侍中,進虧河內公。獻文將** 校尉,因居酒泉安爾縣。海生而涼州平,沒入而爲閹人,因改名獸。有容貌,恭謹小心,賜 趙默字文靜,江刊初名海,本涼州隸戶。自云,其先河內溫人也,五世祖術,晉末爲西夷

傅

幸兩宫,祿賜優厚。

默廢寢忘食,規報前怨。 公孫 及斯將獲罪,默因構成以誅之,然後食甘寢安,志於職事 庭曰:「以功授官,因爵與祿,國之常典。 處顯爲荆州,選部監公孫蘧爲幽州,皆曰有能,實有私焉。 今断皆以爲州,臣實爲惑。」於是默與断遂爲深隙。 断竟列默爲監藏。口以因黜爲門士。 時尚書李訢亦有寵於獻文,與默對館選部。 踰年,還入爲侍御、散騎常侍、侍中、尚書左僕射,復兼選部如昔。 中書侍郎、尚書主書郎、諸曹監,勳能俱立,不過列 新奏中書侍郎崔鑒爲東徐州,北部主書郎 默疾其虧亂選體,逐爭於殿

出爲儀同三司、定州刺史,進爵爲王。克己清儉,事濟公私。 後薨於冀州刺史,追贈司

空,諡曰康。

有北寇之虞,賜爵泥陽子,除留臺將軍。 車駕還都,乃請父瓚贈諡,求更改葬。 魏平統萬,遂徙平城。日日內侍東宮,以聰識有智略稱。 孫小字茂翹,咸陽石安人也。父瓚,姚泓安定護軍,為赫連屈丐所殺,小沒入宮刑。會 未幾,轉西臺中散。 太武幸瓜步,慮 韶贈秦州刺

小後拜幷州刺史,進爵中都侯。 州內四郡百餘人,詣闕頌其政化。 後遷冀州刺史, 聲

史、石安縣子,諡曰戴。

稱微 少於前。 然所在清約,當時牧伯,無能及也。 性頗忍酷,所養子息, 驅逐鞭撻,視如仇

|小之爲||幷州,以郭祚爲主簿。 重祚文才,兼任以書記,時人多之。

冀州刺史,贈懷州刺史,諡曰敬。 御中散,賜爵鞏縣侯。歷儀曹、庫部二曹尚書,領中秘書,進爵彭城公,後例降爲侯。 氏宗文邕謀反,脅孟舒等事晉。孟舒敗,走免。宗之被執入京,腐刑。 張宗之字益宗,河南鞏人也。 家世寒微。 父孟舒,晉將劉裕西征,板假洛陽令。 以忠厚謹慎,擢爲侍 初,緱

中,初制六宮服章,瀟被命在內,豫見訪採,數蒙賜賚云。 始宗之納南來殷孝祖妻蕭氏,宋儀同三司思話弟思度女也,多悉婦人儀飾故事。

孝文遷洛,常爲宮官任事。幽后之惑薜菩薩也,鵬密諫止之,不從,遂發憤卒。 劇鵬,高陽人也。 粗覽經史,閑曉吏事。與王質等俱充宦官,性通率,不以閽閹爲恥。

監、中給事。 **張祐宇安福,安定石唐人也。 父成,扶風太守,太武末,坐事誅。** 文明太后臨朝,中官用事,祐寵幸冠諸閹,官特遷、尚書,進爵隴東公,仍綰內 **祐充腐刑,積勞至曹**

列傳第八十 恩幸

者以爲榮。孝文、太后親幸其宅,饗會百官。屆性恭密,出入機禁二十餘年,未嘗有過。由 太后親率文武往宴會焉。拜尙書左僕射,進爵新平王,受職于太華庭,備威儀於宮城南,觀 之,詔鴻臚典護喪事。贈司空,諡曰恭。葬日,車駕親送近郊。 是特被恩寵,歲月賞賜,家累互萬。與王質等十七人,俱賜金券,許以不死。薨,孝文親臨 未幾監都曹,加侍中,與王叡等俱入八議。太后嘉其忠誠,爲造甲第。宅成,孝文、

|祐養子||顯明,後名慶,少歷內職,有姿貌,江陽王||艦以女妻之。 襲爵,降爲隴東公,又降

爲侯

董卓時,懼誅易氏,卽家焉。無得而知也。幼時,隴東人張乾王反,家染其逆。及乾王敗, 十斤,繒綵及絹八百疋,以供喪用。幷別使勞慰。加嶷大長秋卿。嶷老疾,乞外祿,乃出爲 中侍御尚書。太后旣寵之,乃徵其父睹生,拜太中大夫。將還,見於皇信堂,孝文執手曰: 書,賜爵安定公。自總納言,職當機近,諸所奏議,必致抗直。孝文、文明太后嘉之,以爲殿 **父睹生逃免。嶷獨與母沒入內宮,受刑,遂爲宦人。小心愼密,累遷中常侍、中曹侍御尙** ·老人歸途,幾日可達?好愼行路!」其見幸如此。

賭生卒,贈秦州刺史,諡曰靖。賜黃金八 抱嶷字道德,安定石唐人也,居於直谷。自言其先姓祀,漢靈帝時,祀匡爲安定太守。

例。 刺史從駕南征,以老舊,每見勞問,數道稱處之正直。命乘馬出入行禁之間,與司徒馮誕同 <u>涇州刺史,特加右光祿大夫。將之州,孝文餞於西郊樂陽殿,以御白羽扇賜之。</u> 軍 ·廻,還州。 自以故老前官,爲政多守往法,不能遵用新制。 侮慢士族,簡於禮接。 十九年,以

性酷薄,雖弟姪甥壻,略無存潤。

卒於州。

立,言西方直谷出二貴人。 尉 野,醜音被於行路,男女三人,莫知誰子。 尉王顯奏言:「前洛州刺史陰平子石樂、積射將軍抱老壽,恣蕩非軌,易室而奸,臊聲布於朝 得以熙子爲後。 正罪。」詔可之。 先以從弟老壽爲後,又養太師馮熙子次興。嶷死後,二人爭立。嶷妻張氏,致訟經年, 老壽亦仍陳訴,終獲紹爵,次興還於本族。老壽凡薄,酒色肆情。 老壽死後,其舊奴婢尚六七百人。 人理所未聞,鳥獸之不若。 老壽及石榮祖父皆造碑銘,就鄉建 請以見事発官,付廷 御史中

石榮自被劾後,遂廢頓。 子長宣,位南兗州刺史,與侯景反,伏法。

王,後改爲鉗耳氏。 王遇字慶時,本名他惡,馮翊李潤鎭羌也。 宣武時、改爲王焉。 自晉已來,恒爲渠長。 與雷、党、不蒙俱爲羌中强族。 自云其先姓

遇坐事腐刑 ,累遷吏部尚書,爵宕昌公。 出爲華州刺史,加散騎常侍。 幽后之前廢也,

不

替舊敬。

武初 遇 頗 為光 其 過 禄 大夫,復舊爵。 及後進幸,孝文對李沖等申后無咎,而稱遇謗議之罪,遂免遇官,奪其爵。 馮氏爲尼也,[10]公私罕相供恤 ,遇自以嘗更奉接,往來祗 宣

遇深 王與 叉長 殿,修廣文昭太后墓 太 附 於 遇性工巧,强於部分。 妃俱往臨 會,受敕 人事,留意 爲之造宅,增於本旨, 問,視其危惙,爲之泣下。 酒食之間。 園, 及東西 北都方山、靈泉道俗居宇,及文明太后陵廟, 每逢僚舊,觴膳精豐。 兩堂, 笞擊作人, 莫不嗟怨。 內外諸 其善奉諸貴,致相悲悼 門制度,皆遇監作。 然競於榮利,趨求 卒於 如如 官。 雖年 此。 勢門。 初遇 在 贈雍州 香老, 洛京 之疾,太傅北海 趙脩 東郊馬射壇 刺史。 朝 之寵 夕不 倦。 也,

中, 命 削 知都 苻承祖 職禁錮在家,授悖義將軍 事 、略陽氏 初, 太后 人 也。 以承祖 因事爲闍 、佞濁子。 居 腹 心之任,許 人,為文明 月餘遂死 以不 太后所 死之詔。 寵,賜爵略陽公。 後承祖坐贓應死,孝文原之, 歷吏部 尙 書,加侍

秘書中散,賜爵永昌子,領監御。 質 字紹奴,高 陽 易 人 也。 其家 遷爲侍御給 坐事 幼幼 事。 下 蠶 室。 又領選部、監御二曹事,進爵魏昌侯。 頗 解 書學,為 中 曹 吏、內 典監。 稍遷 轉

勤宿 選部 尚書。 舊 ,每行留大故、馮司 出為瀛州 刺史,風化粗行,人庶畏服之,而刑政峻刻,號爲威酷。 |徒亡、廢馮后、陸叡、穆泰等事 ,皆賜質 以璽書手筆,莫不委至,同 孝文頗念其忠

之戚

貴。

質皆寶掌。

入爲大長秋卿,卒。

之榮,同於王質。 **愼,常在左右,雖不及王遇、王質等,而** 李堅字次壽,高陽易人也。 所在受納,家產互萬。 文成初,坐事爲閹人,稍遷中給事中,賜爵魏昌伯。 亦見任 卒於光祿大夫,贈 用。 宣武 初, 相州刺 自太僕卿出 爲 瀛州刺 史。 小 ì 謹

太和末,又有秦松、白整,位並長秋

門。 仍中黃門。 孝文之在縣瓠, 劉 騰字青龍,本平原城 後與茄皓使除、兔,采召人女。 問其中事, 人也,自己徙屬南兗州之譙郡。幼時坐事受刑,補 騰具言幽 后 還,遷中給事 私 隱,與陳留 公主所告符協 ,由是進冗從僕射, 小黄門,轉中黃

郡君 救,遷衞 ,每引入內, 靈太后 臨朝,以與于忠保護勳,除崇訓 將軍 受賞賚亞於諸主外 、儀同三司。 後疾瘳。 戚。 騰之拜命,孝明當爲臨軒,三三會日, 所養二子,爲郡守、尚書 太僕,加侍 中,封 長樂縣公。 郞 騰曾疾篤,靈 拜 其妻魏氏 大風 **寒甚**, 太后 爲 鉅 乃 慮 鹿

臨朝 遣 使持節 ,特蒙進寵, 授之。 騰幼充宮役,手不解書,裁知署名而已。 多所干託,內外碎密,栖栖不倦。 洛北永橋、太上公、太上君及城東三寺, 而奸謀有餘,善射人意。 靈

皆主修營。

求,婦 光同 以|騰 裁聽 參其 官爲 十餘人。 山澤之饒, 軍元叉害懌,廢靈太后於宣光殿。 必困 受詔 義服,杖絰衰縞者以百數,朝貴皆從,軒蓋塡塞,相屬郊野。 顏色,然後方赴省府;亦有歷日不能見者。 爲 傳 吏 於三月、四月之交。」至是果死。 女器物,公然受納,逼 食而 (部嘗望騰意,奏其弟爲郡,帶戍。 司 騰之立 乘 空,表裏擅權 所在固 已。 步挽出入殿門。 宅 太后服膳俱廢,不免飢 一護,剝 也, 一共相 奉車都 削六鎭, 奪隣居,廣 樹置。 四年之中,生殺之威,決於叉、騰之手。 尉周恃 交通 宮門畫夜長閉,內外斷絕。 叉為 廳 爲之筮,不吉,深諫 開室宇,天下咸苦之。 底市,空忌歲入利息以互萬計。 寒。 人資乖越,淸河王懌抑而不奏。 事 《外禦,騰爲內防,迭直禁闥, 甫 又使中常侍賈粲假言侍明帝書,密令 成, 公私屬請,唯在 陳屍其下。 止之。 薨于位,中官 追 騰自執管籥,明帝亦 一財貨,舟車之利,水 贈太尉、 魏初以來,權閥存亡之盛, 騰怒而 八坐 共裁刑賞。 叉頗 冀州 騰以爲恨,遂與領 不 九 爲義 役嬪 用。 卿 刺 ,旦造騰宅, 息衰経者四 御, 史。 恃告人曰: 騰 防察。 不得 陸無遺 時 逐 葬,閹 有徵 與崔 見, 叉

莫及焉

靈太后反政,追奪爵位,發其冢,散露骸骨,沒入財產。 後騰所養一子叛入梁,太后大

怒,悉徙騰餘養於北裔,尋遣密使追殺之於汲郡。

以其兄緒爲功曹。緒時年向七十。未幾,又以緒爲西平太守。 福亦震於京邑。自云本出武威,魏太尉文和之後,遂移家屬焉。 慰。」太后信之,適下殿,粲便扶明帝出東序,前御顯陽,還閉太后於宣光殿。 宣光殿,左右侍臣,俱立西階下。康生旣被囚執,粲紿太后曰:「侍官懷恐不安,陛下宜親安 光祿勳卿。 賈粲字季宣,酒泉人也。 專侍明帝,與叉、騰等伺帝動靜。 太和中,坐事腐刑。 右衞奚康生之謀殺叉也,靈太后、明帝同升於 頗涉書記。 與元叉、劉騰等同其謀謨,進 時武威太守韋景承粲意, 粲旣叉黨, 威

靈太后反政,欲誅粲,以叉、騰黨與不一,恐驚動內外,乃止。 出粲爲濟州刺史。

遣武衞將軍刁宣馳驛殺之。

內侍貴者,靈太后皆許其方岳,以範年長,拜跪爲難,故遂其請。父子納貨,爲御史所糾,遂 靈太后臨朝,爲中常侍、崇訓太僕,領中嘗藥典御,賜爵華陰子,出爲華州刺史。中官 楊範字法僧,長樂廣宗人也。文成時,坐事宮刑,爲王琚所養,恩若父子。累遷爲中

廢於家。後爲崇訓太僕、華州大中正,卒。

刺史、諡曰孝惠。 平縣伯。 晝夜無懈。延昌末,遷中常侍、嘗食典御、光祿大夫,統京染都將。 意有所欲,軌候容色,時有奏發,輙合帝心。 成軌字洪義,上谷居庸人也。少以罪刑,入事宮掖。 明帝所幸潘嬪以軌爲假父,頗爲中官之所敬憚。後進爵爲侯,卒於衞將軍,贈雍州 從駕南征,專進御食。時孝文不豫,常居禁中, 以謹厚稱,爲中謁者僕射。 孝昌二年,以勤舊封始

常侍,賜爵欒城伯。 抱明帝,入踐帝位。 食典御、中給事,加左中郎將。宣武之崩,羣官迎明帝於東宮,溫於臥中起明帝,與保母扶 人,改封武陽縣侯。 **王溫字桃湯,趙郡欒城人也。父冀,高邑令,坐事誅,溫與兄繼叔俱充宦者。稍遷中嘗** 累遷左光祿大夫、光祿勳卿、侍中,進封欒城縣侯。 高陽王雍旣居冢宰,慮中人朋黨,出爲鉅鹿太守。靈太后臨朝,徵爲中 建義初,於河陰遇害。 溫自陳本陽平武陽

孟欒字龍兒,不知何許人也。 坐事爲閹人。 靈太后臨朝,爲左中郎將、給事中。

病,面常黯黑。 之憂。」及奏其死,爲之下淚曰:「其事我如此,不見我一日忻樂時也。」賜帛三百疋、黃絹 於九龍殿下暴疾,歸家,其夜亡。 七日,靈太后爲設二百僧齋。 欒初出,靈太后聞之曰:「欒必不濟,我爲

十疋,以供喪用。

莊帝。 大將軍,卒。 平季字幼穆,<a>「三」燕國薊人也。 莊帝即位,超拜肆州刺史。 尋除中侍中。 坐事腐刑。 累遷新興太守。 以參謀勳,封元城縣侯。 明帝 崩,與亦朱榮等議立 永熙中, 加驃 騎

給事 給事左右,善候時情,號爲機悟。天平初,除開府儀同三司、懷州刺史。元象初,復爲中侍中、 大長秋卿,仍開府儀同。薨,贈司徒、冀州刺史,諡曰孝惠。 宮掖。 封津字醜漢,勃海蓨人也。父令德,娶常寶女。寶伏誅,令德以連坐伏法。 累遷奉車都尉、中給事中。 靈太后令津侍明帝書,遷常山太守。 津少長宮闈, 津受刑、三三

劉思逸,平原人也。 以罪,少充腐刑。 初爲小史,累遷中侍中。 武定中,與元瑾等謀

反,伏誅

政事。 尋令捕殺暢。 景嵩,孝靜時位至中侍中,坐事死。 太后讀之,知無廢已狀,意小解。然叉妻搆之不已,出暢爲頓丘太守,曰為景嵩爲魯郡太守。 知之,告太后:「景嵩、暢與淸河王息配欲廢太后。」太后信之,責暢。 之出,景嵩、暢頗有力焉。靈太后反政,以妹故,未卽戮叉。 又有張景嵩、毛暢者,咸以閽寺在明帝左右。靈太后亦密仗之通傳意計於明帝。 暢等恐禍及己,乃啓明帝,欲詔右衞將軍楊津密往殺叉。詔書已成,未及出外,叉妻 時內外喧喧,云叉還欲入知 暢出詔草以呈太后。 元叉

退人物。張伯德、祁仲彦、張華原之徒,皆深相附會。秀疾,神武親視之,問所欲官,乃啓爲 令其逃亡。

秀死後,

悟還,

神武追忿秀,

即日斥遣孝義,終身不齒。 去。贈儀同三司、恒州刺史。命其子孝義與太原公以下同學讀書。初,秀忌嫉楊愔,誑脅 七兵尚書,除書未至而卒。家無成人子弟,神武自至其宅,親使錄知其家資粟帛多少,然後 郭秀,范陽涿人也。事齊神武,稍遷行臺右丞,曰司封壽陽伯。 親寵日隆,多受賂遺,進

和士開字彦通,清都臨漳人也。其先西域商胡,本姓素和氏。父安,恭敏善事人,稍遷

以爲淳直,由是啓除給事黃門侍郎,位儀州刺史。 中書舍人。 魏靜帝嘗夜與朝賢講集,命安看斗柄所指。 |土開貴、贈司空公、尚書左僕射、冀州刺 安日:「臣不識北斗。」齊神武聞之,

史,諡文貞公。

開開府行參軍。 孝昭誅楊愔等,敕追還,長廣王請之也。 愛重如此。 因致親寵。 士開幼而聰慧,選爲國子學生,解悟捷疾,爲同業所尚。 |天保初,武成封長廣王,辟士 嘗謂王曰:「殿下非天人也,是天帝也。」王曰:「卿非世人也,是世神也。」其深相 文宣知其輕薄,不欲令王與小人相親善,責其戲狎過度,徙之馬城。 武成好握槊,士開善此戲,由是遂有斯舉。 加以傾巧便僻,又能彈胡琵琶, 乾明元年,

中韓寶業齎手敕慰諭云:「朕之與卿,本同心腹,今懷抱痛割,與卿無異。當深思至理,以自 除兗州刺史。 士開初封定州眞定縣子,尋進爲伯。 天統元年,加儀同三司,尋除侍中,加開 後遺還。駕幸晉陽,給假,聽過七日續發,其見重如此。幷諸弟四人,並起復本官。四年, 開慰。」成服後,呂芬等始還。其日,遺韓寶業以犢車迎士開入內,帝親握手, 府。及遭母劉氏憂,帝聞而悲惋,遣武衞將軍侯呂芬詣宅,晝夜扶侍,幷節哀止哭。又遣侍 之,將言其事。 武成卽位,累遷給事黃門侍郎。侍中高元海、黄門郎高乾和及御史中丞畢義雲等疾 士開乃奏元海等交結朋黨,欲擅威福。 乾和因被疏斥,義雲反納貨於土開, 下泣曉諭,然

再遷尚 酒,土開淚下歔欷而不能言。帝曰:「卿此是不言之諫。」因不飲酒。 書右僕射。帝先患氣疾,因飲酒輙大發動,土開每諫不從。 後屬帝氣疾發,又欲飲 及冬,公主出降段氏,

帝幸平原王第,始飲酒焉。又除尚書左僕射,仍兼侍中。

入。 臣,何 或放還之後,俄頃卽追,未至之間,連騎催喚。奸諂日至,寵愛彌隆,前後賞賜,不可勝紀。 **、禁紂,竟復何異?陛下宜及少壯,恣意作樂,從橫行之,卽是一日快活敵千年。國事分付大** 言辭容止,極諸鄙褻,以夜繼晝,無復君臣之禮。至說武成云:「自古帝王,盡爲灰土,堯舜、 兵,白建掌騎兵,馮子琮、胡長粲掌東宮。 曰:「勿負我也。」仍絕於上開之手。 及帝寢疾於乾壽殿,士開入侍醫藥。 武 慮 成外朝視事,或在內宴賞,須臾之間,不得不與土開相見。或累月不歸,一日數入, 不辨?無爲自動約也。」帝大悅,於是委趙彥深掌官爵,元文遙掌財用,唐邕掌外 帝三四日乃一坐朝,書數字而已,略無言,須臾罷 帝謂士開有伊、霍之才,殷勤屬以後事,臨崩握其

殿,叡 冒以死陳。」太后曰:「先帝在時,王等何意不道?今日欲欺孤寡邪!但飲酒,勿多言。」叡詞 遠、元文遙等謀出士開,仍引任城、馮翊二王及段韶、安吐根共爲計策。屬太后觴朝貴於前 後主以武 面陳士開罪失云:「士開,先帝弄臣,城狐社鼠,受納貨賄,穢亂宮掖。臣等義無杜口, 成 顧 託,深委任之。又先得幸於胡太后,是以彌見親密。趙郡王叡與婁定

至。 不定。」太后曰:「別日論之,王等且散。」叡等或投冠於地,或拂衣而起,言詞咆哮,無所不 色愈厲。 「梓宮在殯,事太忽速,猶欲王等更思量。」趙郡王等遂並拜謝。 明日,叡等復於雲龍門令文遙入奏,三反,太后不聽。段韶呼胡長粲傳言於太后。 安吐根繼進曰:「臣本商胡,得在諸貴行末,旣受厚恩,豈敢惜死。不出土開,朝野 長粲復命,太后謂曰:「成妹

母子家計者,兄之力也。」厚賜叡等而罷之。

已得 爲州。 送二女子、一珠簾。」定遠大喜,謂士開曰:「欲還入不。」」土開曰:「在內久,常不自安,不願更 珠簾及諸寶玩以詣婁定遠,謝曰:「諸貴欲殺士開,蒙王特賜性命,用作方伯。 必有大變,復 入。」定遠信之,送至門。 如其言,以士開爲兗州刺史,文遙爲西兗州刺史。 太后,進說 覦,今若出臣,正是翦陛下羽翼。 入,復 太后及後主召問士開,士開曰「先帝羣臣中,待臣最重。陛下諒陰始爾,大臣皆有覬 且依舊出納,待過山陵,然後發遣。 何所 曰:「先帝一旦登遐,臣愧不能自死。 何 慮? 面 目 正 見先帝於地下!因慟哭。 |須數行詔書耳。」於是詔定遠為青州刺史,責趙郡王叡以不臣,召入 士開曰:「今日遠出,願一辭覲二宮。」定遠許之。 宜謂叡等,云文遙與臣同是任用,豈得一去一留,並可以 叡等謂臣眞出,心必喜之。」後主及太后告叡等, 後主及太后皆泣,問計將安出。 觀朝貴意勢,欲以陛下爲乾明。 山陵畢,叡等促士開就路。 由是得見後主及 今欲奉別,且 士 士開載美女 臣 開曰:「臣 出之後,

,尋除尚書令,還錄尚書事,食定州常山 復除士 開侍中、尚書左僕射。 定遠歸士開所遺,加以餘珍路之。 郡 幹 武平元年,封淮陽

追憶 開謂 性好 等謀誅 琅邪 黄鉞、右丞相 西街。 送 北 厙狄 角出 · 禁治書侍御廳事。 伏連 內,多早下,縱當直,必須還宅,晚始來。 王儼惡之,與領軍大將軍庫狄伏連、侍中馮子琮、書侍御史王子宜、武衞大將軍高舍洛 不已,韶 入上臺, 武 之。 成時,恒令士開與太后握槊, 自餘皆辮頭 斛律明 把士開 伏連發京畿軍士帖神武千秋門外,並私約束,不聽士開 、太宰 起復其子道盛通直散騎常侍, 至是果驗。 月說後主親自 手曰:「今有一大好事。」王子宜便授一函云:「有敕, · 司 反縛,付趙彦深於涼風堂推 徒公、錄尚書事 嚴遣都督馮永洛就臺斬之。 嚴令御史李幼業、羊立正將令史就宅簿錄家 曉告軍 叉出入臥內, 遂與太后爲亂。 諡 士,軍士果散。 日 又敕其弟士休入內省, 「文定。 門禁宿衞,略不 問, 死者十餘人。 先是鄴下 卽斬 伏連及王子宜, 童謠云:「和土開,當入臺。」土 ·在意。 帝哀悼, 及武成崩後,彌自放恣。 參典機密。 入殿。士 令 王 及旦,士開 П, 向 不視 自領 並 開雖爲領軍,恒 臺。」 支 事 兵 韶贈士開假 解 依式早參, 遺軍 數 土 從 日。 棄 士防 屍 殿 後 四

商 大賈,朝夕塡門,聚歛貨財,不知紀極。 士 開禀性庸鄙 ,不窺書傳,發言吐 論,唯以諂媚 雖公府屬掾,郡縣守長,不拘階次,啓牒卽成。 自資。 自河清、天統以後,威權 轉盛 朝

易 見 傾 人士,曾參士開疾患,遇醫人云,王傷寒極重,應服黃龍湯,士開有難色。 了,王不 人將 朝 ·知廉 廷 如 加 須 此 「恥者,多相附會,甚者爲其假子,與市道小人丁鄒、嚴興等同在昆季行列。 刑戮,多所營救,旣得冤罪,卽令諷論,責其珍寶,謂之贖命物。 疑惑,請爲王先嘗之。」一舉便盡。 雖以左道事之者,不隔賢愚,無不進擢;而 |士開深感此心,爲之强服,逐得汗病 正理 「違忤者,亦頗能含容之。 是人云:「此 雖有全濟, 愈。 叉有 物甚 其 勢

策,頻使 其忠欵,厚加賞賚。 蠕 主使 來義侯 安 至晉陽,吐根密啓本蕃情狀,神武得爲 吐根,安息胡人,會祖入魏,家於酒泉。 入朝,爲神武 ,稍遷儀 同三司,食永昌郡幹。 其後與蠕蠕和 親待。 在其 、本蕃,爲 親,結 皇建 人所譖,奔投 成婚媾,皆吐根 之備。 中,加開府。 吐根魏末充使蠕蠕,因留塞北。 **蠕蠕果遣兵入掠,無獲而** 神武。 為行 齊亡年,卒。 文襄嗣事,以爲假節 人也。 吐根性 和善, 反。 天平初,蠕 、涼州刺 頗有 神武 以 計

直道。

端,宮掖之中, 主 在 一襁褓 穆提婆本姓駱,漢陽人也。 中, 令其鞠 獨擅 威 養,謂之乾 福,封爲郡君。 阿妳, 父超,以謀叛伏法,提婆母陸令萱配 呼姊姊 和 士 開、高阿那肱皆爲郡君 ,遂爲胡太后 昵愛。 令萱 義子。江江天統初,奏引提 入掖庭,提婆為 奸巧多機辯, 奴。 取 媚 白

婆 **、養之爲女,是以提婆改姓穆。** 軍 衞 大將 大將軍、錄尚書, 封城陽郡王。 入侍後主,朝夕左右,大被親狎,無所不爲。 軍 、秦州大中正。二年,除侍中,轉食樂陵郡幹,寵遇彌隆。 贈其父司徒公、尚書左僕射、城陽王。 及穆氏定位,號「令萱日太姬,」視第一 武平元年,稍遷儀同三司,又加開府,尋授武 遂至尚書左右僕射、領 品,班在長 令萱 又佞媚穆 公主之 昭

萱 之曰:「奴斷我兒」」見謂帝,奴謂提婆也。 前自 自武 太后以下,皆受其指麾,提婆則唐邕之徒,皆重跡屛氣。 平三年之後,令萱母子勢傾內外,賣官鬻獄,聚歛無厭,每一 提婆嘗有罪,太姬於帝前駡 賜 與,動傾府藏。冷

子,而 氏爲左皇后,尋復黜胡,以穆爲正嫡。 昭 亦 帳,爰及枕席器玩,莫匪珍奇,坐昭儀於帳中,謂後主云:「有一聖女出,將大家看之。」及見, 精神恍惚, 儀 以胡氏寵幸方睦,不得已而白後主立之。 更相媚悅。 斛 身爲婢妾。」又恐胡后不可以正義離間,乃外求左道行厭蠱之術,旬朔之間,胡氏 律皇后 言笑無恒,後主逐漸相畏惡。 之廢也,太后欲以胡昭儀正位後宮,力不能遂,乃卑辭厚禮,以求令萱。 令萱云:「如此 人不作皇后,遣何物人作皇后。」於是立穆氏爲右皇后,以胡 引祖斑爲宰相,殺胡長仁,皆令萱所爲也。 令萱一旦忽以皇后服御衣被穆昭儀,又先別造寶 然意在穆昭儀,每私謂後主日:「豈有男爲 自外殺生 令萱 遂 皇太 刨

與奪,不可盡言。

懷。 應,誅死。 棄市 未嘗 提 婆雖 「毒害」· ,籍沒其家。 後主及齊氏諸王,並因此非命。 庸品厮濫,而性乃和善,不甚害物。 士人亦由 周武帝以提婆爲柱國、宜州刺史。 此 稱之。 晉州軍敗,後主還鄴, 耽聲色,極奢侈,晚朝早退,全不以公事關 提婆奔投周軍,令萱自殺,子孫小 未幾,云將據宜州起兵,與後主相

高 阿 那脏,善無人也。〔三〕〕父市貴,從神武以軍功封常山郡公,位晉州刺史,贈太尉公。

及阿那肱貴寵,贈成皐王。

除侍 河清 宴射 及蠕 郡王,〔三〕仍遷幷 中 中 蠕 之 团 ·, 除 那 次, 驃 以 肱 騎 儀 蹻捷見知。 大為武成 初爲庫直 大將 同 三司,食汾州定陽、仵城 省尚 軍、領軍,別封昌國 《愛重。 一,每從 書左僕射,又除幷 大寧初,除假儀同 征討,以功封直城縣男。 又諂 倪 和 縣侯。 士開,尤相 省尚 二郡 三司 書令、 幹。 後主 、武衞 以破突厥,封 即位,除幷省右僕 褻 領軍 將軍。 狎。 天保初,除庫直都督。 大將軍 士 那版 開 一、幷州 毎見爲之言, 宜 工於 君縣伯。 射。 騎射,便僻善事人,每 刺 史。 武 天統 平元 由 四年,從破契丹 [是彌 初,加 年 封淮陰 見親待。 開府,

那版 才 '技庸· 劣, 不 涉文史, 識用尤在士開下。 而奸巧計數,亦不 逮士開。 旣爲武成所

列傳第八十 恩幸

官, 輔。 幸, 公、右丞相,其錄尚書、刺 韓長 多令在 武 平 鸞憎疾良善, 应 東宮侍衞,後主所以大寵遇之。 年,令其錄 而那肱 尚書事,又總知外兵及內省機密。頓不 如 少言辭, 故。 不妄喜怒,〔三〕亦不察人陰私,虛相讒 士開死後, 後主謂其識度足繼士開, 如 和 士開、駱提婆母 構。 逐致位 子 逐至 賣 司 獄 徒 灣

史並

節度諸 知。 正作 明 樂,邊境 及周 卽 軍 欲 師 引軍,淑妃又請更合圍,所以彌致遲緩。 逼 小小兵馬, 平陽 ,

後主於

天池校獵,

晉州

頻遣馳奏,

從

旦至午,

驛馬三至。 自是常事, 何急奏聞?」 」向暮, 及軍赴晉州,命那肱 更有使至,云平陽城已陷賊,方乃奏 率前軍先進,仍總 那肱云:「大家

萬,病傷及繞城 內參讓阿那肱 天子,我亦天子,彼尙能 如勿戰,守高梁橋。」安吐根曰:「一把子賊, 後主 至平陽城下,謂那肱 曰:「爾富貴足、惜性 火頭,三分除 縣軍遠來,我何爲守壍示弱。」帝曰:「此言是也。」於是橋壍進軍,使 - 曰:「戰是邪?不戰是邪。」那肱曰:「兵 昔攻玉壁,援軍來,卽退。 命邪 馬上刺 取擲 汾河 今日將士豈勝 中。」帝未決,諸內參曰:「彼亦 雖 多,堪戰 神武 皇帝 者不 時? 過十 不

開府奚長樂諫曰:「半進半退,戰家常體 後主 從穆提婆觀戰,東偏頗有退者, 提婆怖曰:「大家去! 今衆全整,未有傷敗,陛下舍此安之。御馬一動, 大家 去」帝 與淑 妃 奔 高梁。

|鄴,侍衞逃散,唯||那肱及闘寺等數十騎從行。 耳。」事遂寢。 侍中斛律孝卿,令其檢校。 馳。 至尊宜回。 人情驚亂,願速還安慰之。」武衞張常山自後至,亦曰:「軍尋收訖,甚整頓,圍城兵亦不動, 有軍 士雷相,告稱「阿那肱遣臣招引西軍,行到文侯城,恐事不果,故還聞奏。」後主召 不信臣言,乞將內參往視。」帝將從之,提婆引帝肘曰:「此言何可信!」 還至晉陽,那肱腹心人馬子平告那肱謀反,又以爲虛妄,斬子平。 孝卿固執云:「此人自欲投賊,行至文侯城,迷不得去,畏死妄語 復除大丞相 乃顚沛還 帝遂北

皆云,那肱 封郡公,尋出爲隆州刺史。 「周軍未至,且在靑州集兵馬,未須南行。」及周軍且至關首,所部兵馬皆散,那肱 後主走度河,令那肱以數千人投濟州關,仍遣覘候周軍進止,日夕馳報。 表款周武,必仰生致齊主,故不速報兵至,使後主被禽。 大象末,在蜀從王謙起兵,誅死。 那肱至長安,授大將軍, 那肱每奏云 遂降。時人

雖作「肱」字,世人皆稱爲「瓌」音。 國。」時蠕蠕主阿那褒在塞北彊盛,帝尤忌之,所以每歲討擊。 初,天保中,文宣自晉陽還鄴,愚僧禿師於路 斯固亡秦者胡,蓋縣定於窈冥也。 中大叫,呼文宣姓名云。「阿那褒終破你 後亡齊者遂屬高阿那肱云。

韓鳳字長鸞,昌黎人也。 父永興,開府、青州刺史、高密郡公。

喚共 文武。 都督三十人,送令侍衞,鳳在其數。 王 解 律明月、宜陽王趙彦深在凉風堂推問支黨。 戲。 鳳 禁掖防守,悉以委之。 少 ,聰察,有膂力,善騎射,稍遷烏賀眞、大賢眞正都督。 襲爵高密郡公,位開府儀 除侍中、領軍,總知內省機密 同三司。 後主親就衆中牽鳳 武平二年,和士開爲厙狄伏連等矯害,敕咸 其事秘密,皆令鳳口傳,然後宣詔敕號 手曰:「都督,看兒來。」因 後主居東宮,年尚幼,武成簡 此被識,數 陽

明月 答云 財物,亦有不云敕 即令赴任。 並 鳳 約敕責 :「各出意見,豈在文武優劣!」 祖 數日後主不 珽 曾 與鳳 之。 旣辭之後,遲留不行。 於後主前論 而 與語,後尋復舊。 徑廻取者。 事,埏語鳳云:「强弓長矟,容相推謝,軍國謀算,何由得爭?」鳳 敕令領軍將軍侯呂芬追珽還,引入侍中省鎖禁,其事首尾, 後主將誅斛律明月, 其省事徐孝遠密告祖珽誅斛律明月後,矯 仍封舊國昌黎郡王,又加 鳳固執不從。 特進。 及祖珽除北徐州刺史, 祖珽因有讒言,旣誅 稱敕賜其珍寶

肱、穆提婆共處衡軸、號曰三貴。 駕 幸 皆附 一鳳宅, 進位 奏聞。 領軍 宴會盡 大將 軍 國 日。 軍, 要密, 餘悉如故。 毎 旦 三早參, 無不 經 損國害政, 手。 先被敕喚顧 息寶行 東 西 尚公主,在 巡 日月滋甚 幸, 訪, 及山水游戲射獵, 出後方 晉陽賜甲第 引奏 事官。 區。 獨在御傍。 若不 其公主生男滿 視 事 與高阿 內省急速 月,

此。鳳恒帶刀走馬,未曾安行,瞋目張拳,有啖人之勢。每咤曰:「恨不得剉漢狗飼馬」」又曰: 城戍,曰:「急時且守此作龜兹國子。 更可憐人生如寄,唯當行樂,何用愁爲!」君臣應和若 「刀止可刈賊漢頭,不可刈草。」其弟萬歲,及其二子實行、實信,並開府儀同。 壽陽陷沒,鳳與穆提婆聞告敗,握槊不輟曰:「他家物,從他去。」後帝使於黎陽臨河築 萬歲又拜侍

中,亦處機要。

寶信尚公主,駕復幸其宅,親戚咸蒙官賞。

|晉陽走還,被敕喚入內,尋詔復王爵及開府、領軍大將軍,常在左右。 仍從後主走度河,到 遺孝言分工匠爲己造宅。

德信還,具奏聞。及幸晉陽,

鳳又以官馬與他人乘騎,上因此發 青州,幷爲周軍所獲。 忿,[ini]與提婆並除名。亦不露其罪,仍毁其宅,公主離婚,復被遣向鄴吏部門參。及<u>後</u>主 見孝言役官夫匠自營宅,卽語云:「僕射爲至尊起臺殿未訖,何用先自營造。」鳳及穆提婆亦 鳳母鮮于,段孝言之從母子姊也,爲此偏相參附,奏遣監造晉陽宮。 陳德信馳驛檢行,

位終於隴州刺史。 動致呵叱,輙詈云:「狗漢大不可耐!唯須殺却!若見武職,雖厮養末品,亦容下之。 仕隋, 賜與,動至千萬。恩遇日甚,彌自驕恣,意色嚴厲,未嘗與人相承接。朝士諮事,莫敢仰視, 鳳被寵要之中,〔邑〕尤嫉人士,朝夕讌私,唯相譖訴。崔季舒等寃酷,皆鳳所爲也。

|韓、||駱 休,所 參宰相 今未 夏侯通 君, 言動 趙 劉 信 建 亦無此命。 職 野 萬 亦 之朝,亦不 分 意, 乃至 有 叉 參 通 宦 皆 乘之馬,牽至 其 》時宰,與長顒並開府封王,俱爲侍中、左右光祿大夫,領侍中。 一, 、伊長游、魯恃伯、郭沙彌、鄧長顒 者韓寶業、盧勒叉、齊紹、秦子徵並神武舊左右,唯閤內驅使,不被恩遇。 研胥 徐世 、幹祿。 多會深旨。 [隱廳: 數十人。 多授開 預 疑 (朝權。 光弁、「三劉通遠、王弘遠、王子立、王玄昌、高伯華、左君才、能 至寵幸,但漸有職任。 唯以工巧矜功,用長顒爲太府卿焉。 趨避,不敢爲言。 、荷子溢、斛子愼、宋元賓、康德汪,並於後主之朝,肆其奸佞。 神獸門外, 府,罕止儀同,亦有加光祿大夫,金章紫綬者。 神獣 恒出 如實業及勸叉、齊紹、子徵後並封王,俱自收歛,不過侵暴。 一戲之賞, 門階, 一入門禁,往來園苑,趨侍左右,通宵累日。 有朝貴憩息之所,時 然後 動逾 齊、盧、陳 升騎,飛鞭 寶業至長秋卿,勒叉等或爲中常侍。 巨萬, 及實業輩,亦有至儀同食幹者。 、鄧之徒,亦意屬尙書、卿尹 丘山之積, 競走, 人號爲解卸 十數 貪客無厭。 爲羣,馬塵 廳。 多帶中侍中、「言己中常侍,此 諸閹或在內多日 承 猶 必 候 、,宰相旣不爲致言,時 又有潘師子、崔孝禮 以 坌 (顔色) 波斯 | 諸貴,爰至唐、趙 武成時有曹文摽、 唯長顒武平中任 純陁、宮鍾 狗 競 敗政 爲 進諂 歷天保、皇 又有陳德 儀 虐 暫放歸 同、郡 [諛,發 人,古 馗

洛,並爲神武驅使。 天保、大寧之朝,漸以貴盛。 至武平時,山提等皆以開府封王。 嘗食典御。 神武時有倉頭陳山提、蓋豐樂,俱以驅馳便僻,頗蒙恩遇。魏末,山提通州刺史,豐樂 又有劉郁斤、趙道德、劉桃枝、梅勝郎、辛洛周、高舍洛、郭黑面、李銅鍉、王恩 其不及

武平者則追贈王爵。雖賜與無貲,顧眄深重,乃至陵忽宰輔,然皆不得干預朝政。

遇,俱開府封王。 何朱弱、史醜多之徒十數人,咸以能舞工歌及善音樂者,亦至儀同開府。 出處,殆與閹官相埓。 武平時有胡小兒,俱是康阿默、穆叔兒等富家子弟,簡選黠慧者數十人以爲左右,恩眄 又有何海及子洪珍,開府封王,尤爲親要。 亦有至開府儀同者。其曹僧奴、僧奴子妙達,以能彈胡琵琶,甚被寵 洪珍侮弄權勢,鬻獄賣官。

後主,則是先朝舊人,以勤舊之勞,致此叨竊。 好,排突朝貴,尤爲人士之所疾惡。 閹官猶以宮掖驅馳,便蕃左右,漸因昵狎,以至大官。倉頭始自家人,情寄深密,及於 至於胡小兒等,眼鼻深險,一無可用,非理愛

復問:「林宗是誰。」行恭曰:「郭元貞父。」榮宗前奏曰:「臣向見郭林宗從冢出,著大帽、吉莫 大兵在前去。」帝信之。經古冢,榮宗謂舍人元行恭:[計]「是誰冢。」行恭戲之曰:「林宗冢。」 時又有開府醉樂宗,常自云能使鬼。及周兵之逼,言於後主曰:「臣已發遣斛律明月將 其以音樂至大官者:沈過兒、官至開府儀同,王長通,年十四五便假節、通州刺史。

靴, 種馬鞭, 問臣:『我阿貞來不?』」是時羣妄, 多皆類此。

亦後來之殷鑒矣。爲國家者,可無鑒之哉? 則傷賢害政,率由斯也,所宜誡焉。誤曰:「殷鑒不遠,近在夏后之世。」〔言〕觀夫魏氏以降, 論曰:古諺有之,「人之多幸,國之不幸」。然則寵私爲害,自古忌之。 大則傾國亡身,小

校勘記

(1) 顯美侯 諸本「美」作「菱」,魏書卷九三汪叡傳作「美」。按顯美縣見隋書地理志上武威郡姑

臧縣注,王叡世居姑臧,故以封之。「顯菱」無此縣名,今據改

- 承明元年 諸本「承」訛作「永」,據魏書改。「承明」,孝文帝年號。
- ハミン 與諸方客臨獸圈有猛獸逸 魏書「獸」及「猛獸」都作「虎」。、北史避唐諱改。下文「猛獸」同。
- . | | 郎中令以下 諸本「郎中」倒作「中郎」、據魏書乙。王國官有郞中令、見隋書百官志中。
- 五 撫兄子收 魏收傳。「牧」乃「牧」之訛,今據改。 諸本「收」作「牧」、魏書百衲本作「收」。按兄指魏子建,即魏收之父,見本書卷五六

- '≺ 於京師爲制碑銘石獸石柱 諸本「獸」上脫「石」字,據魏書卷九三趙脩傳補。
- -皓 年 十五 六 諸本 脱「皓」字,據魏書卷九三如皓傳 補
- 胄 字元孫後位 直 閤 將 軍 按冑 與茹皓同死,此乃補 殺劉胄官位了

 後」字疑行。
- 頗給按磨奔走之役 魏書卷九三趙邕傳「桉」作「按」,疑是。
- 以爲枝援 百衲、北、汲、殿四本「枝」作「拔」,南本及通志卷一八四侯剛傳作「扳」,魏書卷九三

疾剛傳作「枝」。按「拔」「扳」都是「枝」之訛、今據改

自主書除中書舍人 諸本「主書」倒訛作「書生」, 據魏書卷九三、通志卷一八四徐統傳改。

主

- 書、中書舍人並屬中書省,見隋書百官志中。
- 當公 二斷決 諸本「當公」倒作「公當」,據魏書 乙。

二言

夜開

殿

中

魏書「中」作「門」,是。

| 約直

宣宿禁中

,開

殿門

出

走。

- 給事 道盛 中 侯道 胡注:「仇尼複姓、出於徒何」。 盛 魏書卷九四宗愛傳「中 此作「侯」、未 侯」作「仇尼」。 知 所據。 通鑑卷一二六三九七一頁作「給事 中仇尼
- 至 叉轉 賜 盧 豚 諸本「轉」訛作「傳」,據魏書卷九四仇洛齊傳改。
- 二合 從征 平 凉 魏書作「從平涼州」。 按征 平涼、指滅 赫連定,平凉州,指滅沮 渠 牧犍。 未 知孰是。
- 趙默 列 傳 字 第 文 八 辯 + 魏書卷九四趙黑傳「默」作「黑」。 校 勘 記

- 訴竟列 默爲監藏 魏壽卷九四「監藏」下有「時,多所截沒。 先是,法禁寬緩,百司所典,與官並
- 食,故多所損折」二十四字。 北史有脫文。
- 訛爲「徒」,又訛爲「圖」。今據改。 會魏平統萬遂徙平城 諸本 「徙」作「圖」,不可通。 班志卷一七九孫小傳作「歸」,乃是以意改。 魏書卷九四孫小傳作「徙」。 按此乃「徙」
- 馮氏爲尼也 魏書卷九四王遇傳了馮」上有「廢后」二字,指孝文廢后。 北史删去後,不知馮氏
- 本平原城 人也 諸本脫「平」字,據魏書卷九四、通志卷一七九劉騰傳補。

爲何

- 孝明當 爲臨軒 諸本「當」訛作「嘗」,據魏書百衲本、通志改。
- 交通 底 市 魏書、通志「底」作「互」。 按「底」疑是「邸」之訛
- 平季字 幼穆 魏書卷九四平季傳「幼」作「稚」。 北史避唐諱改。
- 至 津受刑 諸本「津」訛作「律」,據魏書卷九四、通志卷一 七九封津傳改。
- 出暢 爲 傾丘· 太守 諸本「頓」訛作「潁」,據魏書卷九 四劉思逸傳 改
- 稍遷行 臺右 丞 諸本「右丞」訛作「布水」、據北齊書卷五○郭秀傳改。
- 和士 開 高 阿 那 肱 皆 爲郡君義 子 諸 [本脫「阿」字,據通志卷一八四 穆提婆傳
- 及穆氏定位號「令萱曰太姬」視第一品班在長公主之上 諸本無「令萱曰太姬」五字,

北齊聲卷五〇穆提婆傳作「及穆后 保存李百藥部分原文,故意思最 班 在長 公主之上」。 按北齊書此卷也是後人所補, 明白。 立、令萱號曰太姬。 通志當是經李延壽删 但與北史文字不同, 此卽齊朝皇后母氏之位號也,視第 節後的北史原文。 或是採 自其 今據通 他史鈔 志 尙

善無 人 也 諸本「善無」倒作「無善」,據北齊書卷五〇、通志卷一八四高阿那肱傳 改。 善無見魏

武平元 年 封淮陰郡王 諸本「陰」作「陽」, 北齊書作「陰」。 按本卷和士開傳言士開於武平元年

封淮陽

王

則高阿那肱

不

得同

. 時同號,作「陰」是,今據改

書地

形志

上恒

州

頓不 字、通志有「良」字而無「那肱」二字。今從四本、並據通志補「良」字。 「子」字,據通志補。 如 和 士 開駱提婆母子賣獄鬻官韓長鸞憎疾良善而 「疾良善而 那肱少言」八字,百衲 本作六字空格, 那 肱 少言辭不 南、 妄 喜 北、 怒 汲、殿四 諸本 · 母 」 本無「良」 下脫

上因此發忿 諸本脫「上」字,據北齊書卷五〇、通志卷一八四韓鳳傳補。

鳳被寵 要 之中 北齊書、通志「被寵」作「於權」。 按「被」字疑誤

呈 研胥光弁 錢氏考異卷四○引廣韻,以爲「硏胥」當作「斫胥」。參卷五一高思好傳校記。

全 多帶中 侍 中 諸本「帶」下「中」字訛作「甲」、據通志卷一七九北齊諸官者傳改

樂宗謂 舍人元 行恭 諸本脫「元」字,據北齊書卷五〇韓寶業傳補。 元行恭見本書卷五五元文

傳第八十 校勘記

列

CEC) 殷鑒不遠近在夏后之世

按詩大雅蕩之什無「近」字,此衍文。

遙傳。

北史卷九十三

列傳第八十一

僭偽附庸

夏 赫連氏 燕 慕容氏 後秦 姚氏 北燕 馮氏 西秦 乞伏氏

北涼 沮渠氏 梁 蕭氏

代已多。 終爲魏臣。 欺耳目,無益緗素。 吞併者,序其行事,紀其滅亡。 三百、鼎命相承。 晉自永嘉之亂,字縣瓜分,胡羯憑陵,積有年代,各言膺運,咸居大寶。 太宗文皇帝爱動天文,大存刊勒,其時事相接,已編之載記。 然魏自昭成已前,王迹未顯,至如劉石之徒,時代不接,舊書爲傳,編之四夷,有 且于時五馬浮江,正朔未改,陽秋記注,具存紀錄。 魏書命日爲夷,列之於傳,亦所不取。 其餘不相關涉,皆所不取。 故不入今篇。 至如晉、宋、齊、梁雖曰偏據,年 今斷自道武已來所 蕭營雖云帝號,附 雖朝政叢脞,而年 竟而自相吞滅,

列

傳

第

庸周室,故從此編,次爲曆爲附庸傳云爾。

北。三 代焉。 勿祈 逐閼陋頭 鐵 北人謂胡父鮮卑母爲「鐵弗」,〔三因以號爲姓。 佛劉武, [1] 南單于苗裔,左賢王去卑之孫,北部帥劉猛之從子, 居於 新興慮虒之 武死,子務桓代領部落,與魏和通。 而立。 悉勿祈死,弟衞辰代立。 務桓死,弟閼陋頭代立,密謀反叛。 武父誥汁爱,世領部落。 後務桓子悉 汁爱死,武

將 玉。 遂走奔苻堅。 鄧羗 遣使請堅求田內地,圖 衞辰,務桓之第三子也。 討擒之。 堅送還朔方,遺兵戍之。 堅自至朔方,以衞辰爲夏陽公,統其部落,衞辰復附於堅。 春去秋來, 堅許之。 旣立,遣子朝獻,昭成以女妻之。 後乃背堅,專 衛辰潛通苻堅,堅以爲左賢 心歸魏。 舉兵伐堅,堅遣其 昭成討大破之,

自 子,拜衞辰使持節、都督河西諸軍事、大將軍、朔州牧、朔方王。 河 以東, 昭 成 末,衞辰導苻堅寇魏南境,王師敗績。 屬之劉庫仁。 堅後以衞 辰爲單于, 督攝河西新類,至屯于代來。 堅遂分國人爲二部, 自河以西, 屬之衞辰, 姚萇亦遣使結好,拜衞辰使 慕容永據長

持 節 、都督北朔雜夷諸軍事、大將軍、大單于、河西王 、幽州牧。

先 部 池 度 車 爲 是河水赤 河, 帥太悉伏。至 虜衞辰 **"方營,** 登 徑入 國 中 家屬,將軍伊 人其國。 並戰 ', 如血 衞 並前, 辰遣子直力鞮寇南部,其衆 ,衞辰惡之,及衞辰之亡,誅其族類,並投之於河。 遂至衛辰 大破之於鐵岐 謂至 木根山 所居悅跂城,「以」衞辰父子驚遁。 ,擒直力鞮。 山南。 直力鞮單騎而走。 八九萬。 衞辰單騎遁走,爲其部下所殺 道武 軍五六千人,爲其所圍。 乃分遣 帝乘勝追之,自五 衛辰第三子屈丐奔薛干 陳留公元虔南 ,傳首行宮。 原 金津 至白鹽 帝乃以 南

平公 持節、安北將軍 以屈丐爲安遠將軍 之太甚,臣竊惑之。」興曰:「屈丐有濟世之才,吾方收其藝用,與之共平天下,有何不 尉,常參軍 破多羅 屈丐本名勃勃,明元改其名曰屈丐。 國 沒弈于妻之以 大議,寵遇踰於勳舊。 五 ,封陽川 原公,配以三交五 女。公 侯, 使助沒弈于鎭高平。 屈丐身長八尺五 興弟濟南公邕言於興曰:「屈丐天性不仁,難 一部鮮卑二萬餘落,鎭朔方。 北方言屈丐者卑下也。 寸, 邕 興見而奇之, 固諫以爲不可,興乃止。 太悉伏送之姚興。 拜驍騎將軍,加 以親育,寵 以屈丐為 前 _? 奉 車 乃 都

道武末,屈丐襲殺沒弈于而幷其衆,僭稱大夏天王,號年龍昇, 置百官。 興乃悔之。 |屈

列

德,以長安爲南都。[元] 積人頭爲京觀,號日髑髏臺。

遂僭皇帝於

灞上,號年爲昌武,定都統萬,勒銘城南,頌其功 拾遺耳。」於是秣馬勵兵,休養士卒。及劉裕禽泓,留子義眞守長安。屈丐伐之,大破義眞, 伐人。晉將劉裕攻長安,屈丐聞而喜曰:「姚泓豈能拒裕。裕必剋之。待裕去後,吾取之如 丐恥姓鐵弗,遂改爲赫連氏,自云徽赫與天連。又號其支庶爲鐵伐氏,云族剛銳如鐵,皆堪

光二年,屈丐死,昌僭立。 必死,射甲不入,卽斬弓人,如其入,便斬鎧匠,殺工匠數千人。常居城上,置弓劍於側,有 所嫌忿,手自殺之。羣臣忤視者,鑿其目,笑者決其脣,諫者謂之誹謗,先截其舌,而後斬 議廢其子蹟,蹟自長安起兵攻屈丐,丐遣子太原公昌破蹟殺之。屈丐以昌爲太子。 性驕虐,視人如草,蒸土以築城,鐵錐刺入一寸,即殺作人而幷築之。所造兵器,匠呈 始

門,軍士乘勝入其西宮,焚其西門,夜宿城北。明日分軍四出,徙萬餘家而還。 攻,關中大亂,於是西伐。乃以輕騎一萬八千,濟河襲昌。時冬至之日,昌宴饗,王師奄到, 上下驚擾。車駕次於黑水,去其城三十餘里,昌乃出戰。太武馳往擊之,昌退走入城,未閉 昌字還國,一名折,屈丐之第二子也。旣僭位,改年承光。[10]太武聞屈丐死,諸子相

軍,而 鼓 定,口忌定曰:「城堅峻未可攻拔,待禽斤等,然後徐往,內外擊之,有何不濟。」昌以爲然。 太 文,殺騎賊十餘 來 騎 武 次于黑水,自己分軍伏於谷,而以少衆至其城下。 羣 更待 入昌城 求賊 悪之, 三萬。 臣 二千里,後有黃河之難,所謂置之死地而後生也。 課 時 倶 咸 後 而 後昌遣弟定與司空奚斤相持於長安,太武乘虛西伐,濟君子津,輕騎三萬,倍道兼行。 徒見騎至,四四必當心閑。朕且羸師以誘之,若得一戰,擒之必矣。所以然者,軍士去 若攻不時拔,則食盡兵疲,外無所掠,非上策也。
殷以輕騎至其城下,彼先聞有步 日 前 〔往。」帝曰:「夫用兵之術,攻城最下,不得已而用之。 諫 ,恐其不出。 言官軍糧盡,士卒食菜,輜重在後,步兵未至,擊之爲便。昌信其言,引衆出城,步 退軍城北,示昌以弱,遣永昌王健及娥淸等分騎五千,西掠居人。會軍士負罪,亡 一、崔浩 曰:「統萬城堅,非一日可拔。今輕軍討之,進不可剋,退無所資。不若步軍攻具, ,舒陣爲翼。 司 徒長孫翰等咸言昌步陣難陷,宜避其鋒,且待步兵,一時奮擊。帝曰:「不然,遠 人。 叱之。 流矢中帝,帝奮擊不輟。 今避而不擊,彼奮我弱,非計也。」遂收軍偽北,引 行五六里,帝衝之,賊陣不動。 帝乃分騎爲左右以掎之。 昌軍大潰,不及入城,奔投上邽。 帝墜馬,賊已逼,帝騰馬刺殺其尚書斛黎 昌將狄子玉來降,說: 昌使人追其弟 以是決戰則有餘,攻城則不足。」遂行, 稍前行,會有風起,方術官趙倪勸帝 如其攻具一時俱往,賊必懼而 而疲之。昌以爲退, 遂剋其城。

臺榭高大,飛閣相連,皆彫鏤圖畫,被以綺繡,飾以丹靑,窮極文采。帝顧謂左右曰:「蕞爾 初,屈丐奢,好修宫室,城高十仭,基厚三十步,上廣十步,宮牆五仭,其堅可以礪刀斧。

小國,而用人如此,雖欲不亡,其可得乎。」

尚始平公主,假會稽公,封爲秦王,坐謀反伏誅。 侍御史安頡禽昌,帝使侍中古弼迎昌至京師,舍之西宮門內,給以乘輿之副。 叉韶昌

當與卿諸人建季興之業。」俄而羣狐百數,鳴於其側,定命射之,無所獲。 勝光。定登陰槃山,望其本國,泣曰:「先帝以朕承大業者,豈有今日之事乎! 使天假朕年, 昌弟定,小字直籏,屈丐之第五子也。凶暴無賴。 昌敗、定奔於平涼、自稱尊號、改年 惡之曰:「所見亦

大不臧,咄咄天道,復何言哉!」

定衆潰,被創,單騎遁走,收其餘衆,乃西保上邽。神麍四年,爲吐谷渾慕璝所襲,口鬥禽定 定救平涼,方陣自固。帝四面圍之,斷其水草,定不得水,引衆下原,詔武衞將軍丘眷擊之。 定與宋連和,遙分河北。 自恒山以東,屬宋,恒山以西,屬定。 太武親率輕騎襲平涼。

送京師,伏誅。

宣王 徒河之青山。 左賢王。父涉歸,以勳進拜鮮卑單于,遷邑遼東。涉歸死,應代領部落。 討公孫氏, 徒河慕容廆字弈洛褒,本出昌黎。 穆帝世,頗爲東部之患。廆死,子晃嗣。 拜率義王,始建王府於棘城之北。 曾祖莫護跋,魏初, 祖木延,從毌丘儉征高麗有功,口心始號 率諸部落入居遼西,口吾從司馬 以遼東僻遠、遷於

都焉。 晃字元眞,號年爲元年,自稱滅王。 征高麗大破之,遂入丸都,掘高麗王釗父利墓, 建國二年,昭成納晃女爲后。こむ四年,晃城和龍 載其屍,焚其宮室,毀丸都而歸。 釗 而

後稱臣,乃歸其父屍。見死,子儁嗣

國十五年,儋僭稱皇帝,置百官,號年天璽,自國稱大燕。十六年,自薊遷都於鄴,號年光 **|儁字宣英,旣襲位,號年爲元年。聞石氏亂,乃礪甲嚴兵,將爲進取之計,徙都于薊。建**

丕於鄴。 後苻堅遣將王猛伐鄴,禽暐,封新興侯。 暐字景茂,號年建熙。 障弟濟北王泓先爲北地長史,聞垂攻鄴,亡奔關東,還屯<u>華陰,自稱雍州牧、濟北</u> 暐政無綱紀。 道武之七年,苻堅敗於淮南。 有神降於鄴,日湘女,有聲,與人相接,數 障叔父垂叛堅,攻苻 日 而去。

待之如初,命暐以書招垂及泓、沖。 王,推垂爲 宮。」王猛切諫,乃出沖。 承制行事,置百官。進據阿房。初,堅之滅燕,沖姊淸河公主年十四,有殊色,堅納之。 夜大雨,晨不果出。事發,堅乃誅暐父子及宗族,城內鮮卑無少長男女皆殺之。 是,阿城終爲堅賊。暐入見堅謝,因言二子昨婚,欲堅幸第,堅許之。 時以鳳皇非梧桐不棲,非竹實不食,乃蒔梧竹數千株於阿城,以待鳳皇。 年十二,亦有龍陽之姿,堅又幸之。姊弟專寵。 年號燕興。 太宰,領大司馬,汝可爲大將軍,領司徒,承制封拜。 起兵河東,奔泓。 「椎蘆作蘧族,不成文章。會天大雨,不得殺羊。」言暐將殺堅而不果也。 丞 泓謀臣高蓋、宿勤崇等以泓德望後沖,江北且持法苛峻,乃殺泓,立沖爲皇太弟, 、大司馬、吳王。 泓衆至十萬, 遣使謂堅, 求分王天下。 及其母卒,葬之以燕后之禮。長安又謠曰:「鳳皇,鳳皇,止阿房。」 堅遺子鉅鹿公叡伐泓。 暐密遣使謂泓:「勉建大業,可以吳王爲相國,中山王爲 長安歌之曰:「一雌復一雄,5:00雙飛入紫 聽吾死問,汝便卽尊位。」泓進向長安, 泓弟中山王沖,先爲平陽太守,亦 堅大怒,責暐。 **暭** 出, **暐叩頭流血謝**,堅 堅與羣臣莫解。是 沖小字鳳皇,至 術士王嘉日 沖

暐爲堅所殺,沖乃自稱尊號,以永爲小將軍。沖毒暴,及堅出如五將山,沖入長安,縱兵大 廆 弟運。 運孫永、字叔明。 障既爲苻堅所幷,永徙於長安。 家貧,夫妻常賣鞾於市。及

掠, 堅 毎 死者不可勝計。 臨 聽 訟 觀,令民 、有怨者,舉煙於城北, 初, 堅之未亂,關中忽然,無火而 觀而 錄之。 :煙氣大起,〔三〕方數十里,月餘不滅 長安爲之語曰:「欲得必存當舉煙。

歸,且 之怨,殺沖,立沖將段隨 關 中謠 以慕容垂 日 :「長鞘馬鞭擊左股,太歲南行當復虜。」西人呼徒河爲白虜,沖果據長安。 樂之忘 威名夙著,跨據山 爲燕王,改年昌平。 東, 憚不 敢進,衆咸怨之。 沖之入長安, 王嘉謂之曰:「鳳皇, 鳳皇, 何不高 登國元年,沖左將軍韓延因

無故在

此取滅亡。」

飛還 望殺之,立慕容泓 戰,水執 知慕容垂稱尊號,託以農要 有 女三十餘萬口 貮 故鄉? 志,誘覬殺之于臨晉。 冲 敗 而 戮之。 其 左僕射慕容恒與永潛謀,襲殺隨,立宜都王子覬爲燕王,號年建明。 乘輿服御,禮樂器物,去長安而 韜懼,出 子忠爲帝、改年 奔恒營。 恒怒,去之。 弗進, 建武。 築燕熙城 恒立 永與武 忠以永 慕 容沖子望爲帝,改年建平。 以自固。 東。 衛將 爲太尉, 以永 軍刁雲率衆攻韜。 刁雲等又殺忠,推 、爲武 守尚書令,封河 衛將軍 恒弟護軍將軍韜,陰 衆悉去望奔水,水執 韜遣司馬宿勤黎逆 永爲大都督、大將 東公。 東至 率鮮卑男 一聞喜,

軍 一、大單于、雍秦梁涼 四州 牧、河東王、稱蕃於垂

將 永進據 、東郡王。 長子, 歲餘,謀殺永,永誅之。 憯 .稱帝, 號年中興。 垂來攻冰,永敗,為前驅所獲,垂數而戮之。 垂攻丁零翟釗於滑臺,釗敗降永。 永以倒為 車騎 并斬永

列

公卿已下刁雲、大逸豆歸等四十餘人。永所統新舊人戶、服御、圖書、器樂、珍寶,垂悉獲

垂字道明,晃第五子也。 甚見寵愛,常自謂諸弟子曰:[三] 「此兒闊達好奇,終能破人

家,或能成人家。」故名霸,字道業,恩遇踰於僑。儋弗能平,及卽王位,以垂墜馬傷齒,改名 爲軼,外以慕郤軼爲名,內實惡之。尋以讖記之文,乃去夬,以垂爲名。年十三,爲偏將,所 在征伐,勇冠三軍。。儁平中原,垂爲前鋒,累戰有大功。及儁僭傳號,封吳王。

軍,封賓都侯。堅敗淮南,入於垂軍。子寶勸垂殺之,垂以堅遇之厚也,不聽。行至洛陽, 請求拜墓,堅許之。遂起兵攻苻丕於鄴。垂稱燕王,置百官,年號燕元。 後以車騎大將軍敗桓溫於枋頭,威名大震,不容於暐,西奔苻堅。堅甚重之,拜冠軍將

頁。三年,道武遣九原公儀使於垂,垂又遣使朝貢。四年,道武遣陳留公<u>虔使於</u>垂,三三垂 又遣使朝貢。五年,又遣秦王觚使於睡,垂留觚不遣,遂絕行人。 登國元年,垂僭位,號年爲建興。繕宗廟社稷於中山,盡有幽、冀、平州之地,遣使朝

年,其國必亡。歲在鶉火,必剋長子。」重乃止。安出而謂人曰:「此衆旣幷,終不能久。」安 垂議討慕容永,太史令靳安言於垂曰:「彗星經尾、箕之分,燕當有野死之王。 不出五

蓋 咸 魏 諫 一知道武之興也,而不敢言。 天 王, 以永 屯滑臺, 國未 有釁,請他年。 與垂 和擊。 先是,丁零翟遼叛垂,後遣使謝罪,垂不許。 死,子釗代之。 **垂將從之,垂弟司** 及垂征剋滑臺,到奔長子。 徒、范陽王德固勸垂。 垂議征長子 垂曰:「司徒議與 遼怒,遂自號大

吾同,

且吾投老,叩囊底智足以剋之,不復留逆賊以累子孫。」乃伐永剋之。

不設斥 怒,不 數 軍 約 日 於是士卒 絕。 五 於草野,爲 萬 勒 至 西 日後見 北 帝 士卒,束馬 + 遂 從。 候。 乃詭 風 年,垂遣其太子寶來寇。 驚擾。 「東方,此爲躁兵,先舉者亡。」|垂不從,鑿山開道,至實前敗所,見積骸如丘,設祭弔 駭 動,是軍將至之應,宜兼行速去,不然必 時 《烏鳶螻蟻所食,不復見家族。」十月,寶燒船夜遁。 至是,問安。 + 動。 其行人之辭,臨河告之曰:「汝父已死,何不遽還。」實兄弟聞之憂怖,以爲信然, 放仗,飲手就 帝縱騎騰躡,馬者 口,銜枚無聲。 月,天暴風寒,冰合,帝進軍 初, 寶至幽州,其所乘車 安日:「」 羈。 擒其王 昧爽,衆軍 速去可免。」寶愈恐。 始實之來,垂已有疾。 蹶 倒冰上。 公文武 齊進,日出登山,下臨其營。 軸無故自折。 濟河急追之。 製千。 實及諸父兄弟,軍馬迸散,僅以身免。 ·危。」其夜,帝部分衆軍,東西爲掎角之勢。 垂復欲 安退告人曰:「今將死於他鄉,尸骸委 占工斬安以爲大凶,固勸令還,實 自到五原,道武斷其行路,父子問 至參合陂西,斯安言於寶日一一今 來寇,太史曰:「太白夕 時河冰未成,寶謂帝 寶衆晨將東 引,顧 沒西方, 不能度, 寶軍 匹 見

列

傳

第

死者父兄子弟遂皆嘷哭,聲震山川。 垂慚忿嘔血,發病而還,死於上谷。 寶僭立。

謂垂 恐難作。」重不納。寶聞,深以爲恨。 不宜成喪、羣臣咸以爲然。寶中書令眭邃執意抗言、實從之而止。 曰:「汝兄弟尙逼殺母,安能保社稷?吾豈惜死」遂自殺。 見克昌之美。遼西、高陽,兒之俊賢者,宜擇一以樹之。 曰:「寶姿質雍容,柔而不斷,承平則爲仁明之主,處難則非濟世之雄。 實字道裕,垂之第四子也。少輕果,無志操,好人佞己。爲太子,砥厲自修。 實既僭位,年號永康。遣麟逼其母段氏自裁。段氏怒 趙王麟姦詐負氣,常有輕寶之心, 寶議以后謀廢嫡,稱無母之道, 今託以大業,未 垂妻段氏

汗復遺迎。 雲爲子,封夕陽公。會至中山,爲慕容普隣所殺。 百餘人。汗自稱大都督、大單于、昌黎王,號年青龍。以盛子壻,哀而宥之。 會怒,襲農殺之,勒兵攻寶。寶走龍城,會追圍之。侍御郎高雲襲敗會師,會奔中山。 子淸河王會先守龍城,聞實被圍,率衆赴難,逢寶於路。寶分奪其軍,以授弟遼西王農等。 皇始元年,道武南伐。及剋信都,實大懼,夜來犯營,帝擊破之。 寶以汗,垂之季舅,子盛又汗之婿也,必謂無二,乃還龍城。汗殺之,及子策等 寶至龍城,垂舅關汗拒之,寶南走奔薊。 寶走中山,遂奔薊。寶 寶命

中、左光祿大夫。盛乃間汗兄弟,使相疑害。李阜、自己衞雙、劉志、張眞等皆盛之舊昵,行 盛字道運,寶長子也。垂封爲長樂公,寶僭立,進爵爲王。 蘭汗之殺寶也, 以盛爲侍

太子穆並引爲腹心。盛結旱等,因汗、穆等醉,夜襲殺之。僭傳號,改年爲建平,又號年爲 長樂。盛改稱庶人大王。盛以寶誾而不斷,遂峻極威刑,於是上下震局。 前將軍段璣等夜

鼓譟攻盛,傷之。 遂輦昇殿,召叔父河間公熙,屬以後事,熙未至而

死。

之,羣臣莫不含辛以爲淚。及葬,熙被髮徒步,從轜車毀城門而出。長老相謂曰:「慕容氏 粥。大歛之後,復啓而交接。制百官哭臨,沙門素服。令有司案檢,有淚者爲忠,無淚者罪 伐其樹,下有蛇長丈餘。熙盡殺實諸子,改年爲建始。又爲其妻起承華殿,負土於北門,土 自毁其門,將不久矣。」衞中將軍馮跋兄弟閉門拒熙,執而殺之。立夕陽公雲爲主。雲,寶 地黄,切責不得,加有司大辟。一苻氏死,熙擁其屍僵仆絕息,久而乃蘇,悲號擗踴,斬衰食 與穀同價。典軍杜靜載棺詣闕,上書極諫,熙大怒,斬之。熙妻當季夏思凍魚膾,仲冬須生 盛暑,不得休息,暍死者太半。熙遊城南,止大柳樹下,若有人呼曰:「大王且止。」熙惡之, 甘露殿,連房數百,觀閣相交。鑿天河渠,引水入宮。又爲妻苻氏鑿曲光海、淸涼池。 之養子也,復姓高氏,年號正始。跋又殺雲自立。 熙字道文,小字長生,垂之少子也。自己羣臣與盛伯母丁氏議,以其家多難,宜立長君,

雲之立也,熙幽州刺史、上庸公慕容懿以遼西歸降。道武以懿爲征東大將軍、平州牧、

傳

自黎王。後坐反伏誅。

據,用其尚書潘聰計,據靑、齊,入都廣固,僭稱尊號,號年建平。女水竭,德聞而惡之,因而 長十餘丈,隕于廣固。城潰,裕執超,送建康市斬之。 拒之於大峴,不從。裕入大峴,超戰於臨朐,爲裕敗。 臺令張光告人曰:「今火盛而煙滅,國其亡乎」天賜五年,晉將劉裕伐超,超將公孫五樓勸 **褒疾。兄子超請前女水,德曰:「人君之命,豈女水所知。」乃以超爲太子。 德死,超僭立。** 叛於乞活壘,德留兄子和守滑臺,率衆攻廣斬之。 拔中山,道武遣衞王儀攻鄴,德南走滑臺,自稱燕王,號年燕元,置百官。德冠軍將軍苻廣 位司徒。寶卽位,以德鎭鄴,大丞相。寶旣東走,羣僚勸德稱尊號,德不從。 晃少子德,字玄明,雅爲兄垂所重。 超字祖明,德兄北海王納之子也。旣僭位,號年太上。超南郊柴燎,焰起而煙不出,靈 苻堅滅暐,以德爲張掖太守。 而和長史李辯殺和,以城降魏。德無所 退還廣固,圍之。廣固鬼夜哭,有流星 垂僭號,封范陽王, 皇始二年,旣

姚萇字景茂,出於南安赤亭,燒當之後也。祖柯迥,助魏掎姜維於沓中,以功假綏戎校

以襄爲豫州刺史、丹陽公,屯淮南。 尉、西羌都督。 季龍遷于淸河躡頭,勒以弋仲爲奮武將軍,封襄平公。弋仲死,子襄代,屯於譙城。 父弋仲,晉永嘉之亂,東徙楡眉。 自稱大將軍、大單于,爲晉將恒溫所敗,奔河東。後爲 劉曜以弋仲爲平西將軍,平襄公。 慕容儁 後隨石

苻眉所殺。

敗,爲泓所殺。 此亦不臧之徵也,惟陛下察之。」堅默然。及慕容泓起兵華澤,堅遣子衞大將軍叡討之,戰 **驟之號,初未假人,今特以相授。山南之事,一以委卿。」堅左將軍竇衝進曰:「王者無戯言,** 伐,頻有功。堅伐晉,以萇爲龍驤將軍,督益梁州諸軍事,曰曰謂接曰:「朕本以龍驤建業,龍 數月之間,衆至十餘萬。與慕容沖連和,進屯北地。 時萇爲叡司馬,懼罪奔馬牧。聚衆萬餘,自稱大將軍、大單于、萬年秦王,號 ·建初。改長安日常安,以其太子興鎭之。 苻堅出五將山 襄敗, 降於苻堅。 長執 而殺之。 從堅征

自擊苻登於安定,敗之。 萇病,夢苻堅將天官使者、鬼兵數百,突入營中。 之,出血 人迎萇刺鬼,誤中萇陰。 如夢。 鬼相謂曰:「正中死處。」拔矛,出血石餘。 寤而驚悸,遂 **萇懼,走後宮,宮** 患陰腫,刺

登國元年,僭稱皇帝,置百官,國號大秦,年日

列 傳 第 + 憯 偽附 庸

位, 秘不發喪。

院之口,東杜新坂之隘,守天度,屯賈山,令平水陸路絕,將坐甲而禽之。 孫肥 圍,乃命修塹,增廣之。 營,東柏材從汾上流下之,欲以毁〕橋。덕也軍鉤取,以爲薪蒸。 棚,以衞芻牧者。 將突西南 壘,叩逼水門,與<u>平</u>相望。 南四十里,逆擊興。 興晨行 重圍 十餘日,陷之。 去皇帝之號,降稱天王,號年洪始。 口。曰曰興夜聞聲,望平力戰突免,平聞外鼓,望興攻圍引接。 遣 所禽,匹馬不反。一逐退走。帝急追,及於柴壁,圍之。 興字子略,萇長子也。 內以防平之出,外以距興之入。又截汾曲爲南北浮橋,乘西岸築圍。 謁者僕射張濟使於興。天興五年夏,興遣其弟義陽公平率衆四萬侵平陽,攻乾壁六 而出。 七月,車駕親征。 興列兵汾西,舉烽鼓譟,爲平接援。 九月,興從汾西北下,憑壑爲壘以自固。興又將數千騎乘西〔岸,閱 至夜,興果來攻,梯短不及,棄之塹中 帝因截水中,興內外隔絕,士衆喪氣。 北引、未及安營、大軍卒至、興衆怖擾。 旣滅苻登,然後發喪行服。 八月,次永安,平募遣勇將率精騎二百闚軍,爲前鋒將長 興剋洛陽,以其弟東平公紹鎭之。 帝簡諸軍 **僭稱皇帝**,年號皇初。 故但叫呼,虚相應和, 興乃悉舉其衆,救平。 ·而還。 · 精銳, 於是下糧盡,窘急,夜悉衆 興還壘,道武度其必 帝知興氣挫,乃南絕蒙 屯汾 興又分其衆,臨 三年,興遣使來聘, 又令緣汾帶 西固 帝帥 天興元年,興 守, 師度蒙阬 帝增築 南絕 莫敢逼 視 汾爲 太祖 攻西 過樹 水

圍。 散騎常侍 聘,幷請進女,明元許之。神瑞元年,興遣兼散騎常侍、尚書吏部郎嚴康來聘。 者,月餘乃止。識者曰:「今雀鬭廟上,子孫當有爭亂者乎。」又興殿有聲如牛呴。 啃 射狄伯支已下四十餘人。〔三〕興遠來救,自觀其窮,力不能免,舉軍悲號,震動山谷,數日不 長安,一登興殿屋,走入宮,一入市,求之不得。永興三年,興遣周寶來聘。 人隨 平投水。 平不得出,窮逼,乃將二妾赴水死。 頻遣使請和,帝不許,乃班師。興還長安。有雀數萬頭鬭於興廟, 、東武侯姚敞、尚書姚軌奉其西平公主於明元、三三明元以后禮納之。 帝令泅水鈎捕,無得觅者。 興安遠將軍不蒙世、揚武將軍雷重等將士四千餘 平衆三千餘人,

三記皆歛手受執。 毛羽折落,多有死 五年,興遣使來 擒興尚書右 一年,興遣 有二狐入

敗 請降,裕執之,於建康斬之。 泰常元年,興死。 長子泓,字元子,僭位,號年永和。晉將劉裕伐泓,長驅入關。 |泓

馮跋字文起,小名乞直代,本出長樂信都。 慕容永僭號長子,以跋父安爲將。 永為垂

所 滅,安東徙昌黎,家于長谷,遂同 夷俗。

跋飲酒至一石不 列 傅 第 八 + ·亂,諸弟皆不修行業,唯跋恭愼。 慆 僞 附 庸 慕容熙僭號,以跋爲殿中左監,稍遷 三〇七七

跋 衞 爲侍中、征北大將軍、開府儀同三司,封武邑公。事皆決跋兄弟。 中將 乃自立爲燕王,置百官,號年太平。 一弟乘車,使婦人御,潛入龍城,匿於孫護之室,以誅熙。 軍 後坐事 逃亡。 既而熈政殘虐,人不堪命。 于時永興元年也 跋乃與從兄萬泥等二十二人結謀,跋 乃立夕陽公高雲爲主。 明元初,雲爲左右所殺, 雲以跋

城 詔 征 有赤氣蔽日,自寅至申。」跋太史令張穆以爲兵氣,勸跋還魏使,奉修職貢,跋不從。 東大將軍長孫道生討之,跋嬰城固守,道生不剋而還。 跋 撫納契丹等,諸落頗來附之。 明元遣謁者于什門喩之,爲跋所留。 泰常三年,和龍

外,遣闍 氏 規立其子受居,深忌翼,謂之曰:「主上疾將瘳,奈何代父臨國乎」翼遂還。 遂死。 福 神 慮宋氏將成 · 鷹二年, 跋有疾,其長子永先死,立次子翼爲世子, 摄國事, 勒兵以備非常。 跋妾宋 人傳問。 跋有子男百餘人,悉爲弘所殺。 翼及跋諸子、大臣並不得省疾,唯中給事胡福獨得出入,專掌禁衞。 其計,乃言於跋弟弘。 勒兵而入,跋驁怖而死。 弘襲位,翼勒兵出戰不 宋氏 矯絕 跋疾

政。 弘 歷位司徒。 字文通,跋之少弟也。跋立,爲尚書右僕射,封中山公,領中領軍,內掌禁衞,外總朝 及自立,乃與宋氏通和。至三延和元年,太武親討之,弘嬰城固守。 其營丘、

誠 遼 進 東 、成周 一女,「言己乞爲附庸,保守宗廟。 樂浪、 帶方、 玄菟六郡皆降,太武徙其人三萬餘家于幽州。 弘曰:「負釁在前,忿形已露,附降取死。 其尚書郭深勸之歸 不 如守志,更圖

所

適

也。

等討 之。 假 是, 帝 給 求 廣 許 授 平 迎 事 其 文官 封羽 公 於 之。 之 中 先是,弘廢其元妻王氏,黜世子崇,令鎭 迭 國 朗 高 王 徴 相 有 麗 尙 德 、樂陵公邈相 叉 H 其子 齧 狼 就 陳示 以凡城降、[三]徙其 書、 夜 尾 蹙削, 太延 繞 王仁入朝, 而 刺史, 成敗,崇遣邈 度。 城 二年, 羣 上下 噑 武官征虜已下。 宿 謂曰:「禍將至矣」」於是遂出奔遼西, 軍 危懼 弘不 高 如 地燃, 麗 是終歲。 入朝。 遣將 ·遣。 人三千餘家 弘 太常陽 葛居 旬 其散騎常侍 太武 而 叉 弘遣 盧等 有 滅 對崇遼西王,錄其 嶓 鼠 而 其將 肥如,以後妻慕容氏子曰王仁爲世子。 觸 復 率 還。 集 勸 地 劉 衆 於 封羽 生 弘請罪乞降, 迎之, 弘遣 城 訓 頭, 諫 西, 率衆圍崇,太武 其尚 ,弘大怒,殺之。 月餘 闐 弘 滿 乃擁 書高 勸崇來降, 國 沙 數 尚 止。 里, 令王仁入侍。 其 題請罪,乞以季女充 書事 城 西行, 和 內 認 • 龍 崇納 士 遼西 太武 永昌王健督諸軍 城 女 至 生白 入于 水 一十郡,〔三承 又詔樂平王 之。 弘 則 不 高 在前 會 聽,乃 麗。 太武 崇母 液庭 者 銜 救 制 使 弟 密 丕 先

弘 至 遼東, 高 麗 遭 使 /勞之曰: 龍 城王 演君, 爱適野次, 士馬勞乎。」弘 慚怒,稱制答讓

列

傳

第

八

寸。

弘子朗、邈。

朗子熙,在外戚傳。

質任 高麗 王仁。 乃處之於平郭,尋徙北豐。 弘忿怨之,謀將南奔。 太武 弘素侮高麗,政刑賞罰,猶如其國。 又徵弘於高麗。 乃殺之於北豐,子孫同時死者十餘 高麗乃奪其侍人,

署 敗,國仁叔步頹叛於隴右。 士 可繁,擁部落降苻堅 城以都之。 ·大都督、大將軍、大單于、[秦阿二州牧,Clay]號年建義,署置官屬。 乞伏 國仁,隴西人也。 ,堅以爲南單于,又拜鎭西將軍,鎭勇士川。 堅令國仁討之,步頹大悅,迎而推之, 其先如弗、征己自漢北南出。 五世祖佑隣,幷兼諸部,衆漸盛。父 司繁死,國仁爲將軍。及堅 部衆十餘萬。 分部內爲十一郡,築勇 道武 時,私

請援,明元許之。[辰]田于五溪,有梟集其手,尋爲其兄子公府所殺 爲 國 河州 中,遷於金城。 國仁 刺 史,封 死,弟乾歸統事,自署大都督、大將軍、大單于、河南王,改年爲太初,置百官。 歸 義侯。 城門自壞,乾歸惡之,遷於苑川。 尋遣還苑川。 乾 歸 乃背姚興,私稱秦王,置百官,號年更始。 尋爲姚興所破,又奔枹罕,遂降姚 興。拜 遣 登 使

子熾盤殺公府,代統任。 熾盤自稱大將軍、河南王,改年爲永康。 後襲禿髮傉檀於樂

安度質於京師。 金二百斤,請伐赫連昌,太武許之。及統萬事平,熾盤乃遣其叔平遠將軍泥頭、弟安遠將軍 都,滅之,乃私署秦王,置百官,改年爲建弘。 又使其中書侍郎王愷、丞相從事中郎鳥訥闐奉表貢其方物。 後遣其尚書郎莫者胡、積射將軍乞伏又寅貢 熾盤死,子慕

末統任。

之。 白養及去列,頗有怒言,又殺之。政刑酷濫,內外崩離,部人多叛。 傷慕末母 盡殺之。 殊羅 慕末字安石跋。 欲鞭什夤,什夤曰:「我負汝死,不負汝鞭。」慕末怒,刳其腹,投屍於河。什夤母弟 面 與叔父什夤謀殺慕末,使禿髮氏盜門籥。籥誤,門不開。門者以告,慕末收其黨, 至是,誅進五族二十七人。 旣立,改年爲永弘。其尚書隴西辛進嘗隨熾盤遊後園,進彈鳥, 慕末弟殊羅蒸熾盤左夫人禿髮氏,慕末知而禁 ,丸誤

末衛將軍吉毗固諫, | 宋乃焚城邑,毀寶器,率戶萬五千至高田谷。 城內大飢,人相食。 後爲赫連定所逼,遣王愷、烏訥闐請迎於太武。 神屬四年,慕末及宗族五百餘人出降,送于上邽,遂爲定滅。 以爲不宜內徙,慕末從之。 爲赫連定所拒,遂保南安。太武遣師迎之,慕 赫連定遣其北平公韋代率衆萬人攻南安。 太武許以安定以西,平凉以東封之。慕

大,故以官爲氏,以大冠之。世居盧水爲酋豪。 大沮渠蒙遜,本張掖臨松盧水人也。匈奴有左沮渠官,蒙遜之先爲此職,羌之酋豪曰 遜高祖暉仲歸、曾祖遮,皆雄健有勇名。祖

祁復延,封伏地王。父法弘,襲爵。 苻氏以爲中田護軍

蒙遜威名,微疏遠之。天興四年,蒙遜內不自安,請爲西安太守。曰是蒙遜欲激怒其衆,乃密 太守,封臨池侯,男成爲輔國將軍,委以軍國之任。業又自稱涼王,以蒙遜爲尚書左丞。 枪罕,爲乾歸所敗,殺之。蒙遜求還葬羅仇,因聚衆屯金山,與從兄晉昌太守男成共推建 遜自領營人,配箱直。又以蒙遜叔父羅仇爲西平太守。後遣其子慕率羅仇伐乞伏乾歸於 太守段業爲使持節、大都督、龍驤大將軍、凉州牧、建康公,稱神璽元年。業以蒙遜爲張掖 誣告男成叛逆,業殺之。蒙遜泣而告衆,陳欲復讎之意。男成素有恩信,衆情怨憤,泣而從 蒙遜因舉兵攻殺業,私署使持節、大都督、大將軍、凉州牧、張掖公,年號永安。居張 蒙遜代父領部曲,有勇略,多計數,頗曉天文,爲諸胡所推服。 是月,凉武昭王亦起兵,年號庚子。 呂光自王於涼土,使蒙 康

校郎言事於蒙遜, 蒙遜曰:「汝聞劉裕入關,敢研研然也」遂殺之。尋稱藩于晉。泰常中, 遜 寝 於新臺,閹人王懷祖斫蒙遜,傷足。蒙遜妻孟氏禽懷祖斬之。及聞晉滅姚泓,怒甚。有 永興中,蒙遜剋姑臧,遷居之,改號玄始元年,自稱河西王,置百官。頻遣使朝貢。蒙

蒙遜剋敦煌,改年承玄。 後又稱蕃于宋,幷求書,宋文帝並給之。 蒙遜又就宋司徒王弘求

搜神記,弘與之。

蒙遜 侍。 西大 將 死,韶遺使監護喪事,私諡武宣王。 神廳中,遣尚書郞宗舒、左常侍高猛朝貢,上表稱臣。前後貢使相望。後遣子安周內 士、涼州 達兼太常李順持節拜蒙遜爲假節,加侍中、都督涼州西域羌戌諸軍事、太傅、行征 牧、涼王。 使崔浩爲册書以褒賞之。 蒙遜性淫忌,忍於刑戮,閨庭之中,略無風禮 蒙遜又改義和元年。 延和二年四月

號,優 府儀 中古弼、尚書李順 於 請 年。 順 迎蒙遜 或 公主及 內 同三司、領護西戎校尉、涼州刺 第三子收犍統任,自稱河西王,遣使請朝命。并遣使通宋,受宋褒授。 韶不許。 可 牧犍 稱王 女爲夫人,會蒙遜死,牧犍受蒙遜遺意,送妹於京師,拜爲右昭儀。 又遣李順拜牧犍爲使持節、侍中、都督凉沙河三州西域羌戎諸軍事、車騎將軍、開 后,於京師 母妃后定號。 牧犍尚太武妹武威公主,遣其相宋繇表謝,獻馬五 賜其侍臣衣服有差,幷徵世子封壇入侍。 則 稱公主。 朝議 謂 史、河西王。 禮母以子貴 韶從之。 牧犍遣建節將軍沮渠旁周 牧犍以無功受賞,乃留順,上表乞安、平一 妻從夫爵, 牧犍乃遣封壇朝京師 牧犍 母宜 百匹,黄金百斤。 稱 朝京 河西國太后,公主 先是,太武遣李 師,太武遣侍 改稱承和元 繇又表

遣,厚送居於<u>酒泉。上大怒。旣</u>剋,猶以妹壻待之。其母死,以王太妃禮葬焉。又爲<u>蒙遜</u> 氏,兄弟三人傳嬖之。李與牧犍姊共毒公主,上遣醫乘傳救公主,得愈。上徵李氏,牧犍不 置守冢三十家,授牧犍征西大將軍,王如故。 軍董來曰:「祀豈有知乎」」遂毀祀伐木,通道而行。敗犍立,果七年而滅。初,牧犍淫嫂李 西,三十年,破帶石,樂七年。」帶石青山名,「邑己在姑臧南。山祀傍泥陷不通,牧犍征南大將 然不見。其書紙八字,文曰:「凉王三十年,若七年。」又於震電所得石,丹書曰:「河西,河 請罪,詔釋其縛。徙涼州人三萬餘家于京師。初,太延中,有一老父投書於敦煌城東門,忽 知其情。 牧犍令出。 國計,不肯出迎,求救於蠕蠕。遣大將董來萬餘人拒軍於城南,戰退。 是親征之。 太延五 太武乃引諸軍進攻,牧犍兄子萬年率麾下又來降。城拔,牧犍與左右文武,面縛 牧犍聞蠕蠕內侵善無,[80]幸車駕返旆,遂嬰城自守。 韶公卿爲書讓之,數其罪十二。官軍濟河,牧犍曰「何故爾也。」用其左丞姚定 年,太武遣尚書賀羅使凉州,且觀虛實。帝以牧犍雖稱藩致貢,而內多乖悖,於 牧犍兄子祖踰城出降,具 車駕至姑臧,遣使喻

中,悉得所藏器物。又告收犍父子多畜毒藥,前後隱竊殺人,乃有百數,姊妹皆爲左道,朋行 一、巨細 初,官軍未入之間,收犍使人斫開府庫,取金銀珠玉及珍奇器物,不更封閉,百姓因之 蕩 盡。 有司求賊不得。」眞君八年,其所親人及守藏者告之,乃窮竟其事,搜其家

趸。 乃自 女,蒙遜諸女、 王妹曼頭 淫佚,曾無愧顏。 事,拷訊 裁 是年, 殺之。 葬 陁林淫 人又告收犍猶與故臣交通謀反, 以王 子婦, 至此, 通 禮 始罽賓沙門曰曇無讖,東入鄯善,自云能使鬼療病,令婦人多子。 諡 發覺, 皆往受法。 帝知之,於是賜昭儀沮渠氏死,誅其宗族。 日哀王。 亡奔涼州。 及公主薨,詔與牧犍合葬。 太武聞諸行人言曇無讖術, 蒙遜寵之,號日聖人。 韶司徒崔浩就公主第賜牧犍 公主無男,有女,以國甥得襲母 乃召之。 曇無讖 唯萬年及祖 以男女交接術 蒙遜不遣,遂發露其 死。 與主決良久, 以前先降,得 與鄯善 敎 授婦

殺之。 蒙 萬年 遜 子季義、四立位東雍州刺史。 、祖並以先降,萬年拜張掖王,祖廣武公。 眞君中,與河東薛安都謀逆,召至京師,付其兄弟扼 後 坐謀逆,俱死

舒爲

武威公主

送潔 退保 太守 復 臨 及 無諱奔晉昌,乃使弋陽公元潔守酒泉。眞君初,無諱圍酒泉,陷之。 初 統 松。 規叛,遣南陽公奚眷討酒泉,「圈」剋之。 牧犍之敗,弟樂都太守安周南奔吐谷渾,太武遣鎮南將軍奚眷討之。 帥 兵士于健軍。四三二年,太武 太武 不伐,詔諭之。 時永昌 遣使拜無諱 王健鎭涼州 無諱遂謀度流沙,遣安周 爲征 無諱使其 西大將軍 中尉 梁偉詣健,求奉 涼州 叉圍 西擊鄯善。 牧、 酒泉王。 張掖,不能剋, 牧犍弟酒泉 酒泉。又 鄯善欲

列

第

焉耆 從安周 降,會魏使者勸令拒守,安周不能剋,退保東城。三年春,鄯善王比龍西奔且末,其世 寶舅唐契所攻,聞無諱至鄯善,使詐降,欲令無諱與唐契相擊。 留高昌。 東北 趣高昌。 五年夏,無諱病死,安周立,爲嶿蠕所弁。 鄯善大亂。 會蠕蠕殺唐契,爽拒無諱。 無諱遂度流沙,士卒渴死者太半,仍據鄯善。 無諱將衛興奴遂屠其城。 無諱留安周住鄯善、四一從 先是高昌太守闞爽 爽奔蠕蠕,無諱因 字乃 爲 李

附焉。 佛義,特爲梁武嘉賞。 物殷阜,一都之會,故有此授,以慰其心。 史,領會稽太守。 老,朝多秕政,有敗亡之漸。 梁帝蕭詧字理孫,蘭陵人,武帝之孫,昭明太子統之第三子也。 左右遂至數千人,皆厚加資給。 初,昭明卒,梁武捨營兄弟而立簡文, 梁普通 遂蓄聚貨財,交通賓客,招募輕俠,折節下之。 中,封曲江縣公。 營旣以其昆季不得爲嗣 及昭明 太子薨,封譽岳陽郡王,位 內常愧之, ,常懷不 故寵 幼好學,善屬文,尤長 亞諸子。 卒。 其勇敢者,多歸 又以梁武衰 以會稽 東揚 州 刺

之地,又深武創基之所,時平足以樹根本,時亂足以圖霸功,遂務修刑政。 中大同元年,「四、一除西中郎將、雍州 刺 史, 都督五州諸軍 事,寧蠻校尉。 太清二年,梁武 **營以** 襄陽形勝

輜重多沒於湕水。「智」營恐不能自固,乃造蔡大寶求附庸于西魏。 之。梁元大懼,乃遣參軍庾奧謂營曰:「以姪伐叔,逆順安在。」營曰:「家兄無罪,屢被攻圍, 擒方貴兄弟黨與,並斬之。營時以譽危急,乃留諮議參軍蔡大寶守襄陽,率衆伐江陵以救 營不從。而方貴潛與梁元相知,剋期襲營。未及發,會營以他事召方貴,謀泄,遂據樊城拒 都。 四尺,衆頗離心。軍主杜岸、岸弟幼安及其兄子龕,以其屬降於江陵。 七父若顧先恩,豈應若是?如能退兵湘水,吾便旋旆襄陽。」時攻栅不剋,會大雨暴至,平地 命。營遣軍攻之。 方等及王僧辯相繼攻譽。譽告於營,營聞之大怒。及梁元將援建業,令所督諸州並發兵赴 衡之,遂託疾不與相見。 以譽兄河東王譽爲湘州刺史,徙湘州刺史張纘爲雍州。 營遣府司馬劉方貴領兵為前軍, 出漢口。及將發, 梁元又使諮議參軍劉瑴召營自行, 梁元乃厚資遣張纘,若將述職,而密援方貴。 後聞侯景作亂,頗陵蹙纘。 纘構譽及營於梁元帝, 元帝令其世子 纘恃才輕譽,州府迎候有闕。 讚次大隄,而樊城已陷。 營夜遁歸襄陽,器械 時西魏大統十五年 譽深

遣 及 榮權策命營爲梁王。 開府楊忠爲援。十六年,忠擒仲禮,平漢東。西魏命營發喪嗣位,使假散騎常侍鄭孝穆 是歲,梁元令柳仲禮圖襄陽,營乃遣妃王氏及世子寮爲質,請救。 乃於襄陽置百官,承制封拜。 十七年,留尚書僕射蔡大寶守雍部, 周文令榮權報命,仍 也。「图了周文令丞相東閣祭酒樂權使焉

列傅

未嘗見失信。」營曰:「樂常道二國之言無私,「日己故營今者得歸誠魏闕耳。」 而 朝于京師。 周文謂曰:「王之來此、頗由榮權。」乃召權見,曰:「權吉士也,寡人與之從事,

綸太宰,諡曰壯武。 朔。 陵 尊其父統爲昭明皇帝,廟號高宗,統妃蔡氏爲昭德皇后。 云 王氏爲皇后,子巋爲皇太子。其慶賞刑威,官方制度,並同王者。唯上疏則稱臣,奉朝廷正 助營備禦,內實防營。「至0〕 東 城 至於爵命其下,亦依梁氏之舊。其戎章勳級,則又兼用柱國等官。又追贈叔父邵陵王 魏 ,資以江陵一州之地。 恭帝元年,周文命柱國于謹伐江陵,營以兵會之。及江陵平,周文命營主梁嗣,居江 贈兄河東王譽丞相,諡曰武桓。 其襄陽所統,盡入於周。 周文仍置江陵防主,統兵居於西城,外 **營乃稱皇帝於其國,年號大定。追** 又尊其所生母龔氏皇太后。立妻

營禦之, 四。 蕃乞師於營,營許之。 郡。 雨 震 五年, 是歲,周保定二年也。八月,葬于平陵,諡曰宣皇帝,廟號中宗。 初 前殿崩, ,江陵滅,梁元將王琳據湘州,志圖匡復。及營立,琳乃遣其將潘純陁、侯方兒來寇· 純陁等退歸夏口。營之四年,營遣其大將軍王操略取王琳之長沙、武陵、南平等 王琳又遣其將雷文柔襲陷監利郡,太守蔡大有死之。至己尋而琳與陳人相持,稱 壓二百餘人。七年冬,有鵬鳥鳴于寢殿。 師未出 而琳軍敗,附於齊。 是歲,其太子歸來朝京師。 八年二月,營終于前殿,時年四十 六年四月,大

之,〔三〕擔興者,冬月必須裹頭,夏月則加蓮葉帽。 酒,安於儉素。 婦人之衣,更不著,並皆 棄 之。 一 幸 姬 媵,病臥累旬。 **營少有大志,不拘小節,雖多猜忌,而知人善任使,撫將士有恩,能得其死力。** 事母以孝聞。又不好聲色,尤惡見婦人,雖相去數步,亦云遙聞其臭。 其在東揚州,頗放誕,省覽簿領,好爲戲 又惡見人髮, 白事者,必方便避 性不飲 經御

弄之言,以此獲譏於世。

恥其威略不振,常懷憂憤,乃著愍時賦以見志焉。居常怏怏,每誦「老馬伏櫪,志在千里,烈 人待我甚厚,未可背德。若遽爲卿計,則鄧祁侯所謂人將不食吾餘。」旣而闔城長幼,被虜 無故事。若殿下爲設享會,固請于謹等爲歡,〔三〕彼無我虞,當相率而至,預伏武士,因而斃 殿下旣殺人父兄,孤人子弟,人盡讎也,又誰與爲國?但魏之精銳,盡萃於此,犒師之禮,非 並充軍實。然此等戚屬,咸在江東。悠悠之人,可門到戶說。旣塗炭至此,咸謂殿下爲之。 廉,以取名譽,人主者,定天下,安社稷,以成大功。今魏虜貪惏,罔顧弔伐之義,俘囚士庶, 然後朝服濟江,入踐皇極,續澆復禹,萬世一時。」營謂德毅曰:「卿此策非不善也,然魏 江陵百姓,撫而安之,文武官僚,隨卽銓授。魏人懾息,未敢送死,僧辯之徒,折簡可 及江陵平,宿將尹德毅謂營曰:「臣聞人主之行,與疋夫不同。疋夫者,飾小行,競小

列

士暮年,壯心不已」,未嘗不盱衡扼腕歎吒者久之。〔晉〕遂以憂憤發背而死。

世。 營篤好文義,所著文集十五卷,內典華嚴、般若、法華、金光明義疏三十六卷,並行於 武帝又命其太子巋嗣位,年號天保。

后。 太后 祖 母襲太后曰太皇太后,嫡母王皇后曰皇太后,所生曹貴嬪曰皇太妃。 意,諡曰元太后。九月,其太妃又薨,諡曰孝皇太妃。二年,其皇太后薨,諡曰宣靜皇 |歸字|||遠,||詹之第三子也。機辯有文學,善於撫御,能得其下歡心。嗣位之元年,尊其 其年五月,其太皇

退敗 陳。 年,明徹進寇江陵,引江 王操拒守。歸馬軍主馬武、吉徹等擊明徹,明徹退保公安,至縣之歸乃還江陵。 王操率水軍二萬,會皎於巴陵。旣而與陳將吳明徹等戰於沌口,直軍不利,元定遂沒,歸大 不獨罪亮,至然不敢違命,遂誅之。吳明徹乘勝攻剋歸河東郡,獲其守將許孝敬。 李廣等亦爲陳人所虜,長沙、巴陵並陷於陳。衞公直乃歸罪於歸之柱國殷亮。 歸上言其狀。武帝詔衞公直督荆州總管權景宣、大將軍元定等赴之。 五年,陳湘州刺史華皎、巴州刺史戴僧朔並來附。皎送其子玄響爲質於歸,仍請兵伐 ,水灌城。 巋出頓紀南,以避其銳。 江陵副總管高琳與其尚 歸亦遣其柱國 歸之八年,陳 **歸雖以** 書僕射 明

叉遣 其司空章昭達來寇,江陵總管陸騰及歸之將士擊走之。 昭達又寇竟陵之靑泥,歸令其

大將軍許世武赴援,大爲昭達所破。

陳之美?望借數州,以裨梁國。」直然之,乃遣使言狀。帝許之,詔以基、泙、鄀三州歸之於 「梁主旣失江南諸郡,〔長〕人少國貧,朝廷興亡繼絕,理宜資贍。 封江夏郡公;僧朔爲車騎將軍,封吳興縣侯。 巋之十年,皎將來朝,至襄陽,請衞公直曰: 初,華皎、戴僧朔從衞公直與陳人戰敗,至三率其麾下數百人歸於歸。 豈使齊桓、楚莊獨擅救衛復 歸以皎爲司空,

敢不同百獸?」帝大悅,賜雜繒萬段、良馬數十疋,幷賜齊後主妓妾,及帝所乘五百里駿馬以 朕者也。」歸曰:「長叉未能輔傑,翻敢吠堯」」帝大笑。及酒酣,帝又命琵琶自彈之,仍謂歸 大加賞異,禮遇日隆。後帝復與之宴,齊氏故臣叱列長叉亦預焉,帝指謂歸曰:「是登陴罵 |文拯救之恩,并敍二國艱虞,脣齒掎角之事。 辭理辯暢,因涕泣交流,帝亦爲之歔欷。 自是 曰:「當爲梁主盡歡。」歸乃起請舞,帝曰:「王乃能爲朕舞乎。」歸曰:「陛下旣親撫五絃,臣何 及平齊,歸朝於鄴,帝雖以禮接之,然未之重也。歸知之,後因宴承間,乃陳其父荷周

及隋文帝執政,尉遲迥、王謙、司馬消難等各起兵。時歸將帥皆密請興師,與迥等爲連 列 傳 第 八 憯 僞 附 庸

帝覽而嗟悼。巋在位二十三年。梁之臣子,葬之顯陵,諡曰孝明皇帝,廟號世宗。 年,來朝長安。帝甚敬待之,詔巋位在王公之上。歸被服端麗,進退閑雅,天子矚目,百僚 隋文帝備禮納巋女爲晉王妃,又欲以其子瑒尙蘭陵公主,由是罷江陵總管,巋專制其國。四 衡之勢,進可以盡節於周氏,退可以席卷山南。 振旅

長江,相送旋反。」

歸拜謝而歸。

五年五月,寢疾薨。

臨終上表奉辭,并獻所服金裝劍, 傾慕。帝賜歸縑萬疋,珍玩稱是。及還,親執其手謂之曰:「梁主久滯|荆楚,未復舊都,朕當 滅。隋文帝旣踐極,恩禮彌厚,遣使賜金五百兩、銀千兩、布帛萬疋、馬五百疋。開皇二年, 歸以爲不可。 俄而消難奔陳,迥等相次破

所著文集及孝經、周易義記及大小乘幽微,並行於世。 文帝又命其太子 琮嗣位。 歸孝悌慈仁,有君人之量。四時祭享,未嘗不悲慕流涕。**性尤儉約,御下有方,境內安**

大臣璽書,誡勉之。時琮年號廣運,有識者曰:「運之爲字,軍走也,吾君將奔走乎」其年, 中,持帖者亦不懼。 因留不遣。復置江陵總管以監之。琮所署大將軍許世武密以城召陳將宜黃侯陳紀,謀泄, 踪遣大將軍

戚昕以舟師襲陳公安,不剋而還。

文帝徵踪叔父

岑入朝,拜大將軍,封懷義公, | 琮字溫文,性俶儻不羈,博學有文義。 兼善弓馬,遣人伏地持帖, 琮奔馬射之, 十發十 初封東陽王,尋立爲梁太子。及嗣位,帝賜以璽書,敦勉之。又賜梁之

踪誅之。

之,遂引陳人至城下,虜居人而叛。於是廢梁國。上遣左僕射高頗安集之,曲赦江陵死罪, 矣」上以踪來朝,遣武鄉公崔弘度將兵戍之。 後二歲,上徵除入朝,率臣下二百餘人朝京師。 軍至都州,踪叔父巖及弟臟等懼弘度掩襲 江陵父老莫不殞涕曰:「吾君其不反

給復十年。 梁二主各給守墓十戶,拜踪柱國,賜爵莒國公。

自營初卽位,歲在乙亥,至是,歲在丁未,至己凡三十三載而亡。

誅,CKOD復有童謠曰「蕭蕭亦復起」,帝由是忌之,遂廢於家。 **)房,未之前**聞。」|素慚而止。 嫁妹於侯莫陳氏,此復何疑。上素曰:「鉗耳,羌也,侯莫陳,虜也。 時爲尙書令,見琮嫁從父妹於鉗耳氏,謂曰:「公帝王之族,何乃適妹鉗耳氏。」踪曰:「前已 帝令約宣旨誡勵。 是諸蕭昆弟,布列朝廷。 |琮至煬帝嗣位,甚見親重,拜內史令,改封梁公。| 琮之宗族,總麻以上,並隨才擢用,於 約復以私情諭之,琮曰「踪若復事事,則何異公哉。」約笑而退。》約兄素 **琮性澹雅,不以職務自嬰,退朝縱酒而已。 | 琮雖羇旅,見北間豪貴,無所降下。** 卒,贈左光祿大夫。 何得相比。」除日:「以羌異 常與賀若酮 內史令楊約與琮同列, 深友,弼旣

宇文皛出入宫掖,伺察內外。 子 · 鼓,位襄城通守。 復以踪弟子鉅爲梁公。 帝每有遊宴,與未嘗不從。 **鉅小名曰臟**, 遂於宮中,多行淫穢。 煬帝甚昵之,以爲千牛。

傳第八十一 婚偽附庸

列

爲宇文化及所殺。

琮弟嫐,義興王;豫,晉陵王;璟,臨海王;珣,南海王;陽,義安王;瑀,新安王。CKII 營子寮,追諡孝惠太子,「KID巖,封安平王,岌,封東平王,岑,封河間王,後改封吳郡王。

傳,及歸諸子未任職者,則不兼錄。 保其疆土而 孝勝、范迪、沈君游、君公、柳信言,「於三政事則袁敞、柳莊、蔡延壽、甄詡、「於三皇甫茲。 宗室則蕭欣、蕭翼,人望則蕭確、謝溫、柳洋、王湜、徐岳,外戚則王洋、王誦、殷璉,文章則劉 學蒙厚禮。自餘多所獎拔,咸盡其器能。及歸纂業,親賢並用。將相則華皎、殷亮、劉忠義, 爪牙,甄玄成、劉盈、岑善方、傅淮、[kē]褚珪、蔡大業典衆務,張綰以舊齒處顯位,沈重以儒 「

營之居帝位、」「Kill以蔡大寶爲股肱,王操爲腹心,魏益德、尹正、薛暉、許孝敬、薛宣爲 和其人焉。 今載營子寮等及蔡大寶以下尤著者,附于左。 其在梁、陳、隋已有 故能

寮字道遠,營之長子也。 母日宣靜皇后。 營之爲梁王,立爲世子。 尋病卒。 及營稱

帝,追諡焉。

巖字義遠,營第五子也。 性仁厚,善撫接,歷尚書令、太尉、太傅。 入陳,授東揚州刺

史。「天子」及陳亡,百姓推巖爲主。爲總管宇文述所破,伏法於長安。

|岌,||營第六子也。||性淳和,位至侍中、中衞將軍。||歸之五年,卒。 贈司空,諡日孝。

不法。故隋文徵入朝,拜大將軍,封懷義郡公。 |岑字智遠,|營第八子也。位至太尉。性簡貴,御下嚴整。及||踪嗣位,自以望重屬尊,頗

慶衣道士服,棄城而遁。

熾敗,將左右數人,逃于太湖,匿于人家。被執,述送長安斬之。 異奔嘯,由是益爲衆所歸。宇文述討之,「於己職遣王襃守吳州,自將拒述。述遣兵別道襲襃, 陳亡,吳人推之爲主。吳人見梁武、簡文及營、歸等兄弟中並第三,而踐尊位。 蹴自以歸第 三子,深自矜負。有謝異者,頗知廢興,梁陳之際,言無不驗,江南人甚敬信之。及陳主被禽, |蠍懼,與其叔父|巖奔陳。|陳主以爲侍中、吳州刺史,甚得物情。三吳父老皆曰:「吾君之子。」 璟,仕隋,尙衣奉御,陽,衞尉卿、祕書監、陶丘侯,瑀,內史侍郎、河池太守。 | 撒字欽文, 歸第三子也。幼有令譽, 能屬文。位荆州刺史, 頗有能名。崔弘度兵至郡州,

干僕射徐勉,勉大賞異,乃令與其子遊處,所有墳籍,盡以給之。遂博覽羣書,學無不綜。營 大寶少孤,而篤學不倦,善屬文。初以明經對策第一,解褐武陵王國左常侍。嘗以書 蔡大寶字敬位,濟陽考城人。祖履,齊尙書祠部郎。父點,梁尙書儀曹郎、南兗州別駕。

列傳

初出第,勉仍薦大寶爲侍讀,兼掌記室。尋除尙書儀曹郞。 悦,乃示所制玄覽賦,令注解焉。三日而畢。梁元大嗟賞之,贈遺甚厚。大寶還,白詧云: 皆自大寶出。 議,不得,以爲記室。大寶攘臂而出曰:「不爲孫秀,非人也。」營莅襄陽,遷諮議參軍,謀謨 及梁元與河東王譽結隙,營令大寶使江陵以觀之。 營出鎭會稽,大寶詣選曹求諮 梁元素知大寶,見之甚

「湘東必有異圖,禍亂將作,不可下援臺城。」營納之。

及葬、巋三臨其喪。贈司徒、進爵爲公、諡曰文凱、配食醫廟。 位,册授司空、中書監、中權大將軍、領吏部尚書。固讓司空、許之,加特進。歸之三年,卒。 及營於江陵稱帝,爲侍中、尚書令,參掌選事,進位柱國、軍師將軍,封安豐縣侯。

之。營推心委任,以爲謀主。 時人以營之有大寶,猶劉先主之有孔明焉。 所著文集三十 大寶性嚴整,有智謀,雅達政事,文辭贍速。營之章表、書記、敎令、詔册,並大寶專掌

卷,及尚書義疏,並行於世。

書右丞、吏部郎、御史中丞。從琮入隋,授開府儀同三司、秘書丞。終於成州刺史。 有四子。次子延壽有器識,博涉經籍,尤善當世之務。尚營女宣城公主,歷中書郎、尚

祿大夫,諡曰簡。有五子,Ckā 允恭最知名。位太子舍人。梁滅入陳,爲尚書庫部郎。陳亡 大寶弟大業,字敬道。有至行,位散騎常侍、衞尉卿、都官尚書、太常卿。卒,贈金紫光

賢相之速也」及葬,親祖於瓦官門。贈司空,進爵爲公,諡曰康節。 朝右,每自挹損,深得當時之譽。卒,歸舉哀於朝堂,流涕曰:「天不使吾平蕩江表,何奪吾 江陵獲全,操之力也。遷侍中、中衞將軍、尚書令、開府儀同三司,領荆州刺史。 授鎭右將軍、尚書僕射。及吳明徹爲寇、歸出頓紀南,操撫循將士,莫不用命。 軍,親任亞於蔡大寶。及營稱帝,歷五兵尙書、郢州刺史,進位柱國,封新康縣侯。 王操字子高,其先太原晉陽人,營母襲氏之外弟也。性敦厚,有籌略。 初爲營外兵參 明徹旣退, 操旣位居 歸嗣位,

有七子,次子衡最知名。有才學,位中書、黃門侍郎。

諡曰忠壯,進爵爲公。歸之五年,以益德配食營廟。 魏益德,襄陽人也。有材幹,膽勇過人。營稱帝,進位柱國,封上黃縣侯。 卒,贈司空,

帝,除護軍將軍,位柱國,封新野縣侯。卒,贈開府儀同三司,諡曰剛。歸之五年,以正配食 尹正,其先天水人。營莅雍州,正爲其府中兵參軍。禽張纘,獲杜岸,皆正之力。營稱

列傳第八十一 僭偽附庸

| 層 廟

子德毅,多權略,位大將軍。後以見疑賜死。

得其書,送於營。營深信佛法,常願不殺誦法華經人。玄成素誦法華經,遂以此獲免。 陽,轉中記室參軍,頗參政事。 甄玄成字敬平,中山人。 以江陵甲兵殷盛,遂懷貳心,密書與元帝,具申誠款。或有 博達經史,善屬文。 少爲簡文所知。 以錄事參軍隨營鎮

後見之,常曰:「甄公好得法華經力。」後位吏部尚書,有文集二十卷。

子翮,少沈敏,閑習政事。歷中書舍人、尚書右丞。從宗入隋,授開府儀同三司,終於

太府少卿。

機密。卒,贈太常卿,諡曰敬。所著文集十卷。 年,封長寧縣公。及營稱帝,位散騎侍郎、起部尚書。善方性淸愼,有當世幹能,故營委以 以刑獄參軍隨營至襄陽。營初請內附,以善方無記室充使,往來凡數十反。魏恭帝二 岑善方字思義,南陽棘陽人。祖惠甫,給事中。 父昶,散騎侍郎。 善方有器局,博綜經

有七子,並有操行。之元、之利、之象最知名。 之元太子舍人,早卒。之利仕隋,位零

如周 周懼,出告蔡大寶。 何 又嘗有人訴事於如周,謂爲經作如州官也。 聞 小人,敢呼我名 經隨喜,面不狹長。」嘗戲之曰:「卿何爲謗經。」」如周踧踖,自陳不謗。 列則 宗如周,南陽人。有才學,以府僚隨營,後至度支尙書。 不敢喚如周官作如州。」「中の」如周乃笑曰:「令卿自責,見侮反深。」衆咸服其寬雅。 了其人慚謝曰:「祗言如周官作如州,不知如州官名如周,早知如州官名 大寶知其旨,笑謂之曰:「君當不謗餘經,正應不信法華耳。」如周 乃曰:「某有屈滯,故來訴如州官。」如周 如周面狹長,營以法華經 營叉謂之如初。如 日:「爾 乃悟。

主者 今周 詣 左 周。 戶尙書。「是三從琮入隋,授開府儀同三司。 不能 朝宗萬國,招攜以禮。[刊]若使|梁之行人在陳之後,便恐彝倫失序。 袁敞,陳郡人。 時主者以敞班在陳使之後,敞固不從命曰:「昔陳之祖父,乃梁諸侯下吏,盜有江東。 屈,遂以狀奏。 祖昂,司空。父士俊,安成內史。敞少有識量,博涉文史。 周武帝善之,乃詔敞與陳使異日而 終於譙州刺史。 進。 使還,以稱旨,遷侍中。 豈使臣之所望焉。」 以東部郎使 轉

列

傅

論曰:自金行運否,中原喪亂,元氏唯天所命,方一函夏。 鐵弗、徒何之輩,雖非行錄所

歸,觀其遞爲割據,亦一時之傑。然而卒至夷滅,可謂魏之驅除。

具舉,朝宗上國,則聲猷遠振。 遠,享國雖短,可不謂賢哉!嗣子纂業,增修遺構,賞罰得衷,舉厝有方。密邇寇讎,則威略 自固,稱藩內款,終能據有全變,中興頹運。雖土字殊於舊邦,而位號同於曩日。 事自持,蓋亦守滿之道也。 梁主任術好謀,愛賢養士,蓋有英雄之志,霸王之略焉。 豈非繼世之令主乎? 踪大去其邦,因而不反,遂爲外戚。 及淮海版蕩,骨肉猜貳,摧衆 貽厥自

校勘記

鐵弗劉武 魏書卷九五鐵弗劉虎傳「武」作「虎」、北史避唐諱改。

居於新興慮虒之北 諸本「慮虒」作「虒意」。洪頤煊云:「當作慮虒,傳寫之譌。」按魏書鐵弗劉

虎傳作「慮虒」。 魏書地形志上肆州永安郡即新興郡改名驢夷縣注云:「二漢屬太原,曰慮虒。」洪

說是,今據改。

ハミン 北人謂胡父鮮卑母爲鐵弗 諸本「父」下衍「爲」字,據魏書删。

- 遣使請堅求田內地 諸本無「內」字,魏書有。 按此謂至內地遊牧田獵,故下文云:「春去秋
- 來」。「內」字誤脫,今據補
- **35**. 爲二部,當是庫仁爲東單于,衞辰爲西單于。「新」當是「雜」之訛,下文「都督北朔雜夷諸軍事」 堅後以衞辰爲單于督攝河西新類 魏書「單于」上有「西」字、「新」字作「雜」。按衞辰與庫仁分

可証。

△☆ 遂至衞辰所居悅跂城 「悅跂城」,魏書劉虎傳及卷二太祖紀登國六年並作「悅跋城」。「跂」當

是「跋」之訛。

- てもし 奔薛干部帥太悉伏 諸本「干」作「于」,今改。參看卷一道武紀校記。
- 興高平公破多羅沒奕于妻之以女 連勃勃載記作「于」。未知孰是,今本書統一作「于」。 諸本「于」作「干」、魏書百衲本作「于」。 按晉書卷一三〇赫
- (な)以長安爲南都 諸本「都」訛作「郡」、據魏書改。
- 改年承光 「承光」,魏書作「永光」。 晉書載記不記昌之年號, 通志卷一九三赫連勃勃載記作

「承元」。未知孰是。

彼先聞有步 乃涉上文而誤,今據改。 軍 而徒見騎至 諸本「而徒」作「步從」、魏書作「而徒」。 按「從」乃「徒」之訛,「步」

列傳第八十一 校勘記

- [三] 次于黑水 諸本「次」訛作「決」、據魏書改。
- 昌將狄子玉來降說昌使人追其弟定 息。「昌使人追其弟定」至「昌以爲然」,卽此消息內容。無「昌」字文意不明,今據補 諸本無下「昌」字、魏書有。 按此狄子玉向魏軍 報告消
- 爲吐谷渾慕璝所襲 諸本「慕」下有「容」字,魏書無。 按本書卷九六吐谷渾傳作「慕璝」。 容
- 是涉下文「慕容廆」而衍,今據删。
- 魏初率諸部落入居遼西 諸本「初」訛作「祖」、據魏書卷九五慕容廆傳改。
- 祖木延從毌丘儉征高麗有功 諸本脫「從」字,據魏書補。
- 建國二年昭成納晃女爲后 按據卷一字紀,卷一三后妃傅,建國二年所娶者是晃妹。 七年所
- 娶者才是晃女。
- 號年天璽 「天璽」,魏書作「元璽」。 按晉書卷一一〇慕容儁載記作「元璽」。「天」字疑誤。
- 泓謀臣高蓋宿勤崇等以泓德望後沖 書卷四八介朱天光傳見「宿勤明達」。 作「勒」誤、今據改。 諸本「勤」作「勒」、魏書作「勤」。按下文見「宿勤黎」。 本
- C10D 一雌復一雄 諸本脱「復」字、據魏書補。
- 關中忽然無火而煙氣大起 氣自燃。 北史改作「忽然」,易致誤解。 魏書「忽」作「土」。按晉書卷一一四苻堅載記也作「土然」。 卽煤

- 常自謂諸弟子曰 魏書作「常目而謂諸弟曰」,疑北史誤。
- 道武 遣陳留公虔使於垂 諸本脫「留」字,據魏書補。 陳留公虔見本書卷十五本傳。
- 李旱 諸本「旱」作「早」。 魏書作「早」。 按晉書卷一二四慕容盛載記、 通鑑卷一一〇三四七六頁

都作「旱」,今據改。

CE 吾 熙字道文小字長生垂之少子也 諸本「少子」作「長子」。 按慕容盛稱熙爲叔父, 則熙決非垂

之長子。今據魏書、晉書載記改。

- 二公 督益梁州 諸軍 事 諸本「益」下行「守」字,據魏書卷九五姚萇傳,晉書卷一一六姚<u>萇</u>載記 删
- 二出 興又將數千騎乘西口岸闚視太祖營束柏材從汾上流下之欲以毁〕橋 諸本脫「岸」至「毁」十八

字,據魏書補

- 屯汾西固守 浮橋」,知 魏書 南絕水口 是。 魏書作「屯汾西,固守南橋,絕塞水口」。 按 上文云:「又截汾曲爲南北
- 二元 平衆三千餘人 魏書「千」作「萬」、晉書載記作「四萬餘人」。
- 擒興 魏書卷二太祖紀、本書卷一道武紀天興五年並作「支」,今據改。 尙 書 右 僕 (射狄伯支已下四十餘人 諸本「支」作「友」。 **{魏** 百衲 本 作 支」。 按晉書載記、
- 尚書姚 軌 奉其西 平公主於明元 魏書「軌」作「泰」。 按魏書卷三太宗紀神瑞二年亦作「泰」。疑

列

傅

第

八

+

校

勘

記

「軌」誤。

乃與宋氏通和 魏書卷九七馮跋傳「宋氏」作「劉義隆」。 按此改作「宋氏」,與跋妾宋氏混

其尙書郭深勸之歸誠進女 魏書「深」作「淵」、北史避唐諱改。

遼西十郡 魏書及通鑑卷一二二三八四六頁「遼」上有「食」字。

封羽叉以凡城降 諸本「凡」作「九」、魏書、通鑑卷一二二三八四九頁作「凡」。 按凡城屢見晉書前

後燕載記參供亮吉十六國鹽域志前燕志。今據改。

其先如弗 諸本「如弗」倒作「弗如」,魏書卷九九乞伏國仁傳作「如弗」,晉書卷一二五乞伏國

仁載記作「如弗斯」,今據乙。

宣艺 秦河二州牧 諸本「秦」訛作「泰」、據魏書、晉書載記改。

明元許之 百衲本脱「明」字,南、北、汲、殿四本誤倒作「元明」、魏書作「太宗」,卽明元帝。今

據乙。

蒙遜內不自安請爲西安太守 百衲本、 南本及魏書卷九九沮渠蒙遜傳「西安」作「安西」,北、

汲、 殿三本作「西安」。按晉書卷一二九沮渠蒙遜載記,言段業築西安城,以其將臧莫孩爲太

守。 後蒙遜自請爲西安太守參十六國疆域志卷八西流志、卷九冰流流。此當是段業所置,今從北、汲、殿

三本。

- 牧犍聞蠕蠕內侵善無 諸本「善無」倒作「無善」,據魏書乙。
- 帶石青山名 魏書無「靑」字,此當是衍文。
- 蒙遜子季義 魏書「子」下有「秉字」二字。 按沮渠秉本書他處避唐諱、改「秉」爲「康」。 這裏是
- 參看卷三二雀鑒傳校記。

删

名稱字。

- 又送潔及統帥兵士于健軍 諸本「士」訛作「出」,據魏書改。
- 遣南陽公奚眷討酒泉 諸本「公」作「王」,魏書作「公」。按本書卷二〇、魏書卷三〇奚眷傳,眷

爵南陽公,未嘗封王,今據改。

- 是 無諱留安周住鄯善 諸本脫「無諱」二字,文義不明,據魏書補。
- 中大同 元年 諸本脫「中」字,據周書卷四八蕭營傳補。 刺史,見梁書卷三武帝紀中大

同 元年。

- により 器械輜重多沒於湕水 名,出南郡」。 今據改作水旁。 諸本「湕」作「健」。 周書及通鑑卷一六二五〇二九頁作「湕」。 胡注云:「水
- 時西魏大統十五年 西魏遣楊忠爲援。 據周書卷二文帝紀 也 諸本無「五」字, ,其事在大統 周書有。 按下文言是歲營為柳仲禮所攻,求救於西魏, 十五年,今據補。
- 「四九山 樂常道 國 之言 無私 周書作「榮常侍通二國之言無私」。 此脫「侍」字`「通」訛作「道」。

統兵居於西城外云助營備禦內實防營 兵居於西城,名曰助防,外示助營備禦,內實防營也」。、北史「名曰」二字是襲周書原文,「武桓周 諸本「城」下有「名曰武桓周文」六字。 按周書作「統

文」四字涉上行而衍。文不可通,今删去。

至二 太守蔡大有死之 諸本脫「蔡」字,據周書、通鑑卷一六七五一八三頁補。

至 又惡見人髮白事者必方便避之。諸本「事」下有「之」字,周書無。按若有「之」字,則「白」當從

上讀,似營所惡者是白髮。但據下文「擔輿者,各月必須裹頭,夏月則加蓮葉帽」,豈有擔輿者

盡是白頭? 知其惡見者是人髮,不僅是白髮。 今從周書删「之」字。

(至) 固請于謹等為歡 周書「固」作「因」,是。

未嘗不盱衡 扼腕歎吒者久之 諸本「扼」訛作「抱」,又脱「腕」字、據周書改補。

至色 歸雖以退敗不獨罪亮 周書「罪」作「在」, 言敗退的責任不應只由殷亮承担。 這裏「罪亮」疑是

「亮罪」誤倒。

全公 歸馬軍主馬武吉徹等擊明徹明徹退保公安 四字,通志重「明徹」二字。 按此脫文,今據通志補 諸本不重「明徹」、周書「明徹」下有「敗之明徹」

全出 初華皎戴僧朔從衞公直興陳人戰敗 諸本脫「敗」字、據周書補。

[云] 梁主旣失江南諸郡 諸本脫「失」字,據周書補。

- 「宝売」 至是歲在丁未 諸本脱「是」字,據周書及通志卷一九三蕭琮載記補。
- 公 合 己 弼旣 誅 諸本脫「弼」字,文義不明,據遜志補
- 營子寮追諡孝惠太子 置此 處,「百僚」乃「子寮」之訛,今據周書改正。 諸本「子寮」誤作「之居帝位百僚」六字。 按「之居帝位」四字乃下文錯
- **锡義安王瑀新安王** 諸本脫「瑪、新安王」四字、據周書補。
- 〔營之居帝位〕 此五字諸本錯置於「追諡孝惠太子」前,周書作「營之在藩及居帝位」八字。

按

- 「在藩及」三字或是北史所删,今但移正。
- 「公型」 傅淮 周書作「傅准」,並有傳,疑「淮」字訛。
- 柳信言 按本書卷八三文苑柳晉傳, **警字顧言,曾仕蕭營爲侍中,領國子祭酒、吏部尚書,疑**
- 卽此 人。「信」疑當作「顧」,涉「言」字而 訛
- 甄詡 諸本「詡」作「翊」、周書作「詡」。 按甄詡見下文甄玄成傳,今據改。
- 郡。 授東揚州刺史 「東陽州」無此地名,今據改。 踏本「揚」作「陽」**,** 周書作「揚」。 按梁於會稽置 東揚 州 見隋書地理志下會稽
- 字文述討之 諸本「討之」倒作「之討」,據隋書卷七九蕭巋附子嫐傳乙。
- 有五子 百衲 本、南本「五」作「王」、北、汲、殿三本作「三」,周書、通志作「五」。 按「王」乃「五」

列

傳

第

八

+

椌

勘

記

之訛,今從周書、通志改。

(P) 祗言如周官作如州不知如州官名如周早知如州官名如周則不敢喚如周官作如州 按文義,第

一句及第四句的「如周」,皆當作「如州」。

[七] 招攜以禮 諸本「禮」誤作「利」,據周書、通志改。 一个乃參以作的 好儿」 音管作 好儿

轉左戶尙書 周書「戶」作「民」、北史避唐諱改。

二古

北史卷九十四

列傳第八十二

高麗 百濟 新羅 勿吉 奚 契丹 室章 豆莫婁

地豆干 鳥洛侯 流求 倭

熾,七戎、六蠻,充牣邊鄙,雖風土殊俗,嗜慾不同,至於貪而無厭,狠而好亂,强則旅拒,弱 丹徼紫塞,隔以滄海交河,此之謂荒裔,感其氣者,則凶德行禀。〔〕若夫九夷、八狄,種落繁 所通,九川爲紀,五岳作鎭,此之謂諸夏,生其地者,則仁義所出,昧谷嵎夷,孤竹北戶,限以 土局而殊俗曠。 蓋天地之所覆載至大,日月之所照臨至廣。 人寓形天地、禀氣陰陽、愚智本於自然、剛柔繫於水土。 萬物之內,生靈寡而禽獸多,兩儀之間,中 故霜露所會,風氣

則稽服,其揆一也。

秦皇鞭笞天下,黷武於遐方,漢武士馬强盛,肆志於遠略。 剜 傳 第 八十二 高 避 匈奴已却, 其國乃虚, 天馬

時非秦、漢,志甚嬴、劉,逆天道以求其功,殫人力而從所欲,顚墜之釁,固不旋踵。 旣來,其人亦困。 是知雁海龍堆,天所以絕夷夏也,〔三炎方朔漠,地所以限內外也。 是以先 況乎

沙,王制之自北徂南,裁猶穴居交趾。 王設教,內諸夏而外夷狄,往哲垂範,美樹德而鄙廣地。 **豈非道貫三古,義高百代者乎!** 雖禹迹之東漸西被, 不過海及流

自魏至隋,市朝屢革,其四夷朝享,亦各因時。今各編次,備四夷傳云。

朱蒙。 急,朱蒙告水曰:「我是日子,河伯外孫,今追兵垂及,如何得濟。」於是魚鼈爲之成橋,朱蒙 其母以告朱蒙,朱蒙乃與焉遠等二人東南走。[三]中道遇一大水,欲濟無梁。 養馬。朱蒙私試,知有善惡,駿者滅食令瘦,駑者善養令肥。 字之曰朱蒙。其俗言「朱蒙」者,善射也。|夫餘人以朱蒙非人所生,請除之。王不聽,命之 於野,衆鳥以毛茹之。王剖之不能破,遂還其母。 而有孕,生一卵,大如五升。一夫餘王棄之與犬,犬不食,與豕,豕不食,棄於路,牛馬避之,棄 高句麗,其先出夫餘。王嘗得河伯女,因閉於室內,爲日所照,引身避之,日影又逐,旣 後狩于田,以朱蒙善射,給之一矢。 朱蒙雖一矢,殪獸甚多。夫餘之臣,又謀殺之, 母以物裹置暖處,有一男破而出。及長, 夫餘王以肥者自乘,以瘦者給 夫餘人追之甚

衣,與朱蒙至紇升骨城,遂居焉。 得 生子始閭諧。 魚鼈乃解,追騎不度。 及長,知朱蒙爲國王,即與母亡歸之。 朱蒙遂至普述水,遇見三人,一 號日高句麗,因以高爲氏。 名日閭達,委之國事 著麻衣,一 其在夫餘妻懷孕, 著衲衣, 朱蒙逃後, 著水藻

朱蒙死,子如栗立。[B]如栗死,子莫來立,乃幷夫餘。

州郡歸咎於句麗侯騶,嚴尤誘而斬之。 常從玄菟郡受之。後稍驕,不復詣郡,但於東界築小城受之,遂名此城爲幘溝漊。 者,句麗「城」名也。 句麗遺使朝貢。(k) 漢武帝元封四年,滅朝鮮,置玄菟郡,以高句麗爲縣以屬之。 王莽初,發高句麗兵以伐胡,而不欲行,莽强迫遣之,皆出塞爲寇盜 游大悦,更名<u>高句麗</u>,高句麗侯。 漢時賜衣幘朝服鼓吹、語 光武建武八年,高 溝

至殤、安之間,莫來裔孫宮,數寇遼東。 玄蒐太守蔡風討之,不能禁。

斬首虜數百級,伯固乃降,屬遼東。 宮死,子伯固 立。 順、和之間,復數犯遼東,寇抄。 公孫度之雄海東也,伯固與之通好。 靈帝建寧二年,玄菟太守耿臨討之,

孫康 伯固 出軍擊之,破其國,焚燒邑落,降胡亦叛。 死,子伊夷摸立。 伊夷摸自伯固時,已數寇遼東,又受亡胡五百餘戶。 伊夷摸更作新國。 其後伊夷摸復擊玄菟,玄 建安中,公

遠與遼東

合擊,大破之。

宮、大戰於沸流。 破。 六年,儉復討之,位宮輕將諸加奔沃沮。 數千人助軍。 石紀功。 便鞍馬,善射獵。 及位宮亦生而視人,高麗呼相似爲「位」,以爲似其會祖宮,故名位宮。 伊 夷摸 又刊丸都山、銘不耐城 死,子位宮立。始位宮曾祖宮,生而目開能視,國人惡之。及長凶虐,國以殘 正始三年,位宮寇遼西安平。〔5〕五年,幽州刺史毌丘儉將萬人出玄菟,討位 敗走,儉追至覷幌,懸車束馬登丸都山,屠其所都。 魏景初二年,遣太傅、司馬宣王率衆討公孫文懿,日立位宮遣主簿、大加將 而還。 其後,復通中夏。 **儉使將軍王順追之,絕沃沮千餘里,到肅愼南,刻** 位宮單將妻息遠竄。 位宮亦有勇力,

晉永嘉之亂,鮮卑慕容廆據昌黎大棘城,元帝授平州刺史。至位宮玄孫乙弗利頻寇遼

東,應不能制。

至丸都。 <u></u> 弗利死,子釗代立。 倒單馬奔竄,晃掘
慰父墓,掠其母妻、珍寶、男女五萬餘口,焚其室,毁丸都城而 魏建國四年,慕容廆子晃伐之,入自南陝,戰於木底,大破倒軍,追

還。到後爲百濟所殺。

垂子寶以句麗王安爲平州牧,封遼東、帶方二國王,始置長史、司馬、參軍官。 及晉孝武太元 十年,句麗攻遼東、玄菟郡。 後燕慕容垂遣其弟農伐句麗,日日復二郡。 後略有遼東

郡。

於其國。 太武時,到會孫璉始遣使者詣安東,奉表貢方物,幷請國諱。太武嘉其誠象,詔下帝系 使員外散騎侍郎李敖拜璉為都督遼海諸軍事、征東將軍、領東夷中郎將、遼

時馮弘率衆奔之,太武遣散騎常侍封撥詔璉,令送弘。璉上書稱當與弘俱奉王化,竟不遣。 東郡公、高句麗王。敖至其所,居平壤城,訪其方事,云:去遼東南一千餘里,東至栅城,[11] 南至小海,北至舊夫餘,人戶參倍於前魏時。後貢使相尋,歲致黃金二百斤、白銀四百斤。

送闕。 깺 卿越境外鄉,交通篡賊,豈是藩臣守節之義。一个不以一過掩舊欵,即送還藩。其處恕思愆, 崩,乃止。至孝文時,璉貢獻倍前,其報賜亦稍加焉。時光州於海中得璉遣詣齊使餘奴等, 幾而滅其國。殷鑒不遠,宜以方便辭之。璉遂上書,妄稱女死。朝廷疑其矯拒,又遣假散 騎常侍程駿切責之,若女審死,聽更選宗淑。璉云:「若天子恕其前愆,謹當奉詔。」會獻文 廷許焉,乃遣安樂王眞、尚書李敷等至境送幣。璉惑其左右之說,云朝廷昔與馮氏婚姻,未 太武怒,將往討之。樂平王丕等議待後舉,太武乃止。而弘亦尋爲璉所殺。 承明憲,輯寧所部,動靜以聞。」 後文明太后以獻文六宮未備,敕璉令薦其女。璉奉表云:女已出,求以弟女應旨。朝 孝文詔責曰:「道成親殺其君,竊號江左, 股方欲興滅國於舊邦, 繼絕世於劉氏。 而

太和十五 年,璉死,年百餘歲。 孝文舉哀於東郊、遣謁者僕射李安上策贈車騎大將軍、

列

將軍、領護東夷中郎將、遼東郡公、高句麗王。 太傅、 義,悉遷于境內。二品所以不登王府,實兩賊之爲。」宣武曰:「高麗世荷上將,專制海外,九 夷黠虜,實得征之。昔方貢之愆,責在連率。宜宣朕旨於卿主,務盡威懷之略,使二邑還復 但黃金出夫餘,珂則涉羅所產。今夫餘爲勿吉所逐,涉羅爲百濟所弁。 中,宣武於東堂引見其使芮悉弗,進曰:「高麗係誠天極,累葉純誠,地產土毛,無愆王貢。 令及郊丘之禮。 遼東郡公、高句麗王、諡曰康。又遣大鴻臚拜璉孫雲使持節、都督遼海諸軍事、征東 雲上書辭疾,遣其從叔升于隨使詣闕。 賜衣冠服物車旗之飾。又詔雲遣世子入朝, 嚴責之。 自此,歲常貢獻。 國王臣雲惟繼絕之

又於海中執得梁所授安寧東將軍衣冠劍珮,及使人江法盛等,送京師。 公、高麗王。又拜其世子安爲鎭東將軍、領護東夷校尉、遼東郡公、高麗王。 神龜中,雲死,靈太后爲舉哀於東堂。遣使策贈車騎大將軍、領護東夷校尉、遼東郡 正光初,光州

舊墟,土毛無失常貢也。」

郡公、高句麗王。天平中、韶加延侍中、驃騎大將軍、八三餘悉如故。 安死,子延立。孝武帝初,詔加延使持節、散騎常侍、車騎大將軍、領護東夷校尉、遼東

及齊受東魏禪之歲,遣使朝貢于齊。齊文宣加成使持節、侍中、驃騎大將軍,領東夷校尉、 延死,子成立。 訖於武定已來,自己其貢使無歲不至。 <u>大統十二年,遣使至西魏朝貢</u>。

遼東 曰:「若不從者,以便宜從事。」及至,不見許。 腳張目叱之,拳擊成墜於牀下,成左右雀息不 郡公、高麗王如故。天保三年,文宣至營州,使博陵崔柳使于高麗,求魏末流人。敕柳

敢動,乃謝服,柳以五千戶反命。

建德六年,湯遣使至 成 死, 子湯立。 周,武帝以湯爲上開府儀同大將軍、遼東郡公、遼東王。隋文帝受禪, 乾明元年,齊廢帝以湯爲使持節、領東夷校尉、遼東郡公、高麗王。

湯遣 使詣 闕,進授大將軍,改封高麗王。自是,歲遣使朝貢不絕。

守。 亦曰 復有遼東 而居,衣布帛 王別爲宅於其側,不常居之。 長安城, 其國,東至新羅,西度遼,二千里,南接百濟,北隣靺鞨,一千餘里。人皆土著,隨山谷 、玄菟等數十城,皆置官司以 及皮。 東西六里、江巴隨山屈曲、南臨浿水。城內唯積 土田薄瘠、蠶農不足以自供、故其人節飲食。其王好修宮室、都平壤城、 其外復有國內城及漢城,亦別都 統攝。 與新羅 毎相侵奪,戰爭不息 倉儲器備,寇賊至日,方入固 也。 其國中呼爲三京。

內評 屬、仙 羅爲之,飾以 五 五 官有 人,凡十二等,分掌內外事。 部 大對盧、太大兄、大兄、小兄、竟侯奢、烏拙、太大使者、大使者、小使者、褥奢、翳 褥薩 金銀。 。江岳人皆頭 服 大袖衫、大口袴、素皮帶、黃革履。 著 折風,形 其大對盧則 如弁,士 人加插二鳥羽。 以强弱相 陵奪而 婦人裙橋加 貴者, 自爲之,不由王署置。 撰。 其冠 書有五經、三史、 日 蘇骨,多用紫 復 有

列

傳

第

八

+

高麗

擲,諠呼馳逐,再三而止。俗潔淨自喜,尙容止,以趨走爲敬。 餘神之子。並置官司,遣人守護,蓋河伯女、朱蒙云。 法,敬鬼神,多淫祠。有神廟二所:一曰夫餘神,刻木作婦人像,一曰高登神,云是其始祖夫 哭泣,葬則鼓舞作樂以送之。埋訖,取死者生時服玩車馬置墓側,會葬者爭取而去。 賣婢。死者,殯在屋內,經三年,擇吉日而葬。居父母及夫喪,服皆三年,兄弟三月。初終 有婚嫁,取男女相悅卽爲之。男家送猪酒而已,無財聘之禮;或有受財者,人共恥之,以爲 卽果下也。風俗尙淫,不以爲愧,俗多游女,夫無常人,夜則男女羣聚而戲,無有貴賤之節。 天,其公會衣服,皆錦繡金銀以爲飾。 好蹲踞,食用俎机。 出三尺馬,云本|朱|蒙所乘馬種, 插手。口也性多詭伏,言辭鄙穢,不簡親疏。父子同川而浴,共室而寢。 初,聚戲浿水上,王乘腰轝、列羽儀觀之。事畢,王以衣入水,分爲左右二部,以水石相濺 之。日召用刑旣峻,罕有犯者。樂有五絃、琴、筝、篳篥、橫吹、簫、鼓之屬,吹蘆以和曲。 爇而斬之,籍沒其家,盜則償十倍,若貧不能償者樂及公私債負,皆聽評其子女爲奴婢以償 三年一税,十人共細布一疋。租,戶一石,次七斗,下五斗。其刑法,叛及謀逆者,縛之柱, 三國志、晉陽秋。 兵器與中國略同。 及春秋校獵,王親臨之。稅,布五疋、穀五石,游人則 **拜則曳一脚,立多反拱,行必** 好歌舞,常以十月祭 信佛 毎年

及隋平陳後,湯大懼,陳兵積穀,爲守拒之策。開皇十七年,上賜璽書,責以每遣使人,

歲常朝貢,雖稱藩附,誠節未盡。 手,巡竄下國,豈非意欲不臧,故爲竊盜?坐使空館,嚴加防守,又數遣馬騎,殺害邊人。 恒 驅逼靺鞨,禁固契丹。 昔年潛行貨利,招動羣小,私將弩

自 猜疑,密覘消息。 慇懃曉示,許其自新。 湯得書惶恐,將表陳謝。[15]會病卒。

祥瑞, 關,復遇疾 於是罷兵,待之如初。 帝大怒,命漢王諒爲元帥 子元嗣。 因請封王。 疫,王師不振。 文帝使拜元爲上開府儀同三司,襲爵遼東公,賜服一襲。 文帝優册爲王。 元亦歲遣朝貢 ,總水陸討之,下韶黜其**爵位**。 及次遼水,元亦惶懼,遣使謝罪,上表稱「遼東糞土臣元」云云。上 明年,率靺鞨萬餘騎寇遼西,營州總管韋世沖擊走之。 時飽運不繼,六軍乏食,師出臨渝 元奉表謝恩,并賀

禮頗 如此 高麗 攻城,賊勢日蹙。 西拔賊武 者三,帝不 城將陷,賊輒言降,口己諸將奉旨,不敢赴機。 出 闕。 煬帝嗣位 戰 大業 厲邏,置遼東郡及通定鎭 多不利,皆嬰城固守。 七年,帝將討元罪,車駕度遼水,止營於遼東地,分道出師,各頓兵於其城下 悟 e 天下全盛,高昌王、突厥啓人可汗並親詣闕貢獻,於是徵元入朝。 远懼,蕃 會楊 由 玄感作亂,帝大懼,即日六軍並還。 是食盡 師老,轉輸 帝令諸軍攻之,又敕諸將,高麗若降,即 而還。 不繼,諸軍 九年, 帝復 **先馳奏**, 多敗績,於是班師。 親征, 兵部侍郎斛斯政亡入高麗,高麗 比報,賊守禦亦備,復出 敕諸軍 以便宜從 宜 是行也,唯於遼水 撫納,不得縱兵 事。 諸將 拒 分道

喪亂,遂不復行。

遼水,高麗亦困弊,遣使乞降,因送斛斯政贖罪。 具知事實,盡銳來追,殿軍多敗。十年,又發天下兵,會盜賊蜂起,所在阻絕,軍多失期。 帝許之,頓懷遠鎭受其降,仍以俘囚軍實

至京師,以高麗使親告太廟,因拘留之。仍徵元入朝,元竟不至。

帝更圖後舉,會天下

强國。 **侍兒曰:「前見天上有氣如大鷄子來降,感,故有娠。」王捨之。** 欲殺之。 東明之後有仇台,篤於仁信,始立國于帶方故地。漢遼東太守公孫度以女妻之,遂爲東夷 氣噓之,不死,後徙於馬闌,亦如之。王以爲神,命養之,名曰東明。及長,善射,王忌其猛,復 百濟之國,蓋馬韓之屬也,出自索離國。[110]其王出行,其侍兒於後姙娠,王還,欲殺之。 初以百家濟,因號百濟。 東明乃奔走,南至淹滯水,以弓擊水,魚鼈皆爲橋,東明乘之得度,至夫餘而王焉。 後生男,王置之豕牢,豕以口

餘里。 <u>外知下城,西方日刀先城,北方日熊津城。</u> 其國東極新羅,北接高句麗,四四兩俱限大海,處小海南,東西四百五十里,南北九百 其都曰居拔城,亦曰固麻城。 其外更有五方:中方日古沙城,東方日得安城,南方日 王姓餘氏,號「於羅瑕」,百姓呼爲「鞬吉支」,夏

貳之。方有十郡,郡有將三人,以德率爲之。統兵一千二百人以下,七百人以上。[云]城之 部、後部、部有五巷、士庶居焉。与言部統兵五百人。五方各有方領一人,以達率爲之,方佐 部、日官部、市部。日間是東三年一交代。都下有萬家,日間分爲五部,日上部、前部、中部、下部、下 部、木部、法部、後宮部。外官有司軍部、司徒部、司空部、司寇部、點口部、客部、外舍部、綢 各有部司,分掌衆務。內官有前內部、穀內部、〔三〕內掠部、外掠部、馬部、刀部、功德部、藥 督,十三品,佐軍,十四品,振武,十五品,剋虞,十六品,皆白帶。自恩率以下,官無常員。 率,三品,德率,四品,杆率,五品,奈率,六品。已上冠飾銀華。將德,七品,紫帶。施德,八 言並王也。王妻號「於陸」,夏言妃也。官有十六品:左平五人,一品,達率三十人,二品,恩 品,皂帶。固德,九品,赤帶。季德,十品,青帶。對德,十一品,文督,十二品,皆黃帶。武

嫁,則分爲兩道,盤於頭上。衣似袍而袖微大。兵有弓箭刀矟。俗重騎射,兼愛墳史,而秀 異者頗解屬文,能吏事。又知醫藥、蓍龜,與相術、陰陽五行法。有僧尼,多寺塔,而無道 兩廂加翅,戎事則不。拜謁之禮,以兩手據地爲禮。婦人不加粉黛,女辮髮垂後,已出 有鼓角、箜篌、筝竽、箎笛之樂,投壺、摴蒲、弄珠、握槊等雜戲。尤尚奕棊。行宗元嘉 其人雜有新羅、高麗、倭等,亦有中國人。其飲食衣服,與高麗略同。若朝拜祭祀,其 內外人庶及餘小城,咸分隸焉。Clab

列

軍及殺 父母 立 族,云之沙氏、燕氏、刕氏、解氏、眞氏、國氏、木氏、苗氏。 穀 一其始祖仇台之廟於國城,歲四祠之。 、雜果、菜蔬及酒醴肴饌之屬,多同於內地。 ,以建寅月爲歲首。 及夫死者,三年居服, 人者, 斬; **盗者,流,其贓兩倍徵之,婦犯姦,沒入夫家爲婢。** 賦稅以布、絹、絲、麻及米等,量歲豐儉,差等輸之。其刑罰,反叛、退 餘親則葬訖除之。 國西南,人島居者十五所,皆有城邑。 土田濕,氣候溫暖,人皆山居。 唯無駝、騾、驢、羊、鵝、鴨等。 其王每以四仲月祭天及五帝之神。 婚娶之禮,略同華俗。 國中大姓有八 有巨栗,其五

界海 守司 路,以阻于海。「豆豆今上所得鞍一,以爲實矯。」「息豆 竄, 國。 好,陵踐 醜 中 當奉送鄙 馬張茂等上表自通,云:「臣與高麗,源出夫餘,先世之時,篤崇舊欵。 魏 類 延 臣境。 漸盛,遂見陵逼,構怨連禍,三十餘載。 見尸 興二 十餘, 一年,其王餘慶始遣其冠軍將軍駙馬都尉弗斯侯、長史餘禮、龍驤將軍帶方太 女,執掃後宮 臣祖須,整旅電邁, 幷得衣器鞍勒。 一,幷遣子弟,牧圉外廐,尺壤疋夫,不 梟斬 看之, 剣首。 非高麗之物。 若天慈曲 自爾以來,莫敢南顧。 後聞乃是王人來降臣 敢自 有。 自馮氏數終,餘 速遣 去庚辰年 其祖 一將,來 國,長蛇隔 到,輕廢隣 後,臣西 救 燼 臣 奔

卿與高麗不睦,致被陵犯,苟能順義,守之以仁,亦何憂於寇讎也。 獻文 以其僻遠,冒險 入獻,禮遇優厚,遣使者邵安與其使俱還。 前所遣使,浮海以撫荒 韶曰:「得表聞之無恙。

獻錦布海物,雖不悉達,明卿至心。今賜雜物如別。」又詔陳護送安等。至高麗,璉稱昔與 餘慶有讎,不令東過。安等於是皆還,乃下詔切責之。五年,使安等從東萊浮海,賜餘慶璽 於彼雖有自昔之釁,於國未有犯令之愆。卿使命始通,便求致伐,尋討事會,理亦未周。所 外之國,從來積年,往而不反,存亡達否,未能審悉。卿所送鞍,比校舊乘,非中國之物。不 可以疑似之事,以生必然之過。經略權要,已具別旨。」又詔曰:「高麗稱藩先朝,供職日久,

書,聚其誠節。安等至海濱,遇風飄蕩,竟不達而還。

自晉、宋、齊、梁據江左、晉己亦遣使稱藩,兼受拜封。亦與魏不絕。

以餘昌爲使持節、侍中、車騎大將軍,帶方郡公、百濟王如故。二年,又以餘昌爲持節、都督 及齊受東魏禪,其王隆亦通使焉。淹死,子餘昌亦通使命於齊。曰三武平元年,齊後主

東靑州諸軍事、東靑州刺史。

隋開皇初,餘昌又遣使貢方物,拜上開府、帶方郡公、百濟王。平陳之歲,戰船漂至海 周建德六年,齊滅,餘昌始遣使通周。宣政元年,又遣使來獻。

史王辯那來獻方物。「三」屬興遼東之役,遣奉表,請爲軍導。帝下韶,厚其使而遣之。高麗 東躭牟羅國。 曰:「彼國 懸隔,來往至難,自今以後,不須年別入貢。」使者舞蹈而去。 十八年,餘昌使其長 其船得還,經于百濟,昌資送之甚厚,幷遣使奉表賀平陳。文帝善之,下詔

列 傅 第 八 + = 百

頗知其事,兵侵其境。 餘昌死,子餘璋立。至三大業三年,餘璋遣使燕文進朝貢。 其年,又遣

使王孝隣 七年,帝親征高麗,餘璋使其臣國智牟來請軍期。 入獻,請討高麗。 煬帝許之,命覘高麗動靜。 帝大悅,厚加賞賜,遣尚書起部郎席 然餘璋內與高麗通和,挾詐以窺中

國。 律詣百濟,與相 知。 明年,六軍度遼,餘璋亦嚴兵於境,聲言助軍,實持兩端。 尋與新羅 有

隙,每相戰爭。 十年,復遣使朝貢。後天下亂,使命遂絕

其南,海行三月有躭牟羅國,南北千餘里,東西數百里, 土多麞鹿,附庸於百濟。

三日,至貊國千餘里云。

國,稍分爲十二,新羅則其一也。 作之,世世相傳,辰韓不得自立王,明其流移之人故也。 世亡人避役來適,馬韓割其東界居之,以秦人,故名之曰秦韓。 名國爲邦,弓爲弧,賊爲寇,行酒爲行觴,相呼皆爲徒,不與馬韓同。 新羅者,其先本辰韓種也。 地在高麗東南,居漢時樂浪地。 或稱魏將毌丘儉討高麗破之,奔沃沮,其後復歸故國,有 恒為馬韓所制。 其言語名物,有似中國人, 辰韓亦日秦韓。 又辰韓王常用馬韓人 辰韓之始, 有六 相傳言秦

留者,遂爲新羅,亦曰斯盧。

其人雜有華夏、高麗、百濟之屬、至三兼有沃沮、不耐、韓、濊之

相率歸之,遂致强盛。因襲百濟,附庸於迦羅國焉。傳世三十,至眞平。〔長〕以隋開皇十四 其王本百濟人,自海逃入新羅,遂王其國。初附庸于百濟,百濟征高麗,不堪戎役,後

妻子喪,居服一年。田甚良沃,水陸兼種。其五穀、果菜、鳥獸、物產,略與華同。 詳議定之。 羣官。其日,拜日月神主。八月十五日殼樂,令官人射,賞以馬、布。日己其有大事,則聚官 成、邏俱有屯營部伍。[云]風俗、刑政、衣服略與高麗、百濟同。 每月旦相賀,王設宴會,班賚 次大鳥,次小鳥,次造位。外有郡縣。其文字、甲兵,同於中國。選入壯健者悉入軍,烽、 阿尺于,次乙吉干,次沙咄干,次及伏干,次大奈摩干,〔言〕次奈摩,次大舍,次小舍,次吉士, 年,遺使貢方物。文帝拜眞平上開府、樂浪郡公、新羅王。 重隨貧富。 其官有十七等:一日伊罰干,貴如相國,次伊尺干,次迎干,次破彌干,次大阿尺干,次 大業以來,歲遣朝貢。新羅地多山險,雖與百濟構隊,百濟亦不能圖之也。 服色尚畫素。「日」」婦人辮髮繞頭,「日」以雜綵及珠爲飾。婚嫁禮唯酒食而已,輕 新婦之夕,女先拜舅姑,次卽拜大兄、夫。〔三〕死有棺飲,葬送起墳陵。 王及父母

勿吉國在高句麗北,一日靺鞨。 邑落各自有長,不相總一。其人勁悍,於東夷最强,言

東,矢皆石鏃,卽古肅愼氏也。東夷中爲强國。 骨西北,「富」其七白山部,在栗末東南。勝兵並不過三千,而黑水部尤爲勁健。「當己自拂涅以 車骨部,在伯咄東北,其四拂涅部,在伯咄東,其五號室部,在拂涅東,其六黑水部,在安車 部,「圍」與高麗接,勝兵數千,多驍武,每寇高麗,其二伯咄部,在粟末北,勝兵七千,其三安 東北行十八日到其國。 北行十三日至祁黎山,又北行七日至洛褒水,自己水廣里餘,又北行十五日至太岳魯水,又 語獨異。 常輕豆莫婁等國,諸國亦患之。去洛陽五千里。自和龍北二百餘里有善玉山,山 國有大水,闊三里餘,名速末水。 其部類凡有七種: 其 一號粟末

亦醉。 月造毒藥,傅矢以射禽獸,中者立死。養毒藥氣亦能殺人。其父母春夏死,立埋之,冢上作 者。「鼠己由是姦淫事終不發。人皆善射,以射獵爲業。角弓長三尺,箭長尺二寸,常以七八 初婚之夕,男就女家,執女乳而罷。妬,其妻外淫,人有告其夫,夫輒殺妻而後悔,必殺告 麥、穄,菜則有葵。水氣鹹,生鹽於木皮之上,亦有鹽池。其畜多猪,無羊。嚼米爲酒,飮之 土如堤、鑿穴以居、開口向上,以梯出入。其國無牛,有馬,車則步推,相與偶耕。 不得山上溲汙,行經山者,以物盛去。 所居多依山水。渠帥曰大莫弗瞞咄。 婚嫁,婦人服布裙,男子衣猪皮裘,頭插武豹尾。俗以溺洗手面,於諸夷最爲不潔。 上有熊羆豹狼,皆不害人,人亦不敢殺。地卑濕,築 國南有從太山者,華言太皇,「四以俗甚敬畏之,人 土多粟、

屋,令不雨濕,若秋冬死,以其尸捕貂,貂食其肉,多得之。

六月、至這一直一文云等貢方物。以至于齊,朝貢不絕。 四年,復遣使侯力歸朝貢。自此迄于正光,貢使相尋。爾後中國紛擾,頗或不至。興和二年 年,勿吉復遣使貢楛矢、方物於京師。「四十七年,「四八又遣使人婆非等五百餘人朝貢。景明 尼支朝。明年,復入貢。其傍有大莫盧國、覆鍾國、莫多回國、庫婁國、素和國、具弗伏國、 附,宜共和順,勿相侵擾。」乙力支乃還。從其來道,取得本船,汎達其國。九年,復遣使侯 十落,密共百濟謀,從水道幷力取高麗,遣乙力支奉使大國,謀其可否。詔敕「三國同是藩 匹黎介國、拔大何國、郁羽陵國、庫伏眞國、魯婁國、羽眞侯國,前後各遣使朝獻。太和十二 上,至太汾河,沈船於水。南出陸行,度洛孤水,從契丹西界達和龍。自云其國先破高句麗 延興中,遣乙力支朝獻。太和初,又貢馬五百匹。乙力支稱:初發其國,乘船溯難河西

|帝因厚勞之,令宴飲於前。 使者與其徒皆起舞,曲折多戰鬭容。 上顧謂侍臣曰: 「天地間乃 奴僕。」其國西北與契丹接,每相劫掠。後因其使來,文帝誠之,使勿相攻擊。使者謝罪。文 有 此物,常作用兵意。」然其國與隋懸隔,唯粟末、白山爲近。煬帝初,與高麗戰,頻敗其衆。 ,,爾宜敬股如父。」對曰:「臣等僻處一方,聞內國有聖人,故來朝拜。 旣親奉聖顏,願長爲 隋開皇初,相率遣使貢獻。 文帝詔其使曰:「朕聞彼土人勇,今來實副朕懷。 視爾等如

列

年,從幸江都,尋放還柳城。 嘉之,賜以錦綺而襃寵之。 渠帥突地稽率其部降,拜右光祿大夫,居之柳城。與邊人來往,悅中國風俗,請被冠帶,帝 及遼東之役,突地稽率其徒以從,每有戰功,賞賜甚厚。十三 李密遣兵邀之,僅而得免。至高陽,沒於王須拔。 未幾,遁歸

孝文初,遣使朝貢。太和四年,輙入塞內,辭以畏地豆干抄掠,詔書切責之。二十二年,入窓 俗甚不潔淨,而善射獵,好爲寇抄。登國三年,道武親自出討,至弱水南大破之,至三獲其 來,遂爾遠竄。今雖欵附,猶在塞表,每請入塞,與百姓交易。若抑而不許,乖其歸向之心, <u>溪去太和二十一年以前,與安、營二州邊人參居,交易往來,並無欺貳。 至二十二年叛逆以</u> 安州,至三時營、燕、幽三州兵數千人擊走之。後復欵附,每求入塞交易。宣武詔曰:「庫莫 盛。及開遼海,置成和龍,諸夷震懼,各獻方物。文成、獻文之世,庫莫奚歲致名馬、文皮。 吾先平之,然後張其威懷,則無所不服矣。」旣而車駕南遷,十數年間,諸種與庫莫奚亦皆滋 馬、牛、羊、豕十餘萬。帝曰:「此羣狄諸種,不識德義,鼠竊狗盜,何足爲患。今中州大亂, 奚本日庫莫奚,其先東部胡宇文之別種也。 初爲慕容晃所破, 遺落者竄匿松漠之間。

信而不慮,或有萬一之驚。交市之日,州遣士監之。」「圖自此已後,歲常朝獻,至武定已來

不絕。齊受魏禪,歲時來朝。

與契丹相攻擊,虜獲財畜,因遣使貢方物。 每部俟斤一人爲其帥。至三隨逐水草,頗同突厥。有阿會氏,五部中最盛,諸部皆歸之。每 其後種類漸多,分爲五部:一日辱紇主,二日莫賀弗,三日契箇,四日木昆,五日室得。

部、「黑」日連部、匹潔部、黎部、「黑」吐六干部等各以其名馬文皮獻天府。遂求爲常,皆得交市 自此歲常朝貢。後告饑,孝文聽其入關市糴。及宣武、孝明時,恒遣使貢方物。 怨其侵軼,其莫賀弗勿干率其部落,車三千乘、衆萬餘口,驅徙雜畜求內附,止於白狼水東。 於和龍、密雲之間,貢獻不絕。太和三年,高句麗竊與蠕蠕謀,欲取地豆干以分之。契丹舊 國家之美,心皆忻慕,於是東北羣狄聞之,莫不思服。悉萬丹部、何大何部、伏弗郁部、羽陵 盜。

眞君以來,歲貢名馬。

獻文時,使莫弗紇何辰來獻,得班饗於諸國之末。

歸而相謂,言 中,魏大破之,遂逃迸,與庫莫奚分住。經數十年,稍滋蔓,有部落,於和龍之北數百里爲寇 契丹國在庫莫奚東,與庫莫奚異種同類。 並爲慕容晃所破,俱竄於松漠之間。 登國 熙平中,契

丹使人初眞等三十人還,靈太后以其俗嫁娶之際以青邁爲上服,人給青薖兩匹,賞其誠欵

之心,餘依舊式朝貢。及齊受東魏禪,常不斷絕。

置諸州。其後復爲突厥所逼,又以萬家寄於高麗。 奮擊大破之,廣十餘萬口、雜畜數十萬頭。 相樂又於青山大破契丹別部。 所虜生口,皆分 帥精騎五千,自東道趣青山,復詔安德王韓軌帥精騎四千東趣,斷契丹走路。 天保四年九月,契丹犯塞,文宣帝親戎北討,至至平州,遂西趣長塹。 詔司徒潘相樂 帝親踰山嶺,

鹿。」其無禮頑嚚,於諸夷最甚。 三年後,乃收其骨而焚之。因酌酒而祝曰:「冬月時,向陽食,云云若我射獵時,使我多得猪、 其俗與靺鞨同,好爲寇盜。父母死而悲哭者,以爲不壯。但以其屍置於山樹之上,經

動衆,合如符契。「於三突厥沙鉢畧可汗遣吐屯潘垤統之,契丹殺吐屯而遁。」大業七年,遣使 分爲十部。兵多者三千,少者千餘。逐寒暑,隨水草畜牧。有征伐,則脅帥相與議之,興兵 遂北徙,逐水草,當遼西正北二百里,依託紇臣水而居,東西三[五百里,南北三]百里,CKI] 上方與突厥和好,重失遠人之心,悉令給糧還本部,敕突厥撫納之。固辭不去。部落漸衆, 其國遣使詣闕,頓顙謝罪。其後,契丹別部出伏等背高麗,率衆內附。文帝見來,憐之。「至」 隋開皇四年,率莫賀弗來謁。五年,悉其衆欵蹇,文帝納之,聽居其故地。 責讓之,CKOD

此,乃至不嫁。父母死,男女衆哭三年,尸則置於林樹之上。 男女悉衣白鹿皮襦袴。有麯,釀酒。俗愛赤珠,爲婦人飾,穿挂於頸,以多爲貴。女不得 莫奚、契丹、豆莫婁國同。CKED頗有粟、麥及穄。 夏則城居,冬逐水草,多略貂皮。 丈夫索髮。 北行三日有犢了山,其山高大,周回三百里。又北行三百餘里,云南有大水名屈利,又北行 北者號爲失韋。路出和龍北千餘里,入契丹國,又北行十日至啜水,又北行三日有善水,又 用角弓,其箭尤長。女婦束髮作叉手髻。其國少竊盜,盜一徵三,殺人者責馬三百匹。 三日至刃水,又北行五日到其國。有大水從北而來,廣四里餘,名檢水。國土下濕,語與庫 室韋國在勿吉北千里,去洛陽六千里。「室」或爲「失」,蓋契丹之類,其南者爲契丹,在

武定二年四月,始遣使張烏豆伐等獻其方物。迄武定末,貢使相尋。 及齊受東魏禪,

亦歲時朝聘。

其後分爲五部,不相總一,所謂南室韋、北室韋、鉢室韋、深末怛室韋、大室韋,並無君 人貧弱,突厥以三吐屯總領之。

列傳第八十二 室章

高麗。 弟代之,嗣絕則擇賢豪而立之。其俗,丈夫皆被髮,婦女盤髮,衣服與契丹同。 之妻,難以共居。 又多蚊蚋,人皆巢居,以避其患。 盜婦將去,然後送牛馬爲聘,更將婦歸家,待有孕,乃相許隨還舍。 婦人不再嫁,以爲死人 氣候多寒,田收甚薄。無羊,少馬,多猪、牛。 匡寢則屈木爲室, [宋]以蘧蒢覆上, 移則載行。 以猪皮爲席, 編木爲藉。 南室韋在契丹北三千里,土地卑濕,至夏則移向北。 部落共爲大棚,人死則置其上。居喪三年,年唯四哭。 漸分爲二十五部,每部有餘莫弗瞞咄,猶酋長也。 。與靺鞨同俗,婚嫁之法,二家相許竟, 貸勃、欠對二山多草木,饒禽獸, 馬則織草爲韉,結繩 其國無鐵,取給於 婦女皆抱膝 乘牛車,以 死則子 輒 爲

叫。 此 麞鹿,射獵爲務,食肉衣皮,鑿冰沒水中而網取魚鼈。 皆捕貂爲業,冠以狐貂,衣以魚皮。 每部有莫何弗三人以貳之。氣候最寒,雪深沒馬。 南室韋北行十一日至北室韋,分爲九部落,繞吐紇山而居。 地多積雪,懼陷阬穽,騎木而行,俗即 冬則入山居土穴,牛畜多凍死。 其部落渠帥號乞引莫賀

又北行千里至鉢室韋,依胡布山而住,人衆多北室韋,不知爲幾部落。 用樺皮蓋屋,其

餘同北室韋。

從鉢室韋西南四日行,至深末怛室韋,因水爲號也。冬月穴居,以避太陰之氣。 尤多貂及青鼠。

北室韋時遺使貢獻,餘無至者。 又西北數千里至大室韋,徑路險阻,言語不通。

衣製 俗淫,尤惡妬者,殺之尸於國南山上,至腐,女家始得輸牛馬乃與之。「三」或言濊貊之地也。 長大,性强勇謹厚,不寇抄。 土著,有居室倉庫。 類高麗而帽大。CtlD其國大人,以金銀飾之。用刑嚴急,殺人者死,沒其家人爲奴婢。 豆莫婁國在勿吉北千里,舊北夫餘也。 多山陵廣澤,於東夷之域,「於己最爲平敞。地宜五穀,不生五果。 其君長皆六畜名官,邑落有豪帥。 在室韋之東、「尽了東至於海,方二千餘里。 飲食亦用俎豆。[40]有麻布, 其人 其人

平王頤擊走之。 二年八月,遣使朝貢,至于太和六年,貢使不絕。 地 豆干國守己在室韋西千餘里。多牛、羊,出名馬,皮爲衣服,無五穀,唯食肉酪。 自後時朝京師,迄武定末,貢使不絕。 十四年,頻來犯塞, 及齊受禪,亦來朝貢。 孝文詔征西大將軍陽 延興

三 三 三

列傳

有于巳尼大水,所謂北海也。 以珠爲飾。 室,夏則隨原阜畜牧。多豕,有穀、麥。 鳥洛侯國在地豆干北,去代都四千五百餘里。其地下濕,多霧氣而寒。人冬則穿地爲 其國西北有完水,東北流合於難水,其小水,皆注於難,東入海。 人尙勇,不爲姦竊,故慢藏野積而無寇盜。 無大君長,部落莫弗,皆世爲之。其俗,繩髮,皮服, 好射獵。 樂有箜篌,木槽革面而施 叉西北二十日行,

七十尺,室有神靈,人多祈請。」太武遣中書侍郎李敞告祭焉,刊祝文於石室之壁而還 太武眞君四年來朝、日間稱其國西北有魏先帝舊墟石室,南北九十步,東西四十步,高

環以流· 知其由來有國世數也。 如髮之下垂。 流 水 成國居海島,當建安郡東,水行五日而至。 ,樹棘爲藩。 國有四五帥,統諸洞,洞有小王。 王所居舍,其大一十六間,琱刻禽獸。 彼土人呼之爲可老羊,妻曰多拔茶。 往往有村,村有鳥了帥,並以善戰者爲之, 土多山洞。 多鬭鏤樹,似橘而 所居曰波羅檀洞, 其王姓歡斯氏,名渴刺兜,不 葉密, 塹栅三重,

珠貝 跳噪,交言相駡,因相擊射。 或用熊豹皮。 飾以毛羽。 裁不一。綴毛垂螺爲飾,雜色相間,下垂小貝,其聲如珮。 相攻擊,人皆驍健善走,難死耐創。 自 (相樹立,主一村之事。 男女皆白紵繩纒髮,從項後盤繞至額。 一,飾以赤毛,形製不同。 有刀矟、弓箭、劍鈹之屬。 王乘木獸,令左右輿之,而導從不過十數人。 婦人以羅紋白布爲帽,其形方正。 如其不勝,一軍皆走,遣人致謝,即共和解。 諸洞各爲部隊,不相救助。 其處少鐵,刀皆薄小,多以骨角輔助之。 綴璫施釧,懸珠於 小王乘机,鏤爲獸形。 織鬭鏤皮幷雜毛 兩軍相當,勇者三五 其男子用鳥羽為冠,裝以 收取鬭死者聚食 頸。 以爲 編紵爲甲, 織籐爲笠, 國 人出前 太、製 人好好

皆除去。婦人以墨黥手爲蟲蛇之文。嫁娶以酒、珠貝爲聘,或男女相悅,便相匹偶。 產乳,必食子衣,產後以火自灸,令汗出,五日便平復。 胡,亦有小慧。 之。輕罪用杖。俗無文字,望月虧盈,以紀時節,草木榮枯,以爲年歲。 於王,王令臣下共議定之。 麵爲酒,其味甚薄。 無賦歛,有事則均稅。 無君臣上下之節,拜伏之禮。父子同牀而寢。男子拔去髭鬚,身上有毛處 食皆用手。 用刑亦無常准, 皆臨事 獄無枷鎖,唯用繩縛。 遇得異味,先進尊者。 科決。 決死刑以鐵錐大如筋,長尺餘,鑽頂 凡有宴會,執酒者必待呼名而後飲, 以木槽中暴海水爲鹽,木汁爲酢,米 犯罪皆斷於鳥了帥,不伏則上請 人深目長鼻,類 婦 殺 於

之,仍以髑髏將向王所,王則賜之以冠,便爲隊帥

列傳

射之,或累石繫幡,以爲神主。王之所居,壁下多聚髑髏以爲佳。人間門戶上,必安獸頭骨 之神,祭以肴酒。戰鬭殺人,便將所殺人祭其神。或依茂樹起小屋,或懸髑髏於樹上,以箭 括、樟、松、楩、楠、枌、梓。竹、藤、果、藥,同於江表。風土氣候,與嶺南相類。『智的俗事山海 **䲠,以石爲刃,長尺餘,闊數寸,而墾之。 宜稻、粱、禾、黍、麻、豆、赤豆、胡黑豆等。 木有楓、** 共食之。有熊、豺、狼,尤多猪、鷄,無羊、牛、驢、馬。厥田良沃,先以火燒,而引水灌,持一 以葦席,襯土而殯,上不起墳。子爲父者,數月不食肉。其南境風俗少異,人有死者,邑里 子上膊,搖手而舞。其死者氣將絕,譽至庭前,親賓哭泣相弔。浴其屍,以布帛縛纏之,裹 上王酒者,亦呼王名後蘅盃共飲,頗同突厥。歌呼蹋蹄,一人唱,衆皆和,音頗哀怨。 扶女

廖其男女數千人,載軍實而還。自爾遂絕。 嶼,又東行二日至圖鼊嶼,又一日,便至流求。 言不通,掠一人而反。明年,復令寬慰撫之,不從。寬取其布甲而歸。時倭國使來朝見之, 千里。三年,煬帝令羽騎尉朱寬入海求訪異俗,「宋江何蠻言之,遂與蠻俱往。同到流求國, 曰:「此夷邪夕國人所用。」[ft]帝遣武賁郎將陳稜、朝請大夫張鎭州率兵自義安浮海至高華 隋大業元年,海師何蠻等,每春秋二時,天淸風靜,東望依稀,似有煙霧之氣,亦不知幾 流求不從,檢擊走之。進至其都,焚其宮室,

倭國在百濟、新羅東南,水陸三千里,於大海中依山島而居。魏時,譯通中國三十餘國, 其地

皆稱子。「そご夷人不知里數,但計以日。其國境,東西五月行,南北三月行,各至於海。 勢,東高西下。居於邪摩堆,則魏志所謂邪馬臺者也。又云:去樂浪郡境及帶方郡並一萬

支國。又度一海千餘里,名末盧國。又東南陸行五百里,至伊都國。又東南百里,至奴國。 歷朝鮮國,乍南乍東,七千餘里,始度一海。又南千餘里,度一海,闊千餘里,名瀚海,至一 二千里,在會稽東,與儋耳相近。俗皆文身,自云太伯之後。計從帶方至倭國,循海水行,

又東行百里,至不彌國。又南水行二十日,至投馬國。又南水行十日,陸行一月,至邪馬臺

國,即倭王所都。

子,給王飮食,通傳言語。其王有宮室、樓觀、城栅,皆持兵守衞,爲法甚嚴。 國中不服,更相誅殺,復立卑彌呼宗女臺與爲王。其後復立男王,並受中國爵命。江左歷 公孫文懿誅後,卑彌呼始遣使朝貢。「是过魏主假金印紫綬。正始中,卑彌呼死,更立男王。 亂,遞相攻伐,歷年無主。 漢光武時,遣使入朝,自稱大夫。安帝時,又遣朝貢,謂之倭奴國。 有女子名卑彌呼,能以鬼道惑衆,國人共立爲王。 靈帝光和中,其國 無夫,有二男 魏景初三年,

列傳第

八十二

倭

晉、炔、齊、梁,朝聘不絕**。**

緣以文皮。有弓、矢、刀、矟、弩、穳、斧,漆皮爲甲,骨爲矢鏑。雖有兵,無征戰。 鏤花爲飾。婦人束髮於後,亦衣裙襦,裳皆有撰。〔六〕攕竹聚以爲梳。編草爲薦,雜皮爲表, 幅,結束相連而無縫,頭亦無冠,但垂髮於兩耳上。至隋,其王始制冠,以錦綵爲之,以金銀 衣裙襦,其袖微小,履如屨形,漆其上,繫之脚。人庶多跣足,不得用金銀爲飾。故時,衣橫 十人,猶中國牧宰。八十戶置一伊尼翼,如今里長也。十伊尼翼屬一軍尼。其服飾,男子 大義,次小義,次大禮,次小禮,次大智,次小智,次大信,次小信,員無定數。有軍尼一百二 名太子爲利歌彌多弗利。無城郭。內官有十二等:一曰大德,次小德,次大仁,次小仁,次 司訪其風俗,使者言倭王以天爲兄,以日爲弟,天明時出聽政,〔<0〕跏趺坐,日出便停理務, 云委我弟。|文帝曰:「此大無義理。」於是訓令改之。王妻號鷄彌,〔<〕〕後宮有女六七百人。 其王朝會,必陳設儀仗,奏其國樂。只見戶可十萬。俗,殺人、强盜及姦,皆死;盜者計贓 及陳平,至開皇二十年,倭王姓阿每,字多利思比孤,號阿輩鷄彌,遣使詣闕。上令所

以弦鋸其項。或置小石於沸湯中,令所競者探之,云理曲者卽手爛,或置蛇瓮中,令取之,

物,無財者,沒身爲奴;自餘輕重,或流或杖。每訊寃獄,不承引者,以木壓膝,或張强弓,

云曲者卽螫手。人頗恬靜,罕爭訟,少盜賊。樂有五弦、琴、笛。男女皆黥臂,點面,文身。

膼

光,云魚眼睛也。新羅、百濟皆以倭爲大國,多珍物,並仰之,恒通使往來。 山,其石無故火起接天者,俗以爲異,因行祭禱。 婦入夫家,必先跨火,乃與夫相見。婦人不淫妬。死者歛以棺槨,親賓就屍歌舞,妻子兄弟 藉以槲葉,食用手餔之。性質直,有雅風。女多男少,婚嫁不取同姓,男女相悅者卽爲婚。 草木冬青。土地膏腴,水多陸少。以小環掛鸕鷀項,令入水捕魚,日得百餘頭。俗無盤俎, 覡。每至正月一日,必射戲飲酒,其餘節,略與|華同。好棊博、握槊、摴蒱之戲。 沒水捕魚。 以白布制服。貴人三年殯,庶人卜日而瘞。及葬,置屍船上,陸地牽之,或以小輿。有阿蘇 無文字,唯刻木結繩。敬佛法,於百濟求得佛經,始有文字。知卜筮,尤信巫 有如意寶珠,其色青,大如鷄卵,夜則有 氣候溫暖,

竹島,南望耽羅國,經都斯麻國,迥在大海中。又東至一支國,又至竹斯國。 又東至秦王國, 倭。 倭王遣小德何輩臺從數百人,設儀仗,鳴鼓角來迎。後十日,又遣大禮哥多毗從二百 其人同於華夏,以爲夷洲,疑不能明也。又經十餘國,達於海岸。自竹斯國以東,皆附庸於 謂鴻臚卿曰:「蠻夷書有無禮者,勿復以聞。」明年,上遣文林郎裴世清使倭國,度百濟,行至 兼沙門數十人來學佛法。」國書曰:「日出處天子致書日沒處天子,無恙。」云云。帝覽不悅, 餘騎,郊勞。旣至彼都,其王與世淸。來貢方物。回此後遂絕。 大業三年,其王多利思比孤遣朝貢。使者曰:「聞海西菩薩天子重興佛法,故遣朝拜, 信,行篤敬,雖蠻貊之邦行矣。」誠哉斯言。其俗之可採者,豈楛矢之貢而已乎? 學於京都者,往來繼路,或沒世不歸,非先哲之遺風,其孰能致於斯也。故孔子曰:「言忠 千載不絕。今遼東諸國,或衣服參冠冕之容,或飲食有俎豆之器,好尚經術,愛樂文史,游 夏、殷之世,時或來王。暨箕子避地朝鮮,始有八條之禁,疏而不漏,簡而可久,化之所感, 而通其俗也。九夷所居,與中夏懸隔,然天性柔順,無橫暴之風,雖綿邈山海,而易以道御。 論曰:廣谷大川異制,人生其間異俗,嗜欲不同,言語不通,聖人因時設敎,所以達其志

德,遽動干戈,內恃富强,外思廣地,以驕取怨,以怒興師,若此而不亡,自古未聞也。然四 列於郡縣久矣,諸國朝正奉貢,無闕於歲時。二代震而矜之,以爲人莫己若,不能懷以文 功。二代承基,志苞宇宙,頻踐三韓之地,屢發千鈞之弩。小國懼亡,敢同困獸,兵不載捷, 夷之戒,安可不深念哉 四海騷然,遂以土崩,喪身滅國。兵志有之曰:「務廣德者昌,務廣地者亡。」然遼東之地,不 自魏迄隋,年移四代,時方爭競,未遑外略。泊開皇之末,方征遼左,天時不利,師遂無

其豆莫婁、地豆干、烏洛侯,歷齊周及隋,朝貢遂絕,其事故莫顯云。

校勘記

(1) 處其氣者則凶德行禀 張森楷云:「『行』疑當作『所』。」按此與「生其地者,則仁義所出」爲對

文,張說是。

ヘニン 是知雁海龍堆天所以絕夷夏也 諸本「絕」訛作「紀」,據周書卷四九異域志序改。

朱蒙乃與焉遠等二人東南走 魏書卷一〇〇高句麗傳「焉違」作「烏引烏 連。

朱蒙死子如栗立 魏書作「朱蒙死」閭達代立、閭達死,子如栗立」。 此脫七字。

漢時賜衣幘朝服鼓吹 諸本「時」作「昭」〕Ⅲ國志卷三○東夷傳、梁書卷五四諸夷傳作「時」。

按下文云「常從玄菟郡受之」,知是指漢時,非指漢昭帝。此段本之梁書,梁書又本之三國志,

今據改。

莽大悅更名高句麗高句麗侯光武建武八年高句麗遣使朝貢 國志作「莽大悅,布告天下,更名高句麗爲『下句麗』。當此時爲侯國。 諸本誤叠「朝貢」二字,今删。 漢光武帝八年,高句麗王

公孫文懿 三國志、梁書作「公孫淵」、北史避唐諱稱字。

遣使朝貢,始見稱王」。梁書略同三國志。北史訛脫不可解。

正始三年位宮寇遼西安平 三國志及通典卷一八六、通志卷一九四高句麗傳都無「遼」字。 按

列傳第八十二 校勘記

後漢書郡國志、晉書地理志,遼東郡有西安平,遼西郡無「安平」。「遼」字誤行。

へたし 鮮卑慕容廆據昌黎大棘城元帝授平州刺史 諸本「帝」作「年」,「平州」上有「北」字。 梁書諸夷

傳作「帝」,無「北」字。按晉書卷一〇八慕容廆載記,廆逐平州刺史崔忠,晉元帝因以平州刺史

授之。此「年」字訛、「北」字符、今據改删。

C C C 後燕慕容垂遣其弟農伐句麗 按晉書卷一二三慕容垂載記,農是垂之中子。此作「弟」,是承

梁書之誤。

東至栅城 諸本無「東」字、魏書有。按下云「南至」、「北至」,是言高麗國境四至,當有「東」字,

今據補。

詔加延侍中驃騎大將軍 諸本「驃」作「車」,魏書作「驃」。 按上文言其已爲車騎大將軍,則加

官當爲驃騎,今據改。

[1] 訖於武定已來 魏書「已來」作「末」一字,是。

東西六里 諸本脫「西」字,據周書卷四九、隋書卷八一高麗傳補。

[1] 沒有內評五部褥薩 隨書「內評」下有「外評」二字。

若貧不能償者樂及公私債負皆聽評其子女爲奴婢以償之 周書無「樂」字。 按此當是涉下文

「樂有五絃琴」之「樂」字而衍。

- [1十] 行必插手 隋書「插」作「搖」,疑是。
- [15] 將表陳謝 隋書「表」上有「奉」字,疑此脫文。
- 城將陷賊輒言降 諸本脫「將」字、「降」字,據隋書、通志補。
- 出自索離國 梁書卷五四高句麗傳「索離」作 「櫜離」, 三國志卷三〇夫餘傳註引魏略作「高

離」殿本作「楽離」,隋書卷八一百濟傳作「高麗」。按「橐」音「高」。「索」當是「櫜」之訛。 「橐離」即

「高麗」也。

北接高句麗 諸本脫「北接高」三字,據周書卷四九百濟傳補。 隋書作「北拒高麗」。

至三 穀內部 周書作「穀部肉部」。按疑此脫「部」字、「肉」訛爲「內」。

[三] 市部 周書上有「都」字,疑是。

都下有萬家 諸本「萬家」訛作「方」,據周書改。 此涉下文「五方」又「方」「万」形似而誤。

[J] 士庶居焉 諸本「焉」訛作「馬」,據周書改。

統兵一千二百人以下七百人以上 周書「統」上有「方」字。

城之內外人庶及餘小城咸分隷焉 諸本脫「人」字,周書有「民」字,通志卷一九四百濟傳有

「人」字。今據通志補。

列傳第八十二 校勘記 八一大姓有八族 諸本脱「八」字、據院書補、

- 口記 以阻于海 · 魏書卷一○○百濟傳「阻」作「沈」。按「阻」疑是「殂」之訛。
- 以爲實矯 魏書「矯」作「驗」、通志作「據」。 按「矯」字無義,疑誤
- [川] 自晉宋齊梁據江左 諸本「左」下行「右」字,據周書删。
- [III] 淹死子餘昌亦通使命於齊 周書 「淹」作「隆」,此作「淹」疑誤。 又梁書言隆死以其子餘明為

百濟王,與此作「餘昌」不同。

- Clann 十八年餘昌使其長史王辯那來獻方物 陳在開皇九年,則此不得在八年。下云「屬興遼東之役」,指開皇十八年楊諒、高願攻高麗事。 知脱「十」字,今據補。 諸本無「十」字,隋書有。按上文言昌遣使賀平陳,平
- 餘昌死子餘璋立 隋書作:「昌死,子餘宣立。 死,子餘璋立。」此當脫五字。
- [J至] 其人雜有華夏高麗百濟之屬 諸本「雜」訛作「辯」,據隋書卷八一新羅傳改。
- (三人) 傳世三十至眞平 引隋東蕃風俗記云:「金姓相承、三十餘葉。」這裏「眞平」上當脫「金」字。 隋書作「傳祚至金眞平」。按通典卷一八五新羅傳云「其王姓金名眞平」,並
- [117] 一日伊罰干至次大奈摩干 通典「干」並作「于」,未知孰是。又梁書云:「其官名有子賁旱支、
- 齊旱支、謁旱支、壹告支、奇貝旱支。」與此不同。
- (三八) 烽戍邏俱有屯營部伍 諸本及隋書「營」作「管」。 通典作「營」,是,今據改。

20 每月旦相賀王設宴會班賚羣官其日拜日月神主八月十五日設樂令官人射賞以馬布 隋書「毎」

下有「正」字,「主」字作「至」。 按隋書是說正月元旦相賀、拜日月神、至八月十五日、又設樂競

射。北史疑是脫訛。

CEOD 服色尚畫素 隋書無「畫」字。按畫則不素,疑是衍文。

[81] 婦人辮髮繞頸 隋書「頸」作「頭」,是。此形似致誤。

次卽拜大兄夫 隋書無「大兄」二字,通志卷一九四新羅傳作「次拜大兄,次拜夫」。

叉北行 七日至洛瓌水 魏書卷一〇〇勿吉傳「洛」上有「如」字。

其一號粟末部 速末」即「栗末」。 諸本及隋書卷八一、通志卷一九四勿吉傳「栗」都作「栗」。 栗末靺鞨以居於栗末水得名,又見新唐書卷二一九黑水靺鞨傳。 按上文見速末水 作「栗」是

形似致訛,今據改。

[四] 在安車骨西北 諸本脫「骨」字,據隋書及上文補。

[2] 一黑水部尤為勁健 諸本脫「健」字,據隋書、通志補。

國南 有從太山者,華言太皇 魏書卷一〇〇勿吉傳及隋書「從」作「徒」。 又魏書「太皇」作「大

日」。按「大白」即「長白」、「皇」字當誤。

初婚之夕男就女家執女乳而罷妬其妻外淫人有告其夫夫輒殺妻而後悔必殺告者 諸本「罷妬」

列博第八十二 校勘記

俗淫而妬,其妻外淫,人有告其夫,夫輒殺妻,殺而後悔。」這裏上半採魏書,下半採隋醫,而各 倒作「妬罷」。 按魏書云:「初昏之夕,男就女家,執女乳而罷,便以爲定,仍爲夫婦。」隋書:「其

有删節。作「妬罷」顯是誤倒,今據乙。

太和十二年勿吉復遣使貢楛矢方物於京師 高祖紀太和十二年八月有「勿吉貢楛矢石砮」的記載,今據改。 諸本「二」作「三」、魏書作「二」。按魏書卷七下

CEO] 十七年 諸本脱「十」字,據魏書補。

據改。 興和二年六月 反在正光後,作『興和』是。」按本書卷五東魏孝靜帝紀,興和二年,見勿吉「朝貢」的記載,今 諸本「興和」作「延興」、魏書作「興和」。張森楷云:「『延興』是孝文年號,不得

至弱水南大破之 魏書卷一〇〇庫莫奚傳作「弱洛水」,卷二太祖紀登國三年作「弱落水」。此

叛逆以來。」卽指此事,魏書是,今據補。

二十二年入寇安州

諸本作「二十年」、魏書作「二十二年」。 按下文宣武詔云:「至二十二年

疑脫「洛」字。

交市之日州遺士監之 魏書「士」作「上佐」。張森楷云:「此誤『上』爲『士』,又脫『佐』字。」

每部俟斤一人爲其帥 諸本誤作「毎部一千人爲其帥」,據隋書卷八四奚傳改。

伏弗郁部羽陵部 按勿吉傳有具弗伏國、 郁羽陵國。 魏書卷六顯祖紀皇興元年及二年 兩 見

具伏弗 、郁羽 陵。 「具伏弗」自卽「具弗伏 <u>ـ</u> 這裹疑脫「具」字,「郁部」二字誤倒。 但通典卷一

○○契丹條也作「伏弗郁部、羽陵部

全出 匹潔部黎部 通典無「潔部」二字。 按「匹黎部」,疑即勿吉傳之「匹黎介國」。

文宣帝親戎北討 諸本脫「宣」字,據通志卷二〇〇契丹傳補。事見北齊書卷四文宣紀 天保四

年九月。

「無力」 冬月時向陽食 隋書卷八四契丹傳同。 通志下多「夏月時」向陰食」六字。

聽居其故地責讓之 隋書「地」下有「六年,其諸部相攻擊,人不止。又與突厥相侵,高祖使使」

二十一字。北史有脫文。

率衆內附文帝見來憐之 四千餘家背突厥來降」二十八字。無「文帝見來憐之」語。 隋書「內附」下有「高祖納之,安置於渴奚那頡之北。 北史當有脫文。 開皇末,其別部

東西三〇五百里南北三〇百里 諸本脫「五百里南北三」六字,據隋書補。

会言

会言 興兵動衆合如符契 隋書無「如」字,是。

又北行三百餘里 魏書卷一〇〇失韋傳「百餘里」作「日」一字。按前後皆以日計里程,這裏不

應 獨異。 疑涉上文而誤。

列 傳 第 八十二 校 勘 記

- 至至 豆莫婁國同 諸本脫「莫」字,據魏書及下文豆莫婁國傳補。
- CK六〕殺人者責馬三百匹 諸本脫「馬」字,據魏書補。
- 匡寢則屈木爲室 隋書卷八四及通志卷二〇〇室章傳無「匡」字,此當是衍文。 叉諸本「屈木」

倒作「木屈」,據通志乙。

- 会合 在室韋之東 諸本脱「在」字、「韋」訛作「婁」,據魏書卷一〇〇豆莫婁國傳改。
- 〔六〕於東夷之域 諸本「域」訛作「城」,據魏書改。
- [40] 飲食亦用俎豆 諸本脫「俎」字,據魏書補。
- [T]] 衣製類高麗而帽大 魏書「帽」作「幅」,是。
- 〔中〕 女家始得輸牛馬乃與之 魏書「始」作「欲」,是。
- ここ 地豆干國 魏書卷一〇〇作「地豆于」。按本書紀傳多作「干」、魏書紀傳多作「干」、未知孰是、

今本書統一作「干」。

- 石品 太武眞君四年來朝 諸本脫「來」字,據魏書卷一○○、通志卷二○○烏洛侯國傳補。
- 石岩 風土氣 候 與嶺南相 類 諸本「相」訛作「山」, 據隋書卷八一、通典卷一八六、通志一九四流戏

}傳改。

公公 三年煬帝令羽騎尉朱寬入海求訪異俗 諸本脫「三年」二字,據隋書、通典補。事見本書卷十二

隋煬帝紀大業三年三月。

(44) 此夷邪夕國人所用 隋書、通典、通志「夕」並作「久」。 疑「夕」誤。

全公 皆稱子 **[隋書卷八一、通志卷一九四倭傳作「皆自稱王」。**

行む 魏景初三年公孫文懿誅後卑彌呼始遣使朝貢 作「三」。按三國志卷三〇倭傳云:「景初二年六月,倭女王遣大夫難升米等詣郡帶方郡, 百衲、北、汲、殿四本「三」作「五」,南本及梁書 求詣天

子朝獻。」又據三國志卷三明帝紀,公孫淵被殺,在景初二年八月。若倭使是淵破後始來,則三

國志倭傳之「二年」當是「三年」之誤。今從南本及梁書。

C C 王妻號鷄彌 天明時出聽政 諸本「號」作「姓」。 隋書、通志作「號」。 隨書「天」下有「未」字。按下云「日出便停理務」,則有「未」字是。 按上言王「號阿輩雞彌」,通典解釋云:

公司 裳皆有撰 「華言天兒也。」可知這裏也是王妻之號。今據改。 諸本「穓」訛作「穓」,據隋書改。

公言 奏其國樂 諸本脱「奏」字、據隋書補。

其王與世淸來貢方物 按隋書云:「其王與清相見、大悅曰:「我聞海西有大隋,禮義之國, 故遣

我夷人僻在海隅,不聞禮義,是以稽留境內,不卽相見。今故淸道飾舘,以待大使,冀聞

大國惟新之化。』 清答曰:"皇帝德並二儀,澤流四海,以王慕化,故遣行人來此宣諭。』旣而引

列 僔 第 八 **+** =: 校 記

清就館。 其後淸遣人謂其王曰:『朝命旣達,請卽戒塗。』於是設宴享以遣淸。復令使者隨淸來

貢方物。」這裏「世淸」下當有脫文。

三一四八

北史卷九十五

列傳第八十三

蠻 獠 林邑 赤土 真臘 婆利

後,諸蠻無所忌憚,故其族漸得北遷,陸渾以南,滿於山谷,宛、洛蕭條,略爲丘墟矣。 接波、潁,往往有焉。其於魏氏,不甚爲患,至晉之末,稍以繁昌,漸爲寇暴矣。自劉、石亂 |蠻之種類,蓋||艦||瓠之後。在江、淮之間,部落滋蔓,布於數州,東連||壽春,西通巴、蜀,北

表忠款。始光中,拜安侍子豹爲安遠將軍、江州刺史、順陽公。 道武旣定中山,聲敎被于河表。泰常八年,蠻王梅安率渠帥數千朝京師,求留質子,以 興光中,蠻王文武龍請降,

詔褒慰之,拜南雍州刺史、魯陽侯。

誕征南將軍、東荆州刺史、襄陽王,聽自選郡縣。誕字天生,桓玄之子也。初,玄西奔至故 延興中,大陽蠻首桓誕擁沔水以北,日澄漢以南,八萬餘落,遣使內屬。 孝文嘉之,拜

第八十三 蠻

列傳

首雷婆思等十一人率戶千餘內徙,求居大和川,詔給廩食。後開南陽,令有沔北之地,蠻人 荆州刺史,襲爵。 安堵,不爲寇賊。 廻洲被殺,誕時年數歲,流竄大陽蠻中,遂習其俗。及長,多智謀,爲羣蠻所歸。 居朗陵。 而還。十年,移居潁陽。十六年,依例降王爲公。十七年,加征南將軍、中道大都督,征竟 遇遷洛,師停。是時,齊征虜將軍、直閤將軍蠻首田益宗率部曲四千餘戶內屬。 太和四年,王師南伐,誕請爲前驅。 十八年,誕入朝,賞遇隆厚。卒,諡曰剛。子暉,字道進,位龍驤將軍、東 景明初,大陽蠻首田育丘等二萬八千戶內附,詔置四郡十八縣。暉卒,贈 ' 乃授使持節、南征西道大都督,討議陽,不果 誕旣內屬,

斷之。四年,梁永寧太守文雲生六部,自漢東遣使歸附。 縣、戶萬九千,遣使內附,乞師討梁。其雍州以東,石城以西,五百餘里水陸援路,請率部曲 及六鎮。尋叛南走,所在追討,比及河,殺之皆盡。四年,東荆州蠻樊素安反,僭帝號。正始 元年, 素安弟秀安復反, 李崇、楊大眼悉討平之。 二年, 梁沔東太守田凊喜擁七郡三十一 三年,魯陽蠻魯北燕等聚衆攻逼,頻詔左衞將軍李崇討平之,三一徙萬餘家於河北諸州

五十,詔前鎭東府長史圖道元檢行置之。叔興卽暉弟也,延昌元年,拜南荆州刺史,居安 永平初,「豆東荆州表太守桓叔興前後招慰大陽蠻歸附者一萬七百戶,請置郡十六、縣

來請 邵 帥 蠻 、將一樣一樣等三將寇南荆之西南,沿寨、沔上下,破掠諸蠻。 ,隸於東荆。 道 林 援。 以 爲 於沔水之南石城 遣 、聲勢。 叔興 三年,梁遣兵討江、沔,破掠諸蠻,百姓擾動。 與石廉督集蠻夏二萬餘人擊走之,至斬令孫等三將。 叔興給一 東北立清水戍,爲抄掠之基,叔興遣諸蠻擊破之。 統幷威儀,爲之節度,四蠻人遂安。 |蠻自相督率二萬餘人,頻請統 壁首梁龍驤將軍樊石廉叛梁, 其年,梁雍州刺史蕭藻遣 藻又遣其新陽太守 四年,叔興上

不

隸東荆,

,許之。

|梁人每有寇抄,|叔興必摧

被之。

梁定州 掠, 有差。 徙 於 率 州 揚州 襄城 內 內 連年 附 屬 正 ,拜爲 僧 光 刺 徙之。 ル中ツ 攻討,散而 汝水,百姓多 史 明 拜僧明平南將軍 田田 、官德並入朝。 郡守。 叔 超秀亦遣使求附,請援 六鎭、秦 興擁所部南叛。蠻首成龍强率戶數千內附,拜刺史,蠻帥田牛生率戶二千內 復 梁義州刺 被 合,其暴滋甚 其害。 (隴所在反叛,二荆、西郢蠻大擾動, 公 、西豫州刺史,封開封侯,官德龍 量出 中邊城王文僧明、鐵騎將軍邊城太守田官德等率戶萬餘,舉 梁遣將 Щ 至邊城、 歷年,朝廷恐輕致邊役,未之許。 圍 廣陵,楚城諸蠻, 建安者 八八 九 並爲前驅。 千 腰將軍 戶。 斷三鵐路, 義州 義州 自汝水以南 會超秀 尋 刺史, 為梁將 殺 都督, 死,其 自餘封授各 裴邃所陷 寇 部 恣其暴 曲 盜

相

至

又有 . 冉氏 、向氏、田氏者,陬落尤盛。 餘則大者萬家,小者千戶,更相崇樹,「E」僭稱王

列

傳

豺

八

侯。屯據三峽,斷遏水路,荆燭行人,至有假道者。

蠻擾 後計 南 平之。 杜 動 雍 周 青和 孙 文 心略定伊 刺 後遂反,攻圍東梁州。 大將軍楊忠擊破之。其後蠻帥杜青和自稱巴州刺史,入附,朝廷因其所稱 史,仍世襲焉。 、瀍,聲教南被,諸蠻畏威,靡然向風矣。 + 年,蠻酋梅勒特來貢其方物。 其唐州蠻田魯嘉亦叛,自號豫州伯。 大統 五年,蔡陽蠻王魯超明內屬 尋而蠻帥田杜靑及江、漢諸 王雄、權景宣 等前 而授

江陵 季昌等相繼款附。 諸蠻 廢帝初 騷 蠻首樊舍舉落內附,以爲督淮北三州諸軍事、淮州刺史、淮安郡公。于謹 動,習豆盧寧、蔡祐等討破之。 以興彦 季昌 並爲開 府儀 恭帝二年,蠻會宜人王田 同三司,加季昌洛州刺史,賜爵 興彦、 石臺縣公。 北荆 州刺 史梅 等平

史蒲微 陷信州 府元契 軍討定 其後,巴西人譙淹 之。 趙 亦舉兵逆 田 剛等總兵出討,雖頗翦其 烏度、田唐等抄斷江路,文子榮復據荆州之汶陽郡,自己自稱仁州 尋而 命。 冉令賢、向五子王等又攻陷 詔 扇動 田弘 、賀若敦、潘招、口三李遷哲等討破之。 、族類,而 白帝, 元惡未除。 殺開 府楊長華, 逐相 周武 率作 成初,文州蠻叛,州 刺史,幷隣州 亂。 前後遣 叉攻 開 刺

天和元年,詔開府陸騰督王亮、司馬裔等討之。 騰水陸俱進,次于湯口,先遣喩之。 而

後

獲 枚 平水邏 蠻 邏。 邏 令賢方增沒城池,嚴設扞禦,遣其長子西黎、次子 衆所行。 翦其毛羽,然後遊軍水邏 充實,器械 城,遠結涔陽 八城,凶黨奔散,獲賊帥 |蠻醫望見輒大哭,自此狼戾之心輟矣。 之。自己司馬裔又別下其二十餘城,獲蠻帥冉三公等。 夜進,龍眞 郷導。 一,然後 請立效,乃謂騰 帥 冉伯 路經石壁城,險峻,四 ,使其代令賢處之。 經略 犁、冉安西與今賢 水邏側又有石勝城者, 騰被甲先登,衆軍繼進,備經危阻,累日乃得舊路。 精 江南。 力不能禦,遂 蠻 新。 一 爲 其 聲援。 曰:「欲翻所據城,恐人力寡少。」 以我懸軍,攻其嚴壘,脫 騰言於衆曰:「今賢 **冉承公幷生口三千人,降其部衆一千戶。** ,此制勝 平石勝城。 面壁立,故以名焉。 有隙。 龍眞大悅,遣其子詣騰。 令賢率其卒, 固守水邏城。 亦是險要, 之計也。」衆皆然之。乃遣開府王亮率衆渡江,旬日攻拔其 騰乃招誘伯犁等,結爲父子,又多遺錢 **晨至水邏,蠻衆大潰,斬首萬餘級。** 內恃水邏金湯之險,外託涔陽 一戰不剋,更成其氣。 令賢 唯有 南王領其支屬,於江南險 使其兄龍眞據之。二三騰又密告龍眞 騰許以三百兵助之。 一小路,緣梯而上,蠻蜑以爲峭絕,非 乃厚加禮接,賜以 騰乃總集將帥謀進 騰乃積其骸骨於水邏城側爲京觀, 且騰先任隆州 不如頓軍湯口,先取江南, **遂簡募驍勇,數道分** 輔車之援,兼復資糧 金帛。 帛。 旣而遣二千人,銜 趣,咸欲先取水 令賢遁走, 要之地, 總管,雅 蠻貪利 伯犁等悦, 置立十 知其路 既深, 云 追而 攻水

勝於雙城,悉斬諸向首領,生禽萬餘口。信州舊居白帝,騰更於劉備故宮城南,八陣之北, 追討。乃令諸軍周迴立栅,遏其走路,賊乃大駭。 騰又遣王亮屯牢坪,司馬裔屯雙城以圖之。 時向五子王據石墨城,令其子實勝據雙城。 騰慮雙城孤峭,攻未可拔,賊若委城遁散,又難 水邏平後,頻遺喻之,而五子王猶不從命。 於是縱兵擊破之,禽五子王於石墨 一,獲寶

臨江岸築城,移置信州。又以巫縣、信陵、秭歸並築城置防,以爲襟帶焉。

天和六年,蠻渠冉祖憙、冉龍驤又反,詔大將軍趙誾討平之。 自此羣蠻懼息,不復

為短

往往推一長者爲王,亦不能遠相統攝。父死則子繼,若中國之貴族也。 雙,使其子弟自吹擊之。 阿等之類,皆語之次第稱謂也。依樹積木,以居其上,名曰干闌,干闌大小,隨其家口之數。 無氏族之別。又無名字,所生男女,唯以長幼次第呼之。其丈夫稱阿謩、阿段,婦人阿夷、 死者,竪棺而埋之。 了 隨者蓋南蠻之別種,自漢中達于邛、笮,川洞之間,所在皆有。 好相殺害,多死,不敢遠行。自己能臥水底持刀刺魚,其口嚼食並鼻 性同禽獸,至於忿怒,父子不相避,唯手有兵刃者先殺之。 種類甚多,散居山谷,略 獠王各 有鼓角一 若殺其

縛之。 而已。 鼓舞祀之,以求福利。 口。 矛,不識弓矢。 父,走避外,求得一狗以謝,不復嫌恨。CIOZ若報怨相攻擊,必殺而食之,平常劫掠,賣取猪狗 .銅爨,口也旣薄且輕,易於熟食。 其俗畏鬼神,尤尙淫祀。所殺之人美鬢髯者,乃剝其面皮,籠之於竹,及燥,號之曰鬼, 但經被縛者,卽服爲賤隸,不敢稱良矣。亡失兒女,一哭便止,不復追思。 親戚比隣,指授相賣。 用竹爲簧,羣聚鼓之,以爲音節。 至有賣其昆季妻孥盡者,乃自賣以供祭焉。 被賣者號哭不服,逃竄避之,乃將買人指捕,逐若亡叛,獲便 能爲細布,色至鮮淨。 鑄銅爲器,大口寬腹,名 大狗一頭,買一生 唯執循持

傍谷。 私,頗藉爲利。 內外受敵,所以亡也。 建國 與夏人參居者,頗輸租賦;在深山者,仍不爲編戶。 中,李勢在蜀,諸獠始出巴西、渠川、廣漢、陽安、資中,攻破郡國,爲益州大患。 自桓溫破蜀之後,力不能制。 叉|蜀 人東流,山險之地多空,僚遂挾 梁、益二州歲伐獠、口心以裨潤公 Ш 勢

擁 國 **堵樂業,在山谷者不敢爲寇。** [將軍范季旭與獠王趙淸荆 夷獠入屯南城,梁州人王法慶與之通謀,衆屯於固門川,祉遣征虜將軍討破之。日心堅眼 正始中,夏侯道 遷舉漢中內附,宣武遣尚書邢巒爲梁、益二州刺史以鎭之,近夏人者安 率衆 後以羊社爲梁州,傅竪眼爲益州。 屯孝子谷, 祉遣統軍魏胡擊走之。 **祉性酷虐,不得物情。梁輔** 後梁寧朔將軍姜白復

路,於是而定。

圍 施 逼晉壽。 恩布信 ,大得獠和。 朝廷憂之,以堅眼先得物情,復令乘傳往撫。 後以元法僧代傅堅眼爲益州,法僧在任貪殘, 獠聞竪眼至, 莫不欣然, 僚遂 反叛, 勾引梁兵, 拜迎道

堅眼 鎭爲南梁州 之,嚴設邏候,遂禽梁使人,幷封始欣詔書、鐵券、刀劍、衣冠之屬,表送行臺。子建乃啓以 險,歲輸租布,又與外人交通貿易。 巴州生燎,並皆不順,其諸頭王,每於時節謁見刺史而 遠,乃立巴州以統諸僚。後以巴酋嚴始欣爲刺史。又立隆城鎮,所綰獠二十萬戶。 表 玩 自是籏諸頭王,相率詣行臺者相繼,子建厚勞賚之。始欣見中國多事,又失彼心,慮獲罪 爲刺史。 **久病** 時梁南梁州刺史陰子春扇惑邊陲,始欣謀將南叛。始欣族子愷時爲隆城鎮將,密知 孝昌初,諸僚以始欣貪暴,相率反叛,攻圍巴州。 及元桓、元子眞相繼爲梁州、江口並無德績、諸僚苦之。 衆援 ,其子敬紹納始欣重賂,使得還州。始欣乃起衆攻愷,屠滅之,據城南叛。 接。 後 ,愷爲刺史,發使執始欣,囚於南鄭。遇子建見代,梁州刺史傅竪眼仍爲行臺, 元羅在梁州,爲所陷,自此遂絕。 時梁、益二州並遣將討之,攻陷巴州,執始欣,遂大破玩軍。 山南行臺魏子建勉喻,三三即 其後,朝廷以梁、益二州控攝險 及斬玩,以傅曇 時散罷。 梁將蕭 彼謂

及周文平梁、益之後,令在所撫慰,其與華人雜居者,亦頗從賦役。 然天性暴亂,旋致

陸騰討破之。周保定二年,鐵山獠又反,抄斷江路,陸騰又攻拔其三城。 者、自己亦資以爲貨、公卿達于人庶之家,有險 每歲命隨近州鎭,出兵討之,獲其生口,以充賤隸,謂之爲壓膫焉。後有商旅往來 口者多矣。 恭帝三年,陵州木籠獠反,詔開府

界。 稅,無敢動者。後除文表爲蓬州刺史,又大得人和。 爭攜妻子,退保險要。文表頓軍大蓬山下,示禍福,遂相率來降。文表皆撫慰之,仍徵其租 離散矣。」於是勒兵從險道進,其有不通之處,卽平之。 文表謂其衆曰:「向者獠帥,謂吾從寬路而行,必當設伏險要。若從險路,出其不慮,獠衆自 山川、請爲鄉導。」文表謂之曰:「此路寬平,不須導引,卿但先去,好慰喩子弟也。」乃遣之。 時有從軍熟獠,多與恒稜親識,即以實報之。恒稜獠相與聚議,猶豫之間,文表軍已至其 善者撫之,善惡旣分,易爲經略。 降走路絕,理當相率以死拒戰;如從一道,則吾得示威恩,分遣人以理曉識,爲惡者討之,歸 恐併力於我,四三未可制勝。」文表曰:「往者旣不能制之,今須別爲進趣。 等曰:「此膫旅拒日久,部衆甚强,討之者四面攻之,以分其勢。今若大軍直進,不遣奇兵, 獠中先有二路,一路稍平,一路極險。 天和三年,梁州恒稜獠叛,總管長史趙文表討之。軍次巴州,文表欲率衆徑進。 事有變通,奈何欲遵前轍也。」文表遂以此意,遍令軍中。 俄有生際

館

的

數

人

來

見

文

表

日

一

、

我

恐

官

軍

不

識 乘高而望,果見其伏兵。 若四面遣兵,則僚 僚旣失計, 軍吏

險,若履平地,雖屢加兵,弗可窮討。 建德初, 李暉爲蓬、梁州總管,曰語僚亦望風從附。 性又無知,殆同禽獸,諸夷之中,最難以道招懷者也。 然其種滋蔓,保據巖壑,依山走

皆徒跣,以幅巾纏身,冬月衣袍。婦人椎髻。施椰葉席。每有婚媾,令媒者齎金銀釧、酒二 笛、琵琶、五絃,頗與中國同。每擊鼓以警衆,吹蠡以卽戎。其人深目高鼻,髮拳色黑。俗 水次,行的積薪焚之。收其餘骨,王則內金甖中,沉之於海;有官者,以銅甖,沉之海口;庶人 手,因牽女授之。王死,七日而葬;有官者,三日;庶人,一日。皆以函盛屍,鼓舞導從,輿至 壺、魚數頭至女家,於是擇日,夫家會親賓,歌舞相對,女家請一婆羅門,送女至男家,壻盥 等,宣言其一日倫多姓,次歌倫致帝,次乙地伽蘭。外官分爲二百餘部,其長官曰 以瓦,送之於江。男女皆截髮,哭至水次,盡哀而止,歸則不哭。每七日,燃香散花,復哭盡 良家子侍衞者二百許人,皆執金裝。兵有弓、箭、刀、槊,曰以竹爲弩,傅毒於矢。 可輪,如牧宰之差也。 以磚爲城,蜃灰塗之,東向戶。尊官有二,其一曰西那婆帝,其二曰薩婆地歌。 林邑,其先所出,事具南史。 王戴金花冠,形如章甫,衣朝霞布,珠璣纓絡,足躡革履。 其國延袤數千里,土多香木、金寶,物產大抵與交趾同。 時服錦袍。 弗羅,次日 其屬官三 樂有琴、

哀而止,百日、三年,皆如之。人皆奉佛,文字同於天竺。

獲其廟主十八枚,皆鑄金爲之,蓋其國有十八世。|方班師,|梵志復其故地,遣使謝罪,於是 騎萬餘,及犯罪者數千人擊之。 其王梵志乘巨象而戰, 方軍不利。 方乃多掘小坑,草覆其 壽末,上遣大將軍劉方爲驩州道行軍總管,率欽州刺史甯長眞、驩州刺史李暈、開府秦雄步 上,因以兵挑之。方與戰僞北,梵志逐之,其象陷,軍遂亂,方大破之,遂棄城走。入其都,曰以 朝貢不絕。 隋文帝旣平陳,乃遣使獻方物,後朝貢遂絕。時天下無事,羣臣言林邑多奇寶者。仁

不知 波羅 持兵仗,門內者執白拂。夾道 數十人,或奏樂,或捧金花。又飾四婦人,容飾如佛塔邊金剛力士之狀,夾門而立,門外者 國女也。居僧祗城,有門三重,相去各百許步。每門圖畫菩薩飛仙之象,懸金花鈴眊,婦人 有國近遠。稱其父釋王位,出家爲道,傳位於利富多塞,在位十六年矣。有三妻,並鄰 刺國,西婆羅娑國,南訶羅旦國,北拒大海,地方數千里。其王姓瞿曇氏,名利富多塞, 赤土國,扶南之別種也。在南海中,水行百餘日而達。所都土色多赤,因以爲號。東 垂素網,綴花。王宮諸屋,悉是重閣,北戶。北面而坐三重

列

龕,曰亞以金銀五香木雜鈿之,龕後懸一金光焰;夾榻又樹二金鏡,鏡前並陳金甕,甕前各有 之榻,衣朝霞布,冠金花冠,垂雜寶纓絡,四女子立侍左右,兵衞百餘人。王榻後作一木 而坐。其官:薩陁加邏一人,陁拏達叉一人,迦利密迦三人,共掌政事,俱羅末帝一人,掌刑 金香爐,當前置一金伏牛,前樹一寶蓋,左右皆有寶扇。 婆羅門等數百人,東西重行,相向 每城置那邪迦一人,鉢帝十人。

甘蔗作酒,雜以紫瓜根,酒色黃赤,味亦香美。亦以椰漿爲酒。 屋。冬夏常溫,雨多霽少,種植無時。特宜稻、穄、白豆、黑麻,自餘物產,多同於|交趾。以 建幡,吹蠡擊鼓以送,火焚薪,遂落於水。貴賤皆同、唯國王燒訖收灰,貯以金瓶,藏於廟 唯少子與父居。父母兄弟死,則剔髮素服,就水上構竹木爲棚,棚內積薪,以屍置上,燒香 嫁,日日,挥言日,女家先期五日,作樂飲酒,父執女手以授壻,七日乃配。旣娶,即分財別居, 後,男女通以朝霞朝雲雜色布爲衣。豪富之室,恣意華靡,唯金鎖非王賜不得服用。每婚 其俗,皆穿耳翦髮,無跪拜之禮,以香油塗身。 其俗敬佛,尤重婆羅門。 婦人作髻於項

風。至焦石山而過,東南詣陵伽鉢拔多洲,西與林邑相對,上有神祠焉。〔三〕又南行,至師子 帝大悅,遣齎物五千段以賜亦土王。其年十月,駿等自南海郡乘舟,晝夜二旬,每日遇便 隋煬帝嗣位,募能通絕域者。大業三年,屯田主事常駿、虞部主事王君政等請使赤土。

石。自是島嶼連接。 又行二三日,西望見狼牙須國之山,於是南達雞籠島,至於赤土

之界。

赤四色之餅,牛、羊、魚、鼈、猪、蝳蜎之肉百餘品。 女樂迭奏,禮遺甚厚。 入宴,儀衞導從如初見之禮。 館送食,以草葉爲盤,其大方丈。因謂駿曰:「今是大國臣,非復赤土國矣。」後數日,請駿等 等奉詔書上閤,王以下皆坐,宣詔訖,引駿等坐,奏天竺樂,事畢,駿等還館。又遣婆羅門就 雀蓋以迎使人,幷致金盤、金花,以藉詔函,男女百人奏蠡鼓,婆羅門二人導路。至王宮,駿 油,金瓶二枚貯香水,白疊布四條,以擬供使者盥洗。 餘,至其都。王遣其子那邪迦請與駿等禮見。 其王遣婆羅門鳩摩羅,以舶三百艘來迎,「三」吹蠡擊鼓樂隋使,進金鎖以纜船。「三〕月 王前設兩床,床上並設草葉盤,方一丈五尺,上有黃、白、紫、 先遣人送金盤貯香花幷鏡鑷,金合二枚貯香 延駿升床,從者於地席,各以金鍾置酒, 其日未時,那邪迦又將象二頭,持孔

東南,並山而行。 函封之,令婆羅門以香花奏蠡鼓而送之。旣入海,見綠魚羣飛水上。 尋遣那邪迦隨貢方物,幷獻金芙蓉冠、龍腦香,以鑄金爲多羅葉,隱起成文以爲表, 金 其海水色黃氣腥, 舟行一日不絕, 云是大魚糞也。 帝大悅,授駿等執戟都尉,至國那邪迦等官賞各有差。 循海北岸, 達于交趾。 浮海十餘日,至林邑

列

朱江國。其王姓剎利氏,至三名質多斯那。自其祖漸已强盛,至質多斯那逐兼扶南而有之。 死,子伊奢那先代立。居伊奢那城,郭下二萬餘家。城中有一大堂,是其王聽政所。總大 眞臘| 國在林邑西南,本扶南之屬國也,去日南郡舟行六十日而至。南接車渠國,西有

朱江二國和親,數與林邑、陁桓二國戰爭。其人行止,皆持甲仗,若有征伐,因而用之。 不加纓絡。臣下服制,大抵相類。有五大臣,一曰孤落支,二曰相高憑,三曰婆何多陵,四 脛,頭載金寶花冠,被眞珠纓絡,足履革屣,耳懸金鐺。常服白疊,以象牙爲屩。若露髮,則 城三十所,城有數千家,各有部帥,官名與林邑同。 曰舍摩陵,五曰髯羅婁,及諸小臣。 朝於王者,輒於階下三稽首,王呼上階,則跪,以兩手抱 金光焰,有同于赤土。前有金香,[liki]命二人侍側。王著朝霞古貝,[liti]瞞 絡 腰腹,下垂至 其王三日一聽朝,坐五香七寶床,上施寶帳,以文木爲竿,象牙金鈿爲壁,狀如小屋,懸

別處供給,不得仕進。人形小而色黑,婦人亦有白者。悉拳髮垂耳,性氣捷勁。居處器物, 其俗,非王正妻子,不得爲嗣。王初立日,所有兄弟,並刑殘之,或去一指,或劓其鼻,

入官。 香木燒尸,收灰,以金銀瓶盛,送大水之內,貧者或用瓦,而以五彩色畫之。亦有不焚,送屍 和 還 頗 用 手 類赤土。以右手爲淨,左手爲穢。每旦澡洗,以楊枝淨齒,讀誦經咒,又澡洒乃食。 不息。 ·楊枝淨齒,又讀經咒。飲食多蘇酪、沙糖、秔粟、米餅。 擩 喪葬,兒女皆七日不食,剔髮而喪,至是之僧尼、道士、親故皆來聚會,音樂送之。以五 而食。 男婚禮畢,卽與父母分財別居。父母死,小兒未婚者,以餘財與之。若婚畢,財物 娶妻者,唯送女人女,行己擇日遣媒人迎婦。 男女二家,各八日不出,晝夜燃 欲食之時,先取雜肉羹與餅相 食罷

Щ

中,任野獸食者。

登,畜 利,祭用人肉。 Щ, 鱗,鼻如 樹,花似林檎,葉似楡 實 與 似李 日 望之如 南 其 丁; 毗 九眞 國 象,吸 北多山阜,南有水澤。地氣尤熱,無霜雪,饒瘴癘毒蠚。宜粱、稻,少黍、粟。果菜 Щ ,人疾疫。 野樹,花似木瓜,葉似杏,實似楮,婆田羅樹,花、葉、實並似棗,而小異,歌畢佗 (相類。 水上噴,高五六十尺。 其王 每五六月中,毒氣流行,即以白猪、白牛、羊於城西門外祠之。 異者,有婆羅那娑樹,無花,葉似柿,實似冬瓜,菴羅樹,[80]花、葉似棗, 一年別殺人,以夜祠禱,亦有守衞者千人。 近都有陵伽鉢婆山,上有 而厚大,實似李,其大如升。 有浮胡魚,形似魁,觜如鸚鵡,有八足。 ;神祠,每以兵二千人守衞之。 自餘多同九眞。 其敬鬼如此。 海有魚名 多奉佛法,尤信 城東神 多大魚,半身 建同,四 不然,五 名婆多 足無 穀

列

三一六四

道士。佛及道士,並立像於其館。

隋大業十二年,遣使貢獻,帝禮之甚厚,於後亦絕。

其殺人及盜,截其手;姦者,鎖其足,期年而止。 祭祀必以月晦,盤貯酒肴,浮之流水。 每十 中有竅,外鋒如鋸,遠以投人,無不中。其餘兵器,與中國略同。俗類眞臘,物產同於林邑。 月必設大祭。海出珊瑚。有鳥名舍利,解人語。 王姓剎利邪伽,名護濫那婆。官曰獨訶邪拏,次曰獨訶氏拏。國人善投輪,其大如鏡, 婆利國,自交趾浮海,南過赤土、丹丹,乃至其國。 國界,東西四月行,南北四十五日

隋大業十二年,遣使朝貢,後遂絕。

于時南荒有丹丹、盤盤二國,亦來貢方物,其風俗、物產,大抵相類云。

瀼,曰俚,曰獠,曰恒。 居無君長,留己隨山洞而居。 其俗, 斷髮文身, 好相攻討。 自溱幷三 論曰:禮云:「南方曰蠻,有不火食者矣。」然其種類非一,與瞱人錯居。其流曰蜑,曰

秦、漢遠矣。 九字,煬帝纂業,威加八荒,甘心遠夷,志求珍異。 獠之族,遞爲去就。 煙,漢平百越,地窮丹徼,景極日南,水陸可居,咸爲郡縣。 洎乎境分南北,割據各殊,蠻、 雖有荒外之功,無救域中之敗。傳曰:「非聖人,外寧必有內憂。」誠哉斯言也。 至於林邑、赤土、眞臘、婆利則地隔江嶺,莫通中國。及隋氏受命,剋平 故師出流求,兵加林邑,威振殊俗,過於

大業中,南荒朝貢者十餘國,其事迹湮滅,今可知者四國而已。

校勘記

大陽蠻首桓誕擁沔水以北 諸本「沔」訛作「河」,據魏書卷一〇一補蠻傳改。 通志卷一九七板

楯蠻傳作「漢水」。

三年鲁陽蠻鲁北燕等聚衆攻逼頻詔左衞將軍李崇討平之 通典卷一八七板楯蠻傳作「潁陽」。 本書卷四三、魏書卷六六李崇傳作「湖陽」。 魏書「頻」作「潁川」二字、從上讀。 按「潁陽 」、「潁

川」「湖 陽」未知孰是。 但「頻」當是「潁」之訛,下有脫字。

. 三 山 껃냋 永平初 頻請統 帥 蠻 諸本「平」作「寧」、魏書作「平」。 以 爲聲勢叔興給一統幷威儀爲之節度 按魏無「永寧」、「永平」是宣武年號。 魏書無「蠻以」二字。 按文義不可解,當有 今據改。

訛脱

列傳第八十三 婆利 校勘記

- Ŧ 遣叔興與石廉督集蠻夏二萬餘人擊走之 蠻 帥 桓叔率夷夏二萬餘人擊之」。 `按通典脫「興」字`但可証「遣」字當在「叔興」上。今據乙。 諸本「遣」字在「叔興」下、魏書無「遣」字。 通典作「造
- 其部曲相率內附徙之六鎭秦隴所在反叛二荆西郢蠻大擾動 隴 所在反叛、二荆、西郢蠻大擾動。」通典無「二」、「西」兩字。按「徙之」下疑有脫文。 通典、通志作:「其後因六鎭、秦、
- 【七〕 更相崇樹 諸本脫「樹」字、據周書卷四九蠻傳補。
- **蕁而蠻帥田杜靑及江漢諸蠻擾動** 達長江。作「沔漢諸蠻」是。 「和」乃涉下文「杜青和」而衍,今據删。又楊忠鎭壓田杜青時在西魏大統末,其時西魏勢力未 一九楊忠傳見「田柱淸」,卷二七厘狄昌傳見「田祉淸」,都是此人。「柱」、「杜」、「社」未知孰是。 諸本「靑」下有「和」字、周書無、又「江」作「沔」。按照書卷
- ハ た **い** 其後巴西人譙淹扇動羣蠻以附梁 八賀若敦傳也作「巴西人譙淹」,今删「蜀」字。 諸本「巴」下有「蜀」字,周書無。按本書卷六八、 周書卷二
- 向白虎 <u>【调書「虎」作「彪」。按周書及本書賀若敦傳也作「彪」。北史例避「虎」字,此乃後人</u>
- 文子榮復據荆州之汶陽郡 陽雄傳都作「汶陽」。汶陽郡見隋曹地理志下夷陵郡遠安縣注,「政陽」無此郡名。今據改。 諸本「汝」作「政」,周書作「汝」。 按周書卷二五李賢傳、卷四四

- 潘招 諸本「招」作「和」、周書作「招」。 按周書卷二五李賢傳、卷二八賀若敦傳、卷四四陽雄傳
- 都作「招」。今據改。
- **令賢使其兄龍眞據之** 周書「兄」下有「子」字。
- 追而獲之 諸本脫「追」字、據周書、通志補。
- 多死不敢遠行 怨」。疑「死」乃「怨」之訛,脫「仇」字,補魏書者因删「死」字。 ·魏書卷一○一發傳無「死」字。 按通典卷一八七、通志卷一九七發傳作「多仇
- 走避外求得一狗以謝不復嫌恨 「外」上有「於」字`「謝」下有「其母`然後敢歸`毋得狗謝」十字。 魏書無「外」字、「謝」下有「其母,毋得狗謝」六字。 按這裏當有脫文。 通典、通志
- 名日銅爨 諸本「爨」訛作「釁」,據魏書、巡典、通志改。
- 梁益二州歲伐獠 魏書「梁」上有「蕭衍」二字,通典有「至梁武帝」四字。 按其時梁益二州屬蕭
- 梁,此處應重「梁」字。
- 祉遣征虜將軍討破之 魏書「軍」下空二格。按此脫人名。
- 及元桓元子眞相繼爲梁州 王子推傳,但本傳不言其官梁州刺史。「元桓」未見魏書宗室傳,疑誤。 魏書、通志「桓」作「恒」。按元恒見本書卷十七、魏書卷十九上京兆
- 列 山南行臺魏子建勉喻 傅 八 + Ξ 校 勘 諸本及魏書無「魏子建」三字,通志有。按魏子建爲山南行臺,見魏書 記

卷九 肅宗紀正光五年十二月。 此處若無三字,則下文「子建厚勞賚之」語便突然。

- 後有 商 旅往來者 諸本「商」訛作「南」,據周書卷四九爒傳及通志改。
- 恐倂 力於我 諸本「我」訛作「表」,據周書、通志改。
- 李暉爲蓬梁州總管 按周書卷一五李碗傳,子輝即暉、「建德元

出爲總管梁洋等十州諸軍事、梁州刺史」。當時總管,習慣以所居州命名。

蓬州未知是否

在十州之內,但非總管所居之州,也不應列於銜首。此「蓬」字當是涉上文蓬州而 衍。

「尊官」,下文有「外官」,這裏當作「屬官」。今據補。 諸本無「屬」字,隋書卷八二、通典卷一八八、通志卷一九八林邑傳有。按上文有

其屬官三等

年,

- 皆執金裝兵有弓箭刀槊 隋書「兵」作「刀」,從上讀。 按疑「裝」下脫「刀」字。
- 輿至水次 諸本「水」訛作「外」、隨書、通典、通志並作「水」。按下文言收餘骨沉之於江海、作
- 入其都 諸本「都」作「郡」,隋書、通典、通志作「都」。 按本書卷七三劉方傳云:「至其國都。」

今據改

「水」是。今據改。

每婚嫁 王楊後作一木龕 諸本倒作「嫁婚」,據隋書、通志乙。 諸本「王」訛作「主」,據隋書卷八二、通志卷一九八赤土傳改。

- 上有神祠焉 諸本脱「有」字,據隋書、通志補
- 以舶三百艘來迎 隋書、通志「三百」作「三十」。
- 進金鎖以纜船 之界」,若指至其都,則下云「月餘至其都」,知此作「至」誤。今據改。 諸本「進」作「至」,隋書、通志作「進」。 按若言至其境,則上文已有「至於赤土
- 授駿等執戟都尉 置 一九大夫、八尉,其中有「守義尉」,當即「秉義尉」。 隋書作「秉義尉」。 按北史、隋書例諱「秉」字選李兩名,隋書百官志下言煬帝 隋書赤土傳或是因舊史原文,或是後人回
- こ 三 芸 其王 改。 姓刹利氏 ·北史改「秉」爲「執」`「戟」當是「義」之訛`「都」疑爲後人妄加。 諸本脫「利」字,據隨書卷八二、通典一八八、通志一九八眞臘傳補。 隋無「執载都尉」官名。
- 前有 金香 [隋書下有「爐」字,通志有「案」字。 按此當是脫「爐」字。
- 王著 利等國都見「吉貝」。 朝霞古貝 隋書同、通志作「吉貝」。 宋書卷九七呵羅單國 按梁書卷五四林邑、婆利、狼牙脩、干陁利、丹丹、婆 見「古貝」。 愈正變癸巳類稿卷七吉貝木棉字義,以
- 爲「吉貝」佛經多作「刧貝」,認爲作「吉」是。
- 日記 剔髮 娶妻者唯送女人女 而 喪 殿 本 及隋 隋書作「唯送衣一具」。 書「喪」作「哭」。 此疑是「唯送女人衣」之訛。
- **花**羅 列 傅 樹 第 八 諸 + 本 Ξ 無 「樹」字, 校 勘 記 隋書、通典有。 按上文婆羅那娑樹,下文毗野樹、婆田羅樹、歌畢佗 三一六九

居無君長 樹,都有「樹」字。且下云「花葉似棗,實似李」,顯爲樹木。此脫文,今據補。 隋書卷八二南蠻傳序「居」作「俱」。按疑「居」是音近致訛。

三七〇

北史卷九十六

列傳第八十四

旦 吐谷渾 宕昌 鄧至 白蘭 党項 附國 稽胡

氐、羌,莫敢不來王」也。 秦、漢以來,世居岐、隴以南,漢川以西,自立豪帥。 將郭昌、衞廣滅之,以其地爲武都郡。曰自浙、渭抵於巴、蜀,種類實繁,或謂之白氐,或謂之 近者西夷之別種、CID 號日白馬。 三代之際,蓋自有君長,而世一朝見,故詩稱「自彼 漢武帝遣中郎

故氐,各有侯王,受中國封拜。

號。回四面斗絕,高七里餘,蟠道三十六回,其上有豐水泉,煮土成鹽。騰後有名千萬者, 漢建安中,有楊騰者,爲部落大帥。騰勇健多計略,始徙居仇池,〔三〕方百頃,因以爲

魏拜爲百頃氏王。

千萬孫名飛龍,漸强盛,晉武帝假平西將軍。〔三〕無子,養外甥令狐茂搜爲子。 列 傳 第 八 + 四 氐 惠帝元

頭號右 驃騎 康中,茂搜 為使持節 將 賢王,屯河池。 軍、左賢 (自號) 、冠軍將軍、右賢王、河池公。臣晉,晉以毅爲征南將軍。 Ξ 輔國將軍、右賢王,羣氐推以爲主。 茂搜死,子難敵統位,與弟堅頭分部 難敵 死,子殼立,自號使持節、龍驤將軍、左賢王、下辨公,以堅頭子 關中人士流移者,多依之。CKI 愍帝以爲 曲。 難敵自號左賢王, 屯下辨,

盤

纂,剋之,徙其人於關中,空百頃 襲殺統,「己自立爲仇池公,遣使詣簡文帝。 和三年,以世爲秦州刺史,弟統爲武都太守。 誅三王及宋奴,復自立爲仇池公。 從叔俊復 十 年,改初爲天水公。 三年, 一殺國自立。 毅族兄初襲殺毅、「引 國子安叛苻生,殺俊,復稱蕃於晉。〔〕死,子世自立爲仇池公。 十一年,毅 幷有其衆,自立爲仇池公。臣於石季龍,後稱蕃於晉。水和 之地 小弟宋奴使姑子梁三王因侍直手刃殺初,初子國率左右 桓溫表國為秦州 以纂爲秦州刺史。 世死,統廢世子纂自立。 刺史, 國子安爲武都太守。 晉咸安元年,苻堅遺楊安伐 統一名德。 十二年, 纂聚黨 晉太 國

史。 關 夷夏 右 擾亂 宋奴之死,二子佛奴、佛狗逃奔苻堅,堅以女妻佛奴子定,拜爲尚書、領軍。 登國四年,遂有秦州之地,號隴西王。 得 千餘家,自稱龍驤將軍、仇池公,稱蕃於晉。 ,定盡力於壓。 堅死,乃率衆奔隴右,徙居歷城,去仇池 後為乞佛乾歸所殺,無子。 孝武即以其自號假之,後以爲秦州刺 百二十里,置倉儲 苻堅之敗, 於百頃。

分諸 貢 迅 佛 詔 、羌爲二十部護 狗子盛,先爲監國守仇池,乃統事,自號征西將軍、秦州刺史、仇池公。 以 盛 爲 征南大將軍 軍,各爲鎭 仇 池王。 (戍,不置郡縣。遂有漢中之地,仍稱蕃于)晉。 隔礙姚興,不得歲通貢使。 盛以兄子撫爲平南 天 諡 定爲 興 初 う遣使 、武王

梁州 刺 史,守漢中。 宋永初 宋武帝封盛爲武 都王。 盛死,私 諡 目 惠文王。 子玄 統位

玄 熙之號。自己後始用宋元嘉 梁州 奉焉。 玄 字黃眉、江〇號 刺 史、口曰南秦王。 征西大將軍 正朔。 玄 上表請 ·、開府儀同三司、秦州刺史、武都王。 初,盛謂玄曰:「吾年已老,當 比 始光 內蕃 四年, ,許之。 太武遣 玄死,私諡孝昭王。 大鴻臚公孫軌 「終爲晉臣,汝善事宋帝。」故 雖蕃於宋,仍奉晉義 拜玄爲征南 子保宗統 大將軍、

帝遣刺 池豐 次子 惔 孺 勳 之自 子 順 難當 實 非 初 史蕭 玄 爲鎭 云 多往 名康 固 計。」難當 臨終謂弟難當曰: 東 辭 思 依 話代任 將軍 之,云是晉室近戚。 ,請立保宗 附。 秦州 從之,廢保宗 流 人 難當以思話未至,遣將舉兵襲梁州,破白馬, 以輔 刺史,守上邽。 有許穆之、郝惔之二人投難當 之。 「今境候未寧,方須撫慰, 而 保宗 康之尋爲人所殺。 自立,稱蕃于宋。 旣立,難當妻姚氏謂難當曰:「國 保宗謀襲難當,事泄,被繫。 時宋梁州刺 難當拜保宗為 保宗沖昧,吾授卿國事 並改 姓為司 史甄法 鎭南將 遂有漢中之地。 馬,穆之 先是, 險、宜立 護 刑 軍 四 自云 可,鎭 政 方流 ,其無墜 長君 不 石昌, 理 名 人以仇 万反 宋 飛龍, 以 先 事

董亭。日即保宗與兄保顯歸京師,日則太武拜保宗征南大將軍、秦州牧、武都王,尚公主,保 顯爲鎭西將軍、晉壽公。後遣大鴻臚崔頤□□尹難當爲征南大將軍、儀同三司、領護西羌校 使其司馬蕭承之先驅進討,口己所向剋捷,遂平梁州。因又附宋。 難當後釋保宗,遺鎮

尉、秦梁二州牧、南秦王。

南 帝怒,遣將裴方明等伐之。 難當爲方明所敗,棄仇池,與千餘騎奔上邽。 太武遣中山王辰 武遣車騎大將軍、樂平王丕等督河西、高平諸軍取上邽,又詔喩難當,奉詔攝守。尋而傾國 迎之赴行宫。 貢獻于宋不絕。尋而其國大旱,多災異,降大秦王復爲武都王。太延初,難當立鎭上邽。太 寇,規有獨土,襲宋益州,攻涪城,又伐巴西,獲雍州流人七千餘家,江北還于仇池。 難當後自立爲大秦王,號年曰建義,立妻爲王后,世子爲太子,置百官具擬天朝。然猶 方明旣剋仇池,以保宗弟保熾守之,河間公齊擊走之。

梁三州牧、仇 僚屬、資粮。 德奔守葭蘆 泄,齊執保宗送京師、詔難當殺之。氐、羌立文德,屯于濁水。 先是、詔保宗鎭上邽,又詔鎭駱谷,復其本國。保宗弟文德先逃氐中,乃說保宗令叛。 ,武都、陰平氐多歸之。詔淮陽公皮豹子等率諸軍討文德,走漢中,收其妻子、 及保宗妻公主送京師,賜死。初,公主勸保宗反,人問曰:「背父母之邦若何?」 池公,求援於保,封文德爲武都王,遣偏將房亮之等助之。 文德自號征西將軍、秦河 齊逆擊,禽亮之。文

公主日 一一禮,婦人外成,因夫而榮。 事立,據守一方,我亦一國之母,豈比小縣之主。」以此

得罪。

行。 公。 子德子襲難當爵,早卒。 至南秦,以氐反不得進,遺公熙先慰氐。 小眼子公熙襲爵。 文成時,拜難當營州刺史,還爲外都大官。卒,諡曰忠。 正光中,尚書右丞張普惠爲行臺,送租於南秦、東益,普惠啓公熙俱 子小眼襲,例降爲公,拜天水太守,卒。 東益州刺史魏子建以公熙險薄,密令訪察,公 子和,隨父歸魏,別賜爵仇池 子大眼,別有傳。日日

中。 熈果有潛謀,將爲叛亂。 普惠 表 列其事,公熈大行賄賂,終得免罪。 子建仍報普惠,令其攝錄。 後爲假節、別將,與都督元志同守岐州 普惠急追公熙,公熙竟不肯赴,東出 漢

秦賊莫折天生所虜,死於秦州。

文德後自漢中入統浙、隴,遂有陰平、武興之地。 後為宋荆州刺史劉義宣所殺。

保宗之執也,子元和奔宋,以爲武都、白水太守。曰也元和據城歸順,文成嘉之, 拜征南

大將軍、武都王,內徙京師。

獻文授文度 元和 從 武 叔 僧嗣復自稱武都王於葭蘆。[10]僧嗣死,從弟文度自立爲武興王,遣使歸順。 興鎭將,旣而 復叛。 孝文初,征西將軍皮歡喜攻葭蘆破之,斬文度首。

文度弟弘,小名鼠,名犯獻文廟諱,以小名稱。 鼠自爲武興王,遣使奉表謝罪, 貢其方

物,孝文納之。 死,從子後起統位,孝文復以鼠爵授之。 鼠遣子狗奴入侍,拜鼠都督、南秦州刺史、征西將軍、西戎校尉、武都王。 鼠子集始爲白水太守。 鼠

將軍 將軍 降,還授爵位,歸守武興。 王,贈集始車騎大將軍、開府儀同三司、諡安王 ·,加督寧、湘五州諸軍 、領護南蠻校尉、漢中郡侯、武興王,賜以車旗、戎馬、錦綵、繒纊。 後起死,以集始爲征西將軍、武都王。 死,子紹先立,拜都督、南秦州刺史、征虜將軍、 事。後仇池鎭將楊靈珍襲破武興,集始遂入齊。 集始復朝于京師,拜都督、 南秦州刺史、安南大 尋還武興,進號 漢中郡公、武興 景明 初,集始 鎭 來 南

保,全漢川,朗之力也。 先,送于京師,遂滅其國,以爲武興鎭,復改鎭爲東益州 大號,集起、集義並稱王,外引梁爲援。安西將軍邢巒遣建武將軍傅竪眼攻武興剋之,執紹 紹先年幼,委事二叔集起、集義。 道遷求援於集起、集義、二人貪保邊蕃、不欲救之。 集義見梁、盆旣定,恐武興不得久爲外藩,遂扇動諸氐,推紹先 夏侯道遷以漢中歸順也,梁白馬戍主尹天保率衆圍 唯集始弟集朗心願立功,率衆 憯 破 稱

建爲 州,未幾,氐人悉反。 前後鎮將唐法樂、刺史杜纂、邢豹以威惠失夷,氐豪仇石柱等相率反叛,朝廷以西南 正光中, 記魏子建爲刺史,以恩信招撫,風化大行,遠近款附, 永棄城東走,自此復爲氏地 如內地焉。 後唐永代子

魏末,天下亂,紹先奔還武興,復自立爲王。周文定秦、隴,紹先稱藩,送妻子爲質。 大

統元年,紹先請其女妻,周文奏魏帝許之。紹先死,子辟邪立。

蓋鬧,散其餘黨。興州叛氐復侵逼南岐州,刺史叱羅協遣使告急,昶赴救,三三又大破之。 據北谷,其黨西結宕昌羌際甘,共推蓋閙爲主。,昶分道遣使,宣示禍福,然後出兵討之。 擒 之,鼠仁等相繼歸附。十一年,於武興置東益州,以辟邪爲刺史。十五年,安夷氐復叛。 討降之。九年,清水氐酋李鼠仁據地作亂, 氐帥梁道顯叛,攻南由,周文遣典籤趙昶慰諭 四年,南岐州氐苻壽反,攻陷武都,自號太白王,詔大都督侯莫陳順與渭州刺史長孫澄

趙昶時督成、武、沙三州諸軍事,遣使和解之。 歲,楊法深從尉遲迥平蜀,曰回軍廻,法深尋與其宗人楊崇集、楊陳悭各擁其衆,遞相攻討。 討平之。周文乃以大將軍字文貴爲大都督、興州刺史。貴威名先著,羣氐頗畏服之。來 絕。廢帝元年,以深爲黎州刺史。二年,楊辟邪據州反,羣氐復與同逆。 先是,氐
督楊法深據陰平自稱王,亦盛之苗裔也。魏孝昌中,舉衆內附,自是職貢不 法深等從命,乃分其部落,更置州郡以處之。 韶叱羅協與趙昶

平之。 周明帝時,興州人段吒及下辯、相樹二縣人反,相率破蘭皐戍。 氐台姜多復率厨中氐 恭帝末,武興氐反,圍利州,自己鳳州固道氐魏天王等亦聚衆響應,大將軍豆盧寧等計

列

中相 屬攻陷落叢郡以應之。与問趙昶討平二縣,幷斬段吒。而陰平、葭蘆氐復往往屯聚,与司與厨 |昶還,||厨中生||氐,復爲寇掠。 應。 及王謙舉兵,沙州氐帥開府楊永安又據州應謙,公式大將軍達奚儒討平之。 昶乃簡精騎,出其不意,徑入厨中,至大竹坪,連破七栅,誅其渠帥,二郡並降。

鳴,突走而西,聲若頹山,如是者十餘輩,一廻一迷。 渾謂其部落曰:「我兄弟子孫並應昌盛,廆當傳子及會玄孫,其間可百餘年,我乃玄孫間始 殆天所啓。諸君試驅馬令東,馬若還東,我當隨去。」即令從騎擁馬令廻,數百步,欻然悲 洛廆。一涉歸死,若洛廆代統部落,是爲慕容氏。涉歸之在也,分戶七百以給吐谷渾,與若洛 汝萬里外」若洛廆悔,遣舊老及長史七那樓謝之。吐谷渾曰:「我乃祖以來, 相傷。」」吐谷渾曰:「馬食草飲水,春氣發動,所以關。 應二部。馬鬭相傷,若洛廆怒,遣人謂吐谷渾曰:「先公處分,與兄異部,何不相遠, 公之世,卜筮之言云:『有二子,當享福祚,並流子孫。』我是卑庶,理無並大。今以馬致怒, 吐谷渾,本遼東鮮卑徒河涉歸子也。涉歸一名齊洛韓,有二子,庶長曰吐谷渾,少曰吉 樓力屈,乃跪曰:「可汗,此非復 鬭在馬,而怒及人!乖別甚易,今當去 樹德遼右,先 而馬鬭

當顯耳。」於是遂西附陰山,後假道上隴。 若洛廆追思吐谷渾,作阿于歌,徒河以兄爲阿子

也。子孫僭號,以此歌爲輦後鼓吹大曲。

數千里中,逐水草,廬帳而居,以肉酪爲糧。西北諸雜種謂之阿柴虜。 吐谷渾遂從上隴,日刊上於枹罕。自枹罕暨甘松,南界昂城、龍涸,從洮水西南極白蘭。

股肱之力以輔之,孺子得立,吾無恨也。」抽劍而死。 有子十二人。 險遠,又土俗懦弱,易控禦。葉延小兒,欲授餘人,恐倉卒終不能相制。今以葉延付汝,竭 聰所刺,劍猶在體,呼子葉延語其大將絕拔遲曰:「吾氣絕,棺歛訖,便速去保白蘭。こ己地旣 吐谷渾死,有子六十人。長子吐延,身長七尺八寸,勇力過人,性刻暴。爲昂城羌禽妄

然罔極之心,不勝其痛。」性至孝,母病,母三日不食,葉延亦不食。頗視書傳,自謂曾祖齊 洛韓始封昌黎公,吾爲公孫之子,案禮,公孫之子得以王父字爲氏,遂以吐谷渾爲氏焉。 曰:「讎賊諸將已屠膾之,汝年小,何煩朝朝自苦」」葉延嗚咽若不自勝,答母曰:「誠知無益, 葉延少而勇果,年十歲,縛草爲人,號曰姜聰,每旦輒射之,射中則嘷叫泣涕。드己其母

思,不遊娛酣宴。十五年死,弟視羆立。[10]死,子樹洛干等並幼,弟烏紇提立,而妻樹洛干 事,遂立子視連爲世子,委之事。號曰莫賀郎,華言父也。溪遂以憂死。視連立,以父憂 葉延死,子碎奚立。性淳謹,三弟專權,碎奚不能制,諸大將共誅之。奚憂哀不復攝

母,生二子慕璝、慕利延。至三烏紇提一名大孩。死,樹洛干立,自號車騎將軍。 是歲,晉義

奉吾一隻箭,將玩之地下。」俄而命母弟慕利延曰:「汝取一隻箭折之。」慕利延折之。曰:「汝 之舉而私於緯代!其以熹璝繼事。」阿豺有子二十人,緯代長子也。阿豺又謂曰:「汝等各 將遣使朝貢,會暴病,臨死召諸子弟告之曰:「先公車騎捨其子虔,以大業屬吾,豈敢忘先公 乎」遣使通宋,獻其方物。宋少帝封爲澆河公。未及拜受,宋文帝元嘉三年,又加除命。又 熙初也。 取十九隻箭折之。」慕延不能折。阿豺曰:「汝曹知不?單者易折,衆則難摧,戮力一心,然後 始號墊江,至巴郡入江,度廣陵入於海。」阿豺曰:「水尙知歸,吾雖塞表小國,而獨無所歸 因號沙州。 「此水東流,更有何名?由何郡國入何水也。」」其長史曾和曰:「此水經仇池,過晉壽,出宕渠 樹洛干死,弟阿豺立,自號驃騎將軍、沙州刺史。部內有黃沙,周迴數百里,不生草木, 阿豺兼幷氐、羌,地方數千里,號爲强國。升西强山,觀墊江源,問於羣僚曰:

慕璝始遣其侍郎謝大寧奉表歸魏。尋討禽赫連定,送之京師。

太武嘉之,遣使者策拜慕璝 凉亡業之人,及羌戎雜夷衆至五六百落,南通蜀、漢,北交凉州、赫連,部衆轉盛。 太武時, 先是,阿豺時,宋命竟未至而死。慕璝又奉表通宋,宋文帝又授隴西公。慕璝招集秦、

爲大將軍、西秦王。

飾,而財不周賞,願垂鑒察,亮其單款。臣頃接寇逆,「三」疆境之人,爲賊所抄,流轉東下,今 皇化混一,求還鄉土。乞佛曰連、窟略寒、張華等三人家弱在此,分乖可愍,願幷敕遣,使恩 慕璝表曰:「臣誠庸弱,敢竭精款,俘擒僭逆,獻捷王府,爵秩雖崇,而土不增廓,車旗旣

洽遐荒,存亡感戴。」

被,西秦王慕義畏威,稱臣納貢,求受爵號。議者以爲古者要荒之君,雖人土衆廣,而 朝,始乃至萬匹。今西秦王若以土無桑蠶,便當上請,不得言財不周賞也。周室衰微, 爵不擬華夏。陛下加寵王官,乃越常分,容飾車旗,班同上國。至於繒絮多少,舊典所 太武詔公卿朝堂會,議答施行。与三太尉長孫嵩及議郎、博士二百七十九人議曰: 勳,爵登上國,統秦、凉、河、沙四州之地,而云土不增廓。 比聖朝於弱周,而自同於五 朝宿之邑。西秦所致,唯定而已。塞外之人,因時乘便,侵入秦、凉,未有經略拓境之 齊侯小白一匡天下,有賜胙之命,無益土之賞。晉侯重耳破楚城濮,唯受南陽之田,爲 馬二駟,單于答馬千匹。其後匈奴和親,敵國,遺繒絮不過數百,呼韓邪稱臣,身自入 無,皆當臨時以制豐寡。自漢、魏以來,撫綏遐荒,頗有故事。呂后遺單于御車二乘、 前者有司所處,以爲秦王荒外之君,本非政敎所及,來則受之,去則不禁。皇威遠

列

八十

四

吐

霸,無厭 之情,其可極乎! 西秦王忠款於朝廷,原其本情,必不至此。或左右不敕,因

致斯累。

送詣京師,隨後遣還。 所請乞佛三人,昔爲賓國之使,來在王庭,國破家遷,即爲臣妾, 檢西秦流人,賊時所抄,悉在蒲坂。〔118〕今旣稱藩,四海咸泰,天下一家,可敕秦州

可勿聽許。

又通于宋,宋文封爲隴西王。

是裂土,何須復廓?西秦款至,綿絹隨使疏數增益之,非一匹而已。」自是,濕瑣貢獻頗簡。 制曰:「公卿議之,未爲失體。 西秦王所收金城、枹罕、隴西之地,彼自取之,朕即與之,便

喻之,乃還。 太武征凉州,慕利延懼,遂率其部人,西遁沙漠。 軍、儀同三司,改封西平王,以熹璝子元緒爲撫軍將軍。 太延二年,慕璝死, 後慕利延遣使表謝,書奏、乃下詔褒獎之。 弟慕利延立。 韶遣使者策諡慕璝曰惠王。 太武以慕利延兄有禽赫連定之功,遣使宣 時慕利延又通宋,宋封爲河南王 後拜慕利延鎭西大將

橋,

慕利延兄子拾寅走河西,伏羅遣將追擊之,

斬首五千餘級。 八人逃歸京師,請兵討慕利延。 慕利延兄子緯代懼慕利延害己,與使者謀欲自歸,慕利延覺而殺之。 太武拜叱力延歸義王,詔晉王伏羅率諸將 慕利延走白蘭。 討之。 緯代弟叱力延等 慕利延從 軍至大母

弟伏念、長史鴇鳩黎、部大崇娥等率衆一萬三千落歸降。 丸帽、女國金酒器、胡王金釧等物,宋文帝賜以牽車。七年,遂還舊土。 之於白蘭。「量」慕利延遂入于闐國,殺其王,死者數萬人。南征罽賓。遣使通宋求援,獻烏 後復遣征西將軍、高涼王那等計

受魏 自恃險遠,頗不恭命。通使于宋,獻善馬、四角羊,至武宋明帝加之官號。 正朔,又受宋封爵,號河南王。太武遣使拜爲鎭西大將軍、沙州刺史、西平王。後拾寅 慕 利延死,樹洛干子拾寅立。始邑於伏羅川,其居止出入,竊擬王者。 拾寅奉修貢職,

振, 明 也。 拔及安出 可 今在白蘭,不犯王塞,不爲人患,非國家之所急也。 若遣使招慰,必求爲臣妾,可不勞而定 其 - 舉 今驅疲病之卒,要難冀之功,不亦過乎? 衆以爲然,乃引還,獲駝馬二十餘萬 意勢。若分軍出其左右,拾寅必走保南山,不過十日,牛馬草盡,人無所食,衆必潰叛, 王者之於四荒,羈縻而已,何必屠其國,有其地。安曰:「臣昔爲澆河戍將,與之相近, · 忿拾寅兄弟不睦,使晉王伏羅、高涼王|那再征之,竟無多剋,拾寅雖復遠遁,軍亦疲勞。 文成時,定陽侯曹安表拾寅今保白蘭,多有金銀、牛馬,若擊之,可以大獲。議者咸以 北道以討之。 定也。」從之。 拾寅走南山,諸軍濟河追之。時軍多病,諸將議賊已遠遁,軍容已 詔陽平王新成、建安王穆六頭等出南道,南郡公李惠、給事 中公孫

獻文復詔上黨王長孫觀等率州郡兵討拾寅。 軍至曼頭山,拾寅來逆戰,觀等縱兵擊敗

列傳

楊鍾葵 獻文尋遣斤還。 軍,表求改 部落大饑,屢寇燒河。詔平西將軍、廣川公皮歡喜率敦煌、涼州、枹罕、高平諸軍爲前鋒,〔長〕 之,拾寅宵遁。 求令洮陽 司空、上黨王長孫觀爲大都督以討之。[請]觀等軍入拾寅境,芻其秋稼。拾寅窘怖, 、貽拾寅書以責之。 貢其 過,觀等以聞。 、土物。」辭旨懇切,獻文許之,自是歲修職貢。 於是思悔復蕃職、同門造別駕康盤龍奉表朝貢。 拾寅後復擾掠邊人,遣其將良利守洮陽,枹罕所統也。 獻文以重勞將士,乃下詔切責之,徵其任子。 拾寅表曰:「奉詔,聽臣還舊土,故遣良利守洮陽。若不追前恩, 獻文幽之,不報其使。 **枹罕鎭將、西郡公** 拾寅遣子斤入侍, 遣子詣

認。 伐宕昌 死。 太和 詔讓之, 五年,拾寅死,子度易侯立。 賜錦綵一百二十匹,喻令悛改,所掠宕昌口累,部送時還。易侯並奉 遣其侍郎時眞貢方物,提上表稱嗣事。CBO)後度易侯

悔,其路無由 以此旣邊將之常,四回即便聽許。及偏師致討,二戍望風請降,執訊二千餘人,又得婦女九百 日 人告凶, 拜受失禮, 子伏連籌立。 **伏連籌拜命不恭**,有司 . (矣。) 乃可 **韶曰** 「朕在哀 孝文欲令入朝,表稱疾病,輙修洮陽、泥和城而置戍焉。 加以詰責。 恢之中,未存征討。 請伐之,孝文不許。 所獻土毛,乃是臣 之常道。 而去春枹罕表取其洮陽、泥和二成,時 羣 臣以其受詔不敬,不宜納所獻。帝 杜棄所獻,便是絕之,縱欲改 文明太后崩,使

П 西 子婦可悉還之。」伏連籌乃遣世子賀魯頭朝于京師。四司禮錫有加,拜伏連籌使持節 垂諸軍事、征西將軍、領護西戎中郎將、西海郡開國公、吐谷渾王,煙旗章綬之飾,自己 都

皆備給之。

將至。」伏連籌遂默然。及孝文崩,遣使赴哀,盡其誠敬。 有興動,殊違臣節。當發之日,宰輔以爲君若返迷知罪,則克保蕃業; 脫守愚不改,則禍難 名。「圖一个忽名僕,而拘執此使。將命偏師,往問其意。」禮曰:「君與宕昌,並爲魏蕃,而比輒 後遣兼員外散騎常侍張禮使於伏連籌。謂禮曰:「昔與宕昌通和,恒見稱大王,己則自

蜀馬及西南之珍,無歲不至。後秦州城人莫折念生反,河西路絕。凉州城人萬于菩提等東 藩,論其位則同列,而稱書爲表,名報爲旨。有司以國常刑,殷勤請討。朕慮險遠多虞,輕 應念生,囚刺史宋穎。穎密遣求援於伏連籌,伏連籌親率大衆救之,遂獲保全。 自誇大。宣武初,詔責之曰:「梁州表送卿報宕昌書。〔至〕梁彌邕與卿並爲邊附,語其國則隣 相構惑,故先宣此意,善自三思。」伏連籌上表自申,辭誠懇至。終宣武世至于正光,犛牛、 伏連籌內修職貢,外幷戎狄,塞表之中,號爲强富。准擬天朝,樹置官司,稱制諸國,以 自爾以後,

伏 (連籌死,子/夸呂立,始自號爲可汗。居伏俟城,在/青海西十五里。雖有城郭而不居, 列 傅

關

徼不通,貢獻遂絕

袍,辮髮於後,首戴金花冠

將軍之號。 恒 |處穹廬,隨水草畜牧。 夸呂椎髻毦珠, 其地,東西三千里,南北千餘里。 以皂爲帽,坐金獅子牀。 號其妻爲母尊,同己衣織成裙,披錦大 官有王、公、僕射、尚書及郎中、

置此 貴。 唯得蕪菁、大麥,故其俗貧多富 性貪婪,忍於殺害。 等,與突厥俗同。 地無鄯善、且末。 死;餘則徵物 入海,因 山,至來春收之,馬皆有孕,所生得駒,號爲龍種,必多駿異。 兵器有弓、刀、甲、矟。 其俗:丈夫衣服略同於華夏,多以羅冪爲冠,亦以繒爲帽,婦人皆貫珠貝,束髮,以多爲 生驄駒,能日行千里,世傳青海驄者也。 以贖罪,亦量事決杖。 至于婚,貧不能備財者,輒盜女去。 好射獵,以肉酪 國無常賦,須則稅富室商人 少。 II 為糧。 青海 刑人必以氈蒙頭,持石從高擊之。父兄死,妻後母及嫂 周回千餘里,海內有 亦知種 土出犛牛、馬、騾,多鸚鵡,饒銅、鐵、朱砂。 田,有大麥、粟、豆。 死者亦皆埋殯,其服制,葬訖則除之。 以光 小山。 用焉。 吐谷渾嘗得波斯草馬,放 每冬冰合後,以良牝馬 其刑罰: 然其北界氣候多寒, 殺人及盜馬,

朝貢 散騎常侍傅靈檦使於其國。 ,夸呂乃遣使人趙吐骨眞假道 興和中,齊神武作相, 招懷荒遠,蠕蠕既附於國,今呂遣使致敬。 夸呂又請婚,乃以濟南王匡孫女爲廣樂公主以妻之。 蠕蠕,頻 來 東魏。 又薦其從妹, 静帝納 神武喩 以 爲 以大 嬪。 義,徵其 此後朝 遣 員 外

之。軍至伏俟城,夸呂遁走,虜其餘衆而還。明年,又再遣使奉獻。宣政初,其趙王他婁屯 來降,「四以其地爲扶州。 二年五月,復遣使來獻。 建德五年,其國大亂,武帝詔皇太子征 陽、洪和二城,置洮州而還。保定中,夸呂前後三輩遣使獻方物。天和初,其龍涸王莫昌率 蘭祥、宇文貴率兵討之,夸呂遣其廣定王、鍾留王拒戰。 祥等破之,廣定等遁走。 襲擊夸呂,破之,虜其妻子,獲珍物及雜畜。武成初,夸呂復寇凉州,刺史是云寶戰沒。賀 潘密,商胡二百四十人,駝騾六百頭,雜綵絲絹以萬計。恭帝三年,史寧又與突厥木杆可汗 呂又通使於齊。涼州刺史史寧覘知其還,襲之於州西赤泉,獲其僕射乞伏觸狀、日的將軍翟 寇抄不已,緣邊多被其害。廢帝二年,周文勒大兵至姑臧,夸呂震懼,使貢方物。 來降。自是,朝獻遂絕。 西魏大統初,周文遣儀同潘濬喻以逆順之理,於是夸呂再遣使獻能舞馬及羊、牛等。然 、是歲,旁 又拔其洮

得衆心,拜大將軍,封河南王,以統降衆。自餘官賞各有差。未幾,復來寇邊,州刺史皮子 自曼頭至樹敦,甲騎不絕。其所署河西總管定城王鍾利房及其太子可博汗前後來拒戰,諧 頻破之。一夸呂大懼,率親兵遠遁,其名王十三人召率部落而降。同己上以其高寧王移茲裒素 及隋開皇初,侵弘州,地曠人梗,廢之。遣上柱國元諧率步騎數萬擊之。賊悉發國中,

列傳

第八十

四

吐

信拒戰死之。CHOJ汶州總管梁遠以銳卒擊之,乃奔退。俄而入寇廓州,州兵擊走之。

州總管河間王計應之,至己上不許。太子謀泄,爲其父所殺。復立少子嵬王訶爲太子。 慰撫,任其自拔,不須出兵馬應接。其妹夫及甥欲來,亦任其意,不勞勸誘也。」是歲,河南 上曰:「叛天背父,何可收納!又其本意,正自避死,若今違拒,又復不仁。若有音信,宜遣 爲臣子法,不可遠遣兵馬,助爲惡事。」嵬王乃止。八年,其名王拓拔木彌請以千餘家歸化。 者曰:「溥天之下,皆是朕臣妾,各爲善事,即朕稱心。 嵬王旣有好意,欲來投服,唯敎嵬王 刺史杜祭請因其釁討之,上又不許。六年,嵬王訶復懼父誅,謀歸國,請兵迎接。 王移茲裒死,文帝令其弟樹歸襲統其衆。平陳之後,夸呂大懼,逃遁險遠,不敢爲寇。 夸呂在位百年,屢因喜怒廢殺太子。其後太子懼殺,遂謀執夸呂而降,請兵於邊吏。秦 上謂其使 疊州

年,遣刑部尚書宇文璬撫慰之。十六年,以光化公主妻世伏,上表稱公主爲天后,上不許。 曰:「若依來請,他國便當相學,一許一塞,是謂不平。 若並許之,又非好法。」竟不許。 十一 十一年,夸呂卒,子世伏使其兄子無素奉表稱藩,幷獻方物,請以女備後庭。 。上謂無素

尚主,上從之。自是朝貢歲至,而常訪國家消息,上甚惡之。煬帝卽位,伏允遣子順來朝。 時鐵勒犯塞,帝遣將軍馮孝慈出敦煌禦之,戰不利。鐵勒遣使謝罪請降,帝遣黃門侍郎裴

明年,其國大亂,國人殺世伏,立其弟伏允爲主。 使陳廢立事,幷謝專命罪,且請依俗

党項。 觀德 矩慰撫之,諷令擊吐谷渾以自效。 郡、縣、鎭、戍,發天下輕罪徙居之。於是留順不之遣。 西平臨羌城以西,且末以東,祁連以南,雪山以北,東西四千里,南北二千里皆爲隋有。 王雄出澆河,許公宇文述出西平掩之,大破其衆。 帝立順爲主,送出玉門,令統餘衆,以其大寶王泥洛周爲輔。 鐵勒即勒兵襲破吐谷渾,伏允東走,保西平境。 伏允無以自資,率其徒數千騎,客於 伏允遁逃於山谷間,其故地皆空。自 至西平,其部下殺洛 帝復令

大業末,天下亂,伏允復其故地,屢寇河右,郡縣不能制。

周,順不果入而還。

吐谷渾北有乙弗勿敵國,國有屈海,海周廻千餘里。 衆有萬落,風俗與吐谷渾同。然不

五穀,唯食魚及蘇子。蘇子狀若中國枸杞子,或赤或黑。

識

有契翰一部,風俗亦同,特多狼。

也。 土無所出,直大養羣畜,而戶落亦可萬餘人。頑弱不知鬭戰,忽見異人,舉國便走。 白蘭山西北,又有可蘭國,風俗亦同。 目不識五色,耳不聞五聲,是夷蠻戎狄之中醜類 性

如野獸,體輕工走,逐不可得。

白蘭西南二千五百里,隔大嶺,又度四十里海,有女王國。 人庶萬餘落,風俗土著,宜

列傳第八十四 吐谷渾

桑麻,熟五穀,以女爲王,故因號焉。 譯使不至,其傳云然。

羊、豕以供其食。「三〕父子、伯叔、兄弟死者,卽以繼母、世叔母及嫂、弟婦等爲妻。俗無文 又無徭賦。 相統攝,岩昌卽其一也。俗皆土著,居有屋宇。其屋,織犛牛尾及羖羊毛覆之。 宕昌羌者,其先蓋三苗之胤。 唯戰伐之時,乃相屯聚,不然,則各事生業,不相往來。 周時與庸、蜀、微、盧等八國從武王滅商。漢有先零、燒 皆衣裘褐,牧養犛牛、 國無法令,

附。 遣使請救,獻文詔武都鎮將宇文生救之,羊子退走。 渾所斷絕。彪子死,彌治立。

「

一

一

一

一

一

一

先

奔

吐

谷

渾

,

遺

兵

三

子

、

、

、<b 以西,東西千里;席水以南,至三南北八百里。 字,但候草木榮落,記其歲時。三年一相聚,殺牛、羊以祭天。 太武嘉之,遣使拜彌忽爲宕昌王,賜彌黃爵甘松侯。 有梁懃者,世爲酋帥,得芜豪心,乃自稱王焉。|懃孫|彌忽,太武初,遣子|彌黃奉表求內 地多山阜,人二萬餘落。 爾治死,子彌機立,遣其司馬利柱奉表 爾忽死,孫彪子立。其地自仇池 世修職貢,頗爲吐谷 彌治

貢方物。楊文度之叛, 圍武都, 彌機遣其二兄率衆救武都, 破走文度。孝文時, 遣使子橋表

張察拜彌機征南大將軍、西戎校尉、梁益二州牧、河南公、宕昌王。 **貢朱沙、雌黄、白石膽各一百斤。** 自此後,歲以爲常,朝貢相繼。 後孝文遣鴻臚劉歸、謁者 以助之。「題

以北,岩昌以南,土風習俗,亦與岩昌同。其王像舒治遣使內附,高祖拜龍驤將軍、鄧至王, 鄧至者,白水羌也,世爲羌豪,因地名號,自稱鄧至。 其地自亭街以東,平武以西,汶嶺

遣貢不絕。周文命章武公導率兵送之。CASO

至國不同焉。亦時遣貢使,朝廷納之,皆假之以雜號將軍,子、男、渠帥之名。 鄧至之西有赫羊國。初,其部內有一羊,形甚大,色至鮮赤,故因爲國名。 又有東亭衞、大赤水、寒宕、石河、薄陵、下習山、倉驤、覃水等諸羌國,風俗粗獷, 與鄧

白蘭者,羌之別種也。其地東北接吐谷渾,西北利摸徒,「哥」南界那鄂。風俗物產,與

岩昌略同。

周保定元年,遣使獻犀甲、鐵鎧。

列傳第八十四 岩昌 鄧至 白蘭

時。三年一聚會,殺牛羊以祭天。人年八十以上死者,以爲令終,親戚不哭,少死者,則云 養犛牛、羊、猪以供食,不知稼穡。其俗淫穢蒸報,於諸夷中爲甚。 南北數千里,處山谷間。每姓別爲部落,大者五千餘騎,小者千餘騎。織犛牛尾及點攊毛爲 夭枉,共悲哭之。有琵琶、横吹,擊缶爲節。 屋,服裘褐,披氈爲上飾。俗尚武力,無法令,各爲生業,有戰陣則屯聚,無徭役,不相往來。 党項羌者,三苗之後也。其種有宕昌、白狼,皆自稱獮猴種。東接臨洮、西平,西拒棄護, 無文字,但候草木以記歲

將軍,其部下各有等差。十六年,復寇會州,詔發隴西兵討之,大破其衆,人相率降,遣子弟 入謝罪。帝謂曰:「還語爾父兄,人生須有定居,養老長幼。乃乍還乍走,不羞鄕里邪!|自 謙,請因還師討之。 開皇元年,有千餘家歸化。 五年,拓拔寧叢等各率衆詣旭州內附,授大 魏、周之際,數來擾邊。隋文帝爲丞相時,中原多故,因此大爲寇掠。蔣公梁睿旣平王

是朝貢不絕。

附國者,蜀郡西北二千餘里,即漢之西南夷也。 有嘉良夷,卽其東部,○云乃所居種姓自

相率領,土俗與附國同,言語少殊。不統一,其人並無姓氏

銀、銅,多白雉。水有嘉魚,長四尺而鱗細 帥,金爲首飾,胸前懸一金花,徑三寸。其土高,氣候凉,多風少雨,宜小麥、靑稞。山出金、 形圓如鉢,或戴冪羅。衣多毼皮裘,cken全剝牛脚皮為靴。項繫鐵鎖,手貫鐵釧。王與酋 戚,哭三聲而止。婦人哭,必兩手掩面。死家殺牛,親屬以猪酒相遺,共飮噉而瘞之。死後 甲,於三覆以獸皮。子孫不哭,帶甲舞劍而呼云:「我父爲鬼所取,我欲報寃殺鬼。」自餘親 兄亦納其妻。「К」「好歌舞,鼓簧,吹長角。有死者,無服制,置屍高牀之上,沐浴衣服,被以牟 上方二三步,狀似浮圖。於下級開小門,至亞從內上通,夜必關閉,以防賊盜。 罰牛。CKOD人皆輕捷,便擊劍。漆皮爲牟甲,弓長六尺,竹爲箭。妻其羣母及嫂,兒弟死,父 讎,故壘石爲隟,以避其患。 其隟高至十餘丈,下至五六丈,每級以木隔之,基方三四步,隟 一年,方始大葬,孫司必集親賓,殺馬動至數十匹。立木爲祖父神而事之。其俗以皮爲帽, 附國王字宜繒。其國南北八百里,東西千五百里。無城栅,近川谷,傍山險。 國有重罪者, 俗好復

欲獻良馬,以路險不通,請開山道,修職貢物,煬帝以勞人不許。 大業四年,其王遣使素福等八人入朝。明年,又遣其弟子宜林率嘉良夷六十人朝貢。

列傳第八十四 党項 附國

嘉良有水闊六七十丈,附國有水闊百餘丈,並南流。 用皮為舟而濟。

屬吐谷渾,或附附國。〔於〕大業中,朝貢。緣西南邊置諸道總管以管之。 利摸徒、那鄂、當迷、渠步、桑悟、干碉,並在深山窮谷,無大君長。 其風俗略同於党項,或役 有羌,大小左封、昔衞、葛延、白狗、向人、望族、林臺、春桑、利豆、迷桑、婢藥、大硤、白蘭、北 附國南有薄緣夷,「孫司風俗亦同。西有女國。其東北連山綿亘數千里,接於党項。往往

者,皆納其妻。雖分統郡縣,列於編戶,然輕其徭賦,有異華人。山谷阻深者,又未盡役屬, 夕,方與淫者敍離,夫氏聞之,以多爲貴。旣嫁,頗亦防閑,有犯姦者,隨事懲罰。又兄弟死 渠帥頗識文字,言語類夷狄,因譯乃通。蹲踞無禮,貪而忍害。俗好淫穢,女尤甚,將嫁之 布。其丈夫衣服及死亡殯葬,與中夏略同,婦人則多貫蜃貝以爲耳頸飾。與華人錯居。其 西,安定以東,方七八百里,居山谷間,種落繁熾。其俗土著,亦知種田,地少桑蠶,多衣麻 **|稽胡一日||歩落稽,蓋匈奴別種,劉元海五部之苗裔也。或云山戎赤狄之後。自離石以**

魏孝昌中,有劉蠡升者,居雲陽谷,自稱天子,立年號,署百官。屬魏氏亂,力不能討。

而兇悍恃險,數爲寇。

蠡 升遂分遣部衆抄掠,汾、晉之間,略無寧歲。神武遷鄴後,始密圖之,乃偽許以女妻鑑升太 蠡升 逐遣 子詣鄴,齊神武厚禮之,緩以婚期。 **蠡升旣恃和親,不爲之備。** 魏大統元 年

子南 三月, 海 齊神武襲之,蠡升率輕騎出外徵兵,爲其北部王所殺,送於神武。 王 爲主,神武滅之,獲其爲主及弟西海王幷皇后、夫人、王公以下四百餘人,歸於鄴 其衆復 立蠡升第三

之。 居 五 河 西者 黑水部衆先叛。 ,多恃險不賓。 七年,別帥夏州刺史劉平伏又據上郡反。自是北山諸部,連歲寇 時周文方與神武爭衡,未遑經略,乃遣黃門侍郎楊樹就安撫

國 并 武 與其 成 初,延州 別 部劉 桑德 稽胡 共爲影響。 郝 河保、 狼皮率其種人, 附於齊氏。 柱 國 豆盧寧督諸 軍擊破之。二年,狼皮等餘黨復叛,詔 阿保自署丞相,「ᠺも〕狼皮自署柱

大將軍韓果討破之。

文

前

後遣于謹、侯莫陳崇、李弼等相

繼討平之。

忠 與突厥 保定 伐 中 離石 齊, 稽 胡等便 生胡數寇汾北,勳州刺史章孝寬於險要築城,「於」置兵糧,以遏其路。及楊 優 旅拒,不供糧餼。 忠乃詐其

會

的

, 云與突厥廻

懼,乃相率供饋焉。

列

僔

第

八

十

깯

稽

胡

于寔等前 其後 丹州 後 窮 討 、綏州等部內諸胡,與蒲川別帥郝三郎等又頻年逆命、「於」復詔達奚震、辛威、 散 其 種落。 天和二年,延州總管宇文盛率衆城銀州 稽胡白郁久同、

羅等欲邀襲,盛並討斬之。 又破其別帥喬三勿同等。[+0]五年,開府劉雄出綏州,巡檢北邊

川路。稽胡帥白郎、喬素勿同等度河逆戰,雄復破之。

憲軍。 受羅千復反,至已越王盛督諸軍討禽之。 馬邑,乃分道俱進。 加慰撫。 欲窮其巢穴。齊王憲以爲種類旣多,又山谷阻絕,王師一舉,未可盡除,且當翦其魁帥,餘 盜而有之。 乃立蠡升孫沒鐸爲主,號聖武皇帝,年日石平。 建德五年,武帝敗齊師於晉州,乘勝逐北,齊人所棄甲仗,未暇收斂,稽胡乘間竊出,並 憲命譙王儉擊破之,斬獲千餘級。 帝然之,乃以憲爲行軍元帥,督行軍總管趙王招、譙王儉、滕王道等討之。 沒鐸遣其黨天柱守河東,又遣其大帥穆支據河西,規欲分守險要,掎角 自是寇盜頗息。 趙王招又擒沒鐸,衆盡降。 六年,武帝定東夏,將討之,議 宣政元年,汾胡帥劉 憲軍

夬無德則叛,有道則伏,先王所述荒服也。 論 曰:氐、羌、吐谷渾等曰殊俗,別處邊陲,考之前代,屢經叛服,窺覘首鼠,蓋其本性。

- 氏者西夷之別種 諸本「西」訛作「四」,據魏書卷一〇一補 、周書卷四九氐傳改。
- 〔三〕以其地爲武都郡 諸本脫「郡」字,據魏書、周書補。
- |駒, 漢建安中有楊騰者爲部落大帥騰勇健多計略始徙居仇池 駒,勇健多計略,始徙居仇池。」、北史此段出宋書,此「勇健」上當脫「子駒」二字。 始據仇池百頃」。按宋書卷九八氏胡傳云:「漢獻帝建安中,有楊騰者,爲部落大帥 ·魏書同。 周書作「漢末, 有氏帥楊 |騰子
- 「四」方百頃因以爲號 諸本脫「因以」二字,據魏書補。
- (五) 晉武帝假平西將軍 諸本脫「武」字、據宋書、魏書補。
- へだい 關中人士流移者多依之 爲「土」,今據乙改。 諸本「人士」作「土人」,、宋書、魏書作「人士」。 按此誤倒,又「士」訛
- 「よつ 三年毅族兄初襲殺毅 按宋書上文云:「咸康元年, 遣使稱藩於晉。」 此一三年」上當脫「咸康」
- 苻堅大將、未嘗降晉。 國子安叛苻生殺俊復 一稱藩於晉 下文亦見「苻堅遺楊安伐纂」語。 按朱書云「安奔苻生」俊遣使歸藩」。據晉書苻堅載記,楊安爲 則「叛」當爲「奔」之訛了「殺」字衍文。
- 八九山 統 名德纂聚黨襲殺 統 諸本脫上「統」字,「纂聚」誤倒,據魏書補乙。
- 玄字黃眉 諸本「 字」作「子」、宋書及通志卷一九五氏傳作「字」。 按下文都是敍楊玄事迹,作

列

傳

第

八十

四

校

勘

記

「字」是,今據改。

雖蕃於宋仍奉晉義熙之號 諸本「義」誤作「永」,據宋書改。 晉無「永熙」,義熙乃晉安帝年號。

CII 督梁州刺史 魏書「督」上有「都」字、是。

尋而 思話使其司馬蕭承之先驅進計 諸本「承之」作「道成」,魏書作「承之」。 按宋書本作「蕭

諱」、北史誤改爲「蕭道成」。 補魏書者改正。 其事見南齊書卷一高帝紀。 今據改

遺鎭董亭 諸本「董」作「薰」,魏書作「董」,宋書作「童」。 按水經注卷一七渭水注:「涇谷水叉

東北 歷董亭下,楊難當使兄子保宗鎭董亭,卽是亭也。」今據魏書改

保宗與兄保顯歸京師 諸本「顯」上脫「保」字、據魏書、通志及下文補。

崔頤 本書卷二太武紀延和二年作「崔賾」,參卷二四頤本傳校記。

又伐巴西獲雍州流人七千餘家 年正月稱:「楊難當克漢中,送雍州流民七千家于長安。」「維」顯爲「雍」之訛,今據改。 諸本「雍」作「維」。 按時無「維州」) 魏書卷四上世祖紀延和三

子大眼別有傳 按當云:「德子子大眼,別有傳。」大眼,難當之孫,見本書卷三七本傳。

子元和 奔宋以爲武都白水太守 按宋書云:「立元和爲武都王、治白水。」疑此誤。

元和從叔僧嗣復自稱武都王於葭蘆 諸本脫「都」字,據宋書、魏書、通志補

〔三〕 昶赴救 諸本「赴」訛作「起」,據周書、通志改。

- 來歲楊法深從尉遲迥平蜀 周書作「是歲」。 按尉遲迥平蜀在西魏廢帝二年, 見周書卷二文帝
- }紀 作「是歲」是。
- 圍利州 今據改。 諸本「利」作「和」、周書作「利」。 按利州見隋書地理志上義城郡, 其地與武興鄰近,
- 稱了屬」當是「蜀」之訛。 又諸本「叢」作「聚」,乃「藂」之訛,「藂」即「叢」。 周書氐傳「屬」作「蜀」。 按「蜀」是當時種族名 落叢,見隋書 地 理 表
- 至 而陰平葭蘆氐復往往屯聚 諸本脫一「往」字,據周書補。

上順政郡鳴水縣。

今據周書改。

- 沙州氐 帥開府楊永安又據州應謙 諸本「沙」下脫「州」字,據周書補。 事見本書卷一○周靜帝
- 紀大象二 年八月。
- 三 吐谷渾遂從上 隴 魏書卷一〇一補 吐谷渾傳百衲本「從」作「徙」、疑是。
- 会 便速去保白蘭 諸本脫「白」字,據宋書卷九六、魏書、通志卷一九五 吐谷渾傳補。
- 射中則嘷叫泣涕 泣 一不中 則 瞋目大 呼」。 宋書作「射中則喜,不中則嘷叫泣涕」。 按北史此段本出宋書、當脫「則喜不中」四字。 晉書卷九七吐谷渾 博作 「中之則號
- 弟視 列 傳 羆立 第 八 + **晉**書 四 、宋書、 校 勘 通志並三 記 云視連「有子二人」長曰視羆,次烏紇提 這裏作 :「弟」, 當誤。

生二子慕璝慕利延 諸本「利」上脫「慕」字、據宋書、梁書卷五四、通志及下文補。

[三] 臣頃接寇逆 諸本「頃」訛作「須」,據魏書改。

太武韶公卿朝堂會議答施行 魏書無「堂」字,當是衍文。

[MB] 悉在蒲坂 諸本「蒲」訛作「薄」,據魏書改。

後復遣征西將軍高涼王那等討之於白蘭 諸本「涼」訛作「梁」、據魏書、通志及下文改。

王那見本書卷一五高涼王孤傳。

[]刊]於是思悔復蕃職 魏書「復」下有「修」字,此脫文。

率敦煌涼州枹罕高平諸軍爲前鋒 「將」作「諸」。 按魏書卷五一皮豹子附子喜傳云:「領凉州、枹罕、高平諸軍與上黨王長孫觀 諸本無「涼」字、「諸」字作「將」。 魏書、通志無「涼州」二字

討拾寅。」則是「州」上脫「涼」字,今據補。「將」字訛,今據改。

提上表稱嗣事 魏警同。通志「提」作「併」。按「提」字疑誤。

呈む

司空上黨王長孫觀爲大都督以討之

諸本脫「之」字,據魏書、通志補。

[21] 時以此旣邊將之常 諸本脫「以」字,據魏書補。

伏連籌乃遣世子賀魯頭朝于京師 諸本脱「籌」字、據魏書、通志補。

- [M]] 疃旗章綬之飾 諸本「綬」作「授」,據魏書、通志改。
- 恒見稱大王己則自名 諸本「則」作「有」、魏書、通志作「則」。 按這是說宕昌王先稱伏連籌爲
- 大王,而自己稱名。作「有」不通,今據改。
- CEE! 梁州表送卿報宕昌書 諸本脫「書」字,據魏書、通志補
- 合公 號其妻爲 母尊 病書卷五○吐谷渾傳及魏書、通志「母」並作「恪」、「母」疑誤。
- [四] 獲其僕射乞伏觸狀 周書百衲本「狀」作「拔」〕疑是。
- 其龍涸王莫昌率來降 (刑書及通典卷一九○吐谷渾傳「來」字作「衆」。 按周書卷五武帝紀天
- 和元年五月稱:「吐谷渾龍涸王莫昌率戶內附。」這裏「率」下當脫「戶」字或「衆」字。
- 「四九」 其名王十三人召率部落而降 **院書卷八三吐谷渾傳及通典,「召」作「各」,是。**
- 金品 州刺史皮子信拒戰死之 隋書「州」上有「旭」字。 按本書卷一一隋文帝紀開皇三年四月稱

有洮州 洮州 刺史皮子信死之。」隨紀同北齊書卷四一皮景和傳,言其子子信開皇中卒於洮州刺史。隋初 亦有旭州,俱見隋書地理志上臨洮郡。「洮」「旭」未知孰是。 這裏當脫「洮」或「旭」字。

- こ 秦州 總管河間王計應之 隋書作「河間王弘」、此脱「弘」字。
- 牧養犛牛羊豕 岩昌羌傳 以供其食 諸本及魏書卷一〇一「牧」訛作「收」,據周書卷四九、通志卷一九五

列傳第八十四 校勘記

金売 席水以南 在今天水上邽縣。」魏書地形志下秦州天水郡上封即上邽縣注云:「有席水。」、水經注卷一七渭水 諸本「席」作「廗」、周書作「帶」。 按通典卷一九〇岩昌條作「席」,並有注云:「席水

注言渭水流經上邽東,有籍水入渭。別有曾席水入籍水。「廗」乃「席」之訛,今據改。

[晉] 彪子死彌治立 通志「彌」上有「子」字。

金哥 河南公宕昌王以助之 『夷狄之有君,不如諸夏之亡也,宕昌王雖爲邊方之主,乃不如中國 完昌與梁朝、西魏、北周關係,當是採自梁書、通典,不是北史脫文。 魏書宕昌羌傳本是用北史補,此七十四字亦當是脫文的一部分。 書宕昌羌傳敍宕昌與西魏北周關係文字不少,本書無一語涉及。 校尉,靈州刺史,王如故,賜以車騎戎馬錦綵等,遣還國」。 共七十四字,無「以助之」三字。 魏書於「宕昌王」下有「後朝于京師,殊無風禮。 通志於「宕昌王」下亦有大段文字,敍 蓋「宕昌王」下有脫文。 一吏。』 朝罷,高祖謂左右曰: 於是改授領護西戎 今本 按]]

CEKJ 其王像舒治遣使內附高祖拜龍驤將軍鄧至王遣貢不絕周文命章武公導率兵送之 文,或「治」是「彭」之誤。又諸本「周文命章武公導率兵送之」十一字在完置羌傳末。 代爲白水會帥中略。自舒理至十代孫舒彭、附於後魏、孝文帝封甘松縣子、鄧至王。」據魏書卷七 作「遵」,據周書卷四九鄧至羌傳改。又通典卷一九〇鄧至傳云:「有像舒理即治,通典避唐諱改者, 下高祖紀太和十七年九月見「鄧至王像舒彭」,則「遣使內附」者非像舒治。此「治」下疑有脫 諸本「導」訛 按周書

鄧至羌傳云:「自舒治至檐桁十一世。 魏恭帝元年, 檐桁失國來奔,太祖命章武公導率兵送復

之。」知北史在「遣貢不絕」下有脫文,又有錯簡。今脫文不補,錯簡移正。

至过 西北 西至叱利摸徒」。 利摸徒 按下文附國傳見「北利摸徒」、「叱」「北」未知孰是、但「西」下應脫「至」字。

(長) 有嘉良夷卽其東部 諸本脫「東」字,據隋書卷八三、通志卷一九七附國傳補

[元] 於下級開小門 諸本「級」上衍「致」字,據<u>隨</u>書删

國有 重罪者罰牛 隋書「有」下有「二萬餘家、號令自王出。 嘉良夷政令繫之酋帥」十八字。又

[六] 兒弟死父兄亦納其妻 諸本脫「死」字,據隋書補。

「重罪者」下有「死輕刑」三字、北史當是誤脫。

[Kin] 死後一年方始大葬 隋書、通志「一」作「十」,疑是。[Kin] 被以牟甲 諸本脫「被」字,據隋書補。

[六四] 衣多毼皮裘 隋書「毼」上有「毛」字,是。

〔六三〕附國南有薄緣夷 諸本脫「南」字,據隋書補。

(六) 或附附國 諸本脫一「附」字,據隋書補。

列

傳

第

八

+

四

校

勘

記

阿保自署丞相 諸本「署」作「置」,周書卷四九、通志卷二〇〇稽胡傳作「署」。 按「置」乃「署」

之訛、下文「狼皮自署柱國」可証、今據改。

公公 勳州刺史韋孝寬於險要築城 諸本「勳」作「敷」、周書作「勳」。 按本書卷六四章孝寬傳,孝寬

未嘗爲敷州刺史,築城是在勵州任內,今據改。

其後丹州綏州等部內諸胡與蒲川別帥郝三郎等又頻年逆命 諸本「蒲川」作「蒲州」、「郝三」作

「那協」。周書「綏州」下有「銀州」、「蒲州」作「蒲川」、「那協」作「郝三」。 按蒲州在河東,與丹、

綏、銀等州相去甚遠。 據周書卷一五于寔傳稱:「天和二年,延州蒲川賊郝三郎等攻逼丹州。」

知周書是,今據改。

C042 又破其別帥喬三勿同等 諸本「別帥」下衍「爲」字,據周書删。

[4]] 汾胡帥劉受羅千復反 諸本「復反」訛作「覆瓜」、據周書、通志改。

北史卷九十七

列傳第八十五

西域

或通,漢朝以爲勞弊中國,其官時置時廢。暨魏、晉之後,互相吞滅,不可復詳記焉。 超所通者五十餘國,西至西海,東西萬里,皆來朝貢,復置都護、校尉,以相統攝。 其後或絕 十六國。其後,分立五十五王,置校尉、都護以撫之。王莽篡位,西域遂絕。至於後漢,班 夏書稱:「西戎卽序。」班固云:「就而序之,非盛威武致其貢物也。」漢氏初開西域,有三

虛耗,何利之有。今若通之,前弊復加百姓矣!」遂不從。歷明元世,竟不招納。 域,可以振威德於荒外,又可致奇貨於天府。帝曰:「漢氏不保境安人,乃遠開西域,使海內 道武初,經營中原,未暇及於四表。旣而西戎之貢不至,有司奏依漢氏故事,請通西

太延中,魏德益以遠聞,西域龜茲、疏勒、烏孫、悅般、渴槃陁、鄯善、焉耆、車師、栗特諸

列傳第八十五 西域

琬等宣 後 初,婉等受詔:便道之國,可往赴之。 遠,大兵不可至故也。 可往二 爲 國 相 | 琬等曰:「傳聞破洛那、者舌皆思魏德,欲稱臣致貢,但患其路無由耳。 蠕蠕所執,竟不果達。 王始遣使來獻。 當與其進,安可豫抑後來。」乃從之。於是始遣行人王恩生、許綱等西使。 繼 國, 詔 而 慰賜之。 來,不問于歲,國使亦數十輩矣。 副其慕仰之誠。」琬於是自向破洛那,遣明使者舌。〔〕烏孫王爲發導譯,達二國, 已而琬、明東還,烏孫、破洛那之屬遣使與琬俱來貢獻者,十有六國。 太武以西域漢世雖通,有求則卑辭而來,無欲則驕慢王命,此其自知絕 若報使往來,終無所益,欲不遣使。 又遣散騎侍郎董琬、高明等多賣錦帛,出鄯善,招撫九國,厚賜之。 院過九國,北行至<u>烏孫國。其王得魏賜,拜受甚</u>悅。 有司奏:「九國不憚遐險,遠貢方 今使君等旣到此, 恩生出流沙, 自

貮。 遣 脣亡齒寒,自然之道也。 流 子自來伐 沙。 使 告 且 初 大武太武 牧犍事主,稍以慢墮。 西 後 使者自西域還至武威,牧犍左右謂使者曰:「我君承嶿嶿吳提妄說,云:『去歲 域諸國 我,士馬疫死,大敗而還,我擒其長弟樂平王丕。」我君大喜,宣言國 每遣使西域,常詔河西王沮渠牧犍,令護送。 魏已 一削弱,今天下唯我爲 今武威爲魏所滅,次及我矣。 使還,具以狀聞。 强。 太武 若更有魏使, 逐議討牧犍。 若通其使人, 知我國事, 取亡必近, 至姑臧,牧犍恒發使導路,出於 勿復恭奉。』西域諸國, 涼州 既平, 中。 **鄯善國** 叉聞 以爲 ※魏天 吳提 亦 有

不 如絕之,可以支久。乃斷塞行路, [三] 西域貢獻,歷年不入。後平鄯善,行人復通。

沙, 倍,爲一道,自莎車西南五百里,葱嶺西南一千三百里至波路,爲一道焉。自琬所不傳而更 出 至太延中爲十六國。分其地爲四域:自葱嶺以東,流沙以西爲一域;葱嶺以西,海曲以東爲 有朝貢者,紀其名,不能具國俗也。 域;者舌以南,月氏以北爲一域,兩海之間,水澤以南爲一域。內諸小渠長,蓋以百數。 西域,本有二道,後更爲四:出自玉門,度流沙,西行二千里至鄯善,爲一道,自玉門度流 北行二千二百里至車師,爲一道,從莎車西行一百里至懲嶺,葱嶺西一千三百里至伽 始,琬等使還京師,具言凡所經見及傳聞傍國,云:西域自漢武時五十餘國,後稍 祖弁, 其

東西魏時,中國方擾,及於濟、周,不聞有事西域,故二代書並不立記錄。〔三〕

編 利,令其 或 公裴矩於武威、張掖間往來以引致之。回其有君長者四十四國,矩因其使者入朝,啗以厚 大亂,朝貢 次,以備前 隋開皇、仁壽之間,尚未云經略。煬帝時,乃遣侍御史章節、司隸從事杜行滿使於西藩 ,至罽賓得瑪瑙盃,王舍城得佛經,史國得十舞女、師子皮、火鼠毛而還。 帝復令聞喜 (轉相諷 (遂絕。 書之西域傳云。 諭。 然事亡失,書所存錄者二十國焉。一魏時所來者,在隋亦有不至,今總而 大業中,相率而來朝者四十餘國,帝因置西戎校尉以應接之。尋屬中 至於道路遠近,物產風俗,詳諸前史,或有不同。 斯皆錄其當

時,蓋以備其遺闕爾。

還,俱會鄯善,勸比龍拒之,遂與連戰。安周不能剋,退保東城。後比龍懼,率衆西奔且末, 走保敦煌。無諱後謀渡流沙,遣其弟安周擊鄯善,王比龍恐懼欲降。會魏使者自天竺、罽賓 北即白龍堆路。至太延初,始遣其弟素延耆入侍。至及太武平凉州,沮渠牧犍弟無諱 鄯善國,都扞泥城,古樓蘭國也。去代七千六百里。所都城方一里。地多沙鹵,少水

其世子乃應安周。

西將軍、「や」領護西戎校尉、鄯善王以鎭之,賦役其人,比之郡縣。 歸釋其縛,留軍屯守,與眞達詣京都。」太武大悅,厚待之。是歲,拜交趾公韓拔爲假節、征 鄯善人衆布野,度歸勑東卒不得有所侵掠,邊守處之,皆望旗稽服。其王眞達面縛出降,度 成周公萬度歸乘傳發涼州兵討之。度歸到敦煌,留輜重,以輕騎五千渡流沙,至其境。時 「其後,魏遣使使西域,道經其國、」鄯善人頗剽劫之,令不得通、云太武韶散騎常侍、

且末國,都且末城,在鄯善西,去代八千三百二十里。眞君三年,鄯善王比龍避沮渠安

之患。 **蔽鼻口。** 周之難,率國人之半奔

且末。後役屬鄯善。 風之所至,唯老駝預知之,卽嗔而聚立,埋其口鼻於沙中。 其風迅駛,斯須過盡,若不防者,必至危斃。 且末西北有流沙數百里,夏日有熱風,爲行旅 人每以爲候,亦即將氈擁

大統八年,其兄鄯善米率衆內附。

|茲略同。俗重佛法,寺塔、僧尼甚衆。王尤信尚,每設齋日,必親自灑掃饋食焉。 城南五十 山多美玉。有好馬、駝、騾。其刑法,殺人者死,餘罪各隨輕重懲罰之。自外風俗物產,與龜 冰,即黃河也,一名計式水。[10]城西十五里亦有大水名達利水,與樹枝水會,俱北流 西諸國人等,深目高鼻,唯此一國,貌不甚胡,頗類華夏。城東二十里有大水北流,號樹枝 存。于闐西五百里有比摩寺,云是老子化胡成佛之所。俗無禮義,多盜賊淫縱。自高昌以 俱波千里,北去<u>龜茲千四百里,去</u>代九千八百里。 其地方亘千里,連山 里有攢摩寺,卽昔羅漢比丘盧旃爲其王造覆盆浮圖之所。〔5〕石上有辟支佛跣處,雙跡猶 里。部內有大城五,小城數十。一圓城東三十里有首拔河,中出玉石。土宜五穀幷桑、麻。 于闐國,在且末西北,葱嶺之北二百餘里,東去鄯善千五百里,南去」」國三千里,去快 相次,所都城方八九

眞君中,太武詔高涼王那擊吐谷渾慕利延,慕利延懼,驅其部落渡流沙。 那進軍急追

傳

亦以爲然。於是詔之曰:「朕承天理物,欲令萬方各安其所,應勑諸軍,以拯汝難。但去汝 唯習野掠,不能攻城。若爲害,當時已旋矣,雖欲遣師,勢無所及。」帝以公卿議示其使者, 自固、故遣使奉獻、遙望救援。」帝詔公卿議之。公卿奏曰:「于闐去京師幾萬里、蠕蠕之性, 上表曰:「西方諸國,今皆已屬蠕蠕。奴世奉大國,至今無異。今蠕蠕軍馬到城下,奴聚兵 之,慕利延遂西入于闐,殺其王,死者甚衆。獻文末,蠕蠕寇于闐。于闐患之,遣使素目伽 率猛將,爲汝除患。汝其謹警候,以待大舉。」 遐阻,政復遣援,不救當時之急,是以停師不行,汝宜知之。 朕今練甲養卒,一二歲間,當躬

仁輒留之,假言慮有寇不達。羊皮言狀,帝怒,又遣羊皮奉詔責讓之。自後每使朝貢。 先是,朝廷遣使者韓羊皮使波斯,波斯王遣使獻馴象及珍物。經于闐,于闐中于王秋

周建德三年,其王遣使獻名馬。

人見,俗言若見王髮,其年必儉云。 隋大業中,頻使朝貢。 其王姓王,字早示門。練錦帽,金鼠冠,妻戴金花。 其王髮不令

蒲 山國,故皮山國也。居皮城,在于閩南,去代一萬二千里。其國西南三里有凍凌山。

後役屬于闐。

悉居半國,故西夜國也,一名子合。 其王號子。 治呼犍。三三在于闐西,去代萬二千九

百七十里。太延初,遣使來獻,自後貢使不絕。

權於摩國,故烏秅國也。 其王居鳥秅城。 在悉居半西南,去代一萬二千九百七十里。

渠莎國,居故莎車城,在子合西北,去代一萬二千九百八十里。

蠕吳提,持魏節不爲之屈。後太武切讓吳提,吳提懼,乃遣恩 生等歸。 武初,始遣使朝獻,詔行人王恩生、許綱等出使。恩生等始度流沙,爲蠕蠕所執。 車師國,一名前部,其王居交河城。去代萬五十里。 其地北接蠕蠕,本通使交易。 太 許綱到敦煌病死,朝 恩生見蠕

廷壯其節,賜諡曰貞。

琢進薛直上書曰:「臣亡父僻處塞外,仰慕天子威德,遣使奉獻,不空於歲,天子降念,賜遣 甚厚。白豆及臣繼立,亦不闕常貢,天子垂矜,亦不異前世。敢緣至恩,輒陳私懇。 初,沮渠無諱兄弟之渡流沙也,鳩集遺人,破車師國。 眞君十一年,車師王車夷落遣使 臣國自無

傳第八十五 西域

列

発 一。 **諱所攻擊,經今八歲,人民飢荒,無以存活。 賊今攻臣甚急,臣不能自全,遂捨國東奔,三分** 初,遣子入侍。自後每使朝貢不絕。 即日已到焉耆東界,思歸天闕,幸垂賑救。」於是下詔撫慰之,開焉耆倉給之。

於此。 日行。 云:其地有漢時高昌壘,故以爲國號。 云:昔漢武遣兵西討,師旅頓弊,其中尤困者因住焉。 高昌者,車師前王之故地,漢之前部地也。 晉以其地爲高昌郡。 張軌、

呂光、

沮渠蒙遜據河西,

皆置太守以統之。

去敦煌十三 東去長安四千九百里。 東西二百里,南北五百里,四面多大山。 地勢高敞,人庶昌盛,因名高昌。 漢西域長史及戊巳校尉並居 亦 或

山北,鐵勒界也。 在隱僻處以避寇,非貴人不知其處。 其形如玉,高昌人取以爲枕,貢之中國。 又饒漆。自己有草名羊剌,其上生蜜,而味甚佳。引水溉田。 國有八城,皆有華人。地多石磧,氣候溫暖,厥土良沃,穀麥一歲再熟,宜蠶,多五果, 北有赤石山,山北七十里有貪汗山,口即夏有積雪。 多蒲桃酒。俗事天神,兼信佛法。 出赤鹽,其味甚美。復有白鹽, 國中羊、馬,牧 此

太武時有闞爽者,自爲高昌太守。 太延中,遣散騎侍郎王恩生等使高昌,爲蠕蠕所執。

眞君中,爽爲沮渠無諱所襲,奪據之。 無諱死,弟安周代立。 和平元年,爲蠕蠕所幷。

以闞伯周爲高昌王,其稱王自此始也。

舊人情戀本土,不願東遷,相與殺懦而立麴嘉爲王。 等十二人使高昌,儒復遣顧禮將其世子義舒迎安保。 威將軍韓安保率騎千餘赴之,割伊吾五百里,以儒居之。 爲左右長史。二十一年,遣司馬王體玄奉表朝貢,請師逆接,求舉國內徙。 至羅口巴殺首歸兄弟,以敦煌人張孟明爲王。 五 百迎安保。 太和初,伯周死,子義成立。 去高昌四百里而安保不至。禮等還高昌,安保亦還伊吾。 歲餘,爲從兄首歸所殺,自立爲高昌王。 後爲國人所殺,立馬儒爲王,以鞏 至白棘城,去高昌百六十里。 至羊榛水,儒遣嘉、禮率步騎一千 安保遣使韓興安 五年,高車王阿 孝文納之,遣明 顧禮 而高昌 、麴嘉

兵三千人迎之,口也至伊吾,失期而反。 私署左衞將軍、田地太守孝亮朝京師,仍求內徙,乞軍迎援。於是遣龍驤將軍孟威發涼州 誠備至。 滅,國人分散,衆不自立,請王於嘉。嘉遣第二子爲焉耆王以主之。永平元年,己之嘉遣兄子 主伏圖爲高車所殺,嘉又臣高車。 嘉字靈鳳,金城楡中人。 唯賜優旨,卒不重迎。 既立,又臣于蠕蠕那蓋。 三年,嘉遣使朝貢,宣武又遣孟威使詔勞之。延昌中,以嘉 初,前部胡人悉爲高車所徙,入於焉耆,又爲嚈噠所破 於後十餘遣使獻珠像、白黑貂裘、名馬、鹽枕等,款 顧禮與義舒隨安保至洛陽。 及蠕蠕

列

傳第

誥,求借<u>五經、諸史,并請國子助教劉燮以爲博士,明帝許之。</u> 嘉死,贈鎭 西將 軍、凉州 之,恐異同之變,爱在肘腋,不得便如來表也。」神龜元年冬,孝亮復表求援內徙,朝廷不許。 爲持節、平西將軍、瓜州刺史、泰臨縣開國伯,私署王如故。熈平初,遣使朝獻。 正光元年,明帝遣假員外將軍趙義等使於嘉。嘉朝貢不絕,又遣使奉表,自以邊遐,不習典 是漢、魏遺黎,自晉氏不綱,因難播越,成家立國,世積已久。惡徙重遷,人懷戀舊。今若動 地隔關山,境接荒漠,頻請朝援,徙國內遷。雖來誠可嘉,卽於理未帖。 何者。彼之甿庶, 韶曰:「卿

臨縣伯,王如故。又加衞將軍。至永熙中,特除儀同三司,進爲郡公。後遂隔絕。 子堅立。於後關中賊亂,使命遂絕。普泰初,堅遣使朝貢,除平西將軍、瓜州刺史,泰

年,其王遣使獻方物。保定初,又遣使來貢。 至大統十四年,韶以其世子玄嘉爲王。曰己恭帝二年,又以其田地公茂嗣位。武成元

部等長史也;次有五將軍,曰建武、威遠、陵江、殿中、伏波等將軍也;次有八司馬,長史之副 公,一爲田地公,次有左右衞,次有八長史,曰吏部、祠部、庫部、倉部、主客、禮部、戶部、兵 畫魯哀公問政於孔子之像。官有令尹一人,比中夏相國,次有公二人,皆王子也,一爲交河 其國,周時,城有一十六。後至隋時,城有十八。其都城周回一千八百四十步,於坐室

畜骸骨而去。路中或聞歌哭聲,行人尋之,多致亡失,蓋魑魅魍魎也。 俗、昏姻、喪葬與華夏小異而大同。自敦煌向其國,多沙磧,茫然無有蹊徑,欲往者,尋其人 官弟子,以相教授。雖習讀之,而皆爲胡語。賦稅則計田輸銀錢,無者輸廠布。其刑法、風 略同。兵器有弓、箭、刀、楯、甲、矟。文字亦同華夏,兼用胡書。有毛詩、論語、孝經,置學 馬、侍郎相監檢校,名爲令。服飾,丈夫從胡法,婦人裙襦,頭上作髻。 其風俗政令,與華夏 有列位,並無曹府,[1心唯每早集於牙門,評議衆事。 於王,小事則世子及二公隨狀斷決。評章錄記,事訖卽除,籍書之外,無久掌文案。 也;次有侍郎、校郎、主簿、從事,階位相次,分掌諸事。次有省事,專掌導引。 諸城各有戶曹、水曹、田曹。 故商客往來,多取伊 其大事決之 、官人雖 城遣司

開皇十年,突厥破其四城,有二千人來歸中國。

吾路。

皆宜解辮削袵。」帝聞而善之,下詔曰:「光祿大夫、弁國公、高昌王伯雅,本自諸華,世祚西 伯雅來朝,因從擊高麗。還,尙宗室女華容公主。八年冬,歸蕃,下令國中曰:「先者,以國 突厥逼之,不得已而從。煬帝卽位,引致諸蕃。大業四年,遣使貢獻,帝待其使甚厚。明年 處邊荒境,被髮左袵。[10]今大隋統御,宇宙平一。孤旣沐浴和風,庶均大化。其庶人以上, 堅死,子怕雅立。其大母本突厥可汗女,其父死,突厥令依其俗。怕雅不從者久之。

列

從夏,可 壤,昔因多難,翦爲胡服。 ,賜衣冠,仍班製造之式。」然怕雅先臣鐵勒,恒遣重臣在高昌國,有商胡往來者則稅 雖有此令取悅中華,然竟畏鐵勒,不敢改也。 自我皇隋,平一宇宙,伯雅踰沙忘阻,奉貢來庭,削袵 曳裾, 變夷

自是歲令貢方物

之,送于鐵勒。

且彌國,都天山東于大谷,在車師北,去代一萬五百七十里。 本役屬車師。

除之。 龍,名鳩尸畢那,即前涼張軌所討龍熙之胤。 蒲葦之饒。 畜有駝、馬。養蠶,不以爲絲,唯充綿續。 日、四月八日。是日也,其國咸依釋教,齋戒行道焉。 無綱紀法令。 **焉耆國,在車師南,都員渠城,白山南七十里,漢時舊國也。** 丈夫並翦髮以爲首飾。文字與婆羅門同。 東去高昌九百里,西去龜茲九百里,皆沙磧。 兵有弓、刀、甲、矟。婚姻略同華夏。死亡者,皆焚而後葬,其服制滿七日則 俗尙蒲桃酒,兼愛音樂。 所都城方二里。 俗事天神,並崇信佛法也。 氣候寒,土田良沃,穀有稻、栗、菽、麥, 東南去瓜州二千二百里。 國內凡有九城。 去代一萬二百里。 南去海十餘里,有魚鹽 尤重二月八 國 小人貧, 其王姓

歸入焉耆東界,擊其邊守左迴、尉犁二城,拔之,進軍圍員渠。鳩尸畢那以四五萬人出城, 恃地多險,頗剽劫中國使。 太武怒之,詔成周公萬度歸討之,約齎輕糧,取食路次。

命度歸鎭撫其人。初,鳩尸畢那走山中,猶覬城不拔,得還其國。 帝王,雖云卽序西戎,有如指注,不能控引也。朕今手把而有之,如何』浩上書稱美。 書曰:「萬度歸以五千騎,經萬餘里,拔焉耆三城,獲其珍奇異物及諸委積不可勝數。 物、橐駝、馬、牛、雜畜巨萬。時太武幸陰山北宮,度歸破焉耆露板至,帝省訖,賜司徒崔 其城,四鄙諸戎皆降服。 守險以距。 度歸募壯勇,短兵直往衝,鳩尸畢那衆大潰,盡虜之,單騎走入山中。 馬耆爲國,斗絕一隅,不亂日久,獲其珍奇異翫,殊方譎 既見盡爲度歸所剋,乃奔 詭難識之 度歸進屠 自古 浩 遂

周保定四年,其王遣使獻名馬。

龜茲以其壻,厚待之。

隋大業中,其王龍突騎支遣使貢方物。是時,其國勝兵千餘人而已。

皮、氍毹、鐃沙、「三〕鹽綠、雌黃、胡粉、安息香、良馬、犎牛等。東有輪臺,即漢貳師將軍李廣 稅銀。風俗、婚姻、喪葬、物產與焉耆略同。唯氣候少溫爲異。 城方五六里。其刑法,殺人者死,劫賊則斷其一臂,幷刖一足。賦稅,準地徵租,無田者則 其王姓白,即後涼呂光所立白震之後。其王頭繫綵帶,垂之於後,坐金師子床。所居 龜茲國,在尉犁西北,白山之南一百七十里,都延城,漢時舊國也。去代一萬二百八十 又出細氊,饒銅、鐵、鉛、麖

列

千四百里,西去疏嘞一千五百里,北去突厥牙六百餘里,東南去瓜州三千一百里。四日 利 所屠者。 其南三百里,有大河東流,號計戍水,即黃河也。 東去焉耆九百里,南去于闐一

癘人服之,皆愈。自後每使朝貢。 大山中有如膏者,流出成川,行數里入地,狀如饒餬,甚臭。服之,髮齒已落者,能令更生, 官。四十多孔雀,羣飛山谷間,人取而食之,孳乳如雞鶩,其王家恒有千餘隻云。 三千 距戰,度歸擊走之,斬二百餘級,大獲駝馬而還。俗性多淫,置女市,收男子錢以入 其東關城戍,寇竊非一,气三太武詔萬度歸率騎一千以擊之。龜茲遣鳥羯目提等領兵 其國西北

周保定元年,其王遣使來獻。

隋大業中,其王白蘇尼壓遣使朝,貢方物。 是時,其國勝兵可數千人。

姑默國,居南城,在龜茲西,去代一萬五百里。 役屬龜茲。

溫宿國,居溫宿城,在姑默西北,去代一萬五百五十里。 役屬龜茲。

尉頭國,居尉頭城,在溫宿北,去代一萬六百五十里。役屬龜茲。

烏孫國,居赤谷城,在龜茲西北,去代一萬八十里。日恩其國數爲蠕蠕所侵,西徙葱嶺山

中。無城郭、隨畜牧逐水草。

太延三年,遣使者董琬等使其國,後每使朝貢。

於猛火之上,經日不然。觀者莫不悚駭,心形俱肅。 其王遣使送釋迦牟尼佛袈裟一,長二丈餘。帝以審是佛衣,應有靈異,遂燒之以驗虛實,置 里,西去鐵汗國千里,南去朱俱波八九百里,東北至突厥牙千餘里,東南去瓜州四千 足皆六指,產子非六指者卽不育。勝兵者二千人。南有黃河,西帶葱嶺,東去龜茲千五百 銅、鐵、錫、雌黃,每歲常供送於突厥。其都城方五里。國內有大城十二,小城數十。人手 疏勒國,在姑默西,白山南百餘里,漢時舊國也。去代一萬一千二百五十里。 文成末, 其王戴金師子冠。 土多稻、栗、麻、麥、

將軍竇憲所逐,北單于度金微山西走康居,其羸弱不能去者,住龜茲北。 悦般國,在鳥孫西北,去代一萬九百三十里。其先,匈奴北單于之部落也。 地方數千里,衆可 爲漢車騎

列傳第八十五 西域

以鮷餬塗之,昱昱然光澤。日三澡漱,然後飲食。其國南界有火山,「云山傍石皆燋鎔,流 二十餘萬,凉州人猶謂之單于王。其風俗言語與高車同,而其人淸潔於胡。 俗翦髮齊眉,

地數十里乃凝堅,人取以爲藥,卽石流黃也。

還。」大檀遣騎追之,不及。自是相仇讎,數相征討。 浣衣,不絆髮,不洗手,婦人口舐器物。 王謂其從臣曰:「汝曹誑我,將我入此狗國中。」乃馳 與蠕蠕結好,其王嘗將數千人入蠕蠕國,欲與大檀相見。入其界百餘里,見其部人不

嶿蠕。仍詔有司,以其鼓舞之節,施於樂府。自後每使朝貢。 使朝貢,求與官軍東西齊契討蠕蠕。太武嘉其意,命中外諸軍戒嚴,以淮南王佗爲前鋒,襲 術者,蠕蠕來抄掠,術人能作霖雨、盲風、大雪及行潦,蠕蠕凍死漂亡者十二三。是歲,再遣 取死罪囚試之,皆驗。云中國諸名山皆有此草,乃使人受其術而厚遇之。又言:其國有大 盈斗,以草藥內其口中,令嚼咽之,須臾血止,養瘡一月復常,又無痕瘢。世疑其虚,Cliti乃 眞君九年,遣使朝獻。幷送幻人,稱能割人喉脈令斷,擊人頭令骨陷,皆血出或數升或

者至拔國,都者至拔城,在疏勒西,去代一萬一千六百二十里。其國東有潘賀那山,出

迷密國,都迷密城,在者至拔西,去代一萬二千一百里。 正平元年, 遣使獻一 **峯**黑 橐

駝。其國東有山名郁悉滿山,出金、玉,亦多鐵。

悉萬斤國,都悉萬斤城,在迷密西,自己去代一萬二千七百二十里。 其國南有山名伽色

那山,出師子。每使朝貢。

忸密國,都忸密城,在悉萬斤西,去代二萬二千八百二十八里。

破洛那國,故大宛國也。自己都貴山城,在疏勒西北,去代萬四千四百五十里。

太和三年,遣使獻汗血馬,自此每使朝貢。

克姑臧,悉見虜。 千里。先是,匈奴殺其王而有其國,至王忽倪,已三世矣。其國商人先多詣凉土販貨,及魏 粟特國,在葱嶺之西,古之奄蘇,如一名溫那沙。居於大澤,在康居西北,去代一萬六 文成初,粟特王遣使請贖之,詔聽焉。自後無使朝獻。

列傳第八十五 西域

周保定四年,其王遣使貢方物。

略同,唯無稻及黍、稷。土出名馬、大驢及駝,往往有一日能行七百里者,富室至有數千頭。 子、鹽綠、雌黃等物。氣候暑熱,家自藏冰。地多沙磧,引水漑灌。其五穀及鳥獸等與中夏 赤麞皮,及薰六、鬱金、蘇合、靑木等香,如曰胡椒、蓽撥、石蜜、千年棗、香附子、訶梨勒、無食 珠、頗梨、瑠璃、水精、瑟瑟、金剛、火齊、鑌鐵、銅、錫、朱砂、水銀、綾、錦、疊、毼、氍毹、髹旣、 戶十餘萬,河經其城中南流。土地平正,出金、銀、鍮石、「三」珊瑚、琥珀、車渠、馬腦,多大眞 又出白象、師子、大鳥卵。有鳥形如橐駝,有兩翼,飛而不能高,食草與肉,亦能噉火。 波斯國,都宿利城,在忸密西,古條支國也。去代二萬四千二百二十八里。城方十里,

就邊任,兄弟更不相見也。國人號王曰醫嚽,妃曰防步率,王之諸子曰殺野。大官有摸胡 前爲髻,後披之,飾以金銀花,仍貫五色珠,絡之於膊。王於其國內別有小牙十餘所,猶中國 庫,諸子及大臣莫之知也。王死,衆乃共發書視之,其封內有名者,卽立以爲王。餘子出各 之離宮也。每年四月出遊處之,十月仍還。王卽位以後,擇諸子內賢者,密書其名,封之於 夫翦髮,戴白皮帽,貫頭衫,兩箱近下開之,亦有巾帔,緣以織成,婦女服大衫,披大帔,其髮 其王姓波氏名斯,气气坐金羊牀,戴金花冠,衣錦袍、織成帔,飾以眞珠寶物。其俗: 丈

內事. 壇,掌國內獄訟;泥忽汗,掌庫藏、關禁,ClaD地卑,掌文書及衆務。ClaD次有遏羅訶地,掌王之 ,薛波勃,掌四方兵馬。 其下皆有屬官,分統其事。兵有甲、矟、圓排、劍、弩、弓、箭。戰

兼乘象,百人隨之。

自別。 則準地 以極歡娛。 死者,多棄屍於山,一月着服。 城外有人別居,唯知喪葬之事,號爲不淨人,若入城市,搖鈴 卑,諸夷之中最爲醜穢矣。 **鬢及繋牌於項,以爲耻辱;犯强盜,繫之終身;奸貴人妻者,男子流,婦人割其耳鼻。** 其刑法:重罪懸諸竿上,射殺之;次則繫獄,新王立乃釋之;輕罪則劓、刖若髠,或翦半 以六月爲歲首,尤重七月七日、十二月一日。 輸銀錢。 又每年正月二十日,各祭其先死者。 俗事火神天神。 百姓女年十歲以上有姿貌者,王收養之,有功勳人,即以分賜。 文字與胡書異。多以姊妹爲妻妾,自餘婚合,亦不擇尊 其日,人庶以上,各相命召,設會作樂, 賦稅,

國王居和多 隋煬帝時,遣雲騎尉李昱使通波斯。 神 龜 中,其國遣使上書貢物,云:「大國天子,天之所生,願日出處常爲漢中天子。 千萬敬拜。」朝廷嘉納之。 自此,每使朝獻。 尋使隨昱貢方物。 恭帝二年、江民以其王又遣使獻方物。 波斯

伏盧尼國,都伏盧尼城,在波斯國北,去代二萬七千三百二十里。 累石爲城,東有大河

出銀、珊瑚、琥珀、多師子。 南流,中有鳥,其形似人,亦有如橐駝、馬者,皆有翼,常居水中,出水便死。 城北有云尼山,

色知顯國,都色知顯城,在悉萬斤西北,去代一萬二千九百四十里。土平,多五果。

伽色尼國,都伽色尼城,在悉萬斤南,去代一萬二千九百里。土出赤鹽,多五果。

薄知國,都薄知城,在伽色尼國南,去代一萬三千三百二十里。多五果。

牟知國,都牟知城,在慍密西南,去代二萬二千九百二十里。 土平,禽獸草木類中國。

阿弗太汗國,都阿弗太汗城,在忸密西,去代二萬三千七百二十里。 土平,多五果。

呼似密國,都呼似密城,在阿弗太汗西,去代二萬四千七百里。 土平,出銀、琥珀,有師

諾色波羅國,都波羅城,在忸密南,去代二萬三千四百二十八里。 土平,宜稻、 麥,多

五果。

早伽至國,都早伽至城,在忸密西,去代二萬三千七百二十八里。 土平,少田殖,取稻

麥於隣國,有五果。

伽不單國,都伽不單城,在悉萬斤西北,去代一萬二千七百八十里。 土平,宜稻、麥,有

五果。

者舌國 ,故康居國,在破洛那西北,去代 萬五千四百五十里。 太延三年,遣使朝貢,

不絕。〔言〕

伽倍國,故休密翕侯,都和墨城,在莎庫西,去代一萬三千里。 人居山谷間。

列傳第八十五 西域

折薛莫孫 國 故雙靡翕侯,都雙靡城,在伽倍西,去代一 一萬三千五百里。 居山谷間。

鉗 敦國,故貴霜翕侯,至己都護澡城,在折薛莫孫西, 去代一 萬三千五百六十里。 居山

谷間。

弗敵 沙國, 故勝頓翕侯,都薄茅城、江東立在鐵敦西,去代一萬三千六百六十里。 居 Щ

谷間。

閻 浮謁國, 故高附翕侯,都高附城,在弗敵沙南,去代一萬三千七百六十里。 居山

谷間。

侵, 遂西徙都薄羅城, 大月氏國,都賸監氏城,[80]在弗敵沙西, 去弗敵沙二千一百里。 去代一萬四千五百里。 其王寄多羅勇武,遂興師越大山,南侵北 北與蠕蠕接,數爲所

竺。自乾陁羅以北五國,盡役屬之。

太武時,其國人商販京師,自云能鑄石爲五色瑠璃。 於是採礦山中,於京師鑄之,旣

明所作。 成,光澤乃美於西方來者。乃詔爲行殿,容百餘人,光色映為,觀者見之,莫不驚駭,以爲神 自此,國中瑠璃遂賤,人不復珍之。

安息國,在葱嶺西,都蔚搜城。 北與康居,西與波斯相接,在大月氏西北,去代二萬

千五百里。

周天和二年,其王遣使朝獻。

條支國,在安息西,去代二萬九千四百里。

退,令其舉賢人以代之。其人端正長大,衣服、車旗,擬儀中國,故外域謂之大秦。 出,猶渤海也,而東西與渤海相望,蓋自然之理。地方六千里,居兩海之間。 聽之,然後施行。王三年一出觀風化,人有寃枉詣王訴訟者,當方之臣,小則讓責,大則黜 居星布。其王都城分爲五城。四日各方五里,周六十里。王居中城。城置八臣,以主四方。 而王城亦置八臣,分主四城。若謀國事及四方有不決者,則四城之臣,集議王所,四三王自 大秦國,一名黎軒,都安都城,從條支西渡海曲一萬里,去代三萬九千四百里。 其地平正,人 其土宜 其海滂

列

五穀、桑、麻, 人務蠶、田。多璆琳、琅玕、神龜、白馬朱鬣、明珠、夜光璧。 東南通交趾。

水道通益州永昌郡。多出異物。

異中國,而前史云,條支西行百里,日入處,失之遠矣。 西王母山,玉爲堂室云。從安息西界循海曲,亦至大秦,迴萬餘里。 大秦西海水之西有河,河西南流。河西有南北山,山西有赤水,西有白玉山,玉山西有 於彼國觀日月星辰,無

道,下臨不測之深,人行以繩索相持而度,因以名之。 土有五穀、諸果。 市用錢爲貨。 居止 立宮室。至三有兵器。土出金珠。 阿鈎羌國,在莎車西南,去代一萬三千里。國西有縣度山,其間四百里,中往往有棧

波路國,在阿鈎羌西北,去代一萬三千九百里。其地濕熱,有蜀馬。 土平,物產國俗與

阿鈎羌同類焉。

後令其子守此城,因號小月氏焉。 小月氏國,都富樓沙城。其王本大月氏王寄多羅子也。寄多羅爲匈奴所逐,西徙。「鹽」 在波路西南,去代一萬六千六百里。先居西平、張掖之

間,被服頗與羌同。其俗以金銀錢爲貨,隨畜牧移徙,亦類匈奴。 百五十步,高八十丈。自佛塔初建計至武定八年,八百四十二年,所謂百丈佛圖 其城東十里有佛塔,周三 也。

畜與諸國同。[晉] 每使朝獻。 濕,生稻。冬食生菜。其人工巧,雕文刻鏤,織罽。有金、銀、銅、錫,以爲器物。市用錢。他 里,南北三百里。地平,溫和,有苜蓿、雜草、奇木、檀、槐、梓、竹。種五穀,糞園。田地下 罽賓國,都善見城,在波路西南,去代一萬四千二百里。居在四山中,其地東西八百

土宜五穀,有好馬、駝、騾。其王會遣使朝貢。 不知名,北至波斯國,中間相去一萬里。薄提城周匝六十里,城南有西流大水,名漢樓河。 吐呼羅國,去代一萬二千里。東至范陽國,西至悉萬斤國,中間相去二千里,南至連山,

有馬、駝、騾。國王有黃金殿,殿下有金駝七頭,各高三尺。其王遣使朝貢。 山,不知名,北至奇沙國,相去一千五百里。國中有副貨城,周匝七十里。宜五穀、蒲桃,唯 副貨國,去代一萬七千里。東至阿富使且國,西至沒誰國,中間相去一千里,南有連

列傳第八十五 西域

南天竺國,去代三萬一千五百里。有伏醜城,周匝十里。 城中出摩尼珠、 珊瑚。 城東

三百里有拔賴城,城中出黃金、白眞檀、石蜜、蒲桃,土宜五穀。

宣武時,其國王婆羅化遣使獻駿馬、金、銀。 自此,每使朝貢

疊伏羅國,去代三萬一千里。 國中有勿悉城,城北有鹽奇水, 西流。 有白象。
幷有阿

宋黎木,皮中織作布。土宜五穀。

宣武時,其國王伏陁末多遣使獻方物。 自是,每使朝貢。

陵伽國,北至弗那伏且國,中間相去九百里。 拔豆國,去代五萬一千里。 東至多勿當國,西至旃那國,中間相去七百五十里,南至罽 國中出金、銀、雜寶、白象、水牛、氂牛、蒲桃、

五果,土宜五穀。

西,都烏滸水南二百餘里,公民之去長安一萬一百里。 嚈噠國,大月氏之種類也, 亦日高車之別種。 其原出於塞北。 其王都拔底延城,蓋王舍城也。 自金山 而南,在于闖之 其城方

鬭戰,西域康居、于闐、沙勒、[四]安息及諸小國三十許,皆役屬之,號爲大國。與蠕蠕婚姻。 腰斬,盜一責十。死者,富家累石爲藏,貧者掘地而埋,隨身諸物,皆置塚內。其人凶悍,能 帽,若有兄弟者,依其多少之數更加帽角焉。〔閏〕衣服類加以纓絡,〔四〕頭皆翦髮。其語與蠕 王位不必傳子,子弟堪者,死便受之。其國無車,有輿,多駝、馬。用刑嚴急,偸盜無多少皆 其諸妻,各在別所,相去或二百、三百里。其王巡歷而行,每月一處。冬寒之時,三月不徙。 十里餘,多寺塔,皆飾以金。風俗與突厥略同。其俗,兄弟共一妻,夫無兄弟者,妻戴一角 、高車及諸胡不同。衆可有十萬,無城邑,依隨水草,以氈爲屋,夏遷涼土,冬逐暖處。分 自太安以後,每遣使朝貢。正光末,遣貢師子一,至高平,遇万俟醜奴反,因留之。醜

|奴平,送京師。|永熙以後,朝獻逐絕。

至大統十二年,遣使獻其方物。廢帝二年、周明帝二年,並遣使來獻。後爲突厥所破,

部落分散,職貢遂絕。至隋大業中,又遣使朝貢方物。

其國去漕國千五百里,東去瓜州六千五百里。

初,熙平中,明帝遣賸伏子統宋雲、[語]沙門法力等使西域,訪求佛經,時有沙門慧生

者,亦與俱行。 正光中,還。 慧生所經諸國,不能知其本末及山川里數,蓋舉其略云。回己

朱居國、至三在于閩西。 其人山居,有麥,多林果。 咸事佛,語與于闐相類,役屬嚈噠。

渴槃陁國,在葱嶺東,朱駒波西。河經其國東北流,有高山,夏積霜雪。 亦事佛道,附於

嚈哇。

唯食餅麨,飲麥酒,服氈裘。有二道,一道西行向嚈噠,一道西南趣鳥萇。 鉢 和國,在渴槃陁西。 其土尤寒,人畜同居,穴地而處。 又有大雪山,望若銀峰。 亦爲嚈噠所統。 其人

王,次者有龍婦,小者有龍子,行人經之,設祭乃得過,不祭,多遇風雪之困。 波 知國,在鉢和西南。 土狹人貧,依託山谷,其王不能總攝。 有三池,傳云大池有龍

赊彌 東有鉢盧勸國,路險,緣鐵鎖而度,下不見底。 國,在波知之南。 山居,不信佛法,專事諧神。 熙平中、朱雲等竟不能達。 亦附嚈噠。

山上立寺,以驢數頭運食山下,無人控御,自知往來也。 爭訴,服之以藥,曲者發狂,直者無恙。 爲法不殺,犯死罪唯徙於靈山。〔邑〕西南有<u>檀</u>特山, 之數,其王動則訪決焉。〔臺〕土多林果,引水灌田,豐稻、麥。 事佛,多諸寺塔,極華麗。 人有 烏萇國,在賒彌南。 北有懲績,南至天竺。婆羅門胡爲其上族。婆羅門多解天文吉凶

以戰。所都城東南七里有佛塔,高七十丈,周三百步,即所謂雀離佛圖也。Ghan 好征戰,與罽賓鬭,三年不罷,人怨苦之。有鬭象七百頭,十人乘一象,皆執兵仗,象鼻縛刀 乾陁國,在鳥萇西。本名業波,爲嚈噠所破,因改焉。其王本是敕勒,臨國已二世矣。

國並以昭武爲姓,示不忘本也。王字世夫畢,「禹〕爲人寬厚,甚得衆心。其妻,突厥達度可 也,舊居祁連山北昭武城,因被匈奴所破,西踰葱嶺,遂有國。枝庶各分王,故康國左右諸 康國者,康居之後也,遷徙無常,不恒故地,自漢以來,相承不絕。其王本姓溫,月氏人

列傳第八十五 西域

汗女也。

米國 羅 馬、駝、驢、犎牛、黃金、硇沙、財香、阿薩那香、瑟瑟、麞皮、氍蚝、錦、疊。 致千石,連年不 **商賈,諸夷交易,多湊其國。** 廟,以六月祭之,諸國皆助祭。 於祆祠,將決罰,則取而斷之。重者族,次罪者死,賊盜截其足。人皆深目、高鼻、多髯。 、錦、繡、白疊。 、史國、曹國、何國、安國、小安國、「丟」那色波國、烏那曷國、穆國皆歸附之。 都於薩寶水上阿祿迪城。多人居,大臣三人,共掌國事。 敗。 其妻有髮,CECJ幪以皂巾。 丈夫翦髮,錦袍。 有大小鼓、琵琶、五絃、箜篌。「於口婚姻喪制與突厥同。 奉佛,爲胡書。 氣候溫,宜五穀,勤修園蔬,樹木滋茂。 名爲强國,西域諸國多歸之。 其王素冠七寶花,「哥」衣綾、 多蒲桃酒,富家或 有胡律、置 國立祖 出

大業中,始遣使貢方物,後遂絕焉。

密水南,城有五重,環以流水,宮殿皆平頭。王坐金駝座,高七八尺,每聽政,與妻相對,大 臣三人,評理 安國,漢時安息國也。 一國事。 風俗同於康居,唯妻其姊妹及母子遞相禽獸,此爲異也。 王姓昭武氏,與康國王同族,字設力,妻,康國王女也。 都在那

隋煬帝即位 一,遣司隸從事杜行滿使西域,至其國,得五色鹽而 返。

國西百餘里有畢國,可千餘家。 其國無君長,安國統之。大業五年,遣使貢獻

六日,「KID以王父母燒餘之骨,金甕盛置牀上,巡遶而行,散以花香雜果,王率臣下設祭焉。 於突厥,射匱可汗滅之,令特勤甸職攝其國事。「於三南去靈汗六百里,東南去瓜州六千里。 禮終,王與夫人出就別帳,臣下以次列坐,享宴而罷。 ,居於藥殺水,都城方十餘里。 其王姓石名涅。 有栗、麥,多良馬。 國城東南立屋,置座於中。 其俗善戰。 曾貳 正月

甸

職以隋大業五年遣使朝貢,後不復至。

女數百 亦數 射獵 爲 以彩色塗面,而 不 阿脩 知 小王。 政事。 爲業。 與天竺、党項戰爭。 女國,在葱嶺南。 羅 人,五日一 神,又有樹神,歲初以人祭,或用獮猴。 人死,剝皮,以金屑和骨肉置瓶中,埋之。 出鍮石、朱砂、麝香、犛牛、駿馬、蜀馬。 國內丈夫,唯以征伐爲務。山上爲城,方五六里,人有萬家。 聽朝,復有小女王共知國政。 日中或數度變改之。 其國世以女爲王,姓蘇毗,字末羯,在位二十年。 其女王死,國中厚斂金錢,求死者族中之賢女二人,一爲女王,次 人皆被髮。「於門以皮爲鞋。 其俗婦人輕丈夫,公司而性不妬忌。 祭畢,入山祝之,有一鳥如雌雉,來集掌 尤多鹽,恒將鹽向天竺興販,其 經一年,又以其皮納鐵器埋之。至於 課稅無常。 王居九層 女王夫號曰金聚, 氣候多寒,以 利 之樓,侍 男女皆 數倍。

列傅

第

上,破其腹視之,有衆粟則年豐,沙石則有災,謂之鳥卜。

隋開皇六年,遣使朝貢,後遂絕。

勝兵數千人。王坐金羊牀,妻戴金花。俗多朱砂、金、鐵。東去疏勒千里,西去蘇對沙那國 五百里,西北去石國五百里,東北去突厥可汗二千餘里,東去瓜州五千五百里。 鐵汗國,CKN 都葱嶺之西五百餘里,古渠搜國也。王姓昭武,字阿利柒。 都城方四里,

隋大業中,遣使貢方物。

奉佛。 神馬,每歲牧馬於穴所,必產名駒。 吐火羅國,都葱嶺西五百里,與挹怛雜居。 兄弟同一妻,迭寢焉,每一人入房,戶外掛其衣以爲志,生子屬其長兄。 南去漕國千七百里,東去瓜州五千八百里 都城方二里,勝兵者十萬人,皆善戰。 其山穴中有 其 俗

大業中,遣使朝貢。

方二里,勝兵數百人。西北去蘇對沙那國五百里,「ᠺキン四南去史國二百里,東去瓜州六千四 米國,都那密水西,舊康居之地。 無王,其城主姓昭武,康國王之支庶,字閉拙。 都城

百里。

大業中,頻貢方物。

城方二里,勝兵千餘人。俗间康國。北去康國二百四十里,南去吐火羅五百里,西去那色 波國二百里,東北去米國二百里,東去瓜州六千五百里。 史國,都獨莫水南十里,舊康居之地也。其王姓昭武,字狄遮,亦康國王之支庶也。

大業中,遺使貢方物。

康國百里,西去何國百五十里,東去瓜州六千六百里。 尺,高下相稱,「云」每日以駝五頭、馬十匹、羊一百口祭之,常有數千人,食之不盡。 東南去 里,勝兵千餘人。國中有得悉神,自西海以東諸國並敬事之。其神有金人,破羅闊丈有五 曹國,都那密水南數里,舊是康居之地也。國無主,康國王令子烏建領之。 都城方三

大業中,遣使貢方物。

何國,都那密水南數里,舊是康居地也。 其王姓昭武,亦康國王之族類,字敦。 都城方

列傳第八十五 西域

二里,勝兵者千人。 其王坐金羊座。 東去曹國百五十里,西去小安國三百里,「於立東去瓜州

六千七百五十里。

大業中,遣使貢方物。

烏那遏國,都烏滸水西,舊安息之地也。 王姓昭武,亦康國王種類,字佛食。 都城方二

里,勝兵數百人。王坐金羊座。 東北去安國四百里,西北去穆國二百餘里,東去瓜州七千

五百里。

大業中,遣使貢方物。

穆國,都烏滸河之西,亦安息之故地,與烏那遏爲隣。 其王姓昭武, 亦康國王之種 類

波斯國四千餘里,東去瓜州七千七百里。[40] 也,字阿濫密。 都城方三里,勝兵二千人。東北去安國五百里,東去鳥那遏二百餘里,西去

大業中,遣使貢方物。

漕國,在懲嶺之北,漢時罽賓國也。 其王姓昭武,字順達,康國王之宗族也。 都城方四

安息青木等香、石蜜、黑鹽、阿魏、沒藥、白附子。北去帆延七百里,東去封國六百里,東北 華,金銀鍱爲屋,以銀爲地,祠者日有千餘人。祠前有一魚脊骨,有孔,中通馬騎出入。國 里,勝兵者萬餘人。國法嚴,殺人及賊盜皆死。其俗重淫祠,葱嶺山有順天神者,儀制極 王戴金牛頭冠,坐金馬座。多稻、栗、豆、麥,饒象、馬、犎牛、金、銀、鑌鐵、氍蚝、朱沙、青黛、

大業中,遣使貢方物。

去

瓜州六千六百里。

徇輕生之節。是知上之所好,下必効焉。西域雖通於魏氏,于時中原始平,天子方以混一 於後,或結之以重寶,或懾之以利劍,投驅萬死之地,以要一旦之功,皆由主尙來遠之名,臣 心,未遑及此。其信使往來,得羈縻勿絕之道。 論曰:自古開遠夷,通絕域,必因宏放之主,皆起好事之臣。 張騫鑿空於前,班超投筆

戊,築<u>烏</u>壘之城,求<u>大</u>秦之明珠,致條支之鳥卵,往來轉輸,將何以堪其弊哉!古者哲王之 伊吾、且末鎭,而關右暨於流沙,騷然無聊生矣。若使北狄無虞,東夷告捷,必將修輪臺之 及隋煬帝規摹宏侈,掩呑溱、漢,裴矩方進西域圖記以蕩其心,故萬乘親出玉門關,置

列

馬,不求白狼之貢,則七戎九夷,候風重譯,雖無遼東之捷,豈及江都之禍乎! 制 狽於靑海。 無用害有用也。 也,方五千里,務安諸夏,不事要荒。 此皆一人失其道,故億兆罹其苦。 是以秦戍五嶺,漢事三邊,或道殣相望,或戶口減半。 豈威不能加,德不能被。

蓋不以四夷勞中國,不以 載思卽敍之義,固辭都護之請,返其千里之 隋室恃其强盛,亦狼

好異,地遠故也。人之所知,未若其所不知,信矣。但可取其梗概,夫何是非其間哉。 案西域開於往漢,年世積久,雖離併多端,見聞殊說,此所以前書後史,踳駁不同,豈其

校勘記

- 遣明使者舌 諸本脫「明」字、「舌」字、據魏書卷一〇二補、通志卷一九六西域傳序補。
- 三〕乃斷塞行路 諸本「乃」訛作「及」,據魏書改。
- 故二代書並不立記錄 按周書卷五〇異域傳下卽記西域諸國事,並爲北史所引用。此語不確。
- <u>⊠</u> ₩ 帝復令聞喜公裴矩於武威張掖間往來以引致之 諸本「喜」訛作「嘉」,據隋書卷八三西域傳
- 改。矩封聞喜公,見隋書卷六七本傳。
- 五 U 清「遣」下有「使來獻四年遣」六字。按魏書卷四上世祖紀太延元年六月,有鄯善來使記載。 至太延初始遣其弟素延耆入侍 諸本「者」作「者」。
魏書、通志卷一九六鄯善傳作「者」。
又魏 匹

年三月,又有「鄯善王弟素延耆來朝」語。 知魏書是。 今本魏書西域傳本是以北史補, 多此六

字,當是北史又有脫漏。今不補,但改「耆」字。

CKJ C其後魏遣使使西域道經其國J鄯善人頗剽却之令不得通 諸本脫括號內十二字,據通志補。

鄯善國斷塞行路,不通北魏使人,見本卷序。

フセン 卷二太武紀太平眞君九年五月,魏書卷七上高祖紀延興二年正月,魏書天象志一,通鑑卷一二 拜交趾公韓拔爲假節征西將軍 諸本「拔」作「杖」、魏書作「牧」。 按魏書卷四下世祖紀,

五三九三三頁都作「韓拔」。「杖」、「牧」都是「拔」之訛、今據改。

其兄鄯善米率衆內附 「那」當是各有省略。 八年四月云:「鄯善王兄鄯朱那率衆內附。」此「兄」上當脫「王」字。「米」「朱」未知孰是了善」、 通志卷一九六且末傳作「其王兄鄯善米」。 按本書卷五西魏文帝紀大統

「たし 字。按洛陽伽藍記卷五惠生行記作「毗盧旃」,此當脫「比」字。 卽昔羅漢比丘盧旃爲其王造覆盆浮圖之所 周書卷五〇、隋書卷八三于闐傳「盧」上更有「比」

號樹枝水卽黃河也一名計式水 卷一九二于閩傳云:「首拔河亦名樹拔河,或云卽黃河也。北流七百里入計戍水,一名計首水。」 周書百衲本「枝」作「拔」、「式」作「戍」。 按上文見首拔河。

則「枝」當作「拔」、「式」當作「戍」。「首拔」「樹拔」、譯音之異、實卽一水。本傳雜抄魏、周二書、

列

誤分爲二。「計戍」、「計首」也是譯名之異。本卷龜茲傳卽作「計戍」。

其王號子治呼犍 按漢書卷六六西域傳上云:「西夜國,王號子合王,治呼犍谷。」這裏「子」下

賜遣甚厚 魏書「造」作「遺」、是。

當脫「合王」二字。

二一 叉饒漆 諸本「又」訛作「人」、據魏書卷一〇一高昌傳改。

山北七十里有貪汗山 諸本脫「山北」二字,據隋書卷八三高昌傳,通典卷一九一、通志卷一九

六車師傅

二 吾 高車王阿至羅 也作「阿伏至羅」。「可」乃「阿」之訛,今據改。 諸本「阿」作「可」、隨書、通典、通志並作「阿伏至羅」。 「伏」或是省略,今不補。 按本書卷九八高車傳,

永平元年 諸本「永」作「熙」、通志作「永」。 按麴嘉求魏師迎接,見魏書卷八世宗紀永平元年

末,今據改。

口也 發涼州兵三千人迎之 諸本脫「之」字、據魏書補。

韶以其世子玄 嘉 爲 王 周書卷五○高昌傳「嘉」作「喜」。 按麴堅父名「嘉」,其子名不當犯祖

諱,作「喜」是。

官人雖有列位並無曹府 諸本「曹府」二字作「書」一字,周書、通典、通志並作「曹府」。 按「曹

府」指辦事機關,作「書」無義,今據改。

以國處邊荒境被髮左袵 隋書「境」下有「連猛狄,同人無咎」七字。 按删節不應獨留「境」字,

疑是脫文。

= 鐃沙 諸本無「鐃」字、周書卷五○、隋書卷八三龜茲傳有。 按鐃沙即硇沙,藥名。 今據補

東南去瓜州三千一百里 諸本無「千一」二字,隋書有。 按龜茲去瓜州必經焉耆。

「西去龜茲九百里,東南去瓜州二千二百里。」合計正三千一百里。今據補。

其東關城戍寇竊非一 魏書卷一〇二龜茲傳「關」作「闕」。按「闕」謂有脫文,疑魏書是。

[18] 收男子錢以入官 諸本「錢」訛作「鐵」,據魏書改。

在龜茲西北去代一萬八十里 南本「十」作「千」,魏書卷一〇二烏孫傳作「百」。按魏茲傳言

龜茲去代一萬二百八十里,烏孫在其西北,去代里程不得反少於龜茲。下文悅般傳言悅般在 烏孫西北,去代一萬九百三十里。則烏孫去代里程不得多於悅般。作「十」作「千」皆誤,當從

魏書作「百」。

其國南界有火山 諸本「火」訛作「大」,據魏書卷一〇二、通典卷一九三、通志卷一九六悅般

·傳改。

世疑其虛 魏書「世」下有「祖」字,通典、通志作「太武」。按拓拔燾本書例稱「太武」,疑北史

列傳第八十五 校勘記

此 (處因魏書舊文,未及改易。 後脫「祖」字。

会公 在迷密西 諸本「迷」訛作「悉」、據通志卷一九六及上文改。

破洛那國故大宛國也

和平六年四月,「破洛那國獻汗血國」。通典卷一九二、通志卷一九六大宛傳云:「文成和平六

諸本無「破」字。按「破洛那」見本卷序文及者舌傳。

魏書卷五高宗紀,

年,孝文太和三年,並遣使獻馬。」與魏紀及此傳合,此脫「破」字,今據補。

[NO] 古之奄蔡 南、北、汲、殿四本「古之」作「故名」,百衲本作「故之」,魏書卷一〇二粟特傳作「古 之」。按「故」乃「古」之誤,今從魏書改。

出金銀鍮石 一九三、通志卷一九六波斯傳、敍波斯物產、雖文字不同、但都有金銀。此誤脫、今據補 諸本無「銀」字,魏書卷一〇二波斯傳有。按周書卷五〇、隋書卷八三、通典卷

青木等香 諸本「木」訛作「水」、據魏書、周書、隋書、通典、通志改。

其王姓波氏名斯 王、其子孫以王父字爲氏、因以爲國號焉。」此作「姓波氏名斯」、誤。 周書作「其王姓波斯氏」。通典、通志云:「其王姓波斯中略,其先有波斯慝

掌庫藏關禁 諸本「關」訛作「開」、據周書改。

地卑掌文書及衆務 八頁作「地卑」。 册府此條出自北史,知「早」字當作「卑」,今據改。 諸本「卑」作「早」。 周書「地早」作「地卑勃」。 按册府卷九六二一二三

- 八八 恭帝二年 周書作「廢帝二年」。
- 宣出 遣使朝貢不絕 魏書卷一〇二者舌傳「不絕」上有「自是」二字,是。
- 故貴霜翕侯 諸本「霜」訛作「霸」,據魏書卷一〇二針敦傳及漢書卷九六大月氏傳改。
- 呈登 都薄茅城 諸本脫「城」字,據魏書卷一〇二弗敵沙傳及漢書大月氏傳補
- 都賸監氏城 魏書卷一〇二大月氏傳「賸」作「盧」。 按漢書大月氏傳作「治監氏城」,後漢書
- 卷八八大月氏傳作「居籃氏城」。並無「賸」或「盧」字。 疑是誤衍。
- 其王都城分爲五城 諸本「王都」誤倒、據魏書卷一〇二大秦傳乙。
- [三] 則四城之臣集議王所 諸本脫「王」字,據魏書補。
- G 言 居止立宫室 諸本脱「居」字、據魏聲卷一〇二、通志卷一九六阿鈎羌傳補。
- 寄多羅爲匈奴所逐西徙 卷九六大月氏傳,大月氏本居敦煌祁連間,爲匈奴冒頓單于、老上單于所破, 通典卷一九二、通志卷一九六小月氏傳「匈奴」作 「蠕蠕」。 乃西徙,過大宛。 按漢書
- 這是在西漢初年。後漢時,建立貴霜王朝,甚爲强盛見後漢書卷八八。 這裏所說的西徙,是北魏時
- 期,乃是受蠕蠕逼迫,見本卷大月氏傳。作「匈奴」誤。
- 公司 他畜與諸國同 諸本脫「與」字、據魏書卷一〇二、通志卷一九六罽賓傳補。
- 都烏滸水南二百餘里 諸本「烏滸」作「烏許」、隋書卷八三提怛傳、通典卷一九三、通志卷一九

三二四五

列

傳

六嚈噠傳 並作「鳥滸」。 按下文烏那遏國傳亦作「烏滸水」。今據改。

温出 依其多少之數更加帽角焉 諸本脫「角」字,據周書卷五○、通典、通志<u>哪</u>達傳補。

[图5] 衣服類加以纓絡 通典、通志「類」下有「胡」字、是。

[記]沙勒 通志作「疏勒」。

金 明帝遣賸伏子統宋雲 魏書「賸」作「王」、通典、通志無此字。 按不解其義。

和 初熙平中至蓋舉其略云 于闐、咄嗟諸國,上文巳見,故不重敍。 波知、 赊彌、 烏萇、乾陁七國卽慧生所經諸國,見洛陽伽藍記卷五。 諸本此段誤置於「永熙以後,朝獻遂絕」下。 這段是下文的小引,不可割離,今移正。 按此下朱居、渴槃陀、 慧生所歷尚有 吐谷渾、 善善 鉢

呈 朱居國 疏勒傳並 通典卷一九三、通志卷一九六作「朱俱波」, 洛陽伽藍記作「朱駒波」。 見「朱俱波」、渴槃陁傳見「朱駒波」。一 卷之中自不統一。 又據近人考証,「朱居波」即 按本卷于闐傳、

「悉居半」。、北史誤分爲二。

金 其王動 則訪決焉 諸 本「王」作「主」、魏書卷一〇二烏護傳作「王」。 按前後諸國皆作「王」,此

呈 犯 死罪 唯徙於靈山 洛陽伽藍記云: 「假有死罪,不立殺刑,唯徙空山,任其飮啄。」「靈」 字

疑誤。

作「主」誤、今據改。

- 呈 即所謂雀離佛圖也 諸本脱「所」字,據魏書卷一〇二、乾陀傳補。
- 全台 王字世夫畢 隋書卷八三康國傳作「代失畢」。
- 金艺 其王素冠七寶花 院書、魏書卷一○二康國傳,通典一九三、 通志一九六康居傳並作「其王索
- 髮,冠七寶金花」。 疑此是「索」訛作「素」,脫「髮」字,「金」字。
- 金 其妻有髮 作「髻」是。 **[竹書、魏書、通典、通志「髮」並作「髻」。按「有髻」對「索髮」而言。** 有髮何需特書?
- 公会なり 何國安國小安國 諸本「小安國」上無「安國」、隋書、魏書、通典、通志並有。 按下文卽見「安
- 國」,今據補
- 其國有大小鼓琵琶五絃箜篌 院書、通典、通志「箜篌」下有「笛」。
- 正月六日 **院書卷八三、通典卷一九三、** 通志卷一九六石國傳下有「七月十五日」五字,
- 令特勤 甸 職攝其國事 諸本「勤」訛作「勒」今改正。 參考本書卷九九突厥傳校記。

脫文。

- 其俗婦人輕 丈夫 通典卷一九三、通志卷一九六五國傳「婦人」上有「貴」字,是。 隋書卷八三
- 人皆被髮 通典、 通志作「男子皆被髮、婦人辮髮而縈之」。

傳亦脫

此字。

列

傳

第

八

十五

校

勘

記

- 至至 又以其皮納鐵器埋之 納於鐵器而埋之。」「內」卽古「納」字,「肉」乃「內」之訛。今據通典改。 諸本「納」作「肉」,隨書卷八三女國傳作「內」。 按通典作:「又以其皮
- 쯇汗國 破洛那本卷已另有傳了蓋彼據魏書,此據隋書,遂分爲二國。 按新唐書卷二二一西域傳寧遠條云:「寧遠者,本拔汗那,或曰鐵汗。 元魏時謂破洛

那。

- 西北去蘇對沙那國五百里 里」。 四百里」,則米國當在蘇對沙那國之西。隋書是。此因上下兩「去」字,誤脫「康國百里東去」 按錄汗國傳, **錣汗西去蘇對沙那國五百里,東去瓜州五千五百里。下言「東去瓜州六千** 隋書卷八三米國傳作「西北去康國百里, 東去蘇對沙那國五百
- 其神有金人破羅闊丈有五尺高下相稱 字、隋書卷八三曹國傳作:「其神有金人焉、金破羅闊丈五尺、高下相稱。」按北史、通典「破羅」 上當脫「金」字。「人」乃涉「丈」字形似而衍,今據删 諸本「闊」下有「人」字,通典卷一九三曹國條無「人」
- 「安」。按小安國見上文張國傳了女」乃「安」之訛,今據改。 西去小安國三百里 諸本「安」作「女」,隨書卷八三、通典卷一九三、通志卷一九六何國傳作
- 東去瓜州七千七百里 餘里」,而烏那遏「東去瓜州七千五百里」,合計正七千七百餘里。今據隋書補。 諸本無「七千」二字,隋書卷八三穆國傳有。按上云「東去鳥那遇二百

北史卷九十八

列傳第八十六

蠕蠕 匈奴字文莫槐 徒何段就六眷 高車

間。 部。[1]木骨閻死,子車鹿會雄健,始有部衆,自號柔然。後太武以其無知,狀類於蟲,故改 壯,発奴爲騎卒。 死,子吐奴傀立。 其號爲蠕蠕。 「木骨闆」者,首禿也。「木骨閭」與「郁久閭」聲相近,故後子孫因以爲氏。 蠕蠕姓郁久閻氏。始神元之末,掠騎有得一奴,髮始齊眉,忘本姓名,其主字之曰木骨 車鹿會旣爲部帥,歲貢馬畜、貂豽皮。冬則徙度漠南,夏則還居漠北。車鹿會 穆帝時,坐後期當斬,亡匿廣漠谿谷間,收合逋逃,得百餘人,依純突隣 吐奴傀死,子跋提立。 跋提死,子地栗袁立。 木骨閣旣

昭成崩,縕紇提附衞辰而貳於魏。 地栗袁死,其部分爲一。地栗袁長子匹候跋繼父,居東邊,次子縕紇提,別居西邊。 魏登國中討之,蠕蠕移部遁走。 追之及於大磧南牀山 及

列傳第八十六 蟷蟷

磧。 子曷多汗及曷多汗兄誥歸之、社崘、斛律等,幷宗黨數百人,分配諸部。 大破之, 嵩至平望川 道武追之至跋那山,縕紇提復降,道武撫慰如舊。 虜其 ,大破屋擊,禽之,斬以徇。 半部。 匹候跋及部帥屋擊, 肥至涿邪山,及匹候跋,舉落請降。 各收餘落遁走。 遣長孫嵩及長孫肥追之, 縕紇提西遁,將歸 獲縕紇提 度

有權 社倫 吳頡等十五人,歸于道武。社崘旣殺匹侯跋,懼王師討之,乃掠五原以西諸部,北度大漠。 諸部、社倫遣騎救素古延、突逆擊破之。 盡殪其衆。 以拔、頡爲安遠將軍、平棘侯。 變,月餘,乃釋匹候跋,歸其諸子,欲聚而殲之。密舉兵襲匹候跋,殺匹候跋。子啓拔、 率其私屬,執匹候跋四子而叛,襲匹候跋。諸子收餘衆,亡依高車斛律部。 九年,曷多汗與社崘率部衆棄其父西走, 社 偏數人奔匹候跋, 匹候跋處之南鄙, 去其庭五百里, 令其子四人監之。 社倫與姚興和親,道武遣材官將軍和突襲黜弗、素古延 長孫肥輕騎追之,至上郡跋那山,斬曷多汗, 社崘兇狡 旣而

時 爲 部 捶 軍 帥日拔也稽舉兵擊社倫。 達。 ,軍置將一人,百人爲幢,幢置帥一人。先登者賜以虜獲,退懦者以石擊首殺之,或臨 社喻遠遁漠北,侵高車,深入其地,遂幷諸部,凶勢益振。 無文記,將帥以羊屎粗計兵數,後頗知刻木爲記。 逆戰於頗根河,大破之。後盡爲社崘所弁。 其西北有匈奴餘種,國尤富强, 北徙弱洛水,始立 號爲强盛,隨水草 |軍法:千人

其子 張也 畜牧。 驅犍 之後 生,大盜起』,信矣。」 敦 煌 牛隨之,牸牛伏不能前。 ,不復追稱。 可汗 張掖之北。 』終於不易,遂爲敵所虜。 其西則焉耆之地,東則朝鮮之地,北則渡沙漠,窮瀚海,南則臨大磧。 , 猶魏 言皇帝也。 小國皆苦其寇抄 道武謂尚書崔宏曰:「蠕蠕之人,昔來號爲 蠕蠕之俗,君及大臣因其行能, 異部人有教其以犍牛易之者,蠕蠕 今社岭學中國,立法,置戰陣,卒成邊害。 ,羈縻附之。 於是自號豆代可汗。 頑囂, 刨 爲稱號,若中 日二二 每來抄掠, 豆代, 其母尚 **猶魏言駕駁開** 國立諡。 駕牸牛 不 道家言『聖人 其常所會庭, 能 行,而 奔遁, 旣 況 死

王遵 年冬,又犯塞。 來奔,以 以萬騎追 天興五年,社崘聞道武征姚興,遂犯塞,入自參合陂,南至豺山及善無北澤。 大那為冠軍將軍 之,不及。 二年,明元討之,社崘遁走,道死。 天賜 、西平侯,悅代爲越騎校尉、易陽子。 中,社倫從弟悅代、大那等謀殺 社倫 三年夏,社崘寇邊。 而 立大那。 發覺, 時遺常 永興元 那 Щ

威 長 北 省自守, 弁賀 其子 補 步鹿眞 不敢南侵,北邊安靜。 度拔 也 骨國 謂 年少,未能御衆,部落立 「東破 解律曰:「女小遠適,憂思生疾,可遣大臣樹黎、勿地延等女爲媵。」 斛律不 譬曆辰 **心部落。** 神瑞 三年,斛律宗 元年,與馮 |社崘弟||)律,號藹苦蓋可汗,魏言姿質美好 跋和 人悅侯咄觝干等百數十人 親,跋娉斛律女爲妻,將 來降。 爲 交婚。 也。 斛律 觓 斛 律

列

傳

第

律穹廬後,何其出執之,與女俱嬪于和龍。 步鹿眞出,謂樹黎等曰:「斛律欲令汝女爲媵,遠至他國。」黎遂共結謀,令勇士夜就斛 乃立步鹿眞。步鹿眞立,委政樹黎。

發軍執步鹿眞及社拔,絞殺之,乃自立。 信。 子社拔共至叱洛侯家,淫其少妻。少妻告步鹿眞,叱洛侯欲舉大檀爲主,遺大檀金馬勒爲 步鹿眞聞之,歸發八千騎往圍,叱洛侯焚其珍寶,自刎而死。 初,高車叱洛侯者,叛其渠帥,導社崘破諸部落,社崘德之,以爲大人。步鹿眞與卍崘 步鹿眞遂掩大檀。大檀

崩,太武即位,大檀聞而大喜,始光元年秋,乃寇雲中。太武親討之,三日二夜至雲中。 討之,大檀懼而遁走。 西道,從余寒山。諸軍至漠南,舍輜重,輕騎齎十五日糧,絕漠討之。大檀部落駭驚,北走。 長孫道生從白黑兩漠間,車駕從中道,東平公娥淸次西,從栗園,宜城王奚斤、將軍安原等 之,大檀恐,乃還。二年,太武大舉征之,東西五道並進。平陽王長孫翰等從黑漢,汝陰公 是,大檀弟大那與社崘爭國,敗而來奔。大檀以大那子於陟斤爲部帥。 檀騎圍太武五十餘重,騎逼,馬首相次如堵焉。士卒大懼。太武顏色自若,衆情乃安。先 蓋可汗,魏言制勝也。 大檀者,社崘季父僕渾之子,先統別部鎭於西界,能得衆心,國人推戴之,號牟汗統升 遣山陽侯奚斤等追之,遇寒雪,士衆凍死及墮指者十二三。及明元 **斛律父子旣至和龍,馮跋封爲上谷侯。 大檀率衆南徙犯塞,明元親** 軍士射於陟斤殺

神麍元年八月,大檀遣子將騎萬餘入塞,殺掠邊人而走,附國高車追擊破之。 自廣蜜

討之。暨巳尼陂,高車諸部望軍降者數十萬。大檀部落衰弱,因發疾而死。 車駕次於墓園水,去平城三千七百餘里。分軍搜討,東至瀚海,西接張掖水,北度燕然山, 沙漠南,舍輜重輕襲之。至栗水,大檀衆西奔。弟匹黎先典東落,將赴大檀,遇翰軍,翰縱 決矣。」於是車駕出東道,向黑山,平陽王長孫翰從西道,向大娥山:同會賊庭。五月,次于 辯以天文說止帝,帝從崔浩計而行。會江南使還,稱宋文欲犯河南,謂行人曰:「汝疾還告 還,追之不及。[三]二年四月,太武練兵于南郊,將襲大檀。 公卿大臣皆不願,術士張深、徐 餘萬匹。八月,太武聞東部高車屯巳尼陂,人畜甚衆,去官軍千餘里,遂遣左僕射安原等往 東西五千餘里,南北三千里。高車諸部殺大檀種類前後歸降三十餘萬,俘獲首虜及戎馬百 騎擊之,殺其大人數百。大檀聞之震怖,將其族黨,焚燒廬舍,絕迹西走,莫知所至。於是 教不暇,何能爲也?就使能來,若不先滅蠕蠕,便是坐待寇至,腹背受敵,非上策也。 吾行 魏主,歸我河南地,即當罷兵;不然,盡我將士之力。」帝聞而大笑,告公卿曰:「龜鼈小竪,自 國落四散,竄伏山谷,畜產布野,四無人收視。太武緣栗水西行,過漢將竇憲故壘。六月,

者二十餘人,太武賜之衣服,遣歸。吳提上下感德,故朝貢焉。帝厚賓其使而遣之。 子吳提立,號敕連可汗,魏言神聖也。四年,遣使朝獻。先是,北鄙候騎獲吳提南偏邏

列

三年二月,以吳提尙西海公主, 又遣使者納吳提妹爲夫人, 又進爲左昭儀。 吳提遣其兄秃

鹿魄及左右數百人來朝,獻馬二千匹。帝大悅,班賜甚厚。

五將出東道,永昌王健、宜都王穆壽督十五將出西道,車駕出中道。 二道,陳留王崇從大澤向涿邪山,車駕從浚稽北向天山。 至太延二年,乃絕和犯塞。 時漠北大旱,無水草,軍馬多死。 四年,車駕幸五原,遂征之。 西登子阜, 🖹 刻石記行,不見蠕 樂平王丕、河東公賀多羅督十 至浚稽山,分中道復

蠕而還。

級。 之北,獲乞列歸。 生拒之於吐頹山。 南,以備蠕蠕。 吳提 五年,車駕西伐沮渠牧犍,宜都王穆壽輔景穆居守,長樂王嵇敬、建寧王崇二萬人鎭漠 聞而 這走,道性追之,至于漠南而還。 吳提果犯塞,壽素不設備,賊至七介山,京邑大駭,爭奔中城。司空長孫道 吳提之寇也,留其兄乞列歸與北鎭諸軍相守,敬、崇等破乞列歸于陰山 歎曰:「沮渠陷我也」,獲其伯父他吾無鹿胡及其將帥五百人, 斬首萬餘

丕督 相 遇。 十五 眞君 吳提遁走,追至頗根河擊破之。車駕至石水而還。 將出 四年,車駕 西道,公車駕出中道,中山王辰領十五將爲中軍後繼。 幸漠南,分軍爲四道:樂安王範、建寧王崇各統十五將出東道,樂平王 五年,復幸漠南,欲襲吳提,吳提 車駕至鹿渾谷,與賊

遠遁,乃止。

道, 餘家來降。 [公] 略陽王羯兒出西道,車駕與景穆自中道出涿邪山。 吳提死,子吐賀眞立,號處可汗,「智」魏言唯也。十年正月,車駕北伐,高涼王|那出東 是時,軍行數千里,吐賀眞新立,恐懼遠遁。九月,車駕北伐,高涼王那出東道, 吐賀眞別部帥介綿他拔等率千

太安四年,車駕北征,騎十萬,車十五萬兩,旌旗千里,遂渡大漠。吐賀眞遠遁,其莫弗烏朱 引軍追之,九日九夜,吐賀眞益懼,棄輜重,踰穹隆嶺遠遁。那收其輜重,引軍還,與車駕會 略陽王羯兒出中道,與諸軍期會於地弗池。 於廣澤。 掘長圍堅守,相持數日。吐賀眞數挑戰輒不利,以挪衆少而固,疑大軍將至,解圍夜遁。 [率衆數千落來降,乃刊石記功而還。|太|武征伐之後,意存休息,[云] |蠕蠕亦怖威北竄, 略陽王羯兒盡收其人戶、畜產百餘萬。 自是,吐賀眞遂單弱,遠竄,邊疆息警矣。 吐賀眞悉國精銳,軍資甚盛,圍那數十重。

不敢復南。

出西道,任城王雲等督軍出東道,汝陰王賜、濟南公羅烏拔督軍爲前鋒,隴西王源賀督諸軍 爲後繼。 北鎮遊軍大破其衆。皇興四年,予成犯塞,車駕北討,京兆王子推、東陽公元丕督諸軍 力戰,方略已在股心。」乃選精兵五千人挑戰,多設奇兵以惑之,虜衆奔潰,逐北三十餘 和 平五年,吐賀眞死,子予成立,號受羅部眞可汗,魏言惠也。 諸將會車駕于女水之濱,獻文親誓衆,詔諸將曰:「用兵在奇,不在衆也。 自稱永康元年。率部侵 卿等但

列

里,斬首五萬級,降者萬餘人,戎馬器械,不可稱計。 旬有九日,往返六千餘里。 改女水日

武川,遂作北征頌,刊石紀功。

詐,終獻文世,更不求婚。 爻象所明,初婚之吉,敦崇禮聘,君子所以重人倫之本。不敬其初,令終難矣。」予成每懷譎 援,安可孤其款意。」乃詔報曰:「所論婚事,今始一反,尋覽事理,未允厥中。 譬若禽獸,貪而亡義,朕要當以信誠待物,不可抑絕也。 延興五年,予成求通婚聘。 有司以予成數犯邊塞,請絕其使,發兵討之。帝曰:「|蠕蠕 予成知悔前非, 遺使請和, 求結姻 夫男而下女,

月,又遣比拔等朝貢,尋復請婚焉。 宜用者,列之京肆,令其歷觀焉。比拔見之,自相謂曰:「大國富麗,一生所未見也。」二年二 **積,求一觀之。」乃敕有司,出御府珍玩、金玉、文繡、器物,御廐文馬、奇禽、異獸及人間所** 太和元年四月,遣莫何去汾比拔等來獻良馬、貂裘。 孝文志在招納,許之。 比拔等稱:「伏承天朝珍寶華麗甚 予成雖歲貢不絕,而款約不著,

始事亦停。

其名臣侯毉垔、石洛侯數以忠言諫之,又勸與魏通和,勿侵中國。 予成死,子豆崘立,號伏古敦可汗,魏言恒也。 自稱太平元年。 豆喻怒,誣石洛候謀 豆崘性殘暴好

以那蓋爲天所助,欲推那蓋爲主。 豆崘。[10]部內|高車阿伏至羅率衆十餘萬西走,自立爲主。|豆崘與叔父|那蓋爲二道 追 之。 豆崘出自浚稽山北而西,那蓋出自金山。豆崘頻爲阿伏至羅所敗,那蓋累有勝捷。 十六年八月,孝文遣陽平王頤、左僕射陸叡並爲都督,領軍斛律桓等十二將七萬騎討 那蓋不從,衆强之。 那蓋曰:「我為臣不可,焉能爲主。」 國人咸

衆乃殺豆崘母子,以尸示那蓋,乃襲位。

那蓋號候其伏代庫者可汗,魏言悅樂也。 自稱太安元年。

往者包容,暫時通使。今蠕蠕衰微,有損疇日,大魏之德,方隆周、漢,跨據中原,指淸八表。 勿六跋朝獻,請求通和。宣武不報其使,詔有司敕勿六跋曰:「蠕蠕遠祖社崘是大魏叛臣, 正以江南未平,權寬北略。通和之事,未容相許。 那蓋死,子伏圖立,號他汗可汗,魏言緒也。 自稱始平元年。 若修蕃禮,款誠昭著者,當不孤爾也。」永 正始三年,伏圖遣使紇奚

將軍馬義舒使於醜奴,未發而崩,事遂停寢。。醜奴壯健,善用兵。四年,遣使俟斤尉比建朝 自稱建昌元年。永平四年九月,醜奴遣沙門洪宣奉獻珠像。延昌三年冬,日日宣武遣驍騎 伏圖西征高車,爲高車王彌俄突所殺,子醜奴立,號豆羅伏拔豆伐可汗,魏言彰制也。

貢。CIED熙平元年,西征高庫大破之,禽其主彌俄突,殺之,盡并叛者,國遂强盛。 二年,又遣

第八 十六 蝠

人於殿下,遣中書舍人徐紇宣詔,讓以蠕蠕蕃禮不備之意。 使俟斤尉比建、紇奚勿六跋、鞏顧禮等朝貢。神龜元年二月,明帝臨顯陽殿,引顧禮等二十

牛、馬、羊三千頭。地萬旣挾左道,亦是有姿色,醜奴甚加重愛,信用其言,亂其國政。如是 具以狀告醜奴。醜奴言地萬懸鑒遠事,不可不信,勿用讒言也。旣而地萬恐懼,譖祖惠於 積歲,祖惠年長,其母問之。 祖惠言:「我恒在地萬家,不嘗上天。 上天者,地萬敎也。」 其母 天上。醜奴母子抱之悲喜,大會國人,號地萬爲聖女,納爲可賀敦。 悦。後歲仲秋,在大澤中施帳屋,齋潔七日,祈請天神。經一宿,祖惠忽在帳中,自云恒在 醜奴,醜奴陰殺之。 巫,假託神鬼,先常爲醜奴所信,出入去來。乃言:「此兒今在天上,我能呼得。」醜奴母子欣 <u> 奴立後,忽亡一子,字祖惠,求募不能得。有屋引副升牟妻是豆渾地萬,[18]年二十許,爲醫</u> 初,豆崘之死也,那蓋爲主,伏圖納豆崘之妻候呂陵氏,自己生醜奴、阿那瓌等六人。 授夫副升牟爵位,賜

及其二弟尋爲示發所殺,而阿那躟未之知也。 |奴, 醜奴擊之, 軍敗還, 爲母與其大臣所殺, 立醜奴弟阿那褒爲主。阿那褒立經十日, 其族 兄俟力發示發率衆數萬以伐,阿那讓戰敗,將弟乙居伐輕騎南走歸魏。阿那讓母候呂陵氏 正光初,醜奴母遣莫何去汾李具列等絞殺地萬。 醜奴怒,欲誅具列等。又阿至羅侵醜

弟、叔等升殿預會。但臣有從兄,在北之日,官高於二叔,乞命升殿。」詔聽之,乃位於阿那 弁二叔升,位於羣官之下。

遣中書舍人曹道宣詔勞問。

[三阿那瓌啓云:「陛下優隆,命臣 庭中,北面。位定,謁者引王公已下升殿,阿那瓌位於藩王之下,又引特命之官及阿那瓌弟 |帝臨顯陽殿,引從五品已上淸官、皇宗、藩國使客等,列於殿庭。 王公已下及阿那瓌等入就 使司空公、京兆王繼至北中,侍中崔光、黄門郎元纂在近郊,並申宴勞,引至闕下。十月,明 九月,阿那瓌將至,明帝遣兼侍中陸希道爲使主,兼散騎常侍孟威爲使副,迎勞近畿。

嚷弟之下,二叔之上。[[8]

卒輕身投國,歸命陛下。」詔曰:「具卿所陳,理猶未盡,可更言之。」阿那瓌再拜受詔,起而言 從而侵暴,中有姦臣,因亂作逆,殺臣兄,立臣爲主。裁過旬日,臣以陛下恩慈如天,是故倉 宣遠誠。自頃年已前,漸定高車,及臣兄爲主,故遣鞏顧禮等使來大魏,實欲虔修藩禮。是 以曹道芝北使之日,臣與主兄,卽遣大臣五人,拜受詔命。臣兄弟本心,未及上徹。但高車 居北土,雖復隔越山津,而乃恭心慕化,未能時宣者,正以高庫悖逆,臣國擾攘,不暇遣使以 之先,逐草放牧,遂居漠北。」詔曰:「卿言未盡,可具陳之。」阿那瓌又言曰:「臣祖先已來,世 之。阿那褒再拜跽曰:「臣先世源由,出於大魏。」詔曰:「朕已具知。」阿那褒起而言曰:「臣 宴將罷,阿那瓌執所啓立於座後。 韶遣舍人常景問所欲言。阿那褒求詣帝前,韶引

闕絕。 覽。」仍以啓付舍人常景,具以奏聞 以申母子之恩;如其死也,卽得報讎,以雪大恥。臣當統臨餘人,奉事陛下,四時之貢,不敢 地,求乞兵馬,還向本國,誅翦叛逆,收集亡散。陛下慈念,賜借兵馬,老母若在,得生相見, 曰:「臣以家難,輕來投闕,老母在彼,萬里分張,本國臣人,皆已迸散。 陛下隆恩,有過天 陛下聖顏難覩,敢不披陳?但所欲言者,口不能盡言。 別有辭啓,謹以仰呈,願垂昭

或言不可。領軍元叉爲宰相,阿那瓌私以金百斤貨之,遂歸北。 二月,明帝以阿那瓌國無定主,思還綏集,啓請切至,詔議之。 尋封阿那瓌朔方郡公、蠕蠕王,Cl+3賜以衣冕,加之軺、蓋,祿從儀衞,同于戚藩·Cl<3十 時朝臣意有同異,或言聽還,

者雜綵千段,緋納小口袴褶一具內中宛具,紫納大口袴褶一具內中宛具,百子帳十八具,黃 柘弓六張幷箭,黑漆弓十張幷箭,赤漆楯六幡幷刀,黑漆楯六幡幷刀,赤漆鼓角二十具,五 具,露絲銀纏槊二張幷白眊,赤漆槊十張幷白眊,黑漆槊十張幷幡,露絲弓二張幷箭,朱漆 賜坐,遣中書舍人穆爾宣勞。阿那躟等拜辭。 布幕六張,新乾飯一百石,麥麨八石,榛麨五石,銅烏錥四枚、柔鐵烏錥二枚各受二斛,黑漆 色錦被二領,黃紬被褥三十具,私府繡袍一領幷帽,內者緋納襖一領、緋袍二十領幷帽,內 一年正月,阿那瓌等五十四人請辭,明帝臨西堂,引見阿那瓌及其叔伯兄弟五人,升階 詔賜阿那褒細明光人馬鎧一具,鐵人馬鎧六

十合,粟二十萬石,至鎭給之。 竹榼四枚各受五升,婢二口,父草馬五百疋,駝百二十頭,牸牛一百頭,羊五千口,朱畫盤器 詔侍中崔光、黃門元纂,郭外勞遣

阿那瓌來奔之後,其從父兄俟力發婆羅門率數萬人入討示發,口也破之。 示發走奔地

楊鈞 壞。[10]五月,具仁還鎭,論彼事勢。 敬,具仁執節不屈。 使者牒云具仁往,喻婆羅門迎阿那瓌復藩之意。 郊迎其弟。 豆干,爲其所殺。 表:「傳聞彼人已立主,是阿那瓖同堂兄弟。 輕往虛反,徒損國威。 推婆羅門爲主,號彌偶可社句可汗,魏言安靜也。 婆羅門遣大官莫何去汾、俟斤丘升頭六人,將兵二千隨具仁迎阿那 自非廣加兵衆,無以送其入北。」二月,明帝詔舊經蠕蠕 阿那褒慮不敢入,表求還京。 夷人獸心,已相君長,恐未肯以殺兄之人, 婆羅門殊自驕慢,無遜避之心,責具仁禮 時安北將軍、懷朔鎮將

兄也,列稱規望乞軍,幷請阿那瓌。 常侍王遵業馳驛宣旨慰喻阿那瓖,幷申賜賚。九月,蠕蠕後主俟匿伐來奔懷朔鎭,阿那瓖 亂 阿那褒啓云:「投化阿那褒蠕蠕元退社、渾河旃等二人,气三以今月二十六日到鎭,云國 領,CIII 送臣磧北,撫定荒人。 姓姓別住,迭相抄掠,當今北人,鵠望待拯。今乞依前恩,賜給精兵一萬,還令督 會婆羅門爲高車所逐,率十部落詣凉州歸降。於是蠕蠕數萬,相率迎阿那瓌。七月,〔三〕 脱蒙所請,事必克濟。」詔付尙書、門下博議。 八月,詔兼散

騎

其造 刑。 等參 侍郎 豐王 遣 寒, 鎭與 及資給 野 二千斛,官駝運送。 彌 使持節 構, 計沃 延明 一議,以爲懷朔鎭北,土名無結山吐若奚泉,敦煌北 沃。阿那 盧同等奏曰:「竊聞漢立南北單于,晉有東西之稱,皆所 十月 所 、使人,量給食稟;在京館者,任其去留。 功就聽還。 野、 須 馳驛,先詣慰喻,幷委經略。」明帝從之。 、吏部尚書元脩義、尚 錄 ,唯恩裁處。 懐朔、武 尙 褒宜置西吐若奚泉,口回婆羅門宜置西海郡,各令總率部落,收離聚散。其爵 書 事高陽王雍、尚書令李崇、侍中侯剛、尚書左僕射元欽、侍中元叉、侍 婆羅門居於西海,既是境內,資衞不得同之。 諸於北來在婆羅門前投化者, 川鎭各差二百人,令當鎭軍主監率, 彼臣下之官,任其舊俗。 書李彦 、給事 黄門侍郎 阿那褒草創,先無儲 阿那褒 令州鎭上佐, 元纂、 西海郡,即漢、晉舊鄣,二處寬平,原 所居旣是境外,宜少優遣,以示 給其糧仗, 給事黃門侍郎張烈、給 以 相 維 准程給糧, 阿那瓌等新造藩屏,宜 禦難,爲 積,請給 送至前 送詣 朔州 所。 國藩籬。 麻 懷 仍 朔 於彼 子 事 黃門 中安 今臣 乾 阿 飯 那 爲 威 號

謀叛投嚈 月, 噠 詔安西將軍 嚈噠三妻,皆婆羅門姊妹 、廷尉元洪超兼尚 也。 書行 仍為 州軍 臺,詣敦煌安置婆羅門。 所計, 禽之。 婆羅門尋 與部

抄。 明帝詔尚書左丞元字兼行臺尚書,持節喩之。 十二月, 吲 那瓌 上表, 乞粟以 爲 田 種 詔 給 学見阿那瓖, 萬 石。 四年, 爲其所執 [s म] 那褒衆 大饑, 以写自隨, 入塞 驅 宼

十萬討之,出塞三千餘里,至瀚海,不及而還。俟匿伐至洛陽,明帝臨西堂引見之。 掠良口二千幷公私驛馬、牛羊數十萬北遁,謝字放還。 詔驃騎大將軍、尚書令李崇等率騎

婆羅門死於洛南之館,詔贈使持節、鎭西將軍、秦州刺史、廣牧公。

朝廷慮其反覆也。此後頻使朝貢。 助加誅討,言念誠心,無忘寢食。今知停在朔垂,與永朱榮隣接,其嚴勒部曲,勿相暴掠。 阿那褒遣使人鞏鳳景等朝貢。及還,明帝詔之曰:「北鎭羣狄,爲逆不息,蠕蠕主爲國立忠, 具仁齎雜物勞賜。阿那瓖拜受詔命,勒衆十萬,從武川鎭西向沃野,頻戰剋捷。 又近得蠕蠕主啓,更欲爲國東討。 乃號敕連頭兵伐可汗,行三魏言把攬也。十月,阿那褒復遣郁久閻彌娥等朝貢。 又遣通直散騎常侍、中書舍人馮儁使阿那瓖,宣勞班賜有差。阿那瓌部落旣和,士馬稍盛, 是歲,沃野鎭人破六韓拔陵反,諸鎭相應。孝昌元年春,阿那褒率衆討之。 但蠕蠕主世居北漠,不宜炎夏,今可且停,聽待後敕。」蓋 四月,明帝 三年四月, 韶遣牒云

遂使陰山息警,弱水無塵,刊跡狼山,銘功瀚海。 至誠旣篤,勳緒莫酬,故宜標以殊禮,何容 建義初,孝莊詔曰:「夫勳高者賞重,德厚者名隆。」蠕蠕主阿那瓌鎭衞北藩,禦侮朔表,

太昌元年六月,阿那瓌遣烏勾蘭樹升伐等朝貢,幷爲長子請尙公主。永熙二年四月,

格以恒式。自今以後,讚拜不言名,上書不稱臣。」

孝武詔以范陽王誨之長女瑯琊公主許之,未及成婚,帝入關。東、西魏競結阿那瓌爲婚好。 后,加以金帛誘之。 西魏文帝乃以孝武時舍人元翌女稱爲化政公主,妻阿那瓌兄弟塔寒,又自納阿那瓌女爲 阿那讓遂留東魏使元整,不報信命。後遂率衆度河,以廢后爲言,文帝

不得已,遂敕廢后自殺

感愧。 <u>元整,轉謀侵害。 東魏乃囚阿那瓌使溫豆拔等。 神武以阿那瓌兇狡,將撫懷之,乃遣其使</u> 無駒北還,以通溫豆拔等音問。始阿那瓌殺元整,亦謂溫豆拔等不存,既見無駒,微懷 元象元年五月,阿那褒掠幽州范陽,南至易水。 九月,又掠肆州秀容,至於三推。又殺

其往 仁不信,宜見討伐。 之,二人言從高 西,爲蠕蠕主所獲。 者破亡歸命,魏朝保護,得存其國,以大義示之。 兼詐阿那壤云:近有赤鋪步落堅胡行 時,周文燒草,使其馬饑,不得南進,此其逆詐反覆難信之狀。又論東魏正統所在,言 及周文旣害孝武,又殺阿那壤之女,妄以疎屬假公主之號,嫁彼爲親。又阿那壤度河 阿 那褒女妻文帝者遇疾死,齊神武因遣相府功曹參軍張徽纂使於阿那褒,間說之。云 興和二年春,復遣龍無駒等朝貢東魏。然猶未款誠。 王,蠕蠕主放遣。 且守逆一方,未知歸順,朝廷亦欲加誅。彼若深念舊恩,以存和睦,當 云蠕蠕主問之:「汝從高王。爲從黑獺。」一人言從黑獺 此卽蠕蠕主存大國宿昔仁義。 彼女旣見害,欺詐相 ,蠕蠕主殺

以天子懿親公主結成姻媾,「云」爲遣兵將,伐彼叛臣,爲嶿蠕主雪恥報

俟利阿夷普掘、蒲提棄之伏等迎公主於新城之南。六月,齊神武慮阿那瓌難信,又以國事 莫何折豆渾侯煩等奉馬千疋,以爲聘禮,請迎公主。 游大力等朝貢,因爲其子菴羅辰請婚。 年,阿那瓌請以其孫女號隣和公主妻齊神武第九子長廣公湛,靜帝詔爲婚焉。 送女於晉陽。 吐豆登郁久閻譬掘、俟利莫何游大力送女於晉陽。武定四年,阿那瓌有愛女,號爲公主,以 加重,躬送公主於樓煩之北,接勞其使,每皆隆厚。 公主自晉陽北邁,資用器物,齊神武親自經紀,咸出豐渥。 月,阿那瓌復遣折豆渾十升詣東魏請婚。 齊神武請遂其意,以招四遠。 書舍人穆景相等使於阿那壤。八月,阿那壤遣莫何去折豆渾十升等朝貢,드刊復 徽纂旣申齊神武意,阿那瓌乃召其大臣與議之,便歸誠於東魏。 威德日盛,又請致之,靜帝聞而詔神武納之。 自此東魏邊塞無事,至於武定末,使貢相尋。 詔以常山王隲妹樂安公主許之, 敢封為蘭陵郡長公主。 靜帝詔兼散騎常侍太府卿羅念、兼通直散騎常侍中 三年四月,阿那瓌遣吐豆登郁久閻譬渾、云之俟利 阿那褒遣其吐豆發郁久閻汗拔姻姬等 阿那褒大喜,自是朝貢康魏相尋。 詔兼宗正卿元壽、兼太常卿孟韶等送 阿那褒遣其吐豆登郁久閭匿伏 遺其俟利、莫何莫緣 阿那褒遣其 因 四

列傳第八十六 蠕蠕

阿那瓌初

復其國,盡禮朝廷。明帝之後,中原喪亂,未能外略,阿那讓統率北方,頗

那壤,轉至不遜,每奉國書,隣敵抗禮。及齊受東魏禪,亦歲時往來不絕。 中國、立官號、僭擬王者、遂有侍中、黃門之屬。以厚爲秘書監、黃門郎、掌其文墨。厚敎阿 秦州也,自己遣其典籤齊人淳于覃使於阿那褒。 爲强盛,稍敢驕大,禮敬頗闕,遣使朝貢,不復稱臣。 **遂留之,親寵任事。** 天平以來,逾自踞慢。 阿那褒因入洛陽,心慕 汝陽王暹之爲

主,致之馬邑川,給其廪餼、繒帛。親追突厥於朔方,突厥請降,許之而還。於是蠕蠕貢獻 復爲突厥所攻,舉國奔齊。文宣乃北討突厥,迎納蠕蠕,廢其主庫提,立阿那壤子菴羅辰爲 <u>契</u>丹所殺,其國人仍立<u>澄</u>注爲主。又爲大人阿富提等所殺,其國人復立庫提爲主。是歲, 並擁衆奔齊。其餘衆立注次子鐵伐爲主。四年,齊文宣送登注及子庫提還北。鐵伐尋爲 天保三年,阿那褒爲突厥所破,自殺。其太子菴羅辰及壞從弟登注俟利、登注子庫提,

獲菴羅辰妻子及生口三萬餘人。五月,帝又北討蠕蠕,大破之。六月,蠕蠕帥部衆東徙,將 逼。帝神色自若,指畫形勢,虜衆披靡,遂縱兵潰圍而出。虜退走,追擊之,伏尸二十五里, 南侵,帝帥輕騎於金川下邀擊,蠕蠕聞而遠遁。六年六月,文宣又親討蠕蠕。七月,帝頓白 **計之,至恒州黃瓜堆,CMOJ虜散走。時大軍已還,帝麾下千餘騎,遇嶿嶿別部數萬,四面圍** 五年三月,菴羅辰叛,文宣親討,大破之。 菴羅辰父子北遁。 四月,寇肆州。 帝自晉陽

道,留輜重,親率輕騎五千追蠕蠕,躬犯矢石,頻大破之,遂至沃野,大獲而還。

叉藉 已下三千餘人付突厥使,於青門外斬之。 西魏和好,恐其遺類依憑大國,使驛相繼,請盡殺以甘心。 是時,蠕蠕既累爲突厥所破,以西魏恭帝二年,遂率部千餘家 中男以下免,並配王公家。 周文議許之,遂收縛蠕蠕主 奔關中。 突厥旣恃兵强,

單于,塞外諸部咸憚之。 不勤 慕容廆擊破之。 烏頭爲毒藥,以射禽獸。「莫槐虐用其人,爲部下所殺,更立其弟普撥爲大人。 人皆翦髮而 立,尚平帝女。〔三〕 匈奴宇文莫槐,出遼東塞外,其先南單于之遠屬也,世爲東部大人。 留其頂上,以爲首飾,長過數寸則截短之。 又遣別部素延伐慕容廆於棘城,復爲慕容廆所破。 丘不勤死,子莫廆立。 本名犯道武諱。 婦女被長襦及足, 莫廆遣弟屈雲攻慕容廆 時莫廆部衆强盛,自稱 其語與鮮卑 而 普撥死,子丘 無裳焉。 頗異。 秋收

者,逆謂遜昵 素果勇,必爲人患,宜先取之,城不足憂也。」乃分騎數千襲翰。 莫廆死,子遜昵延立,率衆攻慕容廆於棘城。 延日"「翰數爲吾患,久思除之,今聞來討,甚善。 廆子翰先戍於外,遜昵延謂其衆曰··「翰 戒嚴相待,宜無路早赴。」翰 翰 聞之,使人詐爲段末波使

列傳第

八十六

匈

奴字文莫槐

設伏待之。 之,衆乃大潰,遜昵延單馬奔還,悉俘其衆。 是而 爲天所相,每自誇大。 至。 廆 亦盡銳 遜昵 延以爲信然。 應之。 及此敗也,乃卑辭厚幣,遣使朝貢于昭帝,帝嘉之,以女妻焉 遜昵延見而方嚴,率衆逆擊戰,前鋒始交,而翰已入其營,縱 長驅不備,至於伏所,爲翰所虜。 遜昵延父子世雄漠北,又先得玉璽三紐 翰馳使告廆,乘勝遂進,及 自言 火燎

騎夜奔,悉虜其衆。 龜,枯死於平郭,至是而乞得龜敗 不戰,遣其兄悉跋堆襲廆子仁于栢林。 遜昵延死,子乞得龜立。 乘勝長驅,入其國城,收資財億計,徙部人數萬戶以歸。 復伐慕容廆,廆拒之。 仁逆擊,斬悉跋堆。 惠帝三年,乞得龜屯保澆水,至三 **廆**又攻乞得龜克之,乞得 先是,海出大 龜單 固 闘

涉亦干。 縱獵,爲晃所破,死者萬餘 別部人逸豆歸殺乞得龜而 逸豆歸遠遁漠北,遂奔高麗。 人。 建國八年,晃伐逸豆 自立,與慕容晃迭相攻擊。 晃徙其部衆五千餘落於昌黎,自是散滅矣。 歸, 逸豆歸拒之。 遣其國相莫渾伐晃,而莫渾荒酒 爲晃所敗, 殺其驍將

諸大人集會幽州,皆持唾壺,唯庫辱官獨無,〔一己乃唾日陸眷口中。 徒 何段就六眷,出於遼西。 其伯 祖 日陸眷,因亂被賣爲 漁陽烏 丸大人庫辱官家 日陸眷因咽之,西向拜 奴。〔壹

州刺史王浚以段氏數爲己用,至於深德之,乃表封務目塵爲遼西公,假大單于印綬。沒使務 即就六眷父也。據遼西之地而臣於晉。其所統三萬餘家,控弦上馬四五萬騎。穆帝時,幽 人詣遼西逐食,招誘亡叛,遂至强盛。 天曰:「願使主君之智慧祿相,盡移入我腹中。」其後漁陽大饑,庫辱官以日陸眷爲健,使將 日陸眷死,弟乞珍代立。乞珍死,子務目塵代立,日言

日塵率萬餘騎伐石勒於常山封龍山下,大破之。

其感動不害己也如此。 不復報浚,歸于遼西。自此以後,末波常不敢南向溲焉。人問其故,末波曰:「吾父在南。」 禽之。置之座上,與飲宴盡歡,約爲父子,盟誓而遣之。一末波旣得免,就六眷等遂攝軍而還, 城望之,見將士皆釋仗寢臥,無警備之意。勸因其懈怠,選募勇健,穿城突出,直衝末波,生 務目塵死,就六眷立。就六眷與弟疋磾、從弟末波等率五萬餘騎圍石勒於襄國。 勒登

谷,阻軍都之險,以距末波等。平文帝聞之,陰嚴精騎,將擊之。正磾恐懼,南奔樂陵。 宴會,因執而害之。正禪旣殺劉琨,與羽鱗、末波自相攻擊,部衆乖離。欲擁其衆徙保上 石勒遣石季龍擊段文鴦于樂陵,破之,生禽文鴦。 疋禪遂率其屬及諸塢壁降于石勒 而奪其國。末波等知之,遣軍逆擊疋磾。劉羣爲末波所獲。疋磾走還廟,懼琨禽已,請琨 就六眷死,其子幼弱,疋磾與劉琨世子羣奔喪。疋磾陰卷甲而往,欲殺其叔羽鱗及末波

慕容儁使弟玄恭率衆伐龕於廣固,執龕送之薊。儁毒其目而殺之,坑其徒三千餘人。 鮮卑五千人配之,使屯令支。至意鬱朦死,子龕代之。 年,石季龍 騎大將軍 末波 自 征護遼於遼西,護遼奔於平岡山,遂投慕容晃,晃殺之。 、幽州刺史、〔三〕大單于、北平公,弟鬱蘭撫軍將軍、冀州刺史、勃海公。 稱幽州刺史,屯遼西。 末波死,國人因立陸眷弟護遼爲主。[計]烈帝時,假護遼 及冉閱之亂,龕率衆南移,遂據齊地。 鬱蘭奔石季龍,以所徙 建 國

氏、護 穿臺 遂滋繁成國。 使之然。」將下就之。 此 語略與匈奴同而 三年,其母 女,安可 下 高 骨氏、異奇斤氏。 車,蓋古赤狄之餘種也。 爲空穴,經時 欲迎之。 配人。將以與天。」乃於 故其人好引聲長歌,又似狼嘷。 時有小異。 不去。 單于曰:「不可,未徹之間耳。」復一年,乃有一 其姊 俗云:匈奴單于生二女,姿容甚美,國人皆以爲神。單于曰:「吾 大驚 其小 或云:: 曰:「此 女曰:「吾父處我於此,欲以與天,而 初號爲狄歷,北方以爲〔敕勒,諸夏以爲〕高車、丁零。〔四〕其 、國北無人之地築高臺,置二女其上曰:「請天自迎之。」經 其先匈奴甥也。 是畜生,無乃辱父母。」妹不從,下爲狼妻而產子。 其種 有狄氏、袁紇氏、[四]別律氏、解批 老狼,晝夜 今狼來, 或是 守臺嘷呼, 神物,天 因

有

別 衝 無都 突,乍出乍 統 大帥,當種各有君長。 入,不能 整戰。 其俗, 爲性 組猛,黨類同心, 蹲踞 一褻黷, 無所 忌避。 至於寇難, 婚姻 **象然相依。** 用 牛馬 `納聘以爲榮,結 鬭無行陣,

之,墜 縦在 有似 旋,多者數百匝 掩。 復 延賓,亦無行位 此 羣,極取 頭 言旣定,男黨營車闌馬,令女黨恣取上馬, 和 許冕。 率候 人持一 野,終無妄取。 時有震死及疫癘,則爲之祈福,若安全無他,則爲報賽。 則 良馬,父母弟兄雖惜,終無言者。 更取,數滿乃 於震所,埋羖羊,燃火拔刀, 束柳桋回,竪之,以乳酪灌焉。 其死亡葬送,掘地作坎,坐尸於中,張臂引弓, 0 ,穹廬前叢 男女無 俗不淸潔,喜致震霆。 岸 小大,皆集會。 俗無穀,不 坐,飲宴終 作酒。 É, 女巫祝說, 平吉之人, 復留其宿。 頗諱取寡婦, 袒乘出 毎震, 婦人以皮裹羊骸, 迎婦之日,男女相將,持馬酪熟肉節 同。 似如中國祓 則叫呼 闌,馬主立闌外, 則歌舞作樂; 唯車輪高 明日,將婦歸。 而優憐之。 射天而 佩刀挾矟,無異於生,而 多殺 除, 戴之首上, 大,輻數至 棄之移去。 而羣隊馳馬旋繞, 心雜畜, 死喪之家, 其畜產自有記 振 旣而 手驚馬,不墜者即 燒骨! 縈屈髮鬢而綴之, 多 夫黨還入其家 來歲秋, 以燎, 則悲吟哭泣 解。 識 露坎不 百匝乃 走馬遶 馬肥, 主 闌 馬 人 取

遷徙隨水草,衣皮食肉,牛、羊畜產,盡 徙 於 () 鹿渾海 西北 百餘里,部落强大,常與 與蠕蠕 、蠕蠕 為敵,亦每侵盜于魏。 魏道武 襲之,大破

八諸部。 後 道武 復 度弱洛水,西行至鹿渾海,停駕簡輕騎,西北行百餘里, 襲破之,虜獲生

建復 南引, 道武 儀別督諸將從西北絕漠千餘里,復破其遺迸七部。於是高車大懼,諸部震駭。道武自牛川 九 口 (一个馬羊二十餘萬。復討其餘種於
[四]
人中馬羊二十餘萬。復討其餘種於
[四]
人破之。車駕北巡
(四)
分命諸將爲東西二道
(四) 起鹿苑,南因臺陰,北距長城,東包白登,屬之西山。四三尋而高車姪利曷莫弗敕力犍率其 百餘落 親勒六軍從中道,自駁髯水西北,徇略其部,諸軍同時雲合,破其雜種三十餘落。 率其部三十餘落內附,亦拜爲威遠將軍,置司馬、參軍,賜衣服,歲給廪食。 ,大校獵,以高車爲圍,騎徒遮列,周七百餘里,聚雜獸於其中,因驅至平城,卽以高車 :內附,拜敕力犍爲揚威將軍,「留D置司馬、參軍,賜穀二萬斛。後<u>高車解批莫弗幡豆</u>

廬 時,分散諧部、唯高車以類粗獷,不任使役,故得別爲部落。 惜,葬以 魏禮 畏之,嬰兒啼者,語曰:「倍侯利來」便止。 善用五十蓍筮吉凶,每中,故得親幸,賞賜豐厚,命其少子曷堂內侍。 : ``[社崘新集,兵貧馬少,易與耳!]乃舉衆掩擊,入其國落。[BE]高庫昧利,不顧後患,分其 室,妻其婦女,安息寢臥不起。 蠕 蠕 倍侯利遂奔魏,賜爵孟都公。 社倫破敗之後,收拾部落,轉徙廣漠之北,侵入高車之地。斛律部帥倍侯利患之, 諡 日忠壯王。 後韶將軍伊謂帥二萬騎北襲高車餘種袁紇烏,頻破之。 社倫登高望見,乃招集亡散得千人,晨掩殺之,走而 候利質直,勇健過人,奮戈陷陣,有異於衆。北 處女歌謠云:「求良夫,當如倍侯。」其服 及倍侯利卒,道武悼 衆如此 脱者

後太武征蠕蠕,破之而還。 至漠南,聞高車東部在巳尼陂,人畜甚衆,去官軍千餘里,

還。 而降。 忻。 車合萬騎,至于已尼陂,高車諸部望軍而降者數十萬落,獲馬牛羊亦百餘萬,皆徙置漠南千 將 南討,高車不願南行,遂推袁紇樹者爲主,相率北叛,游踐金陵。 逐至于賤,氈皮委積。 文成時,五部高車合聚祭天,衆至數萬,大會走馬,殺牲游遶,歌吟忻 里之地。乘高車,逐水草,畜牧蕃息,數年之後,漸知粒食,歲致獻貢。由是國家馬及牛、羊 遣 其俗稱自前世以來,無盛於此會。車駕臨幸,莫不忻悅。後孝文召高車之衆,隨車駕 左僕射安原等討之。司徒長孫翰、尚書令劉潔等諫,太武不聽。乃遣原等并發新附高 又詔平北將軍、江陽王繼爲都督討之。 繼先遣人慰勞樹者。 都督宇文福追討,大敗而 樹者入蠕蠕。尋悔,相率

乞袁氏,十二日右叔沛氏。 窟賀氏,六日達薄氏,「智」七日阿崘氏,八日莫允氏,九日俟分氏,「图二十日副伏羅氏,十一日 高 庫之族又有十二姓:一日泣伏利氏,二日吐盧氏, [景]三日乙族氏,四日大連氏,五日

弟窮奇俱統領高車之衆十餘萬落。四之太和十一年,豆岭犯塞,阿伏至羅等固 先是,副伏羅部爲蠕蠕所役屬。 豆崘之世,蠕蠕亂離,國部分散,副伏羅阿伏至羅與從 諫不從,怒率

者于提往觀虛實。 爲天子之賊,臣諫之不從,遂叛來此,而自竪立,當爲天子討除蠕蠕。」孝文未之信也,遣使 伏至羅所敗,乃引衆東徙。十四年,阿伏至羅遣商胡越者至京師,以二箭奉貢。云:「蠕蠕 倍,猶魏言儲主也。二人和穆,分部而立,阿伏至羅居北,窮奇在南。 所部之衆西叛,至前部西北,自立爲王。 足渾長生復與于提使高車,各賜繡袴褶一具,雜綵百匹。 阿伏至羅與窮奇遣使者薄頡隨提來朝,貢其方物。 國人號之日候婁匐勒,猶魏言大天子也,窮奇號候 豆崘追討之,頻爲阿 韶員外散騎侍郎可

伏至羅殺之。 軍、羽林監」孟威撫納降人,置之高平鎭。阿伏至羅長子蒸阿伏至羅餘妻,謀害阿伏至羅,阿 |高車,將納彌俄突。 國人殺跋利延,迎彌俄突而立之。 窮奇後爲嚈噠所殺,虜其子彌俄突等。 阿伏至羅又殘暴,大失衆心,衆共殺之,立其宗人跋利延爲主。歲餘,嚈噠伐 其衆分散,或來奔附,或投蠕蠕。 詔遣宣威將

戰於蕭類海北,爲伏圖所敗,西走三百餘里。伏圖次於伊吾北山。先是,高昌王麴嘉表求 來路絕,姦勢。不得妄令羣小敢有陵犯,擁塞王人,罪在不赦。[四]彌俄突尋與蠕蠕主伏圖 |客坦賜彌俄突雜綵六十匹。|宣武詔之曰:「卿遠據沙外,頻申誠款,覽揖忠志,特所欽嘉。 **蠕蠕、嚈噠、吐谷渾所以交通者,皆路由高昌,掎角相接。今高昌內附,遣使迎引。** 爾俄突旣立,復遣朝貢,又奉表獻金方一、銀方一、金杖二、馬七匹、駝十頭。 韶使者 慕 蠕蠕 往

殺 內徙,宣武遣孟威迎之。至伊吾,蠕蠕見威軍,怖而遁走。 城子于亮 伏圖 於蒲類海北,割其髮,送於孟威。 報之,賜樂器一部、樂工八十人、赤紬十匹、雜綵六十匹。 又遣使獻龍馬五匹、金、銀、貂皮及諸方物。 彌俄突聞其離駭; 追擊大破之, 爾俄突遣其莫何去汾屋 詔東

引叱賀眞貢其方物。

軍 **蠕所破,越居子去賓自蠕蠕奔東** 枚 婆羅門走投涼州。 表,於是詔遣使者谷楷等拜爲鎭西將軍、西海郡開國公、高車王。 頭 而自立。 、青曲 、肆州刺史。 飲器。 明 帝 蓋五枚、赤漆扇五枚、鼓角十枚,詔給之。伊匐後與蠕蠕戰,敗歸,其弟越居殺伊 初,彌俄突與蠕蠕主醜奴戰敗,被禽。 天平中,越居復爲蠕蠕所破, 其部衆悉入嚈噠。 旣 而 正光中,伊匐遣使朝貢,因乞朱畫步挽一乘幷幔褥、鞦鞃一副、傘扇各一 病死。 魏。 經數年,嚈噠聽彌俄突弟伊匐還國。 齊神武欲招納遠人,上言封去賓爲高車王,拜安北將 伊匐子比適復殺越居而自立。興和中,比適 醜奴繫其兩脚於駑馬之上,頓曳殺之,漆其 伊匐復大破蠕蠕,蠕蠕 伊匐旣復國,遣使 又爲 奉 蠕 匐

武親西征 初 道武 度 弱 時有吐突隣部在女水上,「三」常與解如部相爲脣齒,不供職事。 洛水,復 西行 趣其國。 至女水上,討解如部落,破之。 明 年春, 登國 盡略徙其部 三年,道

列

傳

落畜產而還。

尼等,「三皆殄之。 聚黨反於陰館,南安公元順討之不剋,死者數千人。道武聞之,遣安遠將軍庾岳還討匿物 由幷州、遂反、將攻晉陽、幷州刺史元延討平之。 総突隣部帥匿物尼、紇奚部帥叱奴根等復 皆舉部歸降。皇始二年,車駕伐中山,軍於栢肆。 年,道武勒衆親討焉。慕容麟率師來會,大破之。乾突隣大人屋地鞬,至三紇奚大人庫寒等 又有紇突隣,與紇奚世同部落,而各有大人長帥,擁集種類,常爲寇於意辛山。 慕容寶夜來攻營,軍人驚,走還於國。 五

夏,道武大破之,幷禽其別帥焉古延等。 又有侯呂隣部、「魯」衆萬餘口,常依險畜牧。 登國中,其大人叱伐為寇於苦水河。 八年

興。未幾,亡歸嶺北。上郡以西諸鮮卑、雜胡聞而皆應之。天賜五年,屈丐盡劫掠總服之。 覆寅,官軍乘虛,遂屠其城,獲太悉伏妻子、珍寶,徙其人而還。太悉伏來赴,不及,遂奔姚 駕還, 衞辰子屈丐奔其部。道武聞之, 使使詔太悉伏執送之。 太悉伏出屈丐以示使者曰: 及平統萬,薛干種類皆得爲編戶矣。 「今窮而見投,寧與俱亡,何忍送之!」遂不遣。道武大怒,車駕親討之。會太悉伏先出擊曹 薛干部常屯聚於三城之間,至因波衞辰後,其部帥太悉伏望軍歸順,道武撫安之。車

西及金城,東侵安定,數年間,諸種患之。天興四年,遣常山王遵討之於高平。至大場干將 而牽屯山鮮卑別種破多蘭部世傳主部落。「黑乙至木易干,有武力壯勇,「暑」劫掠左右,

數千騎棄國遁走,盡徙其人於京師、餘種分进,其後,爲赫連屈丐所滅。

又越勤倍泥部,「丟」永興五年,轉牧跋那山西。 又黜弗、素古延等諸部,富而不恭。天興五年,材官將軍和突率六千騎襲而獲之。 七月,遺奚斤討破之,徙其人而還。

亦急病除惡,事不得已。 曜武,驅其畜產,收其部落,翦之窮髮之野,逐之無人之鄉。 集醜,自小爲大,風馳鳥赴,倏來忽往,代京由之屢駭,戎車所以不寧。 陲,窺擾鄣塞之際,猶皆東胡之緒餘,冒頓之枝葉。 論曰:周之險狁,漢之匈奴,其作害中國,故久矣。魏、晉之世,種族瓜分,去來沙漠之 其狡狄强弱之由、猾虜服叛之迹,故備錄云。 至如蠕蠕者,匈奴之裔,根本莫尋,逃形 **豈好肆兵極銳,凶器不戢**。蓋 是故魏氏祖宗,揚威

校勘記

(1) 依純突隣部 「純」疑當作「紇」,見本卷高車傳。

傅第八十六 校勘記

列

- へ こ し 突逆撃破之 諸本脫「之」字,據魏書卷一〇三補 蠕蠕傳補。
- 自廣甯還追之不及 通鑑卷一二一三八〇二頁作「魏主自廣甯還,追之不及」。 此「自」上當脫「太
- 武」二字,或「帝」字。
- **畜產** 一布野 諸本「布野」誤倒、據魏書、通鑑卷一二一五八一一頁乙。
- 豇 西登子阜 魏書、通鑑卷一二三三八六八頁「子阜」作「白阜」。胡注云:「白阜疑卽雲山
- 樂平王丕督十五將出西道 諸本無「丕」字,通志有。 按前後諸王都具名,不應此獨省,今據

補

- てもし 號處可汗 (延光) 一二四三九〇八頁作「處羅可汗」。 胡注云:「魏收日: 處羅唯也。」 則司馬光
- 胡三省所見本有「羅」字。
- へへし 高涼王那 高涼 王那 見本 出 東 書卷十五高涼王孤傳。 道 諸本「涼」作「昌」, 通鑑卷一二五三九三五頁作「涼」。 魏書卷四下世祖紀屢見其人,今據改。 按北魏宗室無高昌王。
- 八 九 **山** 太武 字。 征伐之後意存休息 通志「太武」上有「自」字。按上文有「太安」,是文成年號,疑當有「自」
- 十六 王陸叡討之,事具蠕蠕傳。」十六年八月乙未又稱:「韶陽平王頤、左僕射陸叡督十二將七萬騎 年 八月至 一計豆輪 按魏書卷七下高祖紀, 太和十一年云:「八月壬申、蠕蠕犯 遣平原

北討蠕蠕。」。魏書卷四〇陸叡傳言叡於太和十六年前,有兩次出擊蠕蠕。 今此傳不記十一年

事 一當是北史誤删。

延昌三年冬 諸本作「二年」、魏書、通志作「三年」。 按馬義舒使蠕蠕, 事見魏書卷八世宗紀

延昌三年十月、今據改。

遣使俟斤尉比建朝貢 諸本「俟」訛作「侯」,據通志、通鑑卷一四八四六三三頁改。

伏圖納豆崘之妻候呂陵氏 通志「候」作「俟」。 參見本卷校記(至)。

有屋引副升牟妻是豆渾地萬 諸本「屋」作「尼」、魏書作「屋」。 按屋引氏見魏書卷一一三官氏

}志 本卷高車傅見屋引叱賀眞。 今據改。

二谷 二吾 遣中書舍人曹道宣詔勞問 乃位於阿那瓖弟之下二叔之上 按下文見「曹道芝」,疑即一人。 諸本「位」訛作「在」、據魏書改。

二古 尋封阿那瓖朔方郡公蠕蠕王 諸本「王」作「主」、魏書百衲本 通志作「王」。 按魏書卷九肅宗紀

正光 元年十一 月條作「王」,今據改。

加之軺蓋祿從 從」作 ... 呵 __。 儀衛同于戚藩 通鑑卷一四八四六六一頁同魏紀。 魏書卷九肅宗紀 正光元年十一月封阿那褒韶, 按「卹」是當時官吏的一種變象俸祿。 「蓋」作 南齊書 「車」,

四虞玩之傳:「將位旣衆, 舉卹 爲祿。」疑此「從」當作「卹」。

列 傳 第 八 + 六 校 勘 記

二九 其從父兄俟力發婆羅門率數萬人入討示發 諸本脫「從」字,據魏書、通志、通鑑卷一四九四六六

三頁補

將兵二千隨具仁迎阿那褒 諸本「將」下脫「兵」字,據魏書及通鑑卷一四九四六六六頁補。

[11] 七月 諸本「七」上衍「啓」字、據魏書、通志删

至 投化阿那瓌嶿蠕元退社渾河旃等二人 魏書無「阿那瓖」三字、疑是。

[三] 還令督率領 魏書無「領」字。按當是「督」下脫「將」字。

阿那 、褒宜置 西吐若奚泉 通鑑卷一 四九四六六九頁無「西」字。 此當是涉上文「西海郡」之「西」

而衍。

至吾 乃號 敕連頭兵伐可汗 魏書、通鑑卷一五〇四六九五頁「兵」下有「豆」字。疑此是誤脫。

三 當以天子懿親公主結 成姻媾 諸本「以」誤置「天子」下,據通志 Ž

二出 阿那 **瓌遣莫何去折豆渾十升等朝貢** 按「去」下當脫「汾」字。「莫何去汾」, 蠕蠕大官,見前。

三台 阿那瓖遣 吐豆登郁久閭 譬 渾 按「登」疑當作「發」。 下文「吐豆登郁久閭匿伏」「吐豆登 郁 人 関

掘 同。 本書卷九九突厥傳言突厥大官有「吐屯發」,當即「吐豆發」之異譯。 北齊書卷四文宣

紀天保六年七月見「吐頭發」。

汝陽王暹之爲秦州也 諸本「秦」作「泰」。 按魏書卷一九上、本書卷十七京兆王子推附汝陽

王遙傳,遙曾官秦州刺史,「泰」乃「秦」之訛,今據改。

- 至恒州黄瓜堆 諸本「州黃」二字誤倒、據通志及北齊書卷四文宣紀天保五年四月條乙。
- [II] 子丘不勤立尚平帝女 線,非平文帝拓拔鬱律。「文」字行,今**删**。 諸本「平」下有「文」字。按魏書卷一序紀,以女妻丘不勤者是平帝斯以
- 乞得龜屯保澆水 諸本「保」訛作「堡」、據魏書卷一〇三、通志卷二〇〇字文莫槐傳改。
- 因亂被賣爲漁陽烏丸大人庫辱官家奴 「大」作「太」,無「人」字。通典卷一九六、通志卷二〇〇徒何段傳作「大人」。 諸本「大人」作「子大」,魏書卷一〇三徒何段就六眷傳 按「子大」無義,

今據通典改。

- 唯庫辱官獨無 諸本「獨」訛作「猶」、據魏書、通典、通志改。
- 宣吾 子務目塵代立 通典、通志及晉書卷六三段匹磾傳「目」並作「勿」。
- 穆帝時幽州刺史王浚以段氏數爲己用 當有「晉」字。否則王浚似爲拓拔猗盧所授之幽州 按此穆帝指拓拔猗盧。 刺史一誤。 王浚乃晉之幽州刺史,「幽」上
- 即末波之從祖,世代不相及,疑「日陸眷」當作「就六眷」。 國人因立陸眷弟護遼爲主 魏書、通典、「陸眷」上有「日」字。 按日陸眷乃末波之伯祖,其弟
- 列 烈帝時假護遼驃 傳 第 八 + 六 騎大將軍幽州刺史 校 勘 記 按烈帝指拓拔翳槐。 此等官爵皆晉朝所授,「假」上當有

「晉」字。

使屯令支 諸本「令」訛作「合」,據魏書、通典、通志改。 令支兩漢屬遼西郡。 北魏平州遼西郡

肥如縣有令支城。

北方以爲「勅勒諸夏以爲」高車丁零 諸本脫「勅勒、諸夏以爲」六字、據魏書卷一〇三、通典卷

一九七、通志卷二〇〇高車傳補。

袁紇氏 諸本「袁」作「表」,通典、通志作「袁」。按下文見「袁紇烏」,本書卷一道武紀、魏書卷

二太祖紀登國五年三月見「袁紇部」。「表」誤,今據改。下文「表紇樹者」同改。

車駕北巡 諸本無「北」字,魏書「北巡」作「巡幸」。按魏書卷二太祖紀天興二年正月作「車駕

北巡」。今據魏紀補。

東包白登屬之西山 諸本脫「屬」字、據魏書及魏紀天興二年二月條補。

拜敕力犍爲揚威將軍 諸本脱「力」字,據魏書、通志及上文補

金色 乃舉衆掩擊入其國落 諸本「入」訛作「之」,據魏書、通志改。

公 二日吐盧氏 通典、通志「吐」作「叱」。按魏書官氏志有「叱盧氏,後改爲祝氏」,疑此「吐」

字誤。

六日達薄氏 魏書、通志「薄」下有「干」字。按本書卷五八齊王憲傳、憲母達步干氏。 魏書官

氏志有「達勃氏、後改爲褒氏」。 當卽此達薄氏。

九日俟分氏 通典作「俟斤氏」。

俱統領高車之衆十餘萬落 諸本「領」下行「軍」字、據魏書删

蠕蠕往來路絕姦勢不得妄令羣小敢有陵犯擁塞王人罪在不赦 通典作:「蠕蠕旣與 吐谷渾 路

絕,姦勢亦阻,於卿彼藩,便有所益。 行途經由,宜相供俟條,不得令羣小擁塞王人。」 按通典

當是節錄魏書原文,較此明白。 此「姦勢」下當有脫文。

金 道武時有吐突隣部在女水上 按本書卷一道武紀、魏書卷二太祖紀登國四年作「叱突隣部」。

金 **紇突隣大人屋地**键 魏書卷二登國五年作「屈地鞬」。

遣安遠將軍庾岳還討匿物尼等 諸本「庾岳」訛作「庫兵」, 據魏書改。 事見魏書卷二太祖紀

皇始二年二月。

金門 辨証及孝文弔比干文碑,以爲當作「俟呂隣」。但本書及魏書紀傳見此姓氏都作「侯呂隣」或辨証及孝文弔比干文碑,以爲當作「俟呂隣」。但本書及魏書紀傳見此姓氏都作「侯呂隣」或 又有侯呂隣部 通志「侯」作「俟」。北朝胡姓考呂氏條,引元和姓纂、通志氏族略、古今姓氏書

金哥 薛干部常屯聚於三城之間 乃「干」之訛,是。今據改。 參本書卷一道武紀校記。 諸本「干」作「于」。 北朝胡姓考薛氏條以爲「薛干」即「叱干」、「于」

「候呂鄰」,今不改。

列 傳第八十 六 校 勘 記

而牽屯山鮮卑別種破多蘭部世傳主部落 帝紀,宇文導追斬侯莫陳悅於牽屯山,本書卷四八尔朱天光傳,万俟道洛守牽屯山,並卽此地。 率」,魏書「示」作「世」。按下文云「常山王遵討之於高平」。高平附近有牽屯山,本書卷九文 諸本「牽」作「帥」、「世」作「示」。魏書、通志「牽」作

<u>通典卷一七三州郡平凉郡高平縣下注云:「有笄頭山,語訛亦曰汧屯山。」</u> 即此牽屯山。 「牽」

訛作「率」,又轉寫作「帥」,今改正。 「示」亦「世」之音訛,今據改。

至古 有武力壯勇 諸本「力壯」誤倒,據魏書乙。

全公

遣常山王遵討之於高平

字形似而行,今據删。 言遵等至安定之高平,木易干與衞辰、屈丐棄國遁走。 諸本「於」上有「放」字、魏書無。 並無「放於高平」之事。「放」乃妙「於」 按魏書卷二太祖紀天興五年二月,

又越勤倍泥部 本書卷一明元紀永興五年七月「勤」作「勒」。 參卷一校記。

北史卷九十九

列傳第八十七

突厥 西突厥 鐵勒

殺狼。 制,大敗之,降五萬餘家。 其 盡滅其族。 者,率部落出於穴中,臣於蠕蠕。 廻數百里,四面俱山。 以肉餌之,及長,與狼交合,遂有孕焉。彼王聞此兒尙在,重遣殺之。使者見在狼側,幷欲 也,最賢,遂爲君長。 突厥者,其先居西海之右,獨爲部落,蓋匈奴之別種也。 於時若有神物,投狼於西海之東,落高昌國西北山。山有洞穴,穴內有平壤茂草,周 有一兒,年且十歲,兵人見其小,不忍殺之,乃則足斷其臂,棄草澤中。 狼匿其中, 遂生十男。 故牙門建狼頭纛,示不忘本也。 遂求婚於蠕蠕主,阿那褒大怒,遣使駡之。 至大葉護,種類漸强。 十男長,外託妻孕,其後各爲一姓,阿史那 當魏之末,有伊利可汗,以兵擊鐵 漸至數百家,經數世,有阿賢 姓阿史那氏。後爲隣國所破, 伊利斬其使,率衆襲 有牝狼 卽

列傳

第

八十七

突

跃

蠕 蠕 ,破之。 卒,弟阿逸可汗立,自又破蠕蠕。病且卒,捨其子攝圖,立其弟俟叔稱爲木杆

可汗。三

世 居金山之陽,爲蠕蠕鐵工。金山形似兜鍪,俗號兜鍪爲突厥,因以爲號。曰 或云突厥本平涼雜胡,姓阿史那氏。 魏太武皇帝滅沮渠氏,阿史那以五百家奔蠕蠕

奉以爲主,號阿賢設。 率於大樹下,共爲約曰:「向樹跳躍,能最高者,卽推立之。」阿史那子年幼而跳最高,諸子遂 有十妻,所生子皆以母族姓,阿史那是其小妻之子也。都六死,十母子內欲擇立一人,乃相 多寒露,大兒爲出火溫養之,咸得全濟。遂共奉大兒爲主,號爲突厥,卽納都六設也。都六 號爲契骨,其一國於處折水,其一居跋斯處折施山,即其大兒也。山上仍有阿謗步種類,並 娶二妻,云是夏神、冬神之女。一孕而生四男:其一變爲白鴻,其一國於阿輔水、劒水之間, 質泥師都,狼所生也。阿謗步等性並愚癡,國遂被滅。泥師都旣別處異氣,能徵占風雨。回 叉曰突厥之先,出於索國,在匈奴之北。其部落大人曰阿謗步,兄弟七十人,其一曰伊 此說雖殊,終狼種也。

泉胡安諾槃陁使焉。其國皆相慶曰:「今大國使至,我國將興也。」十二年,上門遂遣使獻方 時鐵勒將伐蠕蠕,土門率所部邀擊破之,盡降其衆五萬餘落。恃其强盛,乃求婚於蠕 其後曰土門,部落稍盛,始至塞上市繒絮,願通中國。西魏大統十一年,周文帝遣酒

門遣 蠕主。 自 與之絕 殺,其子菴羅 使來弔,贈馬二百疋。 污而 阿那瓌大怒,使人詈辱之曰:「爾是我鍛奴,何敢發是言也!」土門亦怒,殺其使者,遂 求婚於魏。 辰 奔齊,餘衆復立阿那瓌叔父鄧叔子爲主。 周文帝許之,十七年六月,以魏長樂公主妻之。是歲,魏文帝崩,上 廢帝元年正月, 土門發兵擊蠕蠕,大破之於懷荒北。至阿那褒 土門遂自號伊利可汗,猶古之

立其弟俟斤,是爲木杆可汗。 土門死,子 科羅立。 科羅號乙息記可汗,又破叔子於沃野北賴山。[8] 且死, 捨其子攝 單于

也;號其

妻爲

可賀敦,亦猶古之閼氏也。

亦與齊通使往來。

圖

服 焉。 乃率兵擊鄧叔子,破之。 塞 抗衡 外諸 <u>俟</u>斤一名<u></u>燕都,狀貌奇異,面廣尺餘,其色赤甚,眼若瑠璃,剛暴,勇而多知,務於征伐。 中 國。 國 其地,東自遼海以西,至西海,萬里;南自沙漠以北,至北海,五六千里:皆屬 ,後與魏伐齊,至<u>幷</u>州。〔七〕 叔子以其餘燼奔西魏。 俟斤又西破嚈曉,東走契丹,北幷契骨,威

老貴 汗』其主旣 臣 下 壯 皆拜,拜 其俗 寡 廉耻 被髮 神情瞀亂,不能詳定多少。臣下等隨其所言,以驗修短之數。大官有葉護,次設, 訖 左袵 乃扶 一無禮 令乘馬,以帛絞其 ,穹廬氈帳,隨逐水 義,獨古之匈奴。 、頸,使纔不至絕,然後釋而急問之曰:「你能 草遷徙,以畜牧射獵爲事,食肉飲酪,身衣裘褐。 其主初立,近侍重臣等輿之以氈,隨 日轉九 作幾年可 回,每 賤 回

列

屬設祭及走馬、剺面如初死之儀。表爲塋,立屋,中圖畫死者形儀,及其生時所戰陣狀,嘗 者,停屍於帳,子孫及親屬男女各殺羊、馬,陳於帳前祭之,遶帳走馬七匝,詣帳門以刀剺面 物,傷目者償以女,無女則輸婦財,折支體者輸馬,[5] 盜馬及雜物者,各十餘倍徵之。死 絆者,皆死,淫者,割勢而腰斬之,姦人女者,重責財物,卽以其女妻之,鬭傷人者,隨輕重翰 鏃箭,蠟封印之,以爲信契。 本狼生,志不忘舊。 稍、刀、劍。 次特勤,公 服飾,會於葬所,男有悅愛於女者,歸卽遣人聘問,其父母多不違也。父、兄、伯、叔死,子、 殺一人,自己則立一石,有至千百者。又以祭之羊、馬頭,盡懸之於標上。是日也,男女咸盛 餘灰,待時而葬。春夏死者,候草木黃落,秋冬死者,候華茂,[10]然後坎而瘞之。葬日,親 且哭,血淚俱流,如此者七度乃止。擇日,取亡者所乘馬及經服用之物,幷屍俱焚之,收其 拜祭天神。CIED於都斤西五百里有高山迥出,上無草樹,謂爲勃登凝梨,夏言地神也。 其書 <u>斤山</u>, 牙帳東開, 蓋敬日之所出也。 每歲率諸貴人, 祭其先窟。 又以五月中旬, 集他人水 弟及姪等妻其後母、世叔母、嫂,唯尊者不得下淫。 移徙無常,而各有地分。 可汗恒處於都 佩飾則兼有伏突。 次俟利發,次吐屯發,及餘小官,凡二十八等,皆世爲之。兵器有角弓、鳴鏑、甲、 善騎射,性殘忍。 候月將滿,轉爲寇抄。 旗纛之上,施金狼頭。侍衞之士,謂之附離,夏言亦狼也。蓋 無文字,其徵發兵馬及諸稅雜畜,刻木爲數,幷一金 其刑法: 反叛、殺人、及姦人之婦、盜馬

鬼神,信巫覡,口三重兵死,耻病終,大抵與匈奴同俗 字類胡,而不知年曆,唯以草青爲記。 男子好摴蒲,女子踏鞠,飲馬酪取醉,歌呼相對。 敬

等至,俟斤復貳於齊。 東伐 厅貧其幣厚,將悔之。 純 而 强盛,[1+]欲令國家厚其使者,身往重取其報。朝廷受其虛言,將士望風 還,言於武帝曰:「突厥甲兵惡,賞罰輕,首領多而無法令,何謂難制馭? 軍度陘嶺,俟斤率騎十萬來會。 義,俟斤遂絕齊使而定婚焉。 進女於周文帝,契未定而周文崩。 殺之於靑門外。 又遣三輩,貢其方物。 實易與耳。 、大司徒宇文貴、神武公竇毅、南安公楊荐往逆女。天和二年,俟斤又遣使來獻。 俊斤部衆旣盛,乃遣使請誅<u>鄧叔子等,周文帝許之,收叔子已下三千人,[18]付其使者,</u> 韶楊忠率兵出沃野,晉公護 今以臣觀之,前後使人皆可斬也。」武帝不納。 三年,俟斤襲擊吐谷渾破之。口三周明帝二年,俟斤遣使來獻。 會有雷風變,乃許純等以后歸。 至是,武帝韶遣凉州刺史楊荐、武伯王慶等往結之。 時與齊人交爭,戎車歲動,故連結之,以爲外援。 仍請舉國東伐,於是韶隨公楊忠率衆一萬與突厥伐齊。日心忠 明年正月,攻齊主於晉陽,不剋,俟斤遂縱兵大掠 尋而俟斤又以他女許武帝,未及結納,齊人亦遣求婚,俟 趣洛陽以應之。 會護戰不利,俟斤引還。 四年,又遣使貢獻。 是歲,俟斤復遣使來獻,更請 畏慴。 由比者使人妄道其 初,恭帝時,俟斤許 慶等至,諭以信 五年, 但虜態許健, 保定元年, 而還。 陳公純 韶陳公

主以嫁· 月,他 孝順, 是冬,他鉢 刺史、范陽王 律。口心他鉢亦躬自齋 說以因緣果報之理。 數。 朝廷 而 面,又以其弟褥但 紹義 齊人懼 .既與之和親,歲給繒絮 俟斤死,復 鉢 何憂無物邪。」齊有沙門惠琳,掠入突厥中,因謂他鉢曰:「齊國富强,皆爲有佛法。」遂 尚留 之,行的并造執紹義送闕。 遂 入寇幽州。 復寇邊,圍 不造。 :其寇掠,亦傾府藏以給之。 他鉢彌復驕傲,乃令其徒屬曰:「但使我在南 高紹義自馬邑奔之。他鉢立紹義爲齊帝,召集所部,云爲之復讎。 拾其子大邏便而立其弟,是爲他鉢可汗。 可汗爲步離可汗,口心居西方。 帝又令賀若誼往諭之,始送 酒泉,大掠 戒、遶塔行道、恨不生內地。建德二年,他針遣使獻馬。及齊滅、齊定州 他鉢聞而信之,建一伽藍,遣使聘齊,求淨名、涅槃、華嚴等經,并計誦 柱國 劉雄 、錦綵十萬段。 而去。 拒戰,兵敗死之。 他鉢 不許,仍寇幷州。 大象元年,他鉢復請和親,帝策趙王招 突厥在京師者,又待以優禮,衣錦食肉,常以千 紹義 自俟斤以來,其國富强,有凌轢中夏之志。 武帝親總六軍,將北伐,會帝崩,乃班師 二年,始遣使奉獻,且迎公主爲親, 他鉢以攝圖爲众伏可汗,統其東 宣政 女爲千金公 元年四 兩箇兒

當避大

邏

便。」及卒,國中

·將立大邏便,

以其

、母賤,

衆不服。

他

鉢

病

且

卒,謂其子

権邏日

:「吾聞親莫過於父子。

吾兄不親其子,委位於我,我死,汝

菴邏實貴, 三三突厥素重之。

圖最後至,謂國中曰:「若立養邏者,我當率兄弟以事之,如立大邏便,我必守境,利刃長矛

號伊利俱盧設莫何始波羅可汗,一號沙鉢略,居都斤山。自己菴邏降居獨洛水,稱第三可 汗。三三大邏便乃謂沙鉢略曰:「我與爾俱可汗子,各承父後,爾今極尊,我獨無位,何也。」沙 詈辱之。 以相待。」攝圖長而且雄,國人莫敢拒,竟立菴邏爲嗣。大邏便不得立,心不服菴邏,每遣人 菴邏不能制,因以國讓攝圖。國中相與議曰:「四可汗子,攝圖最賢。」因迎立之,

鉢略患之,以爲阿波可汗,還領所部。

硤、石門兩道來寇,武威、天水、安定、金城、上郡、弘化、延安六畜咸盡。 天子震怒,下詔曰: 管叱李〔長叉守臨洮,上柱國李〕崇屯幽州,〔三〕達奚長儒據周槃,皆爲虜敗。於是縱兵自木 周千金公主,傷宗祀絕滅,由是悉衆來寇,控弦士四十萬。上令柱國馮昱屯乙弗泊,蘭州總 寶寧作亂,沙鉢略與之合軍,攻陷臨渝鎮。上敕緣邊修保鄣,峻長城,以備之。 竭生靈之力,供其來往,傾府庫之財,棄於沙漠。華夏之地,實爲勞擾。朕受天明命, 凶醜愚闇,未知深旨,將大定之日,比戰國之時,乘昔世之驕,結今時之恨。近者,盡其 子育萬方,愍臣下之勞,除旣往之弊。回入賊之物,加賜將士;息在路之人,務於耕織。 虞,宣"惶周交之厚。各謂虜意輕重,國遂安危。非徒並有大敵之憂,思減一邊之防。 沙鉢略勇而得衆,北夷皆歸附之。隋文帝受禪,待之甚薄,北夷大怨。 往者周、齊抗衡,分割諸夏,突厥之虜,俱通二國。周人東慮,恐齊好之深,齊氏西 會營州刺史高 沙鉢略妻,

巢窟 `,俱犯北邊,而遠鎭偏師,逢而摧翦,未及南上,遽已奔北。

訖 落之下,盡異純人。千種萬類,仇敵怨偶,泣血拊心,銜悲積恨。 暴,卉木燒盡,飢疫死亡,人畜相半。 有一於此,更切股懷。彼地咎徵妖作,將年一紀。 往年利稽察大爲高麗、靺鞨所破,沙毗設又爲紇支可汗所殺。 泉,于闐 私讎,西戎羣長,皆有宿怨。突厥之北,契骨之徒,切齒磨牙,常伺其後。 而 一天所忿,驅就齊斧,幽明合契,今也其時。 不見。 且 |彼渠帥,其數凡五,昆季爭長,父叔相猜,世行暴虐,家法殘忍。 東夷諸國,盡挾 、波斯、揖怛三國,一時卽叛,沙鉢略近趣周槃,其部內薄孤、東紇羅尋亦翻動。 每冬雷震,觸地火生。 種類資給,唯藉水草,去歲四時,竟無雨雪,川枯蝗 舊居之地,赤土無依,遷徙漠南,偸存晷刻。斯蓋 乃獸爲人語,人作神言,云其國亡, 與其爲鄰,皆願誅剿,部 圓首方足,皆人類也, 達頭前攻酒

於是 沙鉢略率阿波、貪汗二可汗來拒戰,皆敗走。時虜飢不能得食,口心粉骨爲糧,又多災疫,死 河 所 則 間 棄,得其地不 王恢所說,其猶射癰,何敵能當,何遠不剋。 王 故 弘、上柱 《選將練兵,贏糧聚甲,義士奮發,壯夫肆憤,願取名王之首,思撻單于之背。 此 ·可而 國豆盧勣、 居,得其人不忍皆殺。 竇榮定、 左僕射高頗、右僕射虞慶則並爲元帥,出 無勞兵革,遠規溟海。普告海 但皇王舊迹,北止幽都,荒遐之表,文軌 內,知股 塞擊之。 意焉。

率兵而東,其部落歸之者將十萬騎,遂與沙鉢略相攻。 歸,西奔達頭可汗。 奪其衆而廢之,貪汗亡奔達頭。沙鉢略從弟地勤察,別統部落,與沙鉢略有隙,復以衆叛歸 旣 連兵不已,各遣使詣闕,曰司請和求援,上皆不許。 而 沙鉢略以阿波驍悍,忌之,因其先歸,襲擊其部,大破之,殺阿波母。 達頭者,名玷厥,沙鉢略之從父也,舊爲西面可汗。 又有貪汗可汗,素睦於阿波,沙鉢 旣而大怒,遣阿波 阿波還無所

别 世不斷。 請因其釁乘之,上不許。沙鉢略遣使致書曰:「辰年九月十日,從天生大突厥天下賢聖天子 不異也。」文帝報書曰:「大隋天子貽書大突厥伊利俱盧設莫何沙鉢略可汗:得書,知大有好 婦父,卽是翁,此是女夫,卽是兒例,兩境雖殊,情義是一。 今重疊親舊,子子孫孫,乃至萬 伊利俱盧設莫何始波羅可汗致書大隋皇帝:使人開府徐平和至,辱告言語,具聞也。皇帝是 且 向此 遣 曰:「我伯父以 大臣虞慶則往彼看女,復看沙鉢略也。」沙鉢略陳兵列其寶物,坐見慶則,稱病不能起, 會千金公主上書,請爲一子之例,文帝遣開府徐平和使於沙鉢略。 也。 上天爲證,終不違負。此國所有羊、馬,都是皇帝畜生;彼有繒綵,都是此物。彼此 既是沙鉢略婦翁,今日看沙鉢略共兒子不異。既以親舊厚意,常使之外,今特 來,不向人拜。」慶則責而喩之。 千金公主私謂慶則曰:「可汗豺狼性,過與 晉王廣時鎭幷州,

列

傳

八十

七

慟哭。 爭,將齧人。」長孫晟說諭之,攝圖屈,乃頓顙受璽書,以戴於首。 曰:「得作大隋天子奴,虞僕射之力也。」贈慶則馬千匹,幷以從妹妻之。 慶則 又遣稱臣, 沙鉢略謂其屬曰:「何名爲臣。」 報曰:「隋國臣,猶此稱奴。」沙鉢略 旣而大慚,其羣下因相聚

約,以磧爲界。 等奉表以聞。」文帝下詔曰:「沙鉢略往雖與和,猶是二國,今作君臣,便成一體。 北面之禮不敢廢。當令侍子入朝,神馬歲貢,朝夕恭承,惟命是視。 射虞慶則至,伏奉詔書,兼宣慈旨,仰惟恩信之著,愈久愈明,徒知負荷,不能答謝。突厥自 阿拔國部落乘虛掠其妻子。官軍爲擊阿拔,敗之,所獲悉與沙鉾略。沙鉾略大喜,自己乃立 金公主,賜姓楊氏,編之屬籍,改封大義公主。 肅告郊廟,宜傳播天下,咸使知聞。」自是詔答諸事,並不稱其名以異之。 皇帝也,豈敢阻兵恃險,偸竊名號?今便感慕淳風,歸心有道。 於戎狄,莫與爲大。 天置以來,五十餘載,保有沙漠,自王蕃隅,地過萬里,士馬億數,恒力兼戎夷,抗禮華夏,在 詔許之。晉王廣以兵援之,給以衣食,賜以車服、鼓吹。 時沙鉢 略旣爲達頭所困,又東畏契丹,遣使告急,請將部落度漠南,寄居白道川內。 因上表曰:「大突厥伊利俱盧設始波羅莫何可汗臣攝圖言:大使、尚書右僕 頃者,氣候淸和,風雲順序,意以華夏其有大聖興焉。 伏惟大隋皇帝眞 策拜窟合眞爲柱國,封安國公,宴於內殿,引 沙鉢略因西擊阿波,破擒之。日公而 雖復南瞻魏闕,山川悠遠, 謹遣第七兒臣窟合眞 其妻可賀敦周千 已敕有司

見皇后,賞勞甚厚。沙鉢略大悅。於是,歲時貢獻不絕。

其牙帳爲火所燒,沙鉢略惡之,月餘而卒。 沙鉢略率部落再拜受賜。沙鉢略一日手殺鹿十八頭,如為魔尾舌以獻。還至紫河鎮, 七年正月,沙鉢略遣其子入貢方物。 因請獵於恒、代之間,詔許之,仍遣使人,賜其酒 。上爲之廢朝三日,遣太常弔祭焉,贈物五千段。

位,我不憚拜汝也。」雍虞閻又遣使謂處羅侯曰:「叔與我父,共根連體,我是枝葉,寧有我作 來,獯粥多爲邊患。今遠窮北海,皆爲臣妾,此之盛事,振古未聞。 高頻進曰:「骨肉相殘,敎之蠹也,宜存養以示寬大。」上曰:「善。」類因奉觴進曰:「自軒轅以 人以爲得隋兵所助,多來降附,遂擒阿波。旣而上書,請阿波死生之命。上下其議,左僕射 上賜之鼓吹、幡旗。處羅侯長頤僂背,眉目疏朗,勇而有謀。以隋所賜旗鼓,西征阿波,敵 主,令根本反同枝葉。願叔勿疑。」相讓者五六,處羅侯竟立,是爲葉護。曰道使上表言狀, 處羅侯曰:「我突厥自木杆可汗來,多以弟代兄,以庶奪嫡,失先祖之法,不相敬畏。汝當嗣 初,攝圖以其子雜虞閭性懦,遺令立其弟葉護處羅侯。雍虞閭遣使迎處羅侯,將立之, 臣敢再拜上壽。」

遣使詣闕,賜物三千段,每歲遣使朝貢。時有流人楊欽,亡入突厥中,謬云彭國公劉昶與宇 文氏謀反,令大義公主發兵擾邊。都藍執欽以聞,幷貢勃布、魚膠。其弟欽羽設部落强盛, 後處羅侯又西征,中流矢卒。其衆奉雍虞閭爲主,是爲頡伽施多那都藍可汗。雍虞閭

都藍忌而 明年,突厥部落大人相率遣使貢馬萬匹,羊二萬口,駝、牛各五百頭。 **三撃之**, 斬首於陣。其年,遣其母弟極但特勤獻于闐玉杖,上拜極但爲柱國、 尋遣請緣邊置 康國

市,與中國貿易,詔許之。

牛弘將美妓四人以啗之。 結,上恐其爲變,將圖之。會主與所從胡私通,因發其事,下詔廢之。恐都藍不從,遣奇章公 短謂曰:「當殺大義公主方許婚。」突利以爲然,復譖之。 無樂,絃歌詎有聲?余本皇家子,飄流入虜庭,一朝覩成敗,懷抱忽縱橫。 古來共 「盛衰等朝暮,世道若浮萍,榮華實難守,池臺終自平。富貴今安在?空事寫丹靑。 我獨申名。 平陳後,上以陳叔寶屛風賜大義公主,主心恒不平,因書屛風爲詩,敍陳亡以自寄曰 唯有昭君曲,偏傷遠嫁情。」上聞惡之,禮賜益薄。公主復與西突厥泥利可汗連 時沙鉢略子曰染干,〔三〕號突利可汗,居北方,遣使求婚。上令裴 都藍因發怒,遂殺公主於帳 如此,非 盃酒恒

度斤舊鎮,錫賚優厚。 威、斛律孝卿相繼爲使。 女,上舍之太常,敎習六禮,妻以宗女安義公主。〔邑〕上欲離問北狄,故特厚其禮,遣牛弘、蘇 十八年,韶蜀王秀出靈州道擊之。明年,又遣漢王諒爲元帥,左僕射高頌率將軍王察 都藍因與突利可汗有隙,〔三〕數相征伐,上和解之,各引兵去。十七年,突利遣使來逆 雅虞閭怒曰:「我大可汗也,反不如染干」於是朝貢遂絕,數爲邊患。 突厥前後遣使入朝,三百七十輩。突利本居北方,以尚主故,南徙

間,發徒掘塹數百里,東西距河,盡爲啓人畜牧地。 部落歸者甚衆。 間弟都速六棄其妻子,與突利歸朝。上嘉之,敕<u>染干與都速六摴蕭,稍稍輸以實物,用歸其</u> 隋使長孫晟歸朝。上令梁干與雍虞閭使者因頭特勤相辯詰,染干辭直,上乃厚待之。 以擊之。至三雍虞閭與玷厥舉兵攻染干,盡殺其兄弟子女,遂渡河入蔚州。 Ŀ 啓人上表謝恩。 心。六月,高頻、楊素擊玷厥,大破之。拜染干爲意利珍豆啓人可汗,至三華言意智健也。 柱 國趙仲卿並出朔州道,右僕射楊素率柱國李徹、韓僧壽出靈州道,上柱國燕榮出幽州, 上於朔州築大利城以居之。時安義公主已卒,上以宗女義城公主妻之。 雍虞閭又擊之,上復令入塞。雍虞閭侵掠不已,遂遷於河南,在夏、勝二州 染干夜以五 雍虞 一騎與

遣太平公史萬歲出朔州以擊之,遇達頭於大斤山,虜不戰而遁。 辯出河州,以擊都藍。師未出塞,而都藍爲其麾下所殺,達頭自立爲步迦可汗,其國大亂 皮肉,千世萬世,長與大隋典羊、馬也。」 汗憐養,「言」百姓蒙恩,赤心歸服,或南入長城,或住白道。。染于如枯木重起枝葉,枯骨重生 啓人、「言上又發兵助啓人守要路,侯利伐退走入磧。 啓人上表陳謝曰:「大隋聖人莫緣可 於是遣越國公楊素出靈州,行軍總管韓僧壽出慶州,太平公史萬歲出燕州,大將軍姚 尋遣其子侯利伐從磧東攻

仁壽元年,代州總管韓洪爲虜敗於恒安,詔楊素爲雲州道行軍元帥,率啓人北征。 |斛

傅

膵等諸 雜畜 軍大將軍 而 姓初附於啓人,至是而叛。 去,素率上大將軍梁默追之,大破俟斤,悉得人畜以歸啓人。 劉昇別路邀擊,並多斬獲而還。 素軍河北,逢突厥阿勿思力俟斤等南渡,公司掠啓人男女 兵旣渡河,賊復掠啓人部落,素率驃騎范貴於窟 素又遺柱國張定和、領

輝,啓人遂有其衆,遣使朝貢。 是歲,泥利可汗及葉護俱被鐵勒所敗,步迦尋亦大亂。 溪、 雪五部內徙, 步迦奔吐谷

結谷

東南

復破之。

末為 千人大帳,享啓人及其部落酋長三千五百人,賜物二千段,四以其下各有差。復下詔褒寵之, 長纓。」仍璽書答啓人,以爲磧北未靜,猶復征戰,但使存心孝順,何必改衣服也。 也,「图〕還養活臣及突厥百姓,實無少短。 實懚聖 下其議,公卿請依所奏,帝以爲不可。 三千段。啓人及義城公主上表曰:「已前聖人先帝莫緣可汗存日,憐臣,賜臣安義公主,臣種 聖 也。 大業三年,煬帝幸楡林,啓人及義城公主來朝行宮,前後獻馬三千匹。帝大悅,賜帛萬 人先帝言語,投命去來。 人先帝憐養。 突厥 百 姓 死 臣兄弟妬惡,相共殺臣。 者 以 外, 還 聖人先帝見臣,大憐臣死命,養活勝於往前,遣臣作大可汗 聚集 乃詔曰:「君子敎 作百姓 至尊憐臣時,乞依大國,服飾 臣當時無處去,向上看只見天,下看只見地, 也。 至尊今還如聖人先帝於天下四方坐 人,不求變俗, 何必化諸削 法用 同 華夏。」帝 帝法駕御 衽, 縻以

舉,穹廬向日開。呼韓頓顙至,屠耆接踵來,索辮擎羶肉,韋鞲獻酒盃。 所居。啓人奉觴上壽,跪伏甚恭。帝大悅,賦詩曰:「應塞鴻旗駐,龍庭翠輦回, 賜路車、乘馬、鼓吹、幡旗,贊拜不名,位在諸侯王上。帝親巡雲中,泝金河而東,北幸啓人 何如漢天子,空上 氈帳望風

單于臺。」帝賜啓人及主金甕各一,及衣服、被褥、錦綵,特勤以下各有差。

使人甚懼。啓人乃扈從入塞至定襄,詔令歸蕃。明年,朝於東都,禮賜益厚。是歲,疾終, 曰:「朕以啓人誠長奉國、「邑」故親至其所。明年當往涿郡。爾回日、語高麗主,宜早來朝。」 上爲廢朝三日。 先是,高麗私通使啓人所,啓人不敢隱境外之交,是日,持高麗使見。敕令牛弘宣旨謂

臣,受其可汗之號,使者往來,相望於道。 后置於定襄。薛舉、竇建德、王世充、劉武周、梁師都、李軌、高開道之徒,雖僭尊號,皆稱 朝貢遂絕。明年,復寇馬邑,唐公擊走之。隋末亂離,中國人歸之者無數,遂大强盛。 年,車駕避暑汾陽宮。八月,始畢率其種落入寇,圍帝於雁門。援兵方至,始畢引去。由是 其子吐吉立,自己是爲始畢可汗。表續尙公主,韶從其俗。十一年,來朝於東都。其 迎蕭

西突厥者,木杆可汗之子大邏便也。與沙鉢略有隙,因分爲二,漸以强盛。 東拒都斤,

臚寺。 月、八月、四辺聚祭神,歲使重臣向其先世所居之窟致祭焉。 卒,向氏又嫁其弟婆實特勤。 子,是爲泥利 諸胡國 至龜茲、四國鐵勒、伊吾及西域諸胡悉附之。 ·一居龜茲北,其地名應娑。 處羅 可汗居無恒處,終多在烏孫故地。復立二小可汗,分統所部,一在石國北,以制 可汗。 卒,子達漫立,號泥撅處羅可汗。 開皇末,婆實共向氏入朝,遇達頭之亂,遂留京師,每舍之鴻 官有俟發、閻洪達,以評議國事,自餘與東國同。 大邏便爲處邏侯所執,其國立鞅素特勤之 其母向氏,本中國人,生達漫 而 泥利 毎五

書慰 從之,遣使到此。 其輟策。 人,歸 裴矩在敦煌引致西域,聞其國亂,復知處羅思其母氏,因奏之。 百萬,入臣天子,甚有丹誠者, 每歲交兵,積十年而莫能 二大國,欲滅可汗耳。 諭 當大業初,處羅 在 之。 京 向 師 夫人 處羅 ,處于賓館,聞天子之韶,懼可汗之滅,旦夕守闕,哭甚悲哀,是以天子憐焉,爲 甚踞,受詔不肯起。 又匍匐謝罪,因請發使以召可汗,令入內屬,乞加恩禮,同於啓人。留刊天子 可汗若稱藩拜詔,國乃永安,而母得延壽,不然者,則向夫人爲誑天子,必 可汗撫御無道,其國多叛,與鐵勒屢相攻,大爲鐵勒所敗。時黃門侍郎 百官兆庶咸請許之,天子 相滅者、「民」明知啓人與處羅國其勢敵耳。今啓人舉其部落,兵且 何也? 但以 君肅謂處羅 切恨可汗而 弗違,師出 曰:「突厥本一國也,中分爲二,自相仇敵, 不能 有 獨制,故卑事天子以借漢兵,連 日矣。 煬帝遣司朝謁 顧可汗母向氏,本中國 者崔 君肅

惜 當取戮而傳首虜庭。發大隋之兵,資北蕃之衆,左提右挈,以擊可汗,死亡則無日矣!奈何 兩 ,拜之禮,剿慈母之命,吝一句稱臣,喪<u>匈奴之國也。」處羅聞之,瞿然而起,流涕再拜,</u>跪

爭寵,須深結於天子,自表至誠。旣以遠道,未得朝觀,宜立一功,以明臣節。」處羅曰:「如 天子之威,而與之絕。吐谷渾亦因憾漢,職貢不修。 何。」君肅曰:「吐谷渾者,啓人少子莫賀咄設之母家也。今天子又以義城公主妻於啓人,畏 可汗攻其外,破之必矣。然後自入朝,道路無阻,因見老母,不亦可乎。」處羅大喜,遂遣使 君肅又說處羅曰:「啓人內附,先帝嘉之,賞賜極厚,故致兵强國富。今可汗後附,與之 可汗若請誅之,天子必許。 漢擊其內,

勢分,兩從我矣。」「四己帝曰:「公言是也。」因遣裴矩,朝夕至館,微諷喻之。 恃强大耳。 使者、言處羅不順之意、稱射匱有好心、吾將立爲大可汗、令發兵誅處羅、然後當爲婚也。 君臨西面。 使者,辭以他故。帝大怒,無如之何。適會其酋長射匱遣使來求婚,裴矩奏曰:「處羅不朝, 帝將西狩,六年,遣侍御史韋節召處羅,令與車駕會於大斗拔谷。其國人不從,處羅謝 今聞其失職,附隸於處羅,故遣使來以結援。願厚禮其使,拜爲大可汗,則突厥 臣請以計弱之,分裂其國,卽易制也。射匱者,都六之子,達頭之孫,世爲可汗, 帝於仁風殿召其

千騎東走。 遂入朝,然每有怏怏之色。 氏親要左右,馳至玉門關晉昌城。 其箭,將留之,使者譎而得免。 取桃竹白羽箭一枚以賜射匱,因謂之曰:「此事宜速,使疾如箭也。」使者返,路經處羅。 在路又被劫掠,遁於高昌,東保時羅漫山。高昌王麴伯雅上狀,帝遣裴矩將向 射匱聞而大喜,興兵襲之,處羅大敗,「日式〕棄妻子,將左右數 矩遣向氏使詣處羅所,論朝廷弘養之義,丁寧曉喻之。

羅,懷抱豁然歡喜。處羅亦當豁然,不煩在意。」明年元會,處羅上壽曰:「自天以下,地以 若有兩箇、三箇日,萬物何以得安。比者,亦知處羅總攝事繁,不得早來相見。今日見處 弱萬餘口,令其弟達度闕設牧畜會寧郡。[編]處羅從征高麗,號爲曷薩那可汗,賞賜甚厚。 上,日月所照,唯有聖人可汗。今是大日,願聖人可汗千歲、萬歲,常如今日也。」詔留其嬴 今四海旣清,與一家無異,朕皆欲存養,使遂性靈。 譬如上天,止有一箇日照臨,莫不寧帖, 今參見遲晚,罪實極深。 臣心裏悚懼,不能盡道。」帝曰:「往者與突厥遞相侵擾,不得安居。 以七年冬,處羅朝於臨朔宮。帝享之,處羅稽首謝曰:「臣總西面諸蕃,不得早來朝拜,

未遑也。每從行幸。江都之亂,隨化及至河北。化及將敗,奔歸京師,爲北蕃突厥所害。 十年正月,以信義公主嫁焉,賜錦綵,袍千具、綵萬匹。帝將復其故地,以遼東之役,故

有僕骨、同羅、韋紇、拔也古、覆羅,並號俟斤,至三蒙陳、吐如紇、斯結、渾、斛薜等諸姓,勝兵 可二萬。 鐵勒之先,匈奴之苗裔也。 伊吾 以西,焉耆之北,傍白山,則有契弊、薄落職、乙咥、蘇婆、那曷、烏護、紇骨、也 種類最多,自西海之東,依山據谷,往往不絕。 獨洛河北,

許兵。 並 北,傍阿得水,則有訶咥、曷截、撥忽、比干、具海、曷比悉、何嵯蘇、拔也末、謁達等,有三萬 屈、阿蘭、北褥、九離、伏嗢昏等,近二萬人。北海南,則都波等。雖姓氏各別,總謂爲鐵勒。 咥、於尼護等, 無君長,分屬東西兩突厥。 得嶷海東西,〔三〕有蘇路羯、三素咽、篾促、薩忽等諸姓,八千餘。拂菻東,〔三〕則有恩 勝兵可二萬。金山西南,有薛延陁、咥勒兒、十檗、達契等,一萬餘兵。 居無恒所,隨水草流移。 人性凶忍,善於騎射,貪婪尤甚,以 康國

宼

抄爲生。

近西邊者,頗爲藝植,多牛而少馬。「層」

恐爲變,遂集其魁帥數百人,盡誅之。 肝始大。 爲易勿眞莫何可汗,居貪汗山,復立薛延陁內俟斤子也咥爲小可汗。 汗,鐵勒於是分散。 自 突厥有國,東西征討,皆資其用,以制北荒。 莫何 勇毅絕倫,甚得衆心,爲隣國所憚,伊吾、高昌、焉耆諸國悉附之。 大業元年,突厥處羅可汗擊鐵勒諸部,厚稅飲其物,又猜忌薛延陁等, 由是一時反叛,拒處羅。 開皇末,晉王廣北征,納啓人,破步迦可 遂立俟利發、俟斤契弊歌楞 處羅旣敗、至莫何可

列

其異也。|大|業三年,遺使貢方物,自是不絕云。 大抵與突厥同。唯丈夫婚畢,便就妻家,待產乳男女,然後歸舍,死者埋殯之:此

點憑陵。和親結約之謀,行師用兵之事,前史論之備矣,故不詳而究焉。 伸異態。「是以强弱相反。正朔所不及,冠帶所不加。唯利是視,不顧盟誓,至於莫相救護,驕 然事無恒規,權無定勢,親疏因其强弱,服叛在其盛衰,衰則欵蹇頓顙,盛則率兵寇掠。 屈 爲資,倏來忽往,雲飛鳥集。智謀之士,議和親於廟堂之上,折衝之臣,論奮擊於塞垣之下。 九、鮮卑焉,後魏及周,則蠕蠕、突厥。 此其酋豪相繼,互爲君長者也。 皆以畜牧爲業,侵抄 五帝之世,則有獯鬻焉,其在三代,則獫狁焉,逮乎兩漢,則匈奴焉,當塗、典午,則烏 論曰:四夷之爲中國患也,久矣,北狄尤甚焉。 種落實繁,迭雄邊塞,年代遐邈,非一時

從,行惡心終亡齊國。隋文遷鼎,厥徒孔熾,負其衆力,將蹈秦郊。內自相圖,遂以乖亂,達頭 數十萬,列處於代陰,〔長〕南向以臨周、齊。二國莫之能抗,爭請盟好,求結和親。乃與周合 可汗遠遁,啓人願保塞下。於是推亡固存,返其舊地,助討餘燼,部衆遂强,卒於仁壽,不侵 及蠕蠕衰微,突厥始大,至於木杆,遂雄朔野。東極東胡舊境,「吾」西盡烏孫之地,彎弓

盛。豪傑雖建名號,莫不請好息人。於是分置官司,總統中國,子女玉帛,相繼於道,使者 不叛。暨乎始畢,未虧臣禮。煬帝撫之非道,始有雁門之圍。俄屬羣盜並興,於此浸以雄

之車,往來結轍。自古蕃夷驕僭,未有若斯之甚也。

含容,同陰陽之化育,斯乃大道之行也,固無得而稱焉。 所未聞。 **蕩我太原,肆掠於涇陽,飲馬於渭汭。** 舉而滅。 及聖哲應期,掃除氛祲。暗於時變,猶懷抵拒,率其羣醜,屢隳亭鄣,殘敗我雲、代,搖 由此言之,雖天道有盛衰,亦人事之工拙也。 瀚海龍庭之地,盡爲九州;幽都窮髮之鄉,隸於編戶。 太宗文皇帝奇謀內運,神機密動,遂使百世不羈之 加以爲而弗恃,有而弗居,類天地之 實帝皇所不及,書契

校勘記

弟阿逸可汗立 隋書卷八四突厥傳無「阿」字。 按本傳下文又云伊利死,子科羅立,號乙息記

可汗。 逸可汗、乙息記可汗當是一人,而作「子」作「弟」不同

立其弟俟叔稱爲木杆可汗 按下文言木杆可汗名俟斤,此作「叔」、當誤。

(三) 俗號兜鍪爲突厥因以爲號 諸本「俗」訛作「借」,「鍪」下脫「爲1字,又誤重「突厥」二字。

列傳第八十七 校勘記書、通典卷一九七、通志卷二〇〇突厥傳改正。

맫 能徵占風雨 南、北、汲、殿四本及周書卷五〇、通典卷一九七、通志卷二〇〇「占」作「召」,百

衲本作「占」。按占謂占卜,今從百衲本。

广五山 大破之於懷荒北 諸本「荒」訛作「芒」,據周書卷五〇突厥傳及通志改。

CK〕又破叔子於沃野北賴山 周書「賴」上有「木」字。

フキノ 後與魏伐齊至幷州 按突厥與周軍聯合攻齊,在周武帝保定三年至四年,見本書卷一〇周武帝

}紀, 周書卷一九楊忠傅。 這裏「魏」當作「周」。 西魏無聯合突厥攻齊事。又下文復言楊忠與

突厥攻齊,與此重複。

大官有葉護次設次特勤 諸本脫「次設」二字,據周書、隋書、通典補。 又諸本「特勤」作「特勒」。

プルリ 無女則輸婦財折支體者輸馬 近人考証,「特勒」皆「特勤」之訛,今據改。 (通典、通志「財」作「損」、屬下讀、疑是。

秋冬死者候華茂 周書「華」下有「葉榮」二字。 按此與上文爲對句,當有二字。

[11] 嘗殺一人 諸本「嘗」作「常」、據隋書、通志改。

[11] 集他人水拜祭天神 通典、通志「水」上有「以」字。

[1] 敬鬼神信巫覡 諸本脫「覡」字,據隋書補。

[18] 收叔子已下三千人 諸本無「三」字、周書有。 按本書卷九八號縣傳作「三千餘人」。 此脱「三」

字,今據補

- 二吾 三年俟斤襲擊吐谷渾破之 按本書卷九六吐谷渾傳云:「恭帝三年,史寧又與突厥木杆可汗襲
- 擊夸呂,破之。」木杆即俟斤。此「三年」上當脫「魏恭帝」三字。
- 二古 於是韶隨公楊忠率衆一萬與突厥伐齊 諸本脫「與」字、據周書補。
- 二古 由比者使人妄道其强盛 諸本「比」訛作「此」,據周書改。
- 又以其弟褥但可汗爲步離可汗 隋書、通典、通志「褥但可汗」下有「子」字,疑此是誤脫。
- 二之 幷十誦律 諸本作「十人幷誦律」。 按十誦律是佛教戒律,今據隋書改。
- 他鉢復請和親帝策趙王招女爲千金公主以嫁之 按本書卷二二長孫晟傳云:「及突厥攝圖請
- 婚,周以趙王招女妻之。」與此作他鉢不同。
- 菴邏實貴 隋書「實」作「母」,是。 但通志及通鑑卷一七五五四四九頁亦作「實」,今不改。
- 居都斤山 又作「烏德鞬」。這裏無「於」字,當是省略。 按上文云:「可汗恒處於都斤山。」「於都斤」即唐書卷一九四突厥傳之「鬱督軍」,
- 呈 菴邏降居獨洛水稱第三可汗 通志同。 隨書、通典「三」作「二」**、當是**。
- 蘭州總管叱李[長叉守臨洮上柱國李]崇屯幽州 按隋書卷一高祖紀開皇二年六月云:「以叱李長叉為蘭州總管。」又李崇傳見隋書卷三七。 諸本無「長叉守臨洮、上柱國李」九字、隋書

列 审 第 八十七 校 勘 E

有

此因上下兩「李」字而脫,今據補。

諸本「虞」訛作「慮」、與上文重複,據隋書改。

至

齊氏

西虞

三台 時虜飢不能得 食 諸本脫「得」字,據隋書、通典補。

品 各遣 使詣 闕 諸本脫「使」字、據隋書補

会公 沙鉢 略因 西擊阿波破擒之 按下文又言處羅侯擒阿波、疑此有訛誤。

隋書同。

三艺 沙鉢 略大喜 諸本脫「沙」字,據隋書、通志補

沙鉢 略 日手殺鹿十八頭 諸本脫「略」字,據隋書、通志補。

處羅侯 竟立是 (為葉 護 隋書「葉護」下有「可汗」以雍虞閻爲葉護」九字。 按本書卷三二、隋書

可汗。」 卷五一 長孫晟傳云:「七年,攝圖死。 處羅侯先爲葉護,旣繼其兄爲可汗, 遣晟持節拜其弟處羅侯爲莫何可汗 其葉護之位,當即轉授雍虞闆。 以其子雍閭 疑隋書突厥傳是。 為葉護

莫何」「 葉護」不同, 當是各有省略,其全稱當不止四字。 長孫晟傳「葉護」下之一可汗」,當是

衍文。

宣 時沙鉢略子曰染干 按本書及隋書長孫晟傳、言染干是處羅侯之子、通典亦同。 這裏作沙鉢略

都藍因與突利可汗有隙。 諸本脫「與」字、據通志補。 隋書作「都藍與達頭可汗有隙」, 與此

不同,疑隋書是。

- 妻以宗女安義公主 諸本「安義」作「義安」、隨書、通典作「安義」。按本傳後文見「賜臣安義公
- 注」。本書及隋書長孫晟傳也作「安義」,今據乙。
- 至 上柱國燕榮出幽州以擊之 諸本無「上」字、隋書有。 按隋書卷七四燕榮傳, 榮於隋初已官上
- 呈 拜染干爲意利珍豆啓人可汗 隋書「人」作「民」、北史避唐諱改。

柱國,今據補。

- に記 尋遣其子侯利伐從磧東攻啓人 「俟」。按「俟利伐」是突厥官號、疑此作「侯」誤。 隋書「子」上有「弟」字、「侯」作「俟」。 通志無「弟」字、「侯」作
- CIC 大隋聖人莫緣可汗憐養 先帝莫緣可汗」,指楊堅,今據改。 諸本「莫緣」二字作「隨」一字,隨書作「莫緣」。 按下文稱「已前聖人
- 是 逢突厥阿勿思力俟斤等南渡 諸本「俟」訛作「侯」、據隋書、通志及下文改。
- 至尊今還如聖人先帝於天下四方坐也 諸本「今」訛作「令」,據隋書改。
- 〇二 賜物二千段 隋書作「二十萬段」。
- [四] 股以啓人誠長奉國 隋書、通志「長」作「心」,疑「長」誤。
- 其子吐吉立 隋書「吐吉」作「咄吉世」、通典及通鑑卷一八一五六四七頁作「咄吉」。按「世」當是

列傳第八十七 校勘記

省略、疑作「咄」是。

西至龜茲 隋書卷八四西突厥傳「西至」作「西越金山」、「龜茲」從下讀。

[四三] 每五月八月 隋書作「每五月八日」。

公公 積十年而莫能相滅者 隋書「十」上有「數」字。 按他鉢死,大選便與攝圖爭位,突厥分爲二部,

乞加恩禮 同於啓人 諸本脫「加」字及「禮同」二字、據隋書補。

、事在周末隋初,至大業初年,已二十餘歲。「十」上當有「數」字。

其

則突厥勢分兩從我矣 諸本脫「從我」二字,據隋書、通典、通志補。

[四] 興兵襲之處羅大敗 諸本脫「之」字,據通典、通志補。

金 令其弟達度闕設牧畜會寧郡 書卷三八、隋書卷六七裴矩傳作「闕達度設」。 隋書「達度闕設」作「達度關」。 通鑑卷一八一五六五八頁作「闕度設」。 通典、通志作「闕達設」。 疑當從裴 按本

知傳、「闕達」、「闕度」各有省略。

呈 拔也古覆羅並號俟斤 諸本脫 「羅」字,據隋書卷八四、 通典卷一九九、 通志卷二〇〇鉄勒

}傳補。

〔至〕得嶷海東西 通典、通志「得」作「傍」。

呈 拂菻東 諸本「秣東」倒作「東菻」,據隋書、通典、通志乙。 拂菻卽東羅馬。

至 復立薛延陁內俟斤子也咥爲小可汗處羅旣敗 隋書、通典、通志「子」作「字」。 又諸本脫「處羅」

二字、通典、通志有。隋書則作「處羅可汗」四字。今據通典補。

全公 屈伸異態 諸本「態」訛作「能」、據隨書卷八四史臣論改。

〔至〕東極東胡舊境 諸本脫「東胡」二字、據隋書補。

[云() 列處於代陰 諸本「列」訛作「別」,據隋書改。

(至立) 乃與周合從 諸本「乃」下行「日」字,據隋書删。

北史卷一百

列傳第八十八

序傳

其妻契和氏,攜子利貞逃隱伊侯之墟,食木子而得全,遂改理爲李氏。周時,裔孫曰乾,娶 族,爲理氏。歷夏、殷之季。其後理徵字德靈,爲翼隸中吳伯,曰以直道不容,得罪于尉。 于益壽氏女嬰敷。生子耳,字伯陽,爲柱下史。 李氏之先,出自帝顓頊高陽氏。當唐堯之時,高陽氏有才子曰庭堅,爲堯大理,以官命

信孫元曠,仕漢爲侍中。 文侯興富國之術焉。在趙者日曇,以功封柏人,武安君牧其後也。在秦者名興族,爲將軍。 生子伯祜,建功北狄,封南鄭公。伯祐生二子,平燕、內德。子信爲秦將,三虜燕太子丹。 子孫散居諸國,或在趙,或在秦。〔三在魏者爲段干大夫,段干木其後也。別孫悝,爲魏 元曠弟仲翔,位太尉。仲翔討叛羌於素昌,一名狄道。仲翔臨陣

第八十八 序傳

列傳

椒。 殞命, 郎、濟北、東筦二郡太守。 廣,仕漢,歷文、景、武三帝,位前將軍,立功沙漠。廣子當戶、椒、澉。 公生臨淮太守軌。軌字逸文,生積弩將軍隆。隆字業緒,生羅。 蜀郡太守先。 敢歷侍中、郎中令、關內侯。 [四] 生子禹,位至侍中。 葬狄道川,因家焉。 先生長宗。 雍生柔。 長宗生博士况。 史記李將軍傳所云其先自槐里徙居成紀,實始此也。 柔字德遠,晉舉秀才,爲相國從事中郎、北地太守。 况生孝廉本。 並事具史、漢。 本字上明,生巴郡太守次公。 雍字儁熙, 仕魏, 歷尚書 當戶子陵,戰歿匈奴。 禹生承公。承公生 仲翔會孫 次

初中, 卒,年五 年立功,啓中興之業,吾方賴卿,有同耿氏。」乃使名弇。 本名良,妻姓梁氏。 相國從事中郎,保政刑不修,卓率宗族奔于張寔,弇亦隨焉。 |柔生弇,[hu] 字季子,高亮果毅,有智局。||晉末大亂,與從兄卓居相國||晉王||保下。 追諡簡公。 十六、贈武衞將軍,建初中,追諡景公。子昶,字仲堅,幼有名譽,年十八而亡。 張駿謂|弇日:「卿名良,妻又姓|梁,令子孫何以目其舅氏? 昔|耿弇以弱 歷天水太守、衞將軍,封安西亭侯。 因仕于張氏,爲驍騎左監。 卓位 建 弇

學,性沈敏寬和,美器度,通涉經史,尤長文義。 凉 武昭王暠字玄盛,小字長生,簡公昶之子也。 及長,頗習武藝,誦孫、吳兵法。 遺腹而誕,祖母梁氏,親加撫育。 常與呂光 幼好

從之。 有騧黃馬生白額駒,此其時也。」及呂光之末,段業自稱凉州牧,以昭王爲効穀令。 太史令郭磨及其同母弟宋繇同宿。 軍馮翊郭謙、沙州中從事敦煌索仙等以昭王溫毅有惠政,推爲寧朔將軍、敦煌太守。 初難之。 尋進號冠軍將軍,稱藩于業。業曆稱涼王,

(2) 其右衞將軍索嗣搆昭王于業,乃以嗣 會宋繇仕於業,告歸,言於昭王曰:「兄忘郭麘言邪。白額駒今已生矣」」昭王乃 磨起謂繇曰:「君當位極人臣,李君必有國土之分。家 而敦煌

関武 間。 銘 歲,乃自敦煌徙都酒泉。又以表未報,復遣沙門法泉間行通表建鄴。于時百姓樂業,請勒 事中郎,備置僚案。廣闢土字,屯玉門、陽關,大田積穀,爲東討之資。立靖恭堂以議朝政, 尉,依竇融故事。昭王乃赦境內,建元號庚子,追崇祖考,大開霸府,置左右長史、司馬、從 爲敦煌太守,率騎而西,昭王命師擊走之。 文武羣公僚佐,亦皆圖讚所志。五年,改元爲建初。遣舍人黃始、梁興間行歸表於晉。是 酒泉,乃使 事焉。 羣下以爲 於是晉昌太守唐瑤移檄六郡,推昭王爲大都督、大將軍、涼公,領秦涼二州牧、護羌校 昭王從之。 圖讚自古聖帝、明王、忠臣、孝子、烈士、貞女,親爲序頌,以明鑒誡之義。當時 儒林祭酒劉彥明爲文,刻石頌德。又有白狼、白兔、白雀、白雉、白鳩等集于園 白祥,金精所誕,皆應時邕而至,又有神光、甘露、連理、嘉禾衆瑞,請史官記 上巳日,讌于曲水,命羣僚賦詩,昭王親爲之序。 於是寫諸葛亮訓誡以

列

譚早卒

武 勗諸子焉。 昭王 廟號高祖,[+] 陵號建世。 昭王以緯世之量,爲羣雄所奉,兵無血刃,遂啓霸業,乃修敦煌舊塞。 武昭王十子,譚、歆、讓、愔、恂、翻、豫、宏、眺、亮。 世子

牧、護羌校尉,大赦境內,改元爲嘉興。尊母尹氏爲太后。在位四年,爲沮渠蒙遜所敗,國 武昭王以魏道武皇帝天興二年立,後主以明元皇帝秦常五年而亡,據河右凡二世,二 後主諱歆,字士業,武昭王第二子也。武昭王薨,府僚奉爲都督、大將軍、涼公,領涼州

也。

有雄 太守、云新鄉侯,贈驃騎大將軍,諡日穆。讓弟悟,字士正,位晉昌、敦煌太守。 十一年。世子重耳奔于江左,遂仕于宋。後歸魏,位恒農太守,卽皇室七廟之始 |土讚,位前將軍、中華令。 |宏弟眺,字||土遠,位左將軍。 |眺弟亮,字||上融,位右將軍。 士如,有幹略,位酒泉、敦煌太守,遇家國之難而終。恂弟翻,字士舉,小字武疆,英雄秀出, 略,位車騎將軍,祈連、酒泉、晉昌郡太守。 後主弟讓,字士遜,雅量凝重,善於謀略,位寧朔將軍,領西羌校尉、輔國將軍、晉敦煌 翻弟豫,字士寧,位西海太守。 豫弟宏,字 悟弟恂,字

蒙遜囚于姑臧。歲餘,與舅唐契北奔伊吾,至臣於蠕蠕。 實字懷素,小字術孫,晉昌太守翻之子也。 沈雅有度量,驍勇善撫接。 其遺衆之歸附者,稍至二千,實 遇家難,爲沮渠

懷達散騎常侍、敦煌太守,別遣使授寶使持節、侍中、都督西垂諸軍事、鎭西大將軍、開府儀 文思鎭懷荒、江江改授鎭北將軍。 因入朝,遂留京師,拜外都大官。 傾身禮接,甚得其心,衆皆爲之用,每希報雪。 同三司、領護西戎校尉、沙州牧、敦煌公,仍鎭敦煌、[10]四品已下,聽承制假授。 寶自伊吾南歸敦煌,遂修繕城府,規復先業,遣弟懷達,奉表 太安五年薨,年五十三,詔賜命服一襲,贈以本官,諡曰 轉鎭南將軍、幷州刺史,還除內都大官。 屬太武遣將討沮渠無諱於敦煌,無諱捐城 公歸誠。 太武嘉其忠欵,拜 文成初,代司馬 眞君五

以孝聞。 贈使持節、大將軍、口三雍州刺史、諡曰穆。 文成末,以散侯出爲龍驤將軍、滎陽太守,爲政嚴明,甚著聲稱。 是遂決。 承字伯業,少有謀略。初,實欲歸欵,僚庶多有異議。 承應傳先封,以自有爵,乃以本封讓弟茂,時論多之。 寶仍令承隨表入賀。[三]太武深相器異,禮遇甚優,賜爵姑臧侯。 承時年十三,勸寶速定大計,於 承方裕有鑒裁,爲時所重 延興五年卒,時年四十五, 後遭父憂,居喪

宣。有六子,承、茂、輔、佐、公業、沖。公業早卒。

延興中,補中書學生,襲爵姑臧侯,除儀曹令。時修改車服及羽儀制度,皆令韶典焉。遷給 長子配,字元伯,學涉有器量,與弟彥、虔、蕤並孝文賜名焉。 韶雅爲季父沖所知重 時隴右新經師旅,百姓多不安業,韶善撫納,甚得夷夏之心。 軍、西道都督,行秦州事,與右衞將軍元麗,率衆討之。事平,卽眞,璽書勞勉,復其先爵。 逆,CIED免除官爵。 久之,兼將作大匠,敕參定朝儀律令。CIED及呂荷兒反於秦州,除撫軍將 帝自鄴還洛,韶朝於路,帝言及庶人恂事曰:「卿若不出東宮,或未至此也。」 宣武初,徵拜侍中,領七兵尚書,除撫軍將軍,幷州刺史。以從弟伯尙同咸陽王禧之

M,還經 部墓,相率培冢,數日方還,其遺愛如此。

永安中,以剋定秦、隴功,追封安城縣開 散騎常侍、車騎大將軍、司空公、雍州刺史、諡曰文恭。旣葬之後,有冀州兵千餘人,戍於荆 旨不許。轉定州刺史,常侍如故。及赴中山,冀州父老皆送出西境,相聚而泣。二州境旣 侍,出爲冀州刺史。清簡愛人,甚收名譽,政績之美,聲冠當時。 明帝嘉之,就加散騎常侍, 連接,百姓素聞其德,州內大安。正光五年,卒於官,年七十二。詔贈帛七百匹,贈使持節 遷車騎將軍,賜劍珮、貂蟬各一具,驊騮馬一匹,幷衣服寢具。|韶以年及懸車,抗表遜位,優 孝明初,自相州刺史入爲殿中尚書,行雍州事。後除中軍大將軍、吏部尚書,加散騎常

徐州 於圜 襲封安城縣伯,又除司徒右長史,仍兼尚書。及遷都於鄴,留興於後,監掌府藏,及撤運宮 後汝南王悅爲司州牧,悅性質疏冗,情識不倫,朝廷以興器望兼美,閑於政事,擢爲悅府長 事即絕朝請。 廟材木,以明幹見稱。加征南將軍、金紫光祿大夫,尋兼給事黃門侍郎,監典書事。出爲東 史,兼知州務。甚得毗贊之方,因除同州別駕。 丘行禮。 、刺史,爲政淸靜,人吏懷之。解州還,以老疾,不求仕進。 齊受禪,追與兼前將軍,導從 長子璵,字道璠,溫雅有識量。魏永平二年,釋褐太尉府行參軍,累遷尚書倉部郎中。 文宣亦曾命興預華林宴、顧訪舊事、甚重之。天保四年卒、年七十二。 又攝護軍,陪神武神主入太廟。璵意不願策名兩朝,雖以宿德耆舊被徵,過 遷光祿少卿。永安初,以本官兼度支尚書,

子詮,字世良,任城郡守,贈涇州刺史。

子伯卿,太師府參軍事。

善,從駕晉陽,寓居僧寺,朝士謂之康寺三少,爲物論推許若此。隋煬帝居蕃,奏爲王府記 便自敎屬文,有名於世。 伯卿子師上,聰敏好學,雅有詞致。外祖魏收無子,惟有一女,生師上,甚愛重之,童齓 後與范陽盧公順俱爲符璽郎,待詔文林館。 與博陵崔君洽同志友

列傳

室,終於揚州。

詮弟謐,字世安,位高陽郡守、司農卿、安州刺史。 證子千學,齊武平中尚神武女浮陽

長公主,拜駙馬都尉、南靑州刺史。

誦弟世韞,太子舍人、殿中郎。

脚子孫繁行,行人號其宅爲<u>李東徐村。[1+]</u>

文, 蓮所製也。 莊帝初, 於河陰遇害, 年三十九, 贈冠軍將軍、齊州刺史。 王、盧卽瑾之外兄。臨淮王彧謂瑾等三儁,共掌帝儀,可謂舅甥之國。及明帝崩,上諡策 參軍事。轉著作郎,稍遷通直散騎侍郎,與給事黃門侍郎王遵業、尚書郎盧觀典修儀注。 興弟瑾,字道瑜。 美容貌,有才學,特爲韶所鍾愛。 淸河王懌甚知賞之。 懌爲司徒,辟

少吏部上士。隋開皇中,卒於荆州總管司馬。 足爲李公家孫。」位北豫州司馬。子仲膺,字公祀。以學行稱,位太子洗馬。仕周,爲東京 子產之,字孫僑。容貌短陋,而撫訓諸弟,愛友篤至。其舅盧道將稱之曰:「此兒風調,

人稱之。遷尚書考功郎中,遇文宣昏縱,見害,時人冤之。 產之弟蒨之,字曼容,清通好文學。齊天保初,歷太子洗馬,行陽翟郡守,爲政淸靜,吏

椿之弟壽之,位梁州中從事,性貞介,不負於人。

壽之弟禮之,位司徒騎兵參軍。 與妻鄭氏相重,妻先亡,遺言終不獨死。 未幾,禮之脚

上發腫,夢妻云,煑小麥漬之卽差,如其言,反創而卒。

夜,何是何非。」言終而絕。 二子,夷、道。 蓋生者物之用,死者人之終,有何憂喜於其間哉!乃爲銘曰:人生若寄,視死如歸。 行之曰:「居常待終,士之道也。貧旣愈富,何知死不如生。」一皆抑絕。 夷,事忘可否。 衡稱逸人,潘、楊有世親,形骸預冠蓋,心思出囂塵。」 時人以爲實錄。 太守,稱疾不行,卒。行之風素夷坦,爲士友所稱。其舅子盧思道深所愛好,常贈詩云:「水 之,州人號曰李御史。仕周,爲冬官府司寺下大夫。 居喪盡禮,與兄弟深相友愛。仕齊,歷位都水使者、齊郡太守,帶靑州長史。 口授墓誌以紀其志曰:「隴西李行之,以某年某月終於某所。 禮之弟行之,字義通,小字師子。簡靜,善守門業,多識前言往行,而不以文學自名。 雖碩德高風,有傾先構,而立身行己,無愧夙心。 隋開皇初,封固始縣男,除唐州下溠 年將六紀,官歷四朝, 以爲氣變則生,生化曰死, 及疾,內外多爲求醫, 臨終,命家 任城王敬憚 人薄葬, 茫茫大 道協希

|擬之明本草藥性,恒以服餌自持,雖年將耄及,而志力不衰。 篤好古文,精心典禮,以之終 行之弟凝之,字惠堅。光州中從事,非其所好,僶俛而就,秩滿,徑還冀州棗强野舍。

老,未嘗懈倦。隋仁壽中卒。

李榮來弔之,歎曰:「此家風範,海內所稱,今始見之,眞吾師也。」欲與連類,卽日自名勞 出。」時以爲實錄。諸婦相親,皆如姊妹。 產之兄弟,並有器望。邢子才爲禮之墓誌云:「食有奇味,相待乃飡,衣無常主,易之而 **蒨之死,諸弟不避當時凶暴,行喪極哀。趙郡**

谨弟瓚,字道璋。[15] 少有風尙,辟司徒參軍事。卒,贈漢陽郡太守。子脩年,開府參

軍,早亡。

之。二公

刺史,自司遷平東將軍,徐州刺史。延昌二年夏,大霖雨,川瀆皆溢。 州大中正。出行揚州事,尋徵拜河南尹,還至汝陰,復敕行徐州事。 長史。轉靑州廣陵王羽長史,帶齊郡太守。徵爲龍驤將軍、司徒右長史,轉左長史、[三] 秦 職。 元士。尋行主客曹事,徙郊廟下大夫。〔三〕時朝儀典章,咸未周備,〔三〕彦留心考定,號爲稱 及六軍次於淮南,徵爲廣陵王羽長史,加恢武將軍、西翼副將。軍還,除冀州趙郡王幹 孝文南伐,彥諫曰:「臣以爲蕞爾江、閩,未足親勞鑾駕。」頻表雖不見納,而以至誠見 韶弟彦,宇次仲,有學業。孝文初,舉秀才,除中書博士,轉諫議大夫。後因考課,降爲 尋徵拜平北將軍、平州 彦相水陸形勢,隨便疏

尙書。 通,得無淹漬之害。 刑政甚嚴。 出爲撫軍將軍、秦州刺史。時破六韓拔陵等反於北鎮,二夏、豳、凉,所在蜂起,而彥 正光五年六月,城人薜珍、劉慶、杜超等因四方離叛,突入州門害彥,推其黨奠 朝廷嘉之,頻詔勞勉。入爲河南尹,遷金紫光祿大夫、光祿勳,轉度支

折大提爲帥。 永安中,追贈侍中、驃騎大將軍、司徒公、雍州刺史,諡曰孝貞

定秦、隴。以功除中散大夫。痛父非命,終身不食酒肉。妹夫盧元明嗟重之。 受。寶夤遂與万俟醜奴同反,大行臺尒朱天光討之,請德廣爲從事中郎。天光用其計,遂 郎,募衆而征,戰捷,乃手刃仇人,啖其肝肺。覺寶夤有異志,挺身歸闕,朝廷加爵,辭而不 變弟爽,字德明。弟充,字德廣。自己弱冠,太學博士。大將軍蕭寶夤西計,德廣爲行臺 子變,字德諧,少有風望,位司徒主簿。卒,贈太常少卿。子士萬,有雅望,位高都太守。

子士英,有文才,王遵業以女妻之。

林宗所謂牆高基下,雖得必喪,此之徒也。」竟如其言。尚書袁叔德來候僧伽,先減僕從,然 其見重如此。僧伽弟法藏,內清介,位員外郎。 後入門,曰:「見此賢,令吾羞對軒冕。」及卒,叔德爲懷舊詩曰:「平生寡俗累,終身無世言。」 次僧伽,修整篤業,不應辟命。時鄭子默有名於世,僧伽曰:「行不適道,文勝其質,郭

列傳第八十八 序傳

德廣弟德顯,位散騎侍郎,贈東秦州刺史。

德顯弟德明,敦重有器局,位高陽太守,贈光祿少卿、光州刺史。

莊初,授特進、車騎大將軍、儀同三司、散騎常侍,又進號驃騎大將軍、開府儀同三司。永安三 史。追論平冀州之功,賜爵高平男。還京,除河南邑中正,遷領軍將軍、金紫光祿大夫。孝 將軍、燕州刺史,還爲光祿大夫,加平西將軍,兼大司農,出爲散騎常侍、安東將軍、兗州刺 年薨,年七十四,贈侍中、驃騎大將軍、太尉公、都督冀定瀛三州諸軍事、冀州刺史,諡宣景。 事平,轉長樂太守。延昌初,冀州大乘賊起,令虔以本官爲別將,與都督元遙討平之。遷後 右曰:「李虔在冀州日久,恩信著物,今拔難而來,衆情自解矣。」乃授虔別將,令軍前慰勞。 宣武初,遷太尉從事中郎,出爲淸河太守。屬京兆王愉反,虔棄郡奔闕。宣武聞虔至,謂左 長子喚,字仁明,位尚書左外兵郎。莊帝初,於河陰遇害,年四十,贈度支尚書、安東將 彦弟虔,字叔恭。太和初,爲中書學生,遷秘書中散,轉冀州驃騎府長史、太子中舍人。

軍、靑州刺史。子裒,章武郡守。哀弟奭,汲郡守。並以幹局見知。

常侍、左將軍、兗州刺史。 喚弟仁曜,位員外散騎侍郎、太尉錄事參軍。 與兄喚同於河陰遇害,年三十八,贈散騎 子撝,字道熾,學尙有風儀。、魏武定中,司空長流參軍。齊天保

末,爲尚書郎,終於光州司馬。

仁曜弟皓,字仁昭,位散騎侍郎。 亦遇害河陰,贈征虜將軍、涼州刺史。 子士元、士操,

武定中,並儀同開府參軍事。

皓弟曉,事列于後。

博士。 前將軍、齊州刺史,義邕贈安東將軍、靑州刺史。 諺次弟義順,司空屬。 誅,義邕預其事,由是並及禍。節閔初,諺贈侍中、驃騎將軍、吏部尚書、冀州刺史,義眞贈 **介朱仲遠所害。** 州刺史,加散騎常侍。節閔時,與第三弟通直散騎常侍義眞、第七弟太常少卿義邕同爲 子諺,字義興。有幹局,起家太學博士,領殿中侍御史,稍遷東郡太守。 莊帝初,並於河陰遇害,贈散騎常侍、征東將軍、雍州刺史。 義邕,莊帝居藩之日,以外親,甚見親昵。及卽位,特蒙信任。 卒,贈龍驤將軍、豫州刺史。 第四弟義遠,國子 莊帝初,濟、廣 **介朱榮之**

州 懼 刺 於盈滿,以疾求遜位。 史,將軍 承弟茂,字仲宗。 如 故。 。入爲光祿大夫,歷西兗州刺史,宣三例降爲侯。茂性謙愼,以弟沖寵盛, 文成末,襲父爵鎭西將軍、敦煌公。孝文初,除長安鎭都將,轉西汾 孝文不奪其志,聽食大夫祿,還私第。 因居中山,自是優遊里舍,

列

不入京師。卒年七十一,諡曰恭侯。

孝莊南度河,於河陰遇亂兵所害。事寧,追贈散騎常侍、車騎大將軍、尚書右僕射、秦州刺 子靜,字紹安,襲,位東平原太守。卒,子遐,字智遠,襲。遐有几案才,位河內太守。從

史,封盧鄉伯。

静弟字,字仲安。恭愼篤厚,歷汝南、中山二郡太守。 孝莊初, 以外親超授撫軍將

軍、江民立金紫光祿大夫,出爲鎭東將軍、滄州刺史,加散騎常侍。

字弟季安,Cl+3粗涉書史,位北海王顯撫軍長史。 顯爲關西都督,復引爲長史,委以戎

政。 卒於軍,贈征虜將軍、凉州刺史。

其女爲妃,除鎭遠將軍、潁川太守,帶長社戍。輔綏懷招集,甚得邊和。卒於郡,贈征虜將 茂弟輔,字叔直。有器望,解褐中書博士,遷司徒議曹掾。太和中,孝文爲咸陽王禧納

軍、秦州刺史、諡曰襄武侯。曰云

郎 ,敕撰太和起居注。 長子伯尙,少有重名,弱冠除祕書郎。孝文每云:「此李氏之千里駒。」稍遷通直散騎侍 宣武初,兼給事黃門侍郎,坐與咸陽王禧謀反誅。

伯尚弟仲尚,儀貌甚美,少以文學知名。年二十,著前漢功臣序讚,及季父司空沖誄。

高 |聰、邢巒見而歎曰:「後生可畏,非虛言也。」起家京兆王愉府參軍。 坐兄事,賜死

凱 積 給事黃門侍郎 通 年。 知,於是見害。 仲尚弟季凱、沈敏有識量。 後 歷位幷州安北府長史。 ,封博平縣侯,加散騎常侍、祕書監、中軍將軍。後氽朱世隆以榮之死,謂季 孝武 、初,追贈侍中、驃騎將軍、吏部尚書、定州刺 坐兄事,與母弟俱徙邊,久之, 孝明崩, 會赦免。 史。 及莊帝踐祚,徵 遂寓居晉陽,沈廢

季凱弟延慶,位陳留太守、

、金紫光祿大夫。延慶弟延度,衞將軍、安德太守。

封涇陽 敵强 拜安遠將軍,**四**亞敕與 眞 定 故 縣 |輔弟佐,字季翼,有文武才幹。 縣子。 子。 班 師,佐逆戰,爲賊所敗,坐徙瀛州。 遷懷州 沔北旣平,以佐爲 :「沔北, 洛陽南門, 刺史,進爵山陽侯, 征南將軍城陽王鸞、安南將軍盧陽烏等攻赭陽,各不相節度。 廣陽王嘉鎭南府 孝文初,兼散騎常侍使高麗,以稱旨,還拜常山太守、 加安南將軍、河內公,轉相州刺史,所在有稱績。 車駕 、朕善守。」 長史,加輔 征宛、鄧,復起佐,假平遠將軍、統軍,以 孝文崩,遺敕 國將軍,別鎭新野。 以佐行荆州事。 及大軍 諸軍 佐在 凱 功 以

十一,贈秦州刺史,

諡

日

莊。

州

一威信

大行,邊人悅附,前後

歸者二萬許家。

尋正刺史。

宣武

刘初,徵

樂都官尚書。

卿勉為

旋,孝文執佐

手日

子 遵 襲。 遵豪爽有父風,卒於司空司馬,贈洛州刺史。子果襲,位司空諮議參軍,坐通

西魏見殺。

遵弟 東,字休賢。郡辟功曹,以父憂去職,遂終身不食酒肉,因屛居鄕里。司空、任城王

神儁 卿 勠 澄嘉其操尚,以爲參軍事,累遷濟州刺史。卒,贈殿中尚書、相州刺史。 除 一樂 骸,神儁令收葬之。 追 乃故墜馬傷足,仍停汲郡,至三有詔追還。 論 驃 有 力固守。 荆州刺史。 騎 所 神儁風韻秀舉,博學多聞,朝廷舊章及人倫氏族,多所諳記。 遂 固守荆州 |東弟挺,字神儁,小名提。少以才學知名,爲太常劉芳所賞。歷位中書侍郎、太常少 大 逃 用 八將軍 人 人,神儁不從。 間 詔遣都督崔暹、別將王羆、裴衍等赴援,CIIOD敬宗退走。 時寇賊之後,城外有露 功,封 、華州刺史、5三入爲侍中,薨。 時梁將曹敬宗來寇,攻圍積時,又引水灌城,城不沒者數板,神儁循撫兵人, 孝武 徵拜大司農。 千乘 初,歸闕,拜散騎常侍、驃騎大將軍、左光祿大夫、儀同三司。 縣侯,轉中書監、吏部尚書。 見怒,懼,啓求解官,除右光祿大夫。 孝明末,除鎭軍將軍,行相州事,時萬榮南逼,神儁 莊帝即位,以神儁人望,拜散騎常侍、殿中尚書, 年六十四,贈尚書左僕射、司徒公、確 神儁意 尚風流,情在推引人物, 尋屬介朱兆入京,乘輿 **篤學好文雅**,老而不輟。 孝靜 州 幽執 憂懼, 刺

盧? 舅爲 惆悵不已。 馬倒,曰:「丁掾誤我。」其不拘若此。 妹,神儁之從甥也。 持檢度,至於少年之徒,皆與褻狎。 凡所交遊,皆一時名士,汲引後生,爲其光價,四方才子,咸宗附之。 常云:「彼若遣李神儁來聘,我當令劉孝綽往。」其見重如此。 |神儁曰:「爲逐丞相東走?爲共帝女南徂。]|沙苑之敗,神儁策眇馬而走,曰:「丁掾力。」 人物宗主。」在洛京時,琅邪王誦亦美神儁,故名其子曰儁,庶其似之。 時人以神儁爲鳳德之衰。 盧元明亦將 爲婚。 旣不能方重,識者以此爲譏。 北遷鄴,於路見狗,溫子昇戲曰「爲是宋鵲。爲是韓 **遂至紛競,二家鬩於嚴祖之門。** 頸多鼠乳。 喪二妻,又欲娶鄭嚴祖 榮陽鄭伯猷常云:「從 鄭卒歸元明, 梁武帝雅重 而性通率,不 神儁 其

之。 韶 方爲門戶所寄。 中。 獨 清簡 孝文初,以例遷秘書中散,典禁中文字。以修敕敏慧,漸見寵待,遷內秘書令,南部給 沖字思順,承少弟也,本名思沖,孝文改焉。 一般然,無所求取,時人美焉。 沖雅有大量,隨兄至|滎陽,時牧守子弟多侵亂人庶,輕有乞奪,沖與承長子 獻文末,爲中書學生,沖善交遊,不妄戲雜 少孤,爲承訓養。 承常言,此兒器重非恒, 流 輩重

舊 無三 列 傅 長,唯立宗主主督護,〔三〕所以多隱冒,五十、三十家方爲一戶。〔三〕沖以三正所 第 八 + 八 序 傳 三三二九

異、气量、然惟以變法爲難,更無異議,遂立三長,公私便之。 由 曰:「立三長則課有常準,賦有常分,包蔭之戶可出,僥倖之人可止,何爲不可。」詞議雖有乖 來遠,於是創三長之制上之。 文明太后覽而稱善,引見公卿議之,羣臣多有不同。太后

涼州 避,沖毎慰撫之。 從甥陰始孫貧,來沖家,至如子姪。有人求官,因其納馬於沖,始孫輙受而不言。後假方 垂念羇寒,衰舊淪屈由之躋敍者,亦以多矣,時以此稱之。初,沖兄佐與河南太守冰崇同自 家素清貧,於是室富。而謙以自牧,積而能散,近自姻族,逮於鄉閭,莫不分及。虛己接物, 幸,恩寵日盛,賞賜月必數千萬,進爵隴西公,密致珍寶服御以充其第,外人莫得而幸,恩寵日盛,賞賜月必數千萬,進爵隴西公,密致珍寶服御以充其第,外人莫得而 便、借沖。 入國,素有微嫌,佐因構成崇罪,餓死獄中。 遷中書令,加散騎常侍,給事中如故。尋轉南部尙書,賜爵順陽侯。沖爲文明太后所 其處要自厲,不念愛惡,皆此類 此馬主見沖乘馬而不得官,後自陳首始末。 護後 坐贓罪,懼必不濟,沖具奏與護本末嫌隙,乞原恕之,遂得不坐。 也。 後崇子護爲南部郎,深慮爲沖陷,常求退 沖開大驚,執始孫,以狀欵奏,始孫 知。沖 沖

見 知 待 無不盡,出入憂勤,形於顏色,雖舊臣戚輔,莫能逮之,俱服其明斷愼密而歸心焉。 時循 接 有 加。 舊,王公重臣皆呼名,孝文帝謂沖爲中書而不名之。文明太后崩後,孝文居喪,引 及議律令,潤飾辭旨,刊定輕重,孝文雖自下筆,無不使訪焉。 沖竭 忠奉上,

置百司、「是」開建五等,以沖參定典式,封滎陽侯,拜廷尉卿,遷侍中、吏部尚書、咸陽王師。 東宮建、拜太子少傅。孝文初依周禮置夫嬪之列,以沖女爲夫人。及營明堂、韶沖領將作 天下翕然。及殊方聽望,咸宗奇之。孝文亦深相仗信,親敬彌甚,君臣之間,情義莫二。及

大匠,與司空、長樂公亮共監興繕。

京,至司周公啓之於前,陛下行之於後,固其宜也。請上安聖躬,下慰人望,光宅中原,輟彼 進、請曰:「發都淫雨、士馬困弊、矜喪反旆、於義爲允。」孝文曰:「已至於此,何容停駕」」沖 南伐。此臣等之願,亦蒼生幸甚。」羣臣咸唱萬歲。孝文初謀南遷,恐衆心戀舊,乃示爲大 俗,成大功者不謀於衆。〔非常之人,乃能〕非常之事。〔言〕廓神都以延王業,都中土以制帝 定王休等相率如右。前南安王楨進曰:「愚者闇於成事,智者見於未行,見至德者不議於 光宅土中,幾亦時矣,王公等以爲何如?議之所決,不得旋踵,欲遷者左,不欲遷者右。」安 泣諫,

孝文乃喻羣臣曰:「今者興動不小,勤而無成,何以示後。若不南鑾,即當移都於此。 疑大計,斧鉞有常,卿勿復言!策馬將出。大司馬安定王休、兼左僕射任城王澄等並殷勤 |文戎服執鞭,御馬而出,羣臣稽顙於馬首之前。|孝文曰:「今大軍將邁, 公等更欲何云。] |沖 又進日:「今者之舉,天下所不願,敢以死請。」孝文大怒曰:「方欲經營宇宙,而卿等儒生,屢 車駕南伐,加沖輔國大將軍,統衆翼從。自發都至洛陽,霖雨不霽,仍詔六軍發軫,孝

列

定都洛陽。

舉,因以脅定羣情,外名南伐,其實遷也。舊人懷土,多所不願,內憚南征,無敢言者,於是

髮斑白,姿貌甚美,未有衰狀。 厭也。然顯貴門族,榮益六姻,兄弟子姪,皆有官爵,一家歲祿,萬匹有餘。年纔四十,而鬢 寢,皆資於沖。 兼左僕射,留守洛陽,遷尚書左僕射,仍領少傅,改封淸泉縣侯。如己及太子恂廢,沖罷少傅。 之言,便終無征理。」沖機敏有巧思,北京明堂、圓丘、太廟,及洛都初基,安處郊兆,新起宮 雖吉,猶恐人事未備。京師始遷,衆業未定,加之征戰,以爲未可。」帝曰:「僕射之言,非爲 必剋。此旣家國大事,宜其君臣各盡所見。」沖曰:「征戰之法,先之人事,然後卜筮。 未賓之竪,兼兇蠻密邇,朕取南之計決矣,所行之謀必定。 頃來陰陽卜術之士咸勸,朕今征 孝文引見公卿於淸徽堂曰:「今徙極中天,創居嵩、洛,雖大構未成,要自條紀略舉。 尋以沖爲鎭南將軍,侍中、少傅如故。 委以營構之任,改封陽平郡侯。 然咫尺寇戎,無以自安,理須如此。 動志强力,孜孜無怠,且理文簿,兼營匠制,[80]几案盈積,剞劂在前,初不勞 若待人事備,復非天時,將若之何?如僕射 車駕南征,以沖 但南有 ト筮

焉,每言之於孝文,公私共相援益。 及彪爲中尉、尚書,爲孝文知待,便謂非復藉沖,更相輕 李彪之入京也,孤微寡援而自立不羣,以沖好士,傾心宗附。 沖亦重其器學,禮而納

荒悸,言語亂錯,猶扼腕叫詈,稱<u>李</u>彪小人。醫藥所不能療,或謂肝藏傷裂,旬餘日卒。時 瞋目大呼,投折几案,盡收御史,皆泥首面縛,大駡辱詈。|冲素性溫柔,而一朝暴恚,遂發病 覽其表,嗟嘆久之。旣而曰:「道固可謂隘也,僕射亦爲滿矣」」沖時震怒,數責彪前後愆悖, 以彪倨傲無禮,遂禁止之,奏其罪狀。 背,唯公坐歛袂而已,無復宗敬之意。 年四十九。 沖手自作表,家人不知,辭甚激切,因以自劾。 沖頗銜之。後孝文南征,沖與吏部尚書、任城王澄並

蠟二百斤。有司奏諡曰文穆。葬於覆舟山,近杜預冢,孝文之意也。後車駕自鄴還洛,路 沒之故,言及流淚,其相痛惜如此。 謂國之賢也,朝之望也。」於是贈司空公,給東園秘器一具、衣一襲,贈錢三十萬、布五百匹、 有此患,朕甚愴懷。」及聞沖卒,爲舉哀於縣瓠,發聲悲泣,不能自勝。詔書褒述其美曰:「可 經濟墓,左右以聞。孝文臥疾,望墳掩涕久之,遣太常致祭。及與留京百官相見,皆敍沖亡 孝文始聞沖病狀,謂右衞宋弁曰:「僕射執我樞衡,總釐朝務,使我無後顧之憂,一朝忽

徙封濮陽郡公,改授太傅。尋轉司徒公,出爲使持節、侍中、太傅、錄尚書事、東道大行臺、 之尊,超授侍中、太保,封濮陽郡王。延寔以太保犯祖諱,又以王爵非庶姓所宜,抗表固辭, 子延寔,字禧,性溫良,少爲太子舍人。宣武初,襲父爵淸泉縣侯。莊帝卽位,以母舅

贈使持節、侍中、太師、太尉公、錄尚書事、都督、雍州刺史,諡曰孝懿。 都督、靑州刺史。 孝武帝初,反葬洛陽,

禮成、最知名。 仁、義、禮、智、信爲名。第四子義雄,有識悟,勤學,手不釋書。仕齊,位瑯邪郡守。養雄弟 初,陷法見害。尋詔復本爵。子道端襲。彧七子,並彭城王勰女豐亭公主所生,以道、德、 大將軍、開府儀同三司、廣州刺史。感性豪俠、分朱榮之死也,武毅之士,皆彧所進。 長子彧,字子文,尚莊帝姊豐亭公主,封東平郡公,位侍中、左光祿大夫、中書監、驃騎

伐齊之役,從帝圍晉陽,齊將席毗羅精兵拒帝,禮成力戰擊退之。加開府,進封冠軍縣公, 侯,拜遷州刺史。 馬、員外散騎常侍。周受禪,拜平東將軍、散騎常侍。于時貴公子皆競習弓馬,被服多爲軍 兒平生、未嘗回顧、當爲重器。」及長,沈深有行檢,不妄通賓客。在觀,歷著作郎、太子洗 歷北徐州刺史、戶部中大夫。 禮成雖善騎射,而從容儒服,不失素望。後以軍功拜車騎大將軍、儀同三司,賜爵脩陽 禮成字孝諧,年七歲,與姑之子蘭陵太守滎陽鄭顥隨魏武帝入關。 顥母每謂人曰:「此 時朝廷有所徵發,禮成度以蠻夷不可擾,擾必爲亂,上表固諫,武帝從之。

管、左衞大將軍。四日時突厥屢爲寇患,緣邊要害,多委重臣,由是拜寧州刺史。 軍,遷司武上大夫,委以心膂。 禮成妻竇氏早沒,知隋文帝有非常之表,遂聘帝妹爲繼室。 及受禪,拜陝州刺史,進封絳郡公,賞賜優洽。 及帝爲丞相,進位 累遷 以疾徴還 襄州總 上大將

禮成弟智源,有器量。仕齊,卒於高都郡守。

京,終于家。子世師,位度支侍郎。

中。入周,爲東京司門下大夫。隋開皇中,卒於沔州刺史。 智源弟信則,方雅廉愼。齊武平中,位南陽王大司馬屬。 信則形短,中書侍郎頓丘 李

夫,贈驃騎大將軍、光祿勳、齊州刺史、諡曰獻。 在靑州,同時遇害。 彧弟彬,字子儒。 贈左將軍、瀛州刺史。 其父延寔旣別封,彬襲祖爵淸泉縣侯。 子桃杖襲。 彬弟彰,位通直散騎侍郎,從父 位中書侍郎,卒於左光祿大

州刺史,追封樂涫縣公,後進封高陽郡公。子昂襲。 延寔弟休纂,小字鍾羌,頗有父風。 位終太子舍人、贈驃騎大將軍、尚書令、司徒公、確

昂,魏末爲廣平郡太守,齊天保中,卒於光祿卿。

列傳第八十八 序傳

昂子道隆,有才識,明剖斷。仕齊,位幷省尙書左丞。隋開皇中,爲尙書比部侍郎。[5] 於河陰遇害,贈侍中、車騎大將軍、司空公、定州刺

進封臨潁縣公。

休纂弟延孝,四三位尚書屯田郎中。

帖。 鎭,逆叛相續,營州城內,咸有異心。 興等先有異志,謂欲圖己,逐仲遵害之。 後明帝又詔盧同爲行臺、「醫」北出慰勞,同疑人情難信,聚兵將往。 韶從弟仲遵,有器業,彭城王勰爲定州,請爲定州開府參軍,累遷營州刺史。 仲遵單車赴州,及至,與大使盧同以恩信懷誘,率皆安 城人劉安定、就德 時四方州

韶從祖抗,自涼州渡江左,仕宋,歷晉壽、安陸、東萊三郡太守。

踐祚,進爵爲伯。累遷京兆內史,在郡八年,頗有政績。 中歸魏,位都水使者。及車駕南伐,以本官兼直閤將軍,從平南陽,以功賜爵樂平子。 抗子思穆,字叔仁。 有度量,善談論,工草隸,爲當時所談。 卒於營州刺史,贈安東將軍、華州 太和十七年,攜家累自漢 宣武

刺史。有子十四人。 嫡子斌襲,位散騎侍郎,早卒。

斌兄獎,字道休,爲莊帝所親,超贈思穆衞將軍、中書監、左光祿大夫,諡曰宣武。 獎以

戚 里恩澤,賜爵廣平侯。 齊天保初,兼侍中、冀瀛滄三州大使,觀察風俗,還,拜魏尹。卒,贈濟州刺史、中書令。 歷中書侍郎、兼散騎常侍、聘梁使主、黃門郎、司徒左長史,行瀛州

子嚷,位中書舍人、黃門郎。

兼著 意。 修 國 其此兒乎」「恒資給所須,愛同己子。弱冠舉秀才,不行。 作佐 史。 會彭城 韶族弟琰之,字景珍,小字墨蠡。少知名,號曰神童,從父沖雅所歎異。每曰:「興吾宗 郎 遷國子祭酒,轉祕書監,兼七兵尚書,遷太常卿 王勰辟爲行軍參軍,四三苦相敦引,沖又遣信喻之,久乃應召。尋爲中尉李彪啓 ,修撰國史。 稍遷國子博士,領尚書儀曹郎中,轉中書侍郎、司農少卿、黃門郎, 曾遊河內北山,便欲有隱 遁

介朱兆 以儒 兼 夫、儀同三司。 自行 太常 素自 孝莊 入洛 一出爲 州 業,而每語 初,太尉元天穆北討葛榮,以琰之無御史中尉,爲北道軍司。還,除征東將軍,仍 事 南陽 衞將 城內人斬脩延 永熙 軍、荆州刺史,兼尚書左僕射、三荆二郢大行臺,尋加散騎常侍。 太守趙脩延以琰之莊帝外戚,誣琰之規奔梁國,襲州城,遂被囚執。脩延 二年薨, 人,言吾家世 ,還推琰之釐州任。 朝廷悼惜之,贈侍中、驃騎大將軍、司徒公、雍州刺史,諡 將 種,猶有關西風氣。 孝武初,徵 及至州之後,大好射獵,以示威武。 織精 中、車 ·騎大將軍 一、左光 琰之雖 禄

列

傳

第

八

文簡。

劉精 能。豈爲聲名,疾勞世人也?「爲己此乃天性,非爲力强。」前後再居史事,無所編緝。 共宗之。又自誇文章,從姨兄常景笑而不許。每休閑之際,恒閉門讀書,不交人事。 人曰:「吾所以好讀書者,不求身後之名。但異見異聞,心之願也,是以孜孜搜討,欲罷不 而不博,我旣精且博,學兼二子。」謂崔光、劉芳也。論者許其博,未許其精。當時議咸 琰之少機警,善談論,經史百家,無不悉覽,朝廷疑事,多所訪質。每云:「崔博而不精, 安豐王 常謂

延明博聞多識,每有疑滯,常就琰之辨析,自以爲不及也。 二子綱、慧,並從孝武帝入關中。 綱位宜州刺史,儀同三司。

朔州總管。 子充節,少慷慨,有英略。 甚有威名,爲虜所憚。後有人譖其謀反,徵還京師。上怒之,充節素剛,憂憤卒。 隋開皇中,頻以行軍總管擊突厥有功,位上柱國、武陽郡公、

子大亮。

朱榮之立孝莊,曉兄弟四人,與百僚俱將迎焉。其夜,曉衣冠爲鼠噬,不成行而発。其上三 兄皆遇害。曉乃攜諸猶子,微服潛行,避難東郡。行至成阜,爲榮陽令天水閻信所疑,辟易 曉字仁略,太尉虔之子也。 少而簡素,博涉經史,早有時譽,釋褐員外散騎侍郎。「智」介

豈獨北海孫賓碩乎。」曉以能有長者之言,乃具告情實。 信乃厚相資給以免。 左右,謂曉曰:「觀君儀貌,豈是常倫?古人相知,未必在早,必有急難,須悉心以告。天下 軍、尚書左右主客郎,仍轉征虜將軍、中散大夫,又除前將軍、太中大夫。 永安初,授輕

車將

論以 退私門,外兄范陽盧叔彪勸令出仕,前後數四,確然不從。武定末,齊文寢嗣事,高選僚采, 居焉。 軍、四沿海州刺史。 召曉及 天保中,頻歷廣武、東二郡太守,所在有惠政,爲吏人所懷。 此 天平初,遷都于鄴,曉便寓居淸河,依從母兄崔㥄鄉宅。「思己懷給良田三十頃,曉遂築室 多之。 前開府長史房延祐,並爲外兵郎。 時豪右子弟,悉多驕恣,請託暴亂,州郡不能禁止。曉訓勗子弟,成以學行見稱,時 曉自河陰家禍之後,屬王途未夷,無復宦情,備在名級而已。及遷都之後,因 三子,伯山、仲舉、季遠。 後徙平西將軍、太尉府諮議參軍事,除頓丘太守。 卒於郡,年五十九,贈本官將

同 書左僕射元文遙以令長之徒,率多寒賤,奏請革選,妙盡高資。 史,不守章句業,至於吉凶禮 見徵用。 超字仲舉,以字行於世。 以仲舉爲 司 州脩武令。 制,親表咸取則焉。 性方雅善制,[40]白皙美鬚眉,高簡宏達,風調疏遠。 博涉經 仲舉莅以寬簡,吏人號曰寬明。于時昌衡爲平恩令,百 弱冠,仕齊爲襄城王大司馬參軍事 仲舉與范陽盧昌衡等八人, 時尚

列 傳 第

八 +

八

仲舉具宣朝旨,邊服淸謐,朝廷大嘉之。還,授晉州別駕。 姓號曰恩明。 故時稱盧、李恩寬之政。武平初,持節,使南定。 州人並是蠻左,接帶邊嶂。

助焉。 亡毁,戶口倉儲,無所憑據。事無大小,士彥一委仲舉,推尋勾當,絲髮無遺,於軍用甚有 者之師,征而不戰也。」士彥深以爲然,益相知重。初,城敗之後,公私蕩然,軍人簿帳,悉多 方申弔伐、當先德澤、遠示威懷,明至聖之情,弘招納之略,令所至之所,歸誠有地,所謂王 其議。」士彥曰:「百里、左車,不無前事,想亦得之。」見逼不已,仲舉乃曰:「今者官軍遠來, 及時事。仲舉曰:「世居山東、受恩高氏、今國維不張、遠勞師衆、不能死於臣道、豈敢干非 常道,何至今日,翻及此言一一子欽懼泄,夜投周軍。城尋破,周將梁士彥素聞仲舉名,引與言 道,於公何如。」仲舉正色曰:「僕射高氏恩德未深,「馬」」公於皇家沒齒非答。臣子之義,固有 還中止也?」子欽曰:「告急官軍,永無消息,勢之危急,旦夕不謀,意欲不坐受夷戮,歸命有 止者數四。 及周師圍晉州,外無救援,行臺左丞侯子欽內圖離貳,欲與仲舉謀,憚其嚴正, 仲舉揣知其情,乃謂之曰:「城危累卵,伏賴於公,今之所言,想無他事,欲言而 將言而

不許去。固辭,乃得還鄴。尋有詔,素望舊資,命州郡勒送,仲舉懼嚴命而至。補秋官賓部 鄴城平,仍將家隨例入關。仲舉以親故流離,情不願住,妻伯父京兆尹博陵崔宣猷留

上士,深乖情願,乃取急言歸。

十三,當世名賢,莫不傷惜之。二子,大師、行師。 近所知,久病在家,恐貽時論,具爲武職,差若自安。」仲舉曰:「吾性本疏惰,少無宦情,豈以 令。未幾,又以疾還。後以資例,授帥都督、洛陽令。彭城劉逸人謂仲舉曰:「君之才地,遠 追赴京,朝廷以仲舉婆娑州里,責黜左降爲隆州錄事參軍。 往 逸,視人世蔑如也。會朝廷舉士,著作郎王劭又舉以應詔。以前致推遷爲責,除冀州淸江 垂老之年,求一階半級。所言武職,挂徐君墓樹耳。」竟不起。終於洛陽永康里宅。時年六 ·經徵辟,每致推辭,何爲徒勞之任,忽爾降德。·] 仲舉笑曰:「屈伸之事,非子所知。」尋被敕 隋開皇中,秦王俊鎭洛州,召補州主簿。 友人蜀王府記室范陽盧士彥謂仲舉曰: 「丈人 尋以疾歸,以琴書自娛,優遊賞

調 下故 賀蘭寬召補主簿。 好學,無所不窺,善綴文。備知前代故事,若指諸掌;商較當世人物,皆得其精。弱冠,州將 補左翊 無虚 大師字君威,幼而爽悟,神情警發,標格嚴峻,人並敬憚之。身長七尺五寸,風儀甚偉。 衞 士。 一率,尋除冀州司戶參軍。 今者非以相勞,自望坐嘯有託耳。」每於私室接遇,恒盡忘年之歡。 俄而以資 寬當時位望,又與大師年事不侔,初見,言未及終,便改容加敬,曰:「名 煬帝初,改州爲郡,仍除信都司戶書佐。及大業暮年,

列傳

孝稜益相歎服,曰:「後於歲寒,此言於公得之。」十年,遷渤海郡主簿。 王塗弛紊,居官者率多侵漁,皆致潤屋,大師獨守清戒,無所營求,家產益致窘迫。 郡丞鞠

求和 好。 及竇 使畢,還至絳州,而建德違約,又助世充抗王師於武牢。 建德據有山東,被召爲尚書禮部侍郎。武德三年,被遣使京師,因送同安公主,遂 高祖大怒,命所在拘留其

使。世充、建德尋平,遂以譴徙配西會州。

史,皆如史生之占。 師至是遷 **舛**,明年而<u>齊資不</u>敍。 趙元叔,恐賦命亦將同之。」言子同亦無遠到。時大師弟行師亦預賓貢,因問史生吉凶。 用,至三然裹君終致台輔。鄭非直今歲虛歸,後歲亦當本資不敍。」指大師曰:「君才雖不減 同 曰:「此郎雖非裝君之匹,亦至方伯。」旣而大師及子同、裴寂並以資補州佐。 以 大師 宿衞簡入文資。 播 少時,嘗筮仕長安,遇日者姓史,因使占。時有從兄子同、妹夫鄭師萬、河東裴寂 ,因獨笑曰:「史生之言,於茲驗矣。」行師貞觀中歷太常寺丞、都水使者、邛州刺 各使視卽日官位,及將來所至。史生曰:「裴二及齊,皆當依資敍 師萬任益州新都縣尉。及武德初,裴寂任尚書左僕射、魏國公。大 師萬當年差 生

之,召至河西,深相禮重,日與遊處。 大師旣至會州,忽忽不樂,乃爲羇思賦以見其事。侍中、觀公楊恭仁時鎭凉州,見賦異 舍,時年五十九。 其義。」於是俶裝東歸。 思 四代有書,自餘竟無所得。居二年,恭仁入爲吏部尚書,大師復還會州。」武德九年,會赦, 將擬吳越春秋,編年以備南北。 歸至京 虜」,北書指南 自効,方事屛退,恐失行藏之道。」大師曰:「昔唐堯在上,下有箕山之節,雖以不才,請慕 師 少有著述之志,常以宋、齊、梁、陳、魏、齊、周、隋南北分隔,曰言南書謂北爲「索 尚書右僕射封德彝、中書令房玄齡並與大師親通,勸留不去,曰:「時屬惟新,人 爲「島夷」。 既所撰未畢,以爲沒齒之恨焉。 家本多書,因編緝前所修書。 又各以其本國周悉, 書別國並不能備, 亦往往失實。 至是無事,而恭仁家富於書籍,得恣意披覽。 床、齊、梁、魏 所製文筆詩賦,播遷及遭火,多致失落, 貞觀二年五月,終於鄭州滎陽縣野 常欲改正,

年,尚書右僕射褚遂良時以諫議大夫奉敕修隋書十志,復準敕召延壽撰錄,因此遍得披尋 庶子、彭陽公令狐德葉又啓延壽修晉書,因茲復得勘究宋、齊、魏三代之事所未得者。 服闋,從官蜀中,以所得者編次之。 志,其齊、梁、陳五代舊事所未見,〔晉〕因於編緝之暇,晝夜抄錄之。至五年,以內憂去職 延壽與敬播俱在中書侍郎顏師古、 然尙多所闕,未得及終。十五年,任東宮典膳丞 給事中孔穎達下删削。 旣家有舊本, 思欲追終先 日,右 十七七

存者十卷。子慶孫、正禮、利王、延壽、安世。

列

末蒙讀了,乖失者亦爲改正,許令聞奏。 代,爲北史、南史二書,合一百八十卷。其南史先寫訖,以呈監國史、國子祭酒令狐德棻,始 齊、梁、陳正 時五代史旣未出,延壽不敢使人抄錄,家素貧罄,又不辦雇人書寫。 正史所無者一千餘卷,皆以編入。其煩冗者,卽削去之。始末修撰,凡十六載。 史,並手自寫,本紀依司馬遷體,以次連綴之。又從此八代正史外,更勘雜史於 次以北史諮知,亦爲詳正。 至於魏、齊、周、隋、宋、 因遍諮宰相,乃上表 始宋,凡八

子長 之風尤著,點誓斯陳,殷、周之烈彌顯。 無乏於時,微婉所傳,唯稱班、范。次有陳壽國志,亦曰名家。並已見重前修,無俟 譏於趙孟。 創制,五三畢紀,條流 臣延壽言:臣聞史官之立,其來已舊,執簡記言,必資良直。是以典謨載述,唐、虞 斯蓋哲王經國,通賢垂範,懲誡之方,率由茲義。 且異,綱目咸張。 魯書有作,鹿門貽鑒於臧孫,晉乘無隱,桃園 。自斯 以後、「霊」皆所取則。 逮秦書旣煬,周籍俱湮, 雖左史筆削,

覽,深嗟蕪穢,大存刊勒,旣懸諸日星,方傳不朽。 家數雖多,泛而商略,未聞盡善。太宗文皇帝神資睿聖,天縱英靈,爰動冲襟,用紆玄 洎紫氣南浮,黃旗東徙,時更五代,年且三百。 然北朝自魏以還,南朝從宋以降,運 元熙以前,則總歸諸晉,著述之士,

明安 行 而 送變,時俗汚隆,代有載筆,人多好事,考之篇目,史牒不少,互陳聞見,同異甚多。 小 說 取。 短書,易爲湮落,脫或殘滅,求勘無所。 二則至人高跡,達士弘規,因此無聞,可爲傷歎。 則王道得喪,朝市貿遷,日 三則敗俗巨蠹,滔天桀惡, 失其真,晦

書法

不

記,孰爲勸獎

順明 南史 四十 + 鳩聚遺逸,以廣 抄錄,一十六年,凡所獵略,千有餘卷。 元 而 陳 志未 年,盡隋義寧二年,凡三代二百四十四年,至長立兼自東魏天平元年,盡齊隆化二年,又 不改,不敢苟 百八十卷,以 刊 聞,伏深戰越。 四年行事,總編爲本紀十二卷、列傳八十八卷,謂之北史,又起宋永初元 三年,四代一 臣 勒已定,北史勘 奏,本猶未出。 輕生多幸,運奉千齡,從貞觀以來,屢叨史局,不揆愚固,私爲修撰。 擬 以下愚,自申管見。 、異聞,編次別代,共爲部秩。 百七十年,爲本紀十卷、列傳七十卷,謂之南史。凡八代,合爲二書, 司 謹言。 馬遷史記。 校粗 然其書及志,始末是臣所修。 ĺ 就此八代,而梁、陳、齊、周、隋五書,是貞觀中敕撰,以 旣撰自私門,不敢寢默,又未經聞奏,亦不敢流傳。 雖則疏野,遠慚先哲,於披求所得, 連綴改定,止資 除其 冗長,捃其菁華。 臣旣夙懷慕尚,又備得尋聞,私爲 一手,故淹時序,迄今方就。 岩文之所安, 竊謂 詳 起魏登國 年,盡陳 盡 則 唯 其 因

校勘記

[1] 其後理徵字德靈爲翼隸中吳伯 諸本「爲」上有「隸」字。 按通志卷二八氏族略李氏條、新唐

書卷七○宗室世系表序並無「隸」字,此涉下文而衍,今删。

[1] 或在趙或在秦 按據下文,此上疑脫「或在魏」三字。

伯祐生二子平燕內德子信爲秦將 新唐書宗室世系表言信是內德之子,此應疊「內德」二字。

깯 椒敢歷侍中郎中令關內侯 按漢書卷五四李廣傳、言椒爲代郡太守,先廣死。 此「椒」下當有

脫文,今斷句。

五 柔生弇 諸本「柔」作「雍」。新唐書表作「柔」。 按晉書卷八七涼武昭王傳云:「高祖確,會祖柔,

祖弇。」此「雍」字涉上行而誤,今據改。

二次 二業 管稱 涼王 諸本 脫「業」字,據晉書補。

〔4〕廟號高祖 晉書作「廟號太祖」。

晉敦煌太守 李慈銘云:「『晉』下脫『昌』字。」按李說是,下文可証。

與舅唐契北奔伊吾 事見魏書卷四三唐和傅」契卽唐和之兄,「趙」字衍文。 諸本「舅」下有「趙」字、魏書卷三九李寶傳、通鑑卷一一九三七四一頁無。 **今删**。 按

- 仍鎭敦煌 諸本「仍」作「乃」、魏書李寶傳作「仍」。按李寶本據敦煌、作「仍」是、今據改。
- 代司 馬文思鎭懷荒 諸本脱「思」字, 據魏書李寶傳補。 司馬文思見魏書卷三七司馬休之傳。

傳言文思爲懷朔鎭將。「荒」、「朔」未知孰是。

- 寶仍令承隨表 入賀 魏書「賀」作「質」,是。 李寶欲降魏,故先送質子。
- **賶使持節大將** 軍 魏書「大」作「本」。 按本將軍指龍驤將軍。 李承官僅太守,不得便贈大將軍,

作「本」是。

- 時屬 肆州大中正 秦州 `疑作「秦 」是。 魏書「肆」作「秦」。 按下文韶弟彦亦曾爲秦州大中正,李氏郡望爲隴西狄道
- 二吾 以 從弟伯 尚同 咸陽王禧之逆 諸本「尚」訛作「商」、據魏書改。 李伯尚見下文。
- (1六) 敕參定朝儀律令 諸本「儀」訛作「議」、據魏書改。
- 二七 行 似 致訛,今改正。 人號其宅爲李東徐村 叉北、汲、 諸本 殿三本「行」作「時 「李」作「孝」。 按 李璵曾為東徐州刺史, 是以得名。 「孝」乃形
- (1<) 卽日自名勞之 張森楷云:「『勞』疑當作『榮』。」</p>
- [1九] 瑾弟瓚字道璋 諸本「瑾」訛作「瑛」、據魏書改。
- 尋 行 主 客 曹 事 徙 郊 廟 下大夫 諸本「 事徙」作「從事」。 魏書作「事徙」。 按隋書卷一 二七百官志

列傳第八十八 校勘記

中 ·,尚書省主客曹無從事。 此「事徙」誤倒、又「徙」訛爲「從」。 今據乙改。

- 時朝儀典章咸未周 備 諸本「章」訛作「掌」、據魏書改。
- 司徒右長史轉左長 史 諸本脫「轉」字、據魏書 補
- 徐州刺 尋徵拜平北將軍平州刺史 史遷平州刺史、是外官轉徙、不得云「徵拜」。 魏書「尋徴拜」作「轉」一字。 此當是涉上文「尋徵拜河南尹」 按當時「徵拜」指入爲內官,彥自行

而

- 變弟爽字德明弟充字德廣 魏書無「弟爽字德明」五字。 按下文言德廣弟德顯, 德顯弟德明,
- 與魏書 同。 則德廣 乃德明之兄,且不應重出。 此「弟爽字德明」五字當行。
- CE E 轉西汾州刺史將軍如故入爲光祿大夫歷西兗州 字。 張森楷云:「魏書地形志無『西汾州』,疑『汾』是『兗』之誤,『歷西兗州刺史』行。」 刺史 魏書「汾」作「兗」,無「歷西兗州刺史」六
- 二台 以外親超授撫 軍將軍 諸本脫「授」字,據魏書補。
- 二七 学弟季安 字脫,今據補。 誻 本無「季」字。 魏書謂字弟敬安,敬安弟季安。 據魏書下文所敍是季安事了一季」
- 諡 日襄武 侯 魏書作「贈襄武侯」諡曰惠」。 此誤以封爵爲諡 號。
- 二元 後拜安遠將軍 從三品下階。 佐先已加安南將軍,疑不得遷拜安遠。 魏書「遠」作「南」。按魏書官氏志太和前令,安南將軍正二品下階,安遠將軍 通鑑卷一三九四三七三頁叙攻赭陽時,李佐

官銜亦是安南將軍、疑此作「遠」誤。

別 將 王羆裴行 等赴援 諸 本「羆」作「熊」。 魏書作「羆」。 按事見周書卷一八王羆傳, 今據改。

仍停汲郡 諸本 ·「汲」 作「沔」, 魏書作「汲 **ـ**، 按當時無「沔郡」, 汲郡在洛陽至相州途中。 作

汲」是,今據改。

孝靜 初 除驃騎大將軍華州刺史 魏書「華」作「肆」。 按東魏孝靜時, 華州在西魏境內, 疑作

肆」是。

唯立宗主主督護 魏書卷五三李沖傳不疊「主」字,此誤行。

五十三十家方爲 戶 諸本「三」下脫「十」字、據魏書補

CIED 詞議雖有乖異 魏書「詞」作「羣」,是。

金 及置百 魏書「及」下有「改」字,是。 此指太和十七年重定職員令事,見魏書卷七下高祖紀。

□「非常之人乃能」非常之事 諸本脱「非常之人乃能」六字,據魏書補。

(三八) 都中土以制帝京 魏書「都中土」作「度土中」,是。

〇元 改封淸泉縣侯 魏書「泉」作「淵」、北史避唐諱改。

且 理 文簿 兼 營 匠 制 **{魏** 且」作「旦」,是。 又諸本「匠」訛作「近」、據魏書改

累遷 襄 州 總管左 衞 大 將 軍 諸本脫「衞」字,據隋書卷五〇李禮成傳 補。 左大將軍」無此官名。

傳第八十八 校勘記

列

爲尙書比部侍郎 諸本「比」作「北」。 按隋書百官志下、隋尚書省有比部、無北部、「北」乃「比」

之訛,今改正。

休纂弟延孝 按本書卷五〇山偉傳見李延考。 據墓誌集釋元勰妃李媛華即李沖女墓誌圖版一八六

言妃有弟名延考,與山偉傳合。此作「孝」,誤。

後明帝又詔盧同爲行臺 諸本「又」下衍「遣」字、據魏書卷三九李寶傳删

會彭城王勰辟爲行軍參軍 魏書卷八二李琰之傳「行軍」作「行臺」。 按「行臺參軍」、「行軍參

軍」都無此官名,疑「軍」、「臺」都是衍文。

CB穴〕 豈爲聲名疾勞世人也 魏書「世人」作「七尺」,是。

釋褐員外散騎侍郎 郞」。按「員外侍郞」卽「員外散騎侍郞」之省略、此「員外」下「郞」字衍文。 諸本「員外」下有「郎」字、北齊書卷二九李璵傳附見李曉、作「釋褐員外侍 今據删。

依從母兄崔㥄鄉宅 諸本「悛」作「陵」,北齊書作「悛」。按本書卷二四催悛傳,懷淸河人,與此

傳「曉便寓居淸河」語合,「悛」「脧」都是「悛」之訛,今據改。

[82] 贈本官將軍 按「官」字當是衍文。

CEO] 性方雅善制 按疑有訛脱。

金ご 僕射高氏恩德未深 張森楷云:「『射』當作『於』。」按侯子欽官乃左丞,並非僕射。 張說疑是。

呈言 常以宋齊梁陳魏齊周隋南北分隔 諸本無「魏」字,按下云「北書指南爲島夷」,北書即指魏書。

此乃脫文,今補正。

温 其齊梁陳五代舊事所未見 按「陳」下當脫「周隋」二字。

呈 自斯以後 諸本「斯」下有「新」字。張森楷云:「『新』字不當有。」按此是涉「斯」字形似而行,

今删去。

是 起魏登國元年盡隋義寧二年凡三代二百四十四年 按北魏登國元年即公元三八六年, 隋義寧

二年卽公元六一八年,前後共二百三十三年。此作二百四十四年,誤。

